





First edition

MLE/-


Short tears BL¹⁻³ neatly
repaired and CC¹ reinforced with silk, no loss tent
8 CC⁴


Coll JMB

See Honeyman sale

\$ 1750⁰⁰

1250







DE METALLICIS
LIBRI TRES.

ANDREAE CAESALPINI
AUCTORIS.

AD SANCTISSIMUM
DOMINUM nostrum

CLEMENTEM VIII.
PONT. MAX.



R. O. M. A. E.
Ex Typographia Aldeyanae. M. D. LXXV.
SUPERIORVM PERMISSV.

SANCTISSIMO
DOMINO NOSTRO
CLEMENTI VIII.
PONT. MAX.

ANDREAS CAESALPINVS.



Ateria Metallica Beatissime Pater Philosophiae studiosis valdè experienta, nec non Medicis apprime necessaria quauis nuper diligentissimè atque eleganter fuerit tradita: Duo tamen impulerunt me, vt opus idem aggrederer. Primum quod multa in ea traditione reperiantur principijs Philosophiae minus congrua, & Peripateticam doctrinam euertentia. Alterum quod Auctor vt pote a Sancta Romana Ecclesia explosus haberi nequaquam concedatur. Cum igitur Plantarum historiam edidissem, visum fuit opere præcium, eadem Methodo corporum Metallicorum explicationem adiungere. Sed ecce, quamprimum Romam petij tua singulari beneuolentia aduocatus, vt Medicinam publicè profiterer, comperi eandem prouinciam a Reuerendissimo ac perillustri Michaelē Mercato viro doctissimo susceptam eamq. cum is mihi communicasset tanquam præceptori suo, quo usus est dum Pisis simplicia profiterer

a 2 incre-

incredibili letitia affectus sum, quod discipulum præclarissimum, ex schola mea tanquam ex proprio ventre prodeuntem adeo profecisse viderem, ut toto orbe admirabilis redderetur. Inter ceteras enim lucubrationes Metallothecam Vaticanam miro ordine construxit, loculis proprijs singula corpora distribuens, ut ingens eorum turba absque ulla turbatione intuentibus præstò esset. Eorundem imagines æneis Typis imprimendas curavit, adiuncta enarratione facundissima ex omnibus autè oribus tam priscis, quam posterioribus collecta, ut desiderari quid amplius nequiret. Ob hæc superfluus videbatur labor hic noster. Sed prædolor: vix confecit primum volumen, in quo de Terris agit, Salibus, Aluminibus, ceterisq. congeniis, Sulphure, Bitumine, & lapidibus quibusdam: quando immatura morte præventus eaque inevitabili ob calculos in utroq. rene ingentes ac numerosos, & quamplurimos alios in vesica fellis repertos (quasi dum Terræ cuniculos rimaretur, in se ipso non absimilia procrearet) imperfectum opus relinquere coactus est. Deest enim de Marmoribus tractatio, & de Gemmis, & Metallis: quorum syluam esse quidem apud se in fragmentis quibusdam assererat, sed minus elaboratam. Hinc duxi opusculum hoc non inutile futurum esse, cum uniuersam materiam Metallicam veluti compendium includat, ijs præcipuè necessarium, quos multa lectione defatigare non decet. Idque sub tuo Santo patrocinio promulgandum curavi, ut omnes intelligant: quem tua munificentia exornasti, eundem sub tua protectione ab inuidorum calumnijs defendi. Oro autem ut
hunc


*hunc ingenij mei sætum quanquam exiguum munuscu-
lum hilari fronte excipias. Quod ex animi tui magnitu-
dine impetraturum spero: Non enim minus erga Studio-
sos Clemens cõstenderis, quam in coercendis hominum fla-
gitijs terribilis. Faxit autem Deus Optimus Maxi-
mus, ut te Principe Optimo dominante vniuersa Respu-
blica Christiana quemadmodum intrinsecus pacata red-
ditur, sic ab externis incurfibus liberetur: Tibique vitam
longeuam, ac felissimam tribuat:*

Perlegi



Perlegi hoc opus de Metallicis meæ discussioni a
Reuerendissimo Patre Magistro Sacri Palatii
commissum, & præter hoc quòd nihil aduersum
nostræ fidei, aut bonis moribus continet, visum
est mihi suo Auctore dignum, qui diligentissi-
mus semper fuit Peripatetici dogmatis sectator, habet enim
loca Aristotelis difficilia mira perspicuitate donata, conti-
netq. etiam multam & variam Auctorum lectionem. dignus
est ergo liber qui imprimatur, vt prodesse possit bonarum
arctium studiosis. Datis in conuentu S. Mariæ super Mi-
neruam. 2. Sept. 1596.

Frater Vincentius Guerra Magister.



I N D E X.

A

A Bainum.	84	<i>Amandini.</i>	114
<i>Acabates.</i>	123	<i>Ambarum.</i>	72
<i>Acies.</i>	182	<i>Ambra.</i>	71
<i>Acone.</i>	93	<i>Ambra flaua.</i>	110
<i>Acidula aquæ ex Bitumine.</i>	16	<i>Ambra nigra.</i>	121
<i>Adamas.</i>	100	<i>Ametystus.</i>	117
<i>Adarces.</i>	131	<i>Ametistyzontes.</i>	113
<i>Adarcha.</i>	131	<i>Ampeliris.</i>	34
<i>Adarcion.</i>	131	<i>Amiantus.</i>	141
<i>Aeris concludi in specu vis.</i>	11	<i>Ammion.</i>	159
<i>Aeris Scorria.</i>	203	<i>Amphitanes.</i>	149
<i>Aerugo.</i>	197	<i>Androdamas.</i>	101.149.154
<i>Aes.</i>	179	<i>Antachates.</i>	72.113.123
<i>Actites.</i>	139	<i>Antherotes.</i>	117
<i>Agata.</i>	123	<i>Antali.</i>	129
<i>Ageratus.</i>	145	<i>Antracitis.</i>	115.156
<i>Alabandici.</i>	114	<i>Anibrax.</i>	160
<i>Alamandini.</i>	114	<i>Antimonium.</i>	187
<i>Alabastrum.</i>	86.90	<i>Antipathes.</i>	126
<i>Alabastrites.</i>	90.91	<i>Antispodium.</i>	220
<i>Alabandum marmor.</i>	91	<i>Antizois.</i>	113
<i>Alectria.</i>	128	<i>Aorna loca.</i>	11
<i>Alex.</i>	45	<i>Aphroselinon.</i>	102
<i>Alexiteria facultates rationem habent.</i>	38	<i>Aphronitrum.</i>	47
<i>Alumen.</i>	52	<i>Apyroti.</i>	113
<i>Alumen plume.</i>	142	<i>Aqua a quibus inficiantur.</i>	113
<i>Amara aqua ex fuligine non vsta.</i>	18	<i>Aquarum mistarum vires.</i>	22
		<i>Aquarum mistiones vndecognoscantur.</i>	13
		<i>Aqua</i>	

I N D E X.

<i>Aqua fontina quæ probentur.</i>	15	<i>Augustum marmor.</i>	92
<i>Aqua pluuiæ leuissimæ & dulcissi-</i>		<i>Auripigmentum.</i>	65
<i>ma.</i>	13	<i>Aurichalcum.</i>	179
<i>Aqua Teſtucci ad diſſenteriam præ-</i>		<i>Aurum.</i>	175
<i>ſtantiſſimum remedium.</i>	23	<i>Azurrum ultramarinum.</i>	163
<i>Aqua marina Gemma.</i>	99		
<i>Aquilina.</i>	139	B	
<i>Arabica gemmâ.</i>	127	<i>Balaſci.</i>	114
<i>Arabicus lapis.</i>	141	<i>Balnea vnde oriantur.</i>	18
<i>Argenti Scoria.</i>	208	<i>Balneum de Aquis in Piſano euapo-</i>	
<i>Argenti Spuma.</i>	209	<i>rationem ex Cadmia recipit.</i>	22
<i>Argentum.</i>	178	<i>Balneum Piſanū prope Agnanum</i>	
<i>Argentum viuum.</i>	191	<i>valde aluminosum.</i>	20
<i>Argentum viuū eſt terræ ſpecies.</i>	8	<i>Balneum de luto.</i>	39
<i>Argilla.</i>	26	<i>Baptæ.</i>	72.113
<i>Argyrodamas.</i>	101.157	<i>Baſakes.</i>	92
<i>Argyrolithos.</i>	157	<i>Baſanites.</i>	91
<i>Armenium.</i>	163	<i>Beli oculus.</i>	102
<i>Armenius lapis.</i>	163	<i>Bell'occhio.</i>	102
<i>Armenia terra.</i>	37	<i>Belemnites.</i>	133
<i>Ariſtoteles defenditur a calumnia</i>		<i>Beryllus.</i>	99.108
<i>circa lapidum generationem.</i>		<i>Bezaar.</i>	135
<i>75-79</i>		<i>Bitumen.</i>	66
<i>Ariſtotelis loca explicata:</i>		<i>Biſemutum.</i>	186
<i>Ignis opus minus manifeſtū quam</i>		<i>Bolus Armenus.</i>	37
<i>carnis.</i>	3	<i>Bolus.</i>	35
<i>Circa Metallorum generationem.</i>		<i>Bolus candidus Iluæ.</i>	32
<i>168</i>		<i>Borax.</i>	50
<i>Arcmatites.</i>	72.113	<i>Borea.</i>	124
<i>Arsenicum.</i>	65	<i>Broccatellum.</i>	95
<i>Asbeſtium.</i>	142	<i>Bronzo.</i>	180
<i>Asphaltos.</i>	66	<i>Buga lapis.</i>	92
<i>Aſter Samius.</i>	31		
<i>Aſteria.</i>	101	C	
<i>Aſtrios.</i>	101	<i>Cadmia.</i>	181.216
<i>Aſtroites.</i>	102	<i>Cadmia foſſilis.</i>	150.218
<i>Aſtrobolus.</i>	102	<i>Cadmia lapidoſa.</i>	150
<i>Aſſius.</i>	144	<i>Calamita.</i>	152
<i>Aſſyria.</i>	124	<i>Calamita alba.</i>	32
<i>Auramentum ſutcrium.</i>	55		
<i>Auernus lacus.</i>	11		

Cal-

I N D E X.

<i>Calamina.</i>	218	<i>Cimolia.</i>	28.33
<i>Calaminaris lapis.</i>	218	<i>Cinabrium.</i>	64.160
<i>Calamites.</i>	130	<i>Cinabrium nativum.</i>	193
<i>Calamochnus.</i>	131	<i>Cinadia.</i>	127
<i>Calcarium saxum.</i>	85	<i>Cinnabari.</i>	160
<i>Calcedonium.</i>	121	<i>Cisseris.</i>	142
<i>Calx.</i>	85	<i>Climia.</i>	219
<i>Callais.</i>	108	<i>Coagulationis cause.</i>	74
<i>Callimus.</i>	139	<i>Conchilia in lapidū Casura cur com-</i>	
<i>Calybs.</i>	182	<i>perta.</i>	5
<i>Cameus.</i>	122	<i>Coraliticum marmor.</i>	89
<i>Camфора.</i>	71	<i>Corallachates.</i>	123
<i>Capitellum.</i>	50	<i>Corallium.</i>	126
<i>Capniæ.</i>	110.124	<i>Corneolus.</i>	116
<i>Capnitis.</i>	124	<i>Cotes.</i>	87
<i>Cappadox lapis.</i>	130	<i>Cretarum genera.</i>	28
<i>Carabe.</i>	110	<i>Crystallus.</i>	96
<i>Carbones fossiles.</i>	35.146	<i>Crocum ferri.</i>	198
<i>Carbunculi.</i>	113	<i>Cuperosa.</i>	54.57.61.62
<i>Carneolus.</i>	116	<i>Cuprum.</i>	179
<i>Cassiteron.</i>	183.188	<i>Cyanus.</i>	119.125.165
<i>Cera fossilis.</i>	69	<i>Cysteolithos.</i>	130
<i>Ceraunia.</i>	102.132		
<i>Ceruleum.</i>	164		
<i>Cerussa.</i>	199		
<i>Chalcanthum.</i>	55		
<i>Chalcitis.</i>	58.181		
<i>Chalcos maragdos.</i>	106		
<i>Charoneæ foueæ.</i>	11		
<i>Charchedonij inter Smaragdos.</i>	106		
<i>Charchedonij inter carbunculos.</i>	114		
<i>Chia.</i>	32		
<i>Chimistarum labor inanis.</i>	173		
<i>Chryselectri.</i>	110		
<i>Chrysolithus.</i>	110		
<i>Chrysoberyllus.</i>	109		
<i>Chrysopatium.</i>	108.110		
<i>Chrysoprasus.</i>	108		
<i>Chrysoprasus.</i>	109		
<i>Chrysites.</i>	91		
<i>Chrysocolla.</i>	161		

D

<i>Demium.</i>	116
<i>Dentales.</i>	129
<i>Dentali.</i>	129
<i>Dipryges.</i>	205
<i>Draconites.</i>	127
<i>Dracontias.</i>	127

E

<i>Ebenus fossilis.</i>	127
<i>Ebur fossile.</i>	127
<i>Electrum.</i>	110.176
<i>Enhydros.</i>	139
<i>Eretria.</i>	31
<i>Exhalatio subterranea aquam & æ-</i>	
<i>rem inficit.</i>	10

b Exhala-

I N D E X.

Exhalatio materia est tum fossilium
tum metallicorum. 7
Exhalationes innoxia ex Bitumine
magis. 11
Exhalatio combustibilis & incombustibilis quæ corpora pariat. 62

F

Ferrum. 182
Ferrum Aeri simile redditur ex
Chalcantbo. 17
Ferretum. 181
Ferri præparatio ut robustissimum
fiat. 182
Ferri Scoria. 205.207
Ferrugo. 198
Figura cur sexangula in Crystallis.
97
Figura certa lapidum unde fiant.
132
Flos aris. 201
Flos petrae. 142
Flos salis. 44
Fossilia quæ. 7
Fossilium generæ. 24
Fritta. 214

G

Gagates. 146
Galaftites. 157
Galaicos. 157
Galaxia. 158
Galena. 211
Garum. 45
Gemmarum distinctio. 96
Gemmae solidissimæ mollescent, &
dissoluntur sæpius extinctæ. 13
Gecdes. 140
Gessum. 28

Giallolinum. 161.189
Giallamina. 218
Ghetta. 209
Glarea. 88
Glossopetra. 132
Granati. 114
Granitum. 89.92
Grammatias. 124
Graphis. 158
Gypsum. 89

H

Halmiraga. 46
Halosachne. 43.131
Hammochrysos. 157
Hammonitrum. 214
Harena. 87
Hematites. 153
Helcisma. 208
Heliotropium. 125
Helitis. 202
Hercuteus lapis. 151
Hieracites. 124
Huiz. 105
Humiditas metallica nulli alij simili.
174
Hyacinthus. 110.118
Hydrargyron. 193

I

Iaspis. 123
Iasponyx. 124
Ignes perpetui in subterraneis unde
fiant. 19
Ignes quidam cur accendantur aqua,
& extinguatur oleo. 67
Ignis in Villa magna casu accensus
& extingui nunquam potuit. 20
Ignis opus cur minus manifestum
quam

I N D E X.

6 2 Metal-

I N D E X.

<i>Metallica humiditas cur non made-</i>		<i>Obsidiana vitra.</i>	213
<i>faciat.</i>	169	<i>Oebra.</i>	160
<i>Metallorum diuifio.</i>	171	<i>Oculus felis.</i>	102
<i>Metallorum tranfmutatio inter fe</i>		<i>Onychinus.</i>	123
<i>ptum fu poffibilis.</i>	172	<i>Onychipuntia.</i>	124
<i>Metalla cur pondere vincant omnia</i>		<i>Onychiis.</i>	216
<i>corpora.</i>	174	<i>Onyculus.</i>	122
<i>Mineralia vnde dicta.</i>	7	<i>Onyx gemma.</i>	120
<i>Miltos.</i>	35	<i>Onyx marmor.</i>	98
<i>Minium.</i>	159.200	<i>Opalus.</i>	120
<i>Mify.</i>	60	<i>Ophites.</i>	92.215
<i>Molaris lapis.</i>	83	<i>Oroferillo.</i>	180
<i>Molochites.</i>	125	<i>Orpimentum.</i>	65
<i>Molybdos.</i>	183	<i>Orycta qua.</i>	24
<i>Molibdæna.</i>	211	<i>Oſſa lapidea.</i>	141
<i>Molybdoides.</i>	186.187	<i>Oſtracias.</i>	140
<i>Morion.</i>	121	<i>Oſtractes.</i>	140
<i>Morochibus.</i>	125.158	<i>Ottone.</i>	179
<i>Moroxus.</i>	158	P	
<i>Mumia.</i>	70	<i>Pangonius.</i>	98
<i>Muria.</i>	45	<i>Paratonium.</i>	43
<i>Murrhina vafa.</i>	213	<i>Paragone.</i>	91
<i>Mufaica opera.</i>	143	<i>Parium marmor.</i>	89
<i>Myrrhites.</i>	72.113	<i>Pæderos.</i>	120.117
<i>Myrſinites.</i>	71.113	<i>Penna marina.</i>	131
N		<i>Peridonium.</i>	151
<i>Naphtha.</i>	68	<i>Perle.</i>	103
<i>Naxia cotis.</i>	87	<i>Peſilentia ex ſubterranea euapora-</i>	
<i>Nil.</i>	222	<i>tionẽ.</i>	11
<i>Nilius.</i>	109	<i>Peffis cur poſt magnas ſiccitates ſe-</i>	
<i>Niccolus.</i>	122	<i>quitur.</i>	12
<i>Nitrum.</i>	46	<i>Petroleum.</i>	68
<i>Numidicum marmor.</i>	91	<i>Pignius.</i>	33
<i>Rummi lapidei, inter Cadmias fos-</i>		<i>Piſſaſphaltum.</i>	68.70
<i>ſiles.</i>	150	<i>Pix foſſilis.</i>	69
<i>Nuſæ lapis.</i>	128	<i>Phengites.</i>	95
O		<i>Phrygius.</i>	145
<i>Obſidianus lapis.</i>	91.121	<i>Phycites.</i>	130
		<i>Plumbago.</i>	211
		<i>Plumbum.</i>	183
		<i>Plum-</i>	

I N D E X

<i>Plumbū cur augetur imbris.</i>	184	<i>Sal Alkali.</i>	32
<i>Plumbarius lapis.</i>	186	<i>Sal Armeniacus.</i>	31
<i>Plumbi Scoria.</i>	209	<i>Sal gemma.</i>	40
<i>Plutoniæ fouea.</i>	11	<i>Salis genera.</i>	40
<i>Pnigili.</i>	33	<i>Salium generatio.</i>	39
<i>Polygrammos.</i>	124	<i>Sal nitrum.</i>	47
<i>Pompholyx.</i>	219	<i>Sal petra.</i>	48.51
<i>Poros.</i>	82	<i>Sal vitri.</i>	52
<i>Porfidum.</i>	94	<i>Samia.</i>	31
<i>Porphyrites.</i>	94	<i>Samius lapis.</i>	31.140
<i>Præcipitatum.</i>	194	<i>Samothracia.</i>	121
<i>Pramnion.</i>	121	<i>Sandaracha.</i>	66
<i>Prasius.</i>	107.125	<i>Sandaistros.</i>	115
<i>Prasma.</i>	107	<i>Sandyx.</i>	200
<i>Pseuma.</i>	202	<i>Sangenon.</i>	120
<i>Pseudomagnes.</i>	152	<i>Santerna.</i>	162.197
<i>Pseudosmaragdus.</i>	106	<i>Sapo.</i>	49
<i>Psimithion.</i>	199	<i>Sapphirus.</i>	119.125
<i>Pterigophoron.</i>	110	<i>Sarcophagus.</i>	144
<i>Pumex.</i>	142	<i>Sarda.</i>	116
<i>Pyrimachus.</i>	81.83	<i>Sardius.</i>	116
<i>Pyrites.</i>	147	<i>Sardonius.</i>	121
<i>Pyropus.</i>	113	<i>Sardonys.</i>	122
		<i>Saxorum genera.</i>	81
		<i>Scambia colore.</i>	120
<i>Quadratum.</i>	84	<i>Schistus.</i>	154.155
<i>Quadrum.</i>	84	<i>Scolecia.</i>	197
		<i>Scoria.</i>	205
		<i>Scyricum.</i>	161
		<i>Selenites.</i>	102
<i>Risigallum.</i>	65	<i>Selinusia.</i>	32
<i>Rosa marina.</i>	130	<i>Serpentinum.</i>	93
<i>Rubini.</i>	114	<i>Sideritis.</i>	151
<i>Rubrica.</i>	35	<i>Sil.</i>	161
		<i>Silex.</i>	82
		<i>Sinopis.</i>	35
		<i>Smaragdus.</i>	105
<i>Sabulum.</i>	88	<i>Smaragdites.</i>	106
<i>Sagda.</i>	116	<i>Smaragdeus.</i>	107
<i>Salamandra lapis.</i>	142	<i>Smeriglo.</i>	155
<i>Saldatura.</i>	189	<i>Smyrus.</i>	155

Soda.

I N D E X.


Soda.	32	Synephtis.	158
Sary.	61	Synodontides.	127
Specularis lapis.	86	Syricum.	200
Spinella.	114	Syringites.	130
Spiritus metallici vitæ inimici.	6	Syrtes.	113
Spodium.	219	T	
Spodos.	219		
Spongia Pompeiana.	143	Tanarium marmor.	91
Spongiæ lapis.	130	Talcus.	156
Spongites.	130	Tanos.	106
Spongiones.	82	Taphiusius.	139
Spuma argenti.	209	Tartarum.	50
Spuma maris.	131	Tasconium.	27
Spuma nitri.	47.48	Terebinthifusa.	124
Spuma salis.	43	Terra sigillata.	36
Squama ævis.	201	Terræ species.	2
Squama ferri.	204	Terræ ortus.	25
Stannum.	183.188	Terrarum differentia.	28
Stella Samia.	31	Terræ simplicis dignotio.	29
Stellatus lapis.	125	Theamedes.	152
Stibium.	187	Thebaicus.	95
Stigmities.	94	Thermæ vnde oriantur.	19
Stimmi.	187	Thracius.	147
Stomoma.	182.204	Thyites.	93
Struthio camelus ferrum cõquoque-		Tiberium marmor.	92
re cur dicitur.	5	Tiburtinus lapis.	85
Sublimatum.	195	Tincar.	50
Substantiæ ratio minus manifesta in		Tophus.	82
elementis cur.	3	Topatium.	108.110
Substantia est opus solius naturæ aut		Trenvertinum.	85
superioris causæ.	4	Trochites.	132
Succinum odoratum.	72	Troezenij.	114
Succinum.	110	Turchina.	109.124
Succudum.	222	Tutia.	221
Sudatoria ex subcraneæ euaporatio-		Tutia Alexandrina.	219
ne.	10	V	
Sulphur.	62		
Sulphurea aqua cur ut plurimum		Veneris gemma.	117
aluminosa.	17	Verdazur.	164
Sulphurea exhalationis vis.	11	Verdellum.	92.94
Syenites.	94	Vinosa	

I N D E X.

<i>Vinose aquæ ex Bitumine .</i>	16	<i>Vrina humana succum continet la-</i>	
<i>Xipera Aegypti Ophitis species .</i>	92	<i>pidescentem .</i>	80
<i>Viride ævis .</i>	197		Z
<i>Viridis color pro saturato .</i>	126		
<i>Vitreolum .</i>	56	<i>Zaffera .</i>	153
<i>Vitrum .</i>	212	<i>Zaffirus .</i>	119
<i>Vmbilici marini .</i>	128	<i>Zambenes .</i>	72.113
<i>Vniones .</i>	104	<i>Zeros .</i>	100

F I N I S.





DE METALLICIS

LIBER PRIMVS.

ANDREA CAESALPINO

AUCTORE.



C A P. I.



INFIMVM genus mixtorum , quod corpora continet inanimata , etiam infimum fere gradum substantiæ obtinere videtur . Cum enim sint veluti duo extrema materia scilicet , & ratio cuius gratia , quæ forma est & finis : supremus substantiæ gradus in hoc consistit : nam finis optimi rationem habet , cuiusmodi in solis animatis reperitur , anima enim nihil est præstantius : infimus autem in ipsa materia , hæc enim est alterius gratia : intermedia porro sunt plura : alia enim accedunt magis ad rationem substantiæ quæ in fine consistit : alia ad naturam materiæ , vt tradit Arist. 4. Meteo. cap. vltimo . Cum præterea triplex sit compositio ex 2. de Part. an cap. 1. Vna primarū qualitatum calidi scilicet , frigidi , humidi , & sicci , ex quibus conflunt quatuor prima corpora vocata elementa . Secunda mixtorum , quæ similia dicuntur ex ipsis elementis : Ter-

A tia

tia dissimilariū, quæ organica vocantur, ex similaribus, in qua vltima perfectio est finem tenens numero ternario, vt in multis natura fert: Patet elementa ad materiam magis accedere quam mixta: & mixtorum quæ animata sunt, ad id cuius gratia: quæ autem anima carent, imperfectiora esse, & accedere magis ad naturam elementorum: & iure mixta imperfecta a plerisque vocari, non enim adepta sunt perfectionem, cuius gratia & elementa facta sunt, & similia. Nec tamen putandum omnino sine priuari: nam primum non desunt elementorum formæ ordinatæ ad vltiorem finem: præterea & si multa metallica ad animam participandam inepta sunt, vt inferius ostendemus, inseruiunt tamen omnia quibusdam, qui finis, cui, appellatur. Nam montes lapidei ad fluctus arcendos inter cætera faciunt: terra nuda ad stirpes ferendas: pluuia ad augendas segetes: & tandem omnia ad vsum hominum, sumus enim quodammodo omnium finis. 2. Phy. te. 24. Merito igitur Aristoteles 1. Meteo, cap. 1. dixit. Quæ tractantur in Meteorologia, passionēs esse elementorum, vt quæ communes sunt aeris, & aquæ, & terræ species & partes, & passionēs partium: innuens lapides, metalla, & reliqua fossilia, de quibus in fine tertij libri agit. Horum autem omnium duas tantum causas esse testatur 1. Meteo cap. 2. materiam scilicet, & efficientem vbi inquit. Accidentium circa ipsum, id est, mundum inferiorem, ignem & terram & congenera. his vt in materiæ specie eorum quæ fiunt, causas oportet putare, subiectum enim & patiens appellamus hoc modo: Quod autem sic causa est, vt vnde motus principium, eorum quæ semper mouentur, causandum virtutem. Et iterum cap. 4. inquit: Quod sub ea quæ sursum est circumlacione corpus velut materia quædam existens, & potentia calida & frigida, & sicca, & humida, & quæcumque aliæ has sequuntur, passionēs, sit talis & est a motu & immobilitate. Ex his patet corpora metallica substantias esse vt materia, sunt enim elementa vario modo alterata. Quod si eorundem.

dem affectiones considerentur, secundum quas aliquid agere aut pati possunt, quibus differunt omnia corpora similia 4. Meteo. cap. 8. iam multæ confurgunt Metallicorum species. Differunt enim aurum, æs, lapides, & reliqua metallica, quia liquabilia, aut illiquabilia sunt, vstibilia, aut inustibilia, ducilia, aut fragilia, & alijs huiusmodi potentijs affectionibusque prædita secundum varias elementorum mixtiones alterationesque. Quoniam autem in his multum inest materiæ, parum autem de quiditate, minus patet quando sunt, & quando non sunt, contrario modo quam in organicis, & similaribus viuentibus: rationes enim eorum non sunt certæ, cum longius absint a fine, & secundum inordinationem naturam fiant, vt testatur Aristoteles. Sed illud mirum videtur, quod asserit: minus manifestum esse naturaliter ignis opus quam carnis: cum ignis combustio aut calefactio sit manifestissima. An cum elementa aliquid passa sunt, incertum est, an sint adhuc: vt Glacies an retineat vires aquæ: & vapor an sit aer: similiter exhalatio an sit ignis. Fuligo & sulphur fumi sunt congelati, incertum est an ignes sint, quia eorum opus non manifestum, vt de carne viua vel mortua. Metalla multas alterationes patiuntur, vt videantur omnino deleta esse, vt contingit Plumbo cum in Cerussam vertitur, aut Sandycem: non tamen adhuc corruptum est: si enim confletur, reuertitur in plumbum, vt glacies in aquam. Similiter fumi congelati in ignem transeunt: excrementa ignis, vt cineres in terram. Hinc patet quo pacto definienda sint corpora metallica, per materiam scilicet & speciem affectionis, & causam efficientem. Vt glacies est aqua a frigore congelata: materia est aqua, species congelatio, causa efficiens frigiditas. Metalla sunt vapores cum quadam exhalatione a frigore congelati. Lapidēs sunt terra partim a calido partim a frigido condensata: & cætera simili modo. Antiquiores philosophi omnia naturalia vt animalia & plantas hoc modo considerabant, vt notat Arist. 1. de Par. an. cap. 1. Cum enim nul-

iam considerationem haberent finis, cuius gratia natura agit, latebat eos ratio explicans ipsum quid est, & solam materiam putabant esse substantiam, reliqua omnia accidentia: cum tamen forma, & ipsum quid est magis substantia sit quam materia: per illam enim vnum per se sunt, quæ illius gratia petuntur: vt domus diruta non amplius vnum sed lateres & ligna. Sed vt reuertamur ad metallica dicimus: Aurum quidem vnum quid esse, & plumbum, & crystallum, & reliqua huiusmodi, sed per accidens vnum, cui nomen impositum est, vt aquæ, & congelationi impositum est hoc nomen glacies. In artificialibus quoque idem facimus. Statuam enim vocamus compositionem æris, & figuræ. Sed hæc assimilantur magis substantiæ, quia ars alicuius gratia agit, vt natura. Non tamen artificis opus est ipsa substantia, sed solius naturæ, aut superioris causæ: Quod innuit Aristoteles 4. Meto. in fine. vbi inquit. Constitui organa, vt caput, manum, pedem non quidem a calido, & frigido, vt æs, & argentum: sed quemadmodum ferram, aut phialam, aut arcam ars facit: sic ibi natura vel alia aliqua causa, innuens intelligentiam, quam natura sequitur in organorum constitutione.

C. A. P. I I.

Quamuis autem partes similes viuentium constitutæ sint ex elementis coagulante caliditate vel frigiditate, vel utroque vt sales, metalla, lapides: differunt tamen, quoniam illæ in gratiam organorum conditæ sunt, hæc autem nequaquam: sed accidit, vt ars ea traxerit ad varios vsus. Differunt præterea, quia metallicorum materia inepta est ad vitam participandam: nullum enim animal, neque planta ijs nutritur. Nam etsi plantæ ex terra videntur alimentum sumere, & quædam animalia luto nutriantur: humorem tamen quendam sibi familiarem ex ijs eliciunt: lapidum autem substantia, aut metallorum, aut

terræ

terra pura non transit in eorum naturam: Quod autem dicitur de Struthiocamelo ferrum conquoquere, & quod in ventriculis auium quarundam lapilli reperiantur, vt in Hirundinibus, putandum est medicamento potius gratia aliquando ab illis animalibus ea expeti, quam nutrimenti. Indicio est nulla animalia ex eorum putredine oriri: Nunquam enim repertum est, aut lapides, aut metalla, aut sulphur corrodi ab animalibus, vt solent ligna a teredine. Reperiuntur quidem vermiculi varij generis in terra coenosa: quia putredo aquæ materia est opportunissima ad eorum generationem: & in scopulis maris intra lapidum cauernulas reperiuntur animalia quædã, quos Dactilos vocant, ostrearum medullis similia, & gustui grata, ex aqua marina introlabente genita. At in fodinis metallorum siue marmorum aliorumque saxorum numquam viuens corpus reperitur. Et si enim aliquando in eorum cæsura ostrearum testæ, aut cætera conchilia reperta sint, hæc recedente mari, & lapidescente solo inibi derelicta in lapides concreuerunt. Vbique enim vbi nunc est arida, aliquando affuisse mare testatur Aristoteles: Hoc enim modo censere magis consonum est rationi, quam putare vim animaleam intra lapides rudimenta animalium ac plantarum gignere, vt quidam putant. Sed de his alias apertius dicendum est. Materia autem metallica inepta est nutritioni, quia grauior, & terrestrior. Calor enim innatus substantiam quandam leuem requirit, in qua conseruetur, vt flamma in oleo: alioqui extinguitur: huiusmodi autem est, qui in spiritu & sanguine, aut proportionali reperitur. At ex corpore adeo graui, & terrestri impossibile est talem spiritum, & humorem elicere. Quamuis autem metalla quæ liquabilia sunt, aqueam habeant substantiam prædominantem: reponuntur tamen a Galeno inter corpora terrestria, vel quia per concretionem terrea sunt reddita, vnde a calore animalium eorum humiditas reduci nequit ad actum: vel quia humiditas metallica valde terrestris est, & grauis, vt patet in argento viuo:

viuo: quamuis enim id liquidissimum sit, nequaquam ma-
defacit: ac pondere vincit omnia præter aurum. Si au-
tem ex humiditate metallica spiritus aliquis eliciatur, is
omnino aduersatur vitali, perimit enim omnia animalia,
seu in fodinis hauriatur, seu ex fornacibus, aut quomodo-
cumque. Alicubi tamen mitior est exhalatio morbos quos-
dam sanans, vt in sudatorijs puteolanis. Scirpes quoque
enecat, vbi eius adsit copia: vt merito naturam metallica sta-
tui possit toto genere aduersa corporibus viuentibus. Est
quoque valde conspicua differentia. Viuentia enim gignūt
sibi simile, quod est opus animæ altricis, vt alimentum in
sui naturam conuertat. At metallica nec procreant sibi simi-
lia neque se ipsa augere possunt. Quod eaim aiunt: Plum-
bum augeri imbribus, aut locis subterraneis conditum, vt
Galenus testatur 9. simpl. peculiare est soli contingens, eu-
ius causa loco proprio dicenda est. Et quod chimistæ asse-
runt, semina esse auri, quibus multiplicetur in infinitum,
adhuc famosum est, magis quam compertum. Non tamen
est præter rationem, vt arte corpora metallica inuicē trans-
mutentur. Cum enim eorum formæ accidentia sint, vt osten-
sum est, a calore & frigore prouenientia: quatenus in manu
artificis est alterationes huiusmodi efficere, etiam nouas
formas introducere potest, vt patet in corporum combustio-
ne, solutione, congelatione, distillatione, sublimatione,
& huiusmodi: consurgunt enim corpora diuersa, vt sales,
vitrum, aquæ, & alia multa. Sed quæ ex motu cæli contin-
gunt, a sola natura fiunt non minus quam viuentia: non
enim artifex imitari potest huiusmodi alterationes. Quæ
igitur sit metallicorum corporum substantia, & quomodo
differant a partibus similaribus, viuentium explicatum est:
quomodo autem a se inuicem differant dicamus.

CAP. XII.

Cum duplex eorum materia statuatur ab Aristotele 3.
Meteo. in fine: scilicet duplex exhalatio, hæc quidem
vapo-

vaporosa, hæc autem fumosa, illa quidem ex aqua ortum ducens, hæc autem ex terra, etiam duo genera corporum intra terram fieri; ex sicca quidem exhalatione fossilia ideo dicta quia fodiendo inueniuntur vt illiquabilia lapidum genera, & quæcumque in puluerem soluuntur. Ex humida autem, quæ proprie metallica vocantur, quia post effosionem transmutatione egent, vt liquor metalli igne fundente a recrementis expurgetur. Sed medici hoc nomine medicamenta omnia accipiunt, quorum generatio, vel spontanea est in metallis, idest fodinis: vel in fornacibus, alijsque præparandi modis, vt testatur Galenus 9. simpl. 7. Ab ijs tamen seiungit lapides, & terrarum genera. Dioscorides omnia subterranea metallica vocat, recentiores mineralia: fodinas enim minas vocant. quæ omnia secundum Aristotelis sententiam ad duo prædicta genera rediguntur. Posteriores plura genera faciunt: Nam quatuor statuit Auicenna: lapidem, metallum, sulphur, & sales. Albertus Magnus tria: lapidem, metallum, & media mineralia, quo nomine reliqua omnia corpora accipit, quia mediam quandam naturam inter lapidem, & metallum habere videntur. Non desunt qui nostris temporibus omnes prædictas diuisiones reprobent: præter lapidem, & metallum duo genera introducentes: terram & succum concretum, quasi multi lapides non fiant ex succi concretionem, quem succum lapidescentem vocant. Præterea sulphur, & auripigmentum succos concretos dicere absurdum est: neque enim humore soluuntur, neque prius liquida fuisse quisquam vidit. Inter inflammabilia solum butyrum, & liquidum & concretum reperitur: sed in his coguntur idem in diuersis generibus collocare: vt succinum, & obsidianum inter lapides & succos concretos. At subterraneorum partitio, quæ ab Aristotele traditur, omnium exactissima, clarissimaque reperitur, quod hinc fiet manifestum. Primo igitur illud animaduertendum est, omnia hæc corpora terræ species vocari ab Aristotele 1. Meteo. cap. 1. quod patet ex
enume--

enumeratione eorum quæ proponit tractanda. Hanc eandem sententiam habemus a Galeno 9. simpl. cap. 2. ubi inquit. Terræ differentias a philosophis tribus generibus finiri: siquidem vnum eius genus est lapis, alterum corpus metallicum, tertium terra quæ colitur. Quamuis autem metalla, quæ fundi possunt, quidā aiunt non terræ, sed aquæ plus continere, tamen inferius cap. 7. inquit: vt omnibus tum terris, tum lapidibus commune est, vt desiccant, ita metallicis quoque medicamentis omnibus: est enim essentia eorum terrea. Id autem accidit quoniam in transmutatione elementorum inter se variæ passiones contingunt, vt quandoque ambigere videantur, vtrius sint. Patet in sale id: cum enim corpus sit terrestre actu, potentia vero humidum, cum solutum fuerit, visu non differt ab aqua: pondere autem, & corpulentia est veluti lutum, adeo vt oua, & & multa alia corpora grauiora supernatent vt testatur Arist. 2. Meteo. cap. 3. Idem patet in argento viuo: etsi enim aquæ instar liquidissimum est, sustinet tamen grauissima pondera non solum lapidum, sed & quorundam metallorum, quod fieri non posset, nisi eius substantia terrestrior esset quam supernatantium. Similem humiditatem habent metalla: cum enim liquefcunt, fluunt, vt aqua, nec madefaciunt, & quod ab illis sublimatur puluis est, non aqua. Quæ cum hoc modo habeant, dicuntur tamen quædam aquea esse vt metalla, quædam terrea vt lapides illiquabiles, & quæ eius sunt generis. Potentia enim & impotentia ad liquationem, & coagulationem, & alia huiusmodi materiam ostendit, vt 4. Meteo. cap. 8. habetur. Sal igitur terræ tribuitur non aquæ quia humido soluitur. Metalla aquæ tribuuntur, quia liquefcunt igne, sed eorum humiditas a sicco terreo multum passa est, ideo conditiones quasdam habent terræ. Argentum viuum aquæ tribuitur, quia fluit vt aqua, & non comburitur vt oleum, aeris vero conditiones habet, quia incoaguabile, non ob id tamen compositum est ex aere, & aqua, non enim grauissimum esset, sed ab aere passum

passum est magis quam metalla, ideo facillime exhalat. Eodem modo in ceteris considerandum est. Quibus hoc modo constitutis patet ratio, cur Aristoteles ad siccam exhalationem pertinere inquit lapides illiquabiles: & quęcunque in puluerem rediguntur: ad humidam autem metallica, quę aut fusilia sunt, aut ductilia. Impotentia enim ad liquationem, & puluis terram ostendunt: neutrum vero inest aqueis. Ductilia enim, aut fusilia sunt. Compræhendi autem in hac diuisione omnia corpora patet, humidum enim aquę, & siccum terrę materia est omnium 4. Meteod. cap. 5. Quoniam vero mixtio non fit sine caliditate terram, & aquam attenuante in naturam exhalationis, ideo duplex exhalatio ponitur materia propinqua omnium, humida quidem participans naturam aquę, & aeris, sicca autem terrę, & ignis. Genus autem siccorum corporum differentias habet. Nam aut abscedente humido vniuerso coagulata sunt, vt genera terrarum, & salium, quę humido soluantur magis & minus: Aut relicto aliquo humido a frigore congelato, vt lapides illiquabiles. Quoniam vero exhalatio sicca duplex est, quędam pinguis ideo combustibilis, quędam arida, & incombustibilis: ex illa quidem sulphur fit, & auripigmentum, & bituminis genera, & quidam inter lapides. Ex arida autem reliqua prædicta. Omnia hæc Aristoteles sub duobus compræhendit: aut enim pulueres colorati sunt, aut lapides ex tali consistentia geniti. Genus autem humidorum similes, sed opposito modo differentias habet. Quędam enim coagulata sunt respondentia lapidibus illiquabilibus, quędam incoagulata respondentia pulueribus. Quę in hoc genere coagulata sunt non humidi absentia id patiuntur, sed calidi: ideo liquantur a calido, 4. Meteod. 6. Quę vero incoagulata sunt, humida actu permanere necesse est, respondentia pulueribus actu siccis: & quemadmodum hi humido, & frigido soluantur, sic argentum viuum a calido, & sicco in puluerem reducitur. Cum autem vaporis natura quędam glutinosa sit, exhalationi

pingui respondens, sed minime combustibilis: altera non glutinosa: ex hac quidem metalla fiunt: nam liquata instar aquæ fluunt, ex glutinosa autem lapides liquabiles, ut scoriæ, & vitrum: hæc enim liquata trahi possunt, ut viscum. Inest autem in omni metallo vtraque humiditas magis, & minus. Ideo cum liquantur plerumque separatur scoria, quæ metallicæ humiditati innatat, ut oleum aquæ. Aristoteles innuit hæc omnia ea distinctione: cum inquit. Metallica, aut fusilia sunt, aut ductilia: nam fusilia tantum non ductilia sunt metallorum venæ: eorundem scoriæ, vitrum, & stanni quoddam genus. Ductilia non fusilia ferrum: fusilia simul, & ductilia aurum, argentum, æs, plumbi genera. Ex his patet quantum ij. errent, qui Aristotelis diuisionem tanquam insufficientem calumniantur, putantes non includi in ea lapides liquabiles. Sed de his clarius patebit cum de lapidibus loquemur.

CAP. IIII.

EAedem exhalationes quæ intra terram varia corpora gignunt, aliquando aquas inficiunt è subterraneis effluentes, aliquando aerem, si contingat extra terram erumpere. Nam præter impressiones quæ in sublimi fiunt, de quibus agere non est nostrum institutum, alicubi tam copiosa efflat exhalatio calida, ut pro sudatorio vsurpetur ad multos morbos sanandos, ut in pluribus campaniæ locis, præsertim in monte, quem Tritulum vocant, ad cuius radices aquæ Thermarum sunt; quas Saluiati appellant: non procul autem ab ijs montem ascendentibus occurrit spelunca multi partita, in qua aer sudatorius continetur, ad quem locum accedunt, qui distillationem pituitosam patiuntur, item chiragrici, & podagrici, artritici, & hydropici, a quibus morbis per sudores liberantur. Aliud quoque sudatorium est subterraneum iuxta balnea quæ ad paludem Agnani sunt similiter in campania: ubi cespite ablato, statim fumus calidus.

didus exhalat, qui receptus sudores elicit ad eosdem morbos, & amplius ad vlcera interna. In Vesuuio quoque rustici foueas excauant, qua parte fumus exhalat, in quibus sudant, vt postea abluantur aqua pluuia, quę in proximis foueis colligitur. Hęc quidem nostris temporibus extant. Recensentur tamen ab antiquis multa alia. Exhalationes quidem huiusmodi innoxias ex bitumine magis quam ex sulphure intra terram ardente prouenire putandum est, mitior enim est eius materia. Noxias autem e sulphure, auri-pigmento, argento viuo, aut metallis, vt patet ex eorum fodinis. Quicumque enim fumum huiusmodi hauriunt, inridunt, aut in suffocationem, anhelationem, aut phthisim. In Volaterano ex lacu feruentissimo expirat aer superuolantibus auibus mortiferus: similiter ex lacu Auerno dicto in agro puteolano: Gręci ab effectu loca huiusmodi Aorna vocant. Alibi exhalationes efflant vni tantum generi noxię, vt in Itaca leporibus, in Creta Noctuis, in Sigaro Canibus, in Galata, & Clupea Scorpionibus: in Ebuso serpentibus, ideo vel odorem de longe sentientes effugiunt. Alibi autem generi animantium omni mortiferę oriuntur, quarum foueas Gręci Charoneas appellant, siue Plutonias, quia transeuntibus per ea loca iter ad inferos pateat. Huiusmodi extant inter Neapolim, & Puteolos, spelunca enim reperitur in qua quoduis animal parumper immorans suffocatur, si tamen cito in lacum propinquum mergatur, reuiuiscit. Quod pro miraculo scribitur etiam in quodam Sicilia loco accidere. Mons enim Aetna est ignes euomens vt Puteolis: iuxta autem loca ardentia non mirum exhalationes effluere sulphureas, aut ex reliquis metallicis tabificas. Compertum est puteo excauato, in eoque exoneratis bellicis machinis ad aquam vt solent igne, & concussu euocandam, quotquot descendissent explorandi gratia, suffocatos. Hęc enim est vis exhalationis sulphureę præsertim in angusto loco. Idem præstat aer diu conclusus in specu, aut foueis quibuscumque, si non perspiret: repletur

enim exhalationibus subterraneis, quæ ingredientibus necem afferunt. Si autem in apertum exeant malignitatem amittunt diffusæ in immensum. Aliquando tamen in peste diffunditur exhalationis malignitas in longinquum, ut totas prouincias inficiat, quod tetigisse videtur Tucidides, cum in peste Atheniensium inquit: Forte per continuum ex Aethiopia quædam fluxere putredinis contagia. Oriri autem hæc ex praua euaporatione subterraneorum; illud argumento est. Nam quæ ex cadaueribus putrescentibus in prælio, aut ex palustribus putrefactis fiunt, loca tantum vicina afficiunt, non vniuersas prouincias occupant. Oportet igitur vniuersaliorem causam esse, aut cælum, ut quidam putant, aut dispositiones terrestres, quam sententiam sequitur Auicenna. Quamuis enim cælum sit prima causa omnium alterationum, quæ hic fiunt, longinquum tamen est, ut inquit. Dispositiones vero terrestres propinquæ sunt. Corrumpi autem aerem a multitudine exhalationum indicant signa pestem prænuntiantia: ut cum in aere apparent multæ impressiones ignitæ, stellæ cadentes, cometæ, & huiusmodi, & cum turbilentus est aer, ac veluti puluere infectus: significant enim multam euaporationem præter ordinem naturalem. Nam quemadmodum constitutio pluuiosa, aut ventorum spiratio aliquando vniuersalis videtur multas prouincias occupans, idem contingere potest in constitutione pestilenti, ut terra efflet vniuersim prauas euaporationes diu conclusas, vnde aeris turbulentia, & malignitas sequatur. Quoniam vero omnia metallica terrestria sunt ut explicatum est, etiam euaporationes eorum terrestres sunt: atque ob id plerumque post magnas siccitates sequuntur pestes, & succedente constitutione australi, quæ materiam putredinis foueat: ut patet in constitutione descripta ab Hippocrate 3. in 3. Epid. Fit autem plerumque excessus prauæ exhalationis in terræ motu. Ex concussione enim tali necesse est commoueri latentes in terræ visceribus euaporationes. Pro diuersitate autem ipsarum varia ge-

nera morborum oriri : non enim iidem in omni peste
vagantur.

CAP. V.

A Quæ autem non solum ab exhalationibus, sed & ab ip-
sis corporibus metallicis inficiuntur : vnde sapes di-
uersos, odores, & colores acquirunt. Non tamen omnia
cum ijs misceri possunt. Neque enim aurum, neque argen-
tum, nec gemmæ, nec vitrum quicquam deponunt in aqua:
nihil enim ab ijs exhalat, nec humore soluitur. At lapis cal-
carius, gypsum & reliqui igne cremabiles : & ferrum, æs,
plumbum manifeste aliquid deponunt, quod saporem im-
mutat : sed maxime omnium quæcumque a calido, & sicco
passa sunt, vt sales, nitri genera alumina, chalcanthum :
calx : solubilis enim eorum substantia in humore manifestis-
simos sapes inducit. Terræ & si omnes humore soluantur
in lutum, non tamen omnes aquam alterant : vel quia sa-
pore careant, vel quia facile subsideant, vnde aqua reddi-
tur pura, ac si per harenas ac sabulum pertransiret perco-
lata. Omnia tamen corpora ignita post extinctionem relin-
quunt in aqua aliquod vestigium : rarefacto enim per igni-
tionem corpore, aqua subingrediens lambere aliquid pos-
sit. Nam & gemmæ solidissimæ si sæpius in aqua exstinguan-
tur, tandem mollescunt, & dissoluuntur. In quibus igitur
continetur multa substantia combustibilis, multa fit eius
communicatio in aqua, vt patet in sulphure, & bitumine,
vnde aquæ sulphuræ, ac bituminosæ fiunt. Er quæcumque
combustionem passa sunt, vt cineres, aquam reddunt sal-
sam, aut nitrosam, aut aluminosam, aut cuiuscumque ge-
neris sapes. Puras autem aquas forte impossibile est ha-
beri, cum aut ex ære in pluuiam varias exhalationes rapiant,
aut per terram labentes varia corpora abluant. Sed pluuiæ
subterraneis eo præstantiores sunt, quod leuissimæ, & dul-
cissimæ, tenuissimæ, ac splendidissimæ sunt, vt testatur

Hipp.

Hipp. in lib. de aere, aquis, & locis: Nam sol educit & fursum rapit, quod in aqua tenuissimum, ac leuissimum est, relinquit autem, quod crassum & graue, vnde maris falsedo oritur. Cum autem in sublimem fuerit elata, atque aeri permista, excernitur ex ea id quod turbidum est in nebulas, & quod relinquitur tenuissimum, & leuissimum dulcescit dum a sole vritur, ac coquitur. Verum etsi hæ aquæ optimæ sunt hac ratione, opus tamen habent, inquit Hippocrates, vt decoquantur & a putredine defendantur, sin minus odorem prauum habent, & rauedines, ac vocis grauitatem bibentibus pariunt. At idem auctor 4. in 6. Epid. 17. inter pluuias discrimen facit, vt quædam coctione non indigeant, cum inquit: Aquarum arte carentium, quæ ab Aethere excreta est, aut cum tonitruis, horæ: nimbofa vero mala. Nam secundum alteram Galeni expositionem, quam magis probat, per horæam intelligit eam, quæ media æstate pluit. Sol enim eo tempore vapores optime attenuat, & a crassitie terrestri separat altius attollens. Per id tempus quoque alicubi ros decidit mellea dulcedine, quod mel æreum vocant, & mannam. Dicitur autem aqua ab ætere excerni, cum a sublimiori loco tamquam magis purgato descendit. Opponuntur autem his nimbofæ quoniam ex inferiori loco atra nube, & confertim latioribus guttis impuriore & crassiores descendunt. Medio autem modo se habent, quæ cum tonitruis. Fit enim aliqua attenuatio ex collisione nubium, & igne. Sed quæ primæ in Autumno pluunt, non dulces, sed subsalfæ sunt, & graues, vt testatur Aristoteles, 2. Meteor. cap. 3. Nam in descensu multam exhalationem vltam prope terram inueniunt, vnde falsedo oritur: quod & aquæ australes patiuntur: cum a locis calidis, & siccis veniant. Subterraneæ autem aquæ grauiore essent pluuijs, cum vapor in ascensu non adeo defæcatus sit, nisi ex percolarentur a terra per quam transeunt. Ob id simpliciore redduntur, & putredini minus obnoxie, erudiores tamen sunt pluuijs, præcipue quæ a frigiditate lapidum passæ sunt. expressione
quan-

quandam tenuioris substantiæ: quod maxime contingit ijs quæ in glaciem concreuerunt. Laudantur igitur fontes ab Hippocrate, si orientem spectent, vt matutino sole illustrantur: odoratas enim fieri & leues a moderata solis caliditate. Item si per terram puram transeant, aut tophum, aut per sabulum masculum, glaream, & harenam carbunculofam, vt Plinius inquit. Ab ijs enim aquæ præterfluentes percolantur nihil abradentes, quod non statim subsideat. Si tandem sublimes sint, sic enim Hippocrates vocat eas, quæ non summa tellure præterfluunt, sed in profundo: quo loco, & ab æstu in æstate, & a gelu in hyeme defenduntur, vt frigida in æstate exeant, calidæ in hyeme propter antiperistasis. Nam quæ a sole exuruntur tenui parte, & dulci expirante crassiores fiunt australibus similes: eedem quoque si quiescant, maleolentes euadunt, & biliosæ. Cum autem in hyeme refrigeratæ fuerint, aut gelu concretæ, valde crudæ redduntur pituitosissimæ, & raucosissimæ, vt Hippocrates tradit splenes magnos, & duros faciunt, & hydropes.

C A P. V I.

QUod si aquæ præterfluentes soluerint aliquam substantiam ex corporibus metallicis pro eorum natura varias acquirunt facultates. Depræhenduntur autem mixtiones partim ex colore, partim ex sapore, odore, & cæteris sensibilibus qualitatibus. Cum igitur aquæ puræ nullus sit color nisi ipsum perspicuum illuminatum album dicamus, vt Hippocrates solet: ex mixtione quorundam corporum intenditur eius perspicuitas, & splendor, vt patet in multis balneis sulphureis, & aluminosis. Aluminis enim admixtio splendorem affert, vt infectores nouerunt. Fumus quoque sulphuris dealbat. Ex sulphure candidus censetur Nararnis apud Sabinos. Sunt, & terræ candidæ, & lapides incrementam solubiles, vt saxum calcarium, gypsum, galactites, vnde candidæ aquæ aliquando lacteæ: plumbi quoque gene-

genera cerussam candidam fundunt. Manifestantur autem huiusmodi substantiæ in alueo, nam aut subsident, aut lapillis hærent. Bitumen autem sedimentum reddit subnigritum, aut fuluum. Aes æruginis colore inficit: Ferrum rubiginis: & tandem vnumquodque proprium colorem, aut aquæ communicat, aut sedimentis. Videntur tamen aliquando aquæ coloratæ ratione corporum circumstantium, cum ipsæ puræ sint. Omne enim diaphanum colore continentis spectatur. Recipiunt præterea aquæ saporis propria natura terræ per quam transeunt: exusta enim terra magis, & minus omnimodas accipit formas saporum 2. Meteo. cap. 3. nam alienam dulcedinem diuersam à propria, quæ aquæ puræ tribuitur, assumunt ex cerussa, aut lapide Galactite, quæ etiam lactæ sunt. Pater id in aquarum distillatione per vasa plumbea; sæpe enim lactæ exeunt & dulces. Scribit Pausanias aquas belneorum Cardie in campo vocato Albo iuxta Dascilum, longe dulciores lacte esse. Traditur huius generis in Germania fons iuxta Glaucam, qui ob id lacteus dicitur. Vinosas quoque aquas reperiri testamur, vt iuxta Paphlagoniam, ad quam incolæ omnes bibendi gratia confluebant, & fluuium in Naxo à poetis Baccho ascriptum. Has Bituminosas esse arbitror: nam Bitumen spirituosam, multam, & mitem efflat substantiam. Acidæ præterea aquæ multis in locis reperiuntur, Acidulas Plinius vocat, saporis qualis in aceto. Huiusmodi fons est Aretij iuxta fluuium Castrum ad collis Montionis radicem, instar aceti acerrimi: hanc rustici multa aqua dilutam pro vino bibunt. In Italia tres aliæ reperiuntur, & in Germania pluribus in locis. Aristoteles tradit in Sicilia Sicania reperiri, ex qua acidam muriam pro condimentis efficiunt. Esse & circa Lyncon fontem aquæ acetosæ. Forte significat eam, quæ in Macedonia traditur Lyncestis aqua celebris propter ebrietatem, quam bibentibus afferebat. Similis in Aethyopia, quæ furiosos efficere dicitur colore vini rubri. Ex bituminosa substantia has quoque fieri, argumento est. Nam
acidula

acidula, quæ Aretij prouenit, in aluco lapides habet bituminosos: obducitur quoque cæteris lapillis quiddam fuluo colore. Astringentes autem austæræ, & acerbæ ex ferro, alumine, & chalcantho oriuntur. Mitiores astrictiõnem ferrum efficit, vehementiorem genera aluminis, maximam chalcantum, & quæ eius generis. Ferro ascribuntur multæ in Aetruria, vt quæ Borra dicitur prope Monteuarium: Villensis in agro Lucensi. Ficoncella in Senensi. Balneum de aquis in Pisano, & aliæ quam plures: cum enim refrigerare, & astringere compertæ sint, ob id ferreæ naturæ putantur: quanquam id modicæ participationi aluminis tribui possit. Alumen autem manifestum habent balnea in agro Volaterrano: & Albulæ appellatæ in agro Romano. Item Corfenna in Lucensi, & Porrectana in Bononiensi: & plerique sulphureæ etiam aluminosæ reperiuntur. Sulphuris enim combustiõ alumen reddit. Chalcantum cum acerbitate etiam acrimoniam vehementem habet adiunctam, ideo aquas reddit mordentes, & corrodes, qualis traditur fuisse in agro Pateolano, quæ plumbum corrodebat. Cepusij quoque sunt, quæ ferrum corrodes, in es vertunt. Nostri temporibus quidam arte ex Pyrite cremato chalcantum efficiebat, quo ferrum æri simile reddebat. Huius naturæ videtur Stix fluuius in Thessalia, cuius aqua, nec ferreo vase, nec argenteo, nec æneo contineri potest, omnia enim frangit, & corrodit. Chalcantho similem vim efficaciorẽ tamen habet chalcitis, mysi, melanteria, & fori, eiusdem enim generis sunt. Aerugo quoque & Cadmia aliquando acrimoniam cum astrictiõne possident. Acris vero sunt sulphur, & auripigmentum. Aquæ sulphureæ fere omnes actu calidæ exeunt, & Thermas constituunt, quarum multus est numerus in Italia, præcipue in Volterrano, Viterbiensi, Senensi: Nam procul sulphureum foetorem transmittunt. Salsas aquas non solum mare habet ab exusta exhalatione genitas, vt sentit Aristoteles, sed etiam fontes: vt aqua Tettucci, & Balneoli Montis Catini. Salsior in

Volaterrano quę in salem candidum exoquitur. Similem tradit Aristoteles 2. Meteo. cap. 3. in Chaonia extitisse, cuius sal a marino differebat laxitate, tenuitate, & imbecillitate saporis. Hunc non ab exhalatione, sed ab exusta terra fieri tradit. Nitrosę aquę Nili perhibentur in Aegypto, excoquuntur enim in nitrum. Quędam balnea apud nos nitrum participare traduntur, vt Sancti Philippi, Porrectana, Regij. Amaritudinem præferunt aqua maris, non solū enim salsa est, sed & amara: amarissima autem quę in stagno Palęstinę est simul & salsa vt Aristoteles testatur. Tradit etiā circa Scythiam fontem amarum, qui fluium quem ingreditur totum amarum reddit. Est autem fuligo omnis amara ante quam vratur, nam vsta salsedinem gignit. Non igitur mirum, si aqua marina vtrumque saporem præferat: ab exhalatione enim suum saporem recipit. Stagnum autem Palęstinę ab vstione bituminis idem patitur. Odor autem maxime ostendit tum bituminis tum sulphuris naturam, ingratus quidem in sulphure, foetens in auripigmento, & argento viuo: at in aliquo genere bituminis gratus, vt Ambrę vocatę, Succini, & Camphorę. Puteus in Peloponnesi Modone vnguentum Cizicenum spirabat, vt Auctor est Pausanias, & in Mesopotamia fons traditur suauissimi odoris. Fatentem in Calabria fontem poëtę fabulantur ex gigantum sepulchris. Fimum olet in Sicilia fons Aretusa: in Germania sunt quę oua putida redoleant.

CAP. VII.

Fontes autem calidi exeuntes missionem corporum quę intra terram comburuntur, significant. Thermas has vocant, & balnea. Nonnulli adeo feruent, vt oua percoquant, quidam etiam animalia iniecta depilant, quod in Germania contingere tradunt: sed apud nos in agro Volaterrano est aqua adeo feruens, vt ex animalibus iniectis modico temporis spatio ossa denudata a carne extrahantur. Quid autem sit, quod intra terram ignem huiusmodi foueat

inter

inter auctores dubitatur. Ignis enim esse subterraneos loca multa ardentia ostendunt, vt in Vesuuio Aethna, & multis Appennini locis. Ab ijs autem aquas pertranseuntes calefieri non à sole, neque ab alia causa clarissimum est. At qui fieri possit, vt aqua continue pertransiens ignes non extinguat, difficile est videre. Præterea vnde materia combustibilis continue suppeditari possit, quæ ignes perennes conseruet, vt videmus: Scitum profecto inuentum quorundam, ignem quemdam esse in aquis ardentem, à quo Thermas oriri. Hunc efficere bitumen solum: nam eius proprietas est, aquis accendi, extingui oleo, vt Dioscorides tradit in Thracio lapide, qui bituminosus est. Cum igitur duo tantum sint genera corporum ardentium in subterraneis, sulphur, & bitumen: à sulphure non posse aquas perpetuo calefieri, quia huiusmodi ignem extinguere: à bitumine igitur tantum id contingere. Sed huic sententiæ refragantur plurima Italiæ balnea, quæ sulphur olent, non autem bitumen. Verum non timenda ignis extinctio est, si aquæ præterfluentes, non materiam ignitam tangerent, sed loca circumstantia ab igne ex calefacta, quæ Empedoclis opinio fuisse dicitur, non enim in eodem loco generari ignem, & aquam possibile est, cum toto diametro differant vtriusque materia, & efficiens. Illud quoque argumento est reperiri fontes calidos absque odore sulphuris, aut bituminis: vt Villensis, balneum de aquis in Pisano: Aqua Tettucci, & aliæ quamplures. Mirum autem esset balneum calidissimum Aui-nionis in Senensi carere omni odore prædictorum corporum, si materiam ardentem tangeret. Patet id in Monte Vesuuio, in vna enim eius parte ignes apparent, ex altera autem aquæ calidæ effluunt. Potest enim sola caliditas absque fuligine ad ea loca peruenire, quæ ab aqua irrigantur, præcipue si intercedat montis lapidosum ac densum interuallum. Vnde autem fiant ignes perpetui, dicendum est ob eandem causam, quæ perpetuam facit maris salsedinem apud Aristotelem. Perpetua est enim exhalationis generatio ob cæli

motum. Quæ igitur ab aqua apprehenditur, in falsedinem vertitur, quæ autem ad aerem venit, supra terram quidem in sublimi varias impressiones ignitas facit: intra terram autem condensatur in varia corpora, aut ignis principio assumpto exardescit, ubi igitur semel contigerit accendi, tam diu perseverabit ignis, quamdiu exhalationis copia suppeditabitur: diutius autem in subterraneis materia suppeditatur, quam in aere ad cometas, quia in loco angusto non disperditur exhalatio. Fieri tamen potest, ut materia iam collecta paulatim ardeat, nulla alia accedente: quod animadvertimus in Gagate lapide, qui cum à pastoribus nostra ætate succenderetur, extingui postea non potuit. Sed perseverat repens quæ extat lapis, relinquit autem post se vallem exustam. Villa magna locus ille appellatur prope oppidum S. Ioannis Vallis Arni. Fumo bituminoso locus ille inficitur, eruuntur autem carbones ardentes, qui ignis neque pluvijs, neque amne propinquo intromisso extingui umquam potuit: immo magis exardescit, & fumum altius attollit, flagrante in profundo lapide. Sed reuertamur ad aquas. Patet quidem caliditatem, & frigiditatem non semper mistionem arguere. Simples enim reperiuntur non solum inter frigidas, sed & inter calidas: ut in Lipara, in Melo, in Prusa, quæ aquæ Regiæ appellatæ sunt. Inter mistas autem frigida exeunt Acidulæ quæ apud nos, aqua Borra: & frigidum balneum in agro Pisano prope Agnanū, cuius aquam putant marmoream esse, quia exit ex marmore quodam fusaneo, quod excoquitur in calcem: at ex sapore valde austero significatur multum aluminis continere. Ex lenitate autem ac pondere, tenuitate, & crassitie magis discernuntur simplices à mistis: simplices enim leuiiores, tenuioresque sunt: mistæ autem grauiiores, & crassiores. At tamen inter mistas longe crassiores sunt, quæ salium genera, aut aluminum, aut reliqua corpora humore solubilia receperunt, quam quæ sulphur, aut bitumen, aut aliud genus exhalationis: natura enim spiritus levis est. Quæ vero succum

succum lapidescentem continent, adhuc prædictis crassiores sunt. Magis enim terrestres. Aquarum differentia in grauitate & leuitate etiam visu patent: Nam flumina aquæ dulcis mare ingressa supernatant, & supra quosdam lacus: vt Tefinus supra lacum Verbanum, & Rhodanus supra Lemannum. Item amnes quosdam supra alios, vt de Arsaniam scribitur, cuius aqua Tigri supernatat, cum forte ex alluione proprios alueos egrediuntur. Ac rem miram de Peneo fluuij scribit Plinius alterum fluuium Eurotam supra se gestare per aliquod spaciū, & olei vice respuere eius aquas, nec cum illis admisceri, sed in alterum litum transmittere. Ex qualitatibus igitur aquarum hoc modo mixturæ inuestigandæ sunt.

CAP. VIII.

EX effectis autem deinceps consideremus. Quædā enim alia ratione discerni nequeunt, cum neque in colore, aut sapore, aut odore à cæteris simplicibus differant. Si tamen bibantur, aut enecant, aut morbos graues pariunt, vt quæ succum lapidescentem habent: quicquid enim tetigerint, in lapidem conuertunt: Ideo viscera gypsi modo reddunt immobilia, ac dura. Cognoscuntur hæ ex loco vnde exeunt, aut per quem transeunt, aut vbi steterint: pariunt enim crustam lapideam corporibus hærentem. Quæ obseruatio est maxime necessaria in omnibus aquis explorandis: quod enim aquæ deponunt, mistionem certam significat. Deponunt etiam alienam substantiam per decoctionem, & refrigerationem, vt docet Gal. 4. in 6. Epid. 9. sic enim falsæ concrescunt in salem, & cænosa deponunt terram. Sed exactius per exsiccationem aquæ in sole æstiuo, aut leni igne: non solum enim deponunt crassam substantiam, quæ grauis est fundum petens, sed etiam tenuem quandam, & leuem, quæ supernatat spongiosa facie, colore nunc viridi nunc luteo, aut nigro, aut vario, cuiusmodi est flos salis in palustribus

bus Nili apud Dioscoridem. At per distillationem mistio deprehendi nequit, euaporat enim cum tenui substantia, si quæ est, aqueus humor: sed corpulentia quæ colligitur humore separato, non solum colore, sapore, & odore deprehendi potest, sed & ignis examine: vtrum ardeat, aut fumum emitat, aut fundatur, aut colores mutet. Qui enim in re metallica fuerint exercitati, facile misturam cognoscent. Balneum de aquis in Pisano, æs, & argentum, & aurum inficit colore plumbeo, aut pallido, etiam si vaporem tantum recipiant, quod obseruatum est in nummis, vel in crumena reconditis eorum qui circa balneum quibusdam temporibus obuersantur. Eosdem colores aliquando tota aqua recipit, vt reddatur turbida, vel pallida, quod mense Martij, aut Aprilis incolæ contingere animaduertunt, quo anno futurum noxium eius balnei vsum experimento docti prænunciant. Indicium hoc est euaporationis, aut bituminis (testatur enim Diodorus in stagno Nabateorum. cum lacus egestus est bitumen, foetorem a vento agitaturn sentiri, qui proprium argento, auroque, & æri colorem aufert, vento iterum reflante restituitur) aut Cadmiæ, hos enim colores eius fumus præ se fert, ac metalla alterat. Ideo aqua illa in potu a nemine vsurpatur: & ob id forte balneum id thoraci infestum est, ac nocet Asthmaticis. Simili modo quæ recipiunt euaporationem auripigmenti, aut argenti viui lethales sunt, si in potu sumantur. Ex reliquis metallicis nisi multum exceßerint, etiam in potu salutare sunt ad varios morbos tollendos. Ex sulphure enim, aut Bitumine infecte vbi modica est eorum participatio digerunt epotæ superfluas humiditates & exsiccant, vteri affectibus commodæ. Sulphureæ tamen ventriculum dissoluunt, bituminosæ caput magistentant, & oculis sunt noxiæ. Acidulæ, quas diximus tenuissimam bituminis substantiam participare, vrinam mouent, vapores vini ex ebrietate resiccant: sudores excitant, & vermes interficiunt, grummos sanguinis dissolunt, & sanguinem sistunt: exhibent quoque febricitantibus

bus, resistunt enim putredini. Extrinsecus autem tam sulphureæ, quam bituminosæ affectibus neruorum profunt, & articulos confirmant: irrigatæ capiti fluxiones sistunt antiquas: cutis infectiones, & vlcera sanant. Quæ salem continent, potæ vehementer exsiccant, abstergunt, aluum turbant, & pituitam soluunt. Huic tamen sententiæ videtur Hippocrates aduersari: nam in libro de Aere, aquis, & locis, eos reprehendit, qui putant propter imperitiam aquas falsas aluum soluere, cum sint ad egestionem maximè contrariæ, astringunt enim, & exsiccant. Dicendum est verissimum esse quod scribit Hippocrates: experimento enim compertum est: Aquam Tertuacij præsentaneum remedium esse in dysenteria, adeo vt hodie nullum sit præstantius: citissime enim abstergendo ea quæ mordent, & exsiccando astringendoque fluxum cohibet. Soluit tamen aluum abstergendo, & pondere; ob grauitatem enim falsæ sedinis minime omnium ascendit in venas, sed celerrimè præ cæteris descendit, si ea copia assumatur quæ sufficiat ad descensum, relinquit enim aluum astrictam, neque mordet intestina quamuis ulcerata, vt aqua maris, mitiorem enim habet falsæ sedinem, absque vlla acrimonia: sed aqua maris, nisi mitigetur, intus non assumitur. Nitrosæ magis abstergunt, ideo & ipsæ aluum soluunt, sed ob tenuitatem magis vrinam promouent ad renum vitia, calculos atterunt, vterum siccant, emendant & cutis vitia. Aluminosis præcipua dos ad astringendum, & corroborandum, sistunt mulierum profluuia, vomitiones, prohibent abortum, vlcera vesicæ, & renum sanant, & sanguinis mictum compescunt: vt patet in aqua Brandula vocata in Carpenfi: sed hæc à modica sulphuris participatione, aut bituminis, penetrationem acquirit, vt ad ea loca transeat. Extrinsecus cutim condensant, & scabiem, ac reliqua vlcera exsiccant. Atramentosæ, & quæ chalcitim melanteriam, & reliqua eius generis continent, vehementius quidem astringunt, sed ob acrimoniam adiutam corroduunt, ideo intus nequaquam tutæ sunt. Huiusmodi

modi putatur fuisse aqua Stigis in Thessalia, qua Antipater traditur Alexandrum interfecisse. Extrinsecus tamen vlceribus malignis, & exedentibus conferunt. Quæ ferream qualitatem habent, refrigerant, & corroborant, firmant ventriculum, obstructions hepatis, & lienis, & renum tollunt, ducunt arenulas. Quæ æris substantiam continent, intrinsecus noxiæ sunt, liquant enim, & corrodunt, sed extrinsecus efficaces ad vlcera. Quæ plumbum abraferunt obstructions internorum pariunt, & suffocant. Tandem quæ ex lapidibus, aut terris aliquid traxerunt, omnes infarciunt, & occludunt meatus, quædam & calculos gignunt. Inter has est aqua Borra Monteuarchiensis. Vidimus enim substantiam gypseam vasis inherentem pertinaciter: ideo nisi parce assumatur ad fluxiones sistendas, noxam inducit, sed melior redditur purgata sale, & diutius asseruata, vt substantiam gypseam deponat. Balneum sancti Philippi gypsum crustam relinquit in vertice capitis, qua eius irrigationem suscipit, quod vtilitatem præstat in defluxionibus calidis. Sed de mistionibus aquarum in vniuersum hæc dicta sint, sigillatim autem satis diligenter ab ijs tractatur, qui de balneis scripserunt.

CAP. IX.

Postquam explicatum est, quæ ex subterraneis aerem, & aquam inficere possint, & quo pacto misturæ depræhenduntur, & quas vires ijs communicent, relinquitur vt singulorum generum ortum, & differentias explicemus, incipientes ab ijs, quæ ex sicca exhalatione constant, Oryctæ, idest Fossilia proprie appellata ab Aristoteli. Quæ cum diuisa sint in lapides illiquabiles, & ea quæ humido soluntur, quos pulueres vocauit, de solubilibus prius dicamus. Soluuntur autem alia humore aqueo, nempe quæ arida sunt, vt terrarum genera, & salium: Alia oleo quæcumque scilicet pingua sunt, vt sulphur, & bitumen, & quæ eius generis

Aeris. Terra igitur vt à simplicioribus ordiamur, ea proprie appellatur, 9. simpl. 2. & 3. quæ sicca cum sit sine humore non coharet, sed pulueris modo diffluit: humore autem madefacta glutinatur in lutum. Hæc enim est terra, quæ subigitur, & colitur, differens a lapide, & harenis. Eius ortus duplex est, vnus quidem ex sicca exhalatione refrigerata, descendit enim ex aere in puluerem, aut cum aqua pluuiæ soluta, dein siccata in limum vertitur: huiusmodi autem terra fertilis est, quia ad aeris naturam rarefacta humorem concoquere potest pro alimento plantarum. Huius enim gratia agricolæ sæpius terram versant, vt a sole rarefiat. Alter ortus est ex mistis per putredinem infimum conuersis, & ex lapidibus sole aut igne incocctis, deinde aqua pluuiæ solutis. Sic enim montes lapidei paulatim æstu, & imbribus dissoluuntur in terram. Pro diuersitate autem lapidum, & cæterorum mistorum varia genera terrarum oriuntur. Ex cremabilibus enim vt saxo calcario terræ glutinosæ fiunt vt Cretarum genera: ex non cremabilibus autem harenosæ, ac minus coherentes, minus enim humore dissoluuntur. Ex plantarum autem aut animalium putredine ac fimo pingues. Multæ autem sunt terrarum differentia pro ariditate, aut pinguedine, densitate, raritate, asperitate, lenitate, tenacitate, fragilitate, & alijs huiusmodi: item coloribus, & saporibus. Quamuis enim terra simplex sapore vacet, acquirit tamen diuersos saporis, & colores, & odores, ex alteratione, ac mistione. Quoniam autem ad diuersos vsus peruntur ab artificibus, secundum hos diuersa nomina imposita sunt speciebus. Agricola enim suas terras quærunt: alias figuli & plastici, alias fullones: alias pictores: alias medici. Agricola terræ gracilitatem, & pinguitudinem præcipue considerant: macram illam, hanc Pullam vocantes. Quoddâ vero genus terræ pinguißimum Margam appellant. Est autem Marga apud Plinium quidam terræ adeps, ac veluti glandia in corporibus, qua vtuntur agricolæ loco fimi. Aratis enim campis spargunt, vt sit ve-

D luti

luti condimentum ad frugum vbertatem. Significat hæc vox Marga apud Gallos Medulla: appellantq. Steino marga quasi saxi medullam. Reperitur enim in venis, & fibris saxorum aliquando intra ipsa saxa inclusa ad medullæ similitudinem. Cuius plura reperiantur genera: recenset autem Plinius sex, Albam, Ruffam, Columbinam, Argillaceam, Tophaceam, & Harenaceam. Albæ quoque tres ponit differentias: Leucargillam quasi candidam argillam, alteram Cretam argentariam, tertiam Glischomargam, quæ creta est fullonia admista pingui terra. Sed de argilla, & cretarum differentiis inferius patebit. Marga igitur alba has habet differentias. At Ruffæ vna est, quæ Capnumargos vocatur intermixto lapide terræ minutæ harenosæ. Columbina autem ea dicitur, quæ globis lapidum modo reperitur, sed frigore, & sole ita soluitur, vt tenuissimas bracteas faciat. Argillacea porro ea est, quæ argillam repræsentat. Tophacea quæ tophum. Harenacea quæ harenam. In summa autem earum natura duplex, aspera, pinguis. Aspera est tophacea, & harenacea: pingues cæteræ. Nec in omni solo qualibet vtuntur, sed arida quidem in humido, pingui autem in sicco: in terra autem temperata columbinam, & cretam spargunt. Quæ autem hic pinguis terra appellatur, non significat inflammabilem, vt sulphur, & bitumen: hæc enim ad culturam inepta sunt: sed quæ succosa est & lenis, vt fimum. Oritur autem ex aquarum exsiccatione intra lapides, vt limus in palustribus. Agricola igitur has terræ differentias considerant. At figuli, & Plastici terras quarunt tenaces, vt ductæ in quâcunque partem, non abrupantur, neque dehiscant exsiccata: has communi nomine Argillas appellant, vt ex Plinio facile colligitur, lib. 35. cap. 19. vbi de arte Plastica, & Figulina loquens inquit, ex argilla sua opera conficere. Qui cretas cum argillis confundentes scribunt, solam cretam albam argillam antiquis vocari, non animaduertunt argillam albam quam Græci Leucargillam vocant, vt in genere margarum

garum notauimus. Præterea diuersam esse argillam a creta ex eodem Plinio colligitur, lib. 17. cap. 4. vbi ad vineam præ cæteris terram laudat cretam, & argillam quamquam præpingues. Argillæ igitur sunt, ex quibus opera figulina fiunt, vt vasa, signa, & statuæ, quarum proprietas est, vt recipere quamlibet figuram possint, & in caminis ardentibus coctæ, in lapideam duritiem concrecant. Patiuntur autem id, quæcunque in igne non in puluerem rediguntur, vt saxum calcarium, sed mollificantur, vt harenæ ex quibus fit vitrum. Sic enim abscedente humore, qui glutinabat partes, cohærent inuicem mollificatæ igne. Galenus, 9. simpl. 3. Argillas vocat, quæ pinguedine carent vtpote friabiliores. Sunt autem argillarum plures differentiæ. Quædam enim duci tenuius possunt, quædam minus. Nobilitate vero præstant, quæ tenuissime ducuntur. Vnde Romæ ostendebantur duæ amphoræ in templo consecratæ propter tenuitatem, magistri, & discipuli certamine, vter eorum tenuiorem humum duceret. Hinc vasa Samia antiquis celebrata, & in Italia Aretium, & Mutina huiusmodi vasorum nobilitate claruerunt. Tolerant præterea argillæ vim ignis magis & minus. Qui metalla fundunt, egent ijs, quæ in afflatu ignis minime disrumpantur: cuiusmodi est apud nos terra Treguanda à loco dicta. Ex ea conchas efficiunt, quibus vitrum liquatur: & aurifices vascula Crucibula appellata, quibus fundunt aurum, & argentum, & æs. Aretij quoque est terra similis, sed sabuli modo aspera, cuius vasa in igne flectuntur vitri modo, nisi misceantur cum alia argilla. Qui his terris carent, arte parant miscentes cum qualibet argilla cineres, vel cornua combusta, vel vitrum tenuissime tritum, aut harenam, ex qua vitrum fit, aut quamlibet terram combustam prius, deinde in puluerem optime comminutam. Plinius Tasconium vocat terram, ex qua catini ad fundendum aurum fiunt, qua nulla alia est, quæ afflatum ignemque, & materiam ardentem magis tolerat. Est autem terra alba similis argillæ. Inter argillas vilissi-

mas tamen sunt, quæ ad opus lateritium sumuntur. Non enim quolibet terrarum genere vtuntur, non è Sabulo, neque ex harenoso solo, & multo minus è calculoso, sed è cretoso, & albicante, aut ex Rubrica, vel si ex sabuloso, è masculo certe conficiunt. In Africa autem, & Hispania parietes ex terra cruda conficiunt, qui æuis durant incorrupti imbris, ventis, ignibus, omnique cemento sunt firmiores, & adsunt Anibalis spelunçæ, & terrene turrets ingis montium impositæ. Sed de argillis hæc satis. Fullones quoque suas habent terras quibus vestes mundant. Cretas fullonias vocant: nam & aliæ cretæ sunt, quibus argentum, politur, & aurichalcum, & ferrum. Denique cretæ nomen omnibus ijs terris videtur accommodari, quæ expoliendi, & mundandi gratia, aut fricantur, aut illinuntur: etiã quæ pictoribus ad colores in vsu sunt, vt creta Eretria, creta Selinusia, creta viridis, & huiusmodi. Omnis autem creta pinguis est, & in succum facile diluitur. Ad vestium igitur vsus quatuor numerantur: Cimolia, Sarda, Vmbrica, quartum appellatur Saxum. Cimoliæ adhuc plures differentie recensentur, quarum duæ ad medicos pertinent, candida & ad purpureum inclinans. Sarda candida est, sed vilior Cimolia: cui succedit Vmbrica ad vestes tantummodo utilis: ultimo Saxum est, cuius proprietas, vt crescat macerando candidis vestibus utilius. Creta vero argentaria ad vasa argentea expolienda inter Margas numerata est: terram Creticam vocat Galenus, à qua reliquæ terræ Cretæ dicte sunt, vt etiam creta fullorum, pingues enim sunt. Hodie terram Tripuli vocant, qua vtuntur ad enses expoliendos, candida hæc est: alia pallida glebis lapidosis, qua vtuntur ad aurichalcum tergendum, vulgo vocant Gessum. Est & creta vilissima, qua pedes seruorum venalium illinebant Romani, & qua circum præducebant ad victoriæ notam. Pictores quoque suas cretas habent: Candidas quidem Parætonium Melinum, & terram Eretriam, omnes à loco appellatas. Rubras autem quas Rubricas vocant: Habent & cretam viridem

ridem, & nigram, sed diligentius eas exquiramus, quæ medicis inferuiunt.

CAP. X.

Considerant medici terrarum genera multa: Eretriam, Samiam, Chiam, Selinufiam, Cimoliam, Pignitem, Meliam, Ampelitem, Lemniam, Armeniam, Rubricam: de quibus sigillatim agendum est, si prius terræ simplicis notas, & facultates aperuerimus. Ea vero iudicanda est simplex terra puraque quantum dari potest, quæ nullum præ se fert saporem, neque odorem, oriuntur enim hi ex mistione, vt docuit Aristoteles. Quamquā sunt qui terræ odorē propriū supra vnguentorū suauitatem prædicent: & Ciceroni ascribunt dictū illud: meliora esse vnguenta quæ terrā, quam quæ Crocum sapiunt. Asseruntque eam suauitatem in terra sentiri, quando post siccitates diuturnas imber decidit: tunc enim emittere suum halitum diuinum a sole cōceptum: cui cōparari suauitas nulla possit. Hęc ex Pliniana historia. Nos autem quam fieri potest, inalteratam considerantes, in odorem, & inspidam fatemur. Colorem autem ipsius proprium Strato Lāpfacenus candidum esse dixit: idem testatur Aristoteles in libro de coloribus. Elementis enim conuenire albedinem, quia albus color est simplex: Argumento esse cinerem, qui ad albedinem tendit omni humore consumpto. Nigrum enim fieri ex humore semiusto, vt in carbonibus, & fumo. Non tamen omnis terra alba, simplex est, vt Eretria, Melia, Parætonium, virtute valde differentes. Qui putant terram ex sui natura opacam esse, alium colorem præter nigrum ei tribuere non possunt. At licet opacus sit totius terrę globus siue ob alterationem & commistionem, siue ob diuisionem continui, vt accidit pulueri: non tamen quælibet eius pars opaca est. Non enim contingeret gemmas quasdam, lapidem specularem, salem fossilem, & alia multa perspicua esse, & alba: vbique enim

ter-

terræ opacitas albedinem & perspicuitatem remitteret. Omnis autem terra si comburatur, deinde abluatur diligenter, deponit alienas qualitates, & ad suam simplicitatem maxime reducitur, cuius vires sunt siccandi sine morfu, & meatus occludendi, ideo recensetur inter Emplastica, 4. simpl. 5. Dioscorides terram omnem, inquit præcipuam habere vim refrigerandi, & meatus occludendi. Quoniam autem difficile est terram omnino simplicem habere, nam quæ colitur ex varijs generibus collecta videtur aut per alluionem inuectis, aut fimis computrescentibus: Medici selegerunt synceriores, & nequaquam confusas. Reperiuntur enim homogeneæ tum colore, tum consistentia, ideo ad simplicitatem elementi magis accedere videntur. Differunt tamen inter se. Quædam enim retinent aliquid igneæ qualitatis, vt terræ ex exhalationibus genitæ, vltionem enim passæ sunt, vnde pars earum in falsedinem maris conuersa est, pars in terram similem, quale est Parætanium, crusta quædam candida in mari lapidibus obducta inter candida pigmenta, spuma maris condensata cum limo vt Plinius tradit. Et terræ fullonum, quæ ex aquis pluuijs crassescunt in limum pinguem oriuntur, mordacitatem enim quandam participant ab exhalatione. Quædam morfu carent, vel quia sponte vel arte per ablutionem deposuerunt omnem caliditatem, vel quia ex abrasione quorundam saxorum ortæ sunt: retinent enim eorum naturam: vt Samia minime eget lotionem. Pro varia autem materia, ex qua fiunt, colores varios, & facultates possident. Quæ enim ex saxo calcario fiunt, candidæ & pingues sunt: ex saxo harenario macilentæ & argillose. Ex metallorum venis præ se ferunt eorum naturam: vt Rubricæ ferri: Mellia alumnis: ampelitis bituminis: & de cæteris eodem modo. Nam aut terræ ab ijs aquarum vi abraduntur, aut exhalatione diuersa inficiuntur, vt de Ochra tradunt cretam esse exhalatione plumbi infectam: plumbum enim luteum fumum gignit. Qui igitur res metallicas optime nouit,

etiam

etiam terrarum misturas ex coloribus, & cæteris conditionibus callere potest. Sed iam singulas explicemus.

CAP. XI.

ERetria à loco Eubææ dicta, quæ & Creta Eretria appellatur, duplex traditur, vna cædida, altera cinerea. Candida pictoribus magis in vsu vt Plinius testatur: Cinerea à medicis præfertur: hæc probatur molissima, & quæ super æs lineam violacem ducit. Eius vis est astringendi, molli-ter refrigerandi, emolliendi, vlcerum caua replendi, & recentia vulnera glutinandi ex Dioscoride. Galenus efficaciorẽ Lemnia asserit in exsiccando sine morfu: si autem lauetur, mitiorem reddi. Lauatur teste Dioscoride vt cerussa, vriturque vt tenuior reddatur. Hæc de Eretria habentur apud antiquos. Ex prædictis conditionibus videtur hæc cerussam participare. Hodie nemo est qui ostendat, cum eius vsus desierit. Habemus tamen ex alijs locis terras similes, vt patebit inferius. Samia quoque ex Samo insula, duorum generum traditur: vnum Syropicum appellatum, nostri collirium dicunt, quia medicamentis oculorum adhibetur. Alterum Aster Samius, idest stella Samia, vel quia signum stellæ imprimeretur, vt Lemniæ sigillum capræ, quod verisimile est, vel quia micæ quasdam scintillantes haberet instar stellarum, sed id neminem habet auctorem. Prioris laus est si alba, lenis, & linguæ glutinosa fuerit, mollis, succosa, & frangibilis. Altera vero, quæ Aster dicitur, glebosior est & crustosa densaque lapidis modo. Est & lapis samius à Dioscoride appellatus, quo vtuntur aurifices ad nitorem auro comparandum, reperiri in terra samia: eligi candidiorem, & duriorẽ. Omnibus facultas tribuitur astringendi, & refrigerandi, vt Eretriæ. Valere ad sanguinis sputum, ad menstruorum abundantias, illiniri testibus, & mamillis inflammatis: sudores cohibere: bibi ex aqua ad morsus serpentum, & omnia venena. Affertur etiam

nunc

nunc quoddam genus terre sigillatæ, albicantis, qua pro Lemnia vtuntur. Vidimus aliquando in ijs stellæ sigillum ex more antiquo adhuc asseruatum. Quæ autem Collirium dicitur, ex famo quidem insula hodie non habetur: sed illi similem ex Ilua habemus, quem bolum candidum vocant. Glebæ sunt molliissimæ leuissimæque nequaquam tangentium manus inficientes, tactu linguæ vehementer adherentes, sub dentibus sucosæ absque vlla asperitate, vt merito collirium dici possit. Aeream esse testatur Galenus, quod leuitate cognoscitur. Reperiuntur in metallis ferri cum Rubrica, ideo quædam vario colore spectantur, maculis rubentibus, aut pallidis, sed in pauca quantitate: præstantiorem hanc terram experti sumus Bolo Orientali ad sanguinis fluxum & febres pestilentes. Lapis autem famius in eadem Ilua foditur lapidea quidem consistentia, sed tactu linguæ adheret, vt terra: Calamitam albam vocant, vtuntur Magi ad amatoria, quia trahere putatur carnem, vt Magnes ferrum. Chia ex Chio insula Samiæ similis alba & crustosa diuersis formis fictitijs. Eligitur coloris albi ad cinereum vergentis. In ceteris vires habet famiæ, sed præterea acredine quadam participat, qua mulierum faciem emendat, & cutis rugas distendit, & splendorem affert: idcirco & in balneis vice nitri vtuntur. Hæc ex Dioscoride. Galen. 9. simpl. 5. abstersionem præstare sine morfu, valere ad ambusta. Ex his colligitur nitrosam quandam habere qualitatem. Habemus ex Ilua terram albam ad cinereum modice vergentem omnium molliissimam, & lubricam: nam tangentium manus veluti perungit, puluerulentam, & raram, qua vtuntur pro sapone, vt merito pro chia sumi possit. Non abhorret ab hac etiam Eretriæ descriptio, quæ cinerea ponitur, & molliissima. Selinusia ex oppido Siciliæ dicta lactei coloris, vt Plinius testatur, & aqua dilui celerrima ad parietum de albationes: Eadem cæruleo intincta Indicum imitatur, quo modo verum Indicum adulterari scribitur. Easdem facultates habet, quas chia. Eligitur quæ vehementer splendet,
& can-

& candida, frangibilis & humore dilui facillime potest. Hodie ad parietum dealbationes quodam genere calcis v-
runtur candidissimo ex lapide Tiburtino cremato, vulgo
Treuerinum vocant.

C A P. XII.

Cimolia inter Cretas fullonias est a Cimolo insula
dicta, cuius medici duas differentias considerant,
vnam candidam, alteram ad purpureum inclinantem: in
quocunque genere laudatur pinguis & tactu frigida. Astrin-
git simul & aperit vt scribit Galenus ob acredinem admi-
stam quæ efficacior inest quam in Chia aut Selinusia, sine
morsu tamen. Idcirco etiam vestes a fordibus emundat,
ob quem vsum celeberrima est: Hac quoque decocta inspif-
fataque adulterari Paratonium Romæ solitum Plinius te-
statur. Laudat Dioscorides ad Paroides, tubercula, am-
busta: nam statim illita prohibet postulas: ad testium duri-
tias, & totius corporis collectiones & Erysipelata: tandem
in medicina valde utilem esse, si sincera sit non adulterata.
Quamuis hodie varias Cretas habeant fullones non a Ci-
molo petitas, sed nostrates: in medicina tamen eæ seligen-
dæ sunt, quæ nihil harenosum habeant, densaq. sint, ideo
tactu fugido, & ob pinguedinem lubrico: pleræq. colore
vergunt ad cæruleum, quod dixit ad Purpureum. Pnigitis,
seu vt Plinius legit Pignitis ex loco Libiæ traditur Eretriæ
simillima, adeo vt pro ea quandoque venderetur, grandio-
ribus tantum glebis, tactu frigida, & linguæ adeo glutino-
sa, vt tactu illi maneat appensa: sed viribus iisdem cum Ci-
molia, infirmioribus tamen. Verum in huius terræ colore
Galenus, quem sequitur Paulus, a Dioscoride & Plinio dis-
sentit: tradit enim coloris attri vt Ampelitis. Cæterum vis-
cositatem ac tenacitatem non minorem quam Samia, immo
etiam maiorem habere testatur 9. Simpl. 5. Cum igitur vires
easdem habeat, quas Cimolia, inter Cretas fullonum quæ-
renda est: nam & candidæ sunt, & nigrae, cineræ, & cæru-

E lex:

leæ: omnes viscosæ. Melia a Plinio Melinum vocatur inter colores a pictoribus quæsitos. Optimum in Melo insula: in Samo quoque nascitur, sed eo non vtuntur pictores propter nimiam pinguitudinem. Apud Dioscoridem Melia coloris est cinerei, qualis in Erettia cernitur, tactu aspera pumicis trita modo, vim habet aluminis, sed remissius, vt gustu deprehenditur: linguam tactu siccatur, mundatur corpus, & colorem bonum conciliat, attenuat pilos, & vitiligines, & Scabiem delet, Pictoribus in vsu ad diuturnam colorum viuacitatem. Eligitur recens, tenera, non calculosa, frangibilis, & facilis solui in aqua: quæ omnes conditiones in cæteris terris obseruari debent. Vidi glebas leuissimas pumicosas, candidas, cinereas, subpallidas & varias, punctis nigris inscriptas, sapore astringenti, qui non solum ab Alumine, sed etiam ab Atramento prouenire videtur. Ad Meliam reduci posse videtur terra Melitensis, est enim tactu aspero, colore albo, ad cinereum vergente: astringens: datur ad Serpentinum morsus, sed vim hanc putant ex religione habere: a Diuo Paulo communicatam: ideo lapidem Sancti Pauli vocant: communis tamen est hæc virtus multis terris: si hæc teratur ac lauetur, vt tenuissima pars colligatur: cogitur in pastillos candidos non puluerulentos, nec pumicosos, sed admodum lenes, quibus signa quæque imprimi possunt: hæc pota magis penetrat in profundum obtenuitatem, & omni morfu caret, ideo ad pestilentes febres vice boli armeni exhiberi potest ad putredinem sistendam in venis: & ad sanguinis sputum. Ampelitis ideo appellata apud Dioscoridem, & Galenum, quia viti illita vermiculos necat, qui Gemmas erumpentes rodere solent. Pharmacitis quoque dicta, quasi medicamentosa, quia odorem spirat medicatum: Nasci traditur in Seleucia Syriæ, laudatur in primis nigra, modice assulosa referens paruos pini carbones, æquali splendore, quæ detrita ex oleo statim liquefit: Vitiosa censetur albicans & cinerea, & quæ in liquorem non soluitur. Vis inest discutiendi, & refrige-

refrigerandi: capillum tingit. Plinius Bitumini Simillimam esse tradit: experimentum eius, si ceræ modo accepto oleo liquefcit. Venditur hodie sub nomine terræ nigræ in vfu apud pictores, plerunque agglomerata in rotundas pilas similis detritis carbonibus. Porro alij sunt apud Theophrastum Carbores fossiles, de quibus dicemus inter lapides: differt hæc mollitiæ, ideo terris ascribitur: quamuis enim terra hæc oleo liquefcit ob naturam bituminis: soluitur etiam aqua vt cæteræ terræ, Galeno teste 9. Simpl. sic enim iure inter terras reponitur sed bituminosas.

CAP. XIII.

Rubrica a rubro colore dicta, Græcis Miltos: eius tria genera apud Dioscoridem: Sinopis, Fabrilis, & terra Lemnia. Sinopis cognominata ab vrbe in Cappadocia: Effodi tradunt in speluncis, & purgaram a lapillis vendi: probatur maxime grauis, densa, ad Iecoris speciem vergens, sine calculis, concolor, & cum diluitur, maxime soluitur: vim habet exsiccandi, obstruendi, & astringendi: ideo adhibetur emplastris vulnerarijs, & pastillis exsiccantibus, & astrictorijs. Aluum sistit, & in ouo sumpta, aut clisteribus infusa: datur iecinoris vitio laborantibus. Hæc Dioscorides. Venditur hodie terra iecinoris colore in pastillos quadratos formata, quam Bolum vocant, frequenti vfu ad emplastra astrictoria. Habetur & ex illa ferrarijs metallis sincerior, glebis non pastillis, tactu linguæ vehementer hærentibus. Nuper aliud genus in insula propinqua, quæ lilium vocatur, repertum est colore magis diluto ad pallidum vergente, vtrisque vtuntur hodie pro terra Lemnia aut Armenia saluti successu aduersus venena, & febres pestilentes. Rubrica autem fabrilis ex Dioscoride ad omnia inferior Sinopide: optima in Aegypto, & Cartagine absq; calculis, friabilis. In Iberia quoque gignitur ex Ochra vsta degenerante in Rubricam. Hæc vulgo Sinopia

appellatur rubicundior Bolo, & magis friabilis, ideo manus tangentium inficit. Vtuntur fabri lignarij soluta in aqua, vt filo imbuto lineas designent: vtuntur & Pictores. Lemnia ex Lemno insula, quam hodie Stalimenem vocant, ex Dioscoride: nascitur in spelunca loco palustri, quam incolæ in pastillos formant admisto caprino sanguine, & signo Capræ imprimunt, vnde sigillum Capræ appellauerunt. Antidotum contra perniciofa vena, si ex vino sumatur: etiam præsumpta euomi venena cogit. Prodest & contra ictus morsusq. animalium venenosorum: Antidotis familiaris: est dissenterix utilis. At ex Galeno testante se oculata fide hæc vidisse, habemus: Collem quendam esse iuxta Ephesiadem urbem, in quo planta nulla uiuit, solo ueluti combusto, colore rubro: tres autem terræ differentias notasse, unam quam sacerdos tantum attingebat, sacra, enim habetur, & sigillo Dianæ, quod Capræ est, imprimebatur, at nullo admisto sanguine, sponte enim rubra est. Alteram Rubricam esse fabrilem, quæ manus tangentium inficit: nam prima nequaquam tingit. Tertiam mundandis uestibus in usu esse ob facultatem abstergentem, quam habet, ut Creta fullorum. Plinius de Lemnia inquit, esse Minio proximam, antiquis multum celebratam cum insula, in qua nascitur, nec nisi signatam uenundari, unde & Sphragidem appellauere. Hæc Minium adulterari solitum, sed in medicina præclaram rem haberi. Hodie affertur terra quædam Characteribus Turcicis inscripta candicans modico, aliquando nullo rubore infecta: quam inter terras sigillatas ueram Lemniam putant. Testantur enim, qui hodie in Lemnum nauigarunt, paruo quodam loco, & paludoso ueram Lemniam colligi, idque æstate sub canicula lacu turbato, postquam subsidit, lutum colligi, & sigillo imprimi, deinde Imperatori Turcarum tradi, qui postea Magnatis distribuat præsidium unicum ad uenena. Ideo rara habetur, nec publice uenditur. Verum multa sunt, quæ suspectam eam reddunt. Primum sigillum Dianæ, cuius uires uanæ sunt

sunt. Deinde si vires naturales in eo genere Rubricæ insunt, iam desijisse Rubricam manifestum est ex colore, erat enim, teste Plinio Minio proximus. Quid autem mirum in tot seculis in parua spelunca conturbata aqua, absumptam esse Rubricam? aliud verò genus terræ subesse? cui tamen auctoritas ex antiquitate & religione asseruetur: Si igitur vires naturales sunt in Rubrica, qualis describitur Lemnia, vt scilicet colore sit Minio proxima, & manus non inficiat, sapore autem nullam qualitatem mordentem habeat, vt testatur Galenus: profecto reicienda est terra sigillata prædicta, & Rubrica sumenda est, quæ eas condiciones habet. Affertur autem huiusmodi ex Orientalibus quidem, glebis rubentibus succosis, lingua glutinosis: quem Bolus Orientalem vocant. Ei non inferiorem habemus ex Ilua, & Lilio. Nam præter Sinopidem coloris Epatici, quædam reperitur saturatæ rubedinis colore sanguineo: quædam roseo, quædam maculosa facie, maculis alijs sanguineis, alijs pallescentibus, alijs candidis. Omnes leuissimæ succosissimæque odore quodam fungi Pruneoli. Omnes linguæ pertinaciter hærent. Reperiuntur in metallis ferri, sed in pauca quantitate, vt Bolus candidus: his nulla reperitur asperitas sub dentibus, & citissime in succum soluuntur. Ex rubentiore conficiunt vasa fictilia, vt ex ijs potus perquam frigidus propinent febricitantibus: nam & vim Alexiteriam communicare creduntur.

CAP. XIII.

ARmenia tempore Galeni reperta est 9. Simpl. 5. quæ & lapidem vocari tradit ob consistentiam, licet terra sit, quia facillime soluitur. Paulus & Aetius Glebam Armenicam vocant, vnde Bolus Armenus hodie vocatur. Colorem habet pallidum, densior & grauior est quam Aster Samius: facillime soluitur calcis modo, mollissimaque est absque vlla asperitate harenosa. Afferri tradit ex Armenia ea parte,

ea parte, quæ Cappadociæ contermina est. Facultatem habere admodum exsiccantem, & consolidantem: idcirco conferre Dissenteriæ, & cæteris alui fluxibus. Item sputo sanguinis, catarris, vlceribus putridis oris, & pulmonis: ob id extollit ad Phthisim, & fistulas sedis contrahendas. In peste præterea vnicum fuisse remedium Romæ in vino mero aut diluto potam. Caput nostris temporibus afferri Bolus pallidus cum omnibus conditionibus a Galeno traditis. Glebæ enim sunt prædensæ, quæ tactu linguæ hærent vt cæteri boli nobiliores. Si vero affundatur aqua, citissime absorbent, & calcis modo soluuntur in succum absque vlla asperitate. Sed qui vires terrarum loco non generi ascribunt, omnes prædictas terras suspectas habent, præcipue quibus virtus Alexiteria tribuitur, hanc ignotæ naturæ tribuentes. At videmus conditiones Lemniæ, Samiæ, & Armeniæ, quas omnes aduersus venena præstantissimas prædicant, in eo consentire, quod frigidæ sunt, & siccant vehementer absque morfu: nullamque asperitatem harenosam habent, sed facillime in tenuem succum soluuntur: sic enim late diffundi possunt, & solidas partes adhærendo tueri, & prauas humiditates absorbere. Indicio est multum absorbere, quod linguæ apposita gleba hæret vehementer. Paulus Aegineta tradit Armenicæ similem facultatem habere Glebam Alanam sed eius notas minime tradit. Cur igitur & alios multos bolos similes, quales ex Ilua, aut Lilio, aut alijs locis habemus, recusabimus? siue candidi vt Samia, siue rubicundi vt Lemnia, siue pallidi vt Armenia: siue varij vt ex Ilua. Sed vt in summa contrahantur terræ a Medicis vsurpatæ: quædam astringunt, & siccant, & refrigerant, quod est terræ simplicioris proprium, vt Eretria, Samia, Lemnia, Armenia, quibus antiqui utebantur, nostris autem temporibus boli genera & terra Melitenfis. Quædam cum astrictione mordacitatem aliquam participant aut ex Nitro, vt Chia, Selinusia, Cimolia, Pignitis, ideo abstergunt, & apud nos variæ Creæ fullonum: aut ex
alumine

alumine, vt Melia, & apud nos luta varia balneorum aluminosorum, quibus vtimur ad Podagricos, & vlcera maligna: aut ex bitumine, vt Ampelitis: aut ex sulphure, vt luta quædam iuxta balnea sulphurea. Habemus & terras atramentosas continentes Chalcitim, Myfi, Melanteriam, Sori, ex quibus omnibus trahitur Calcanthum, vt loco proprio dicemus. Habemus & mistas ex pluribus Metallicis, vt lutum, quod ex Balneis Patauinis in vfu est, ad maligna tibiæ ulcerà sananda, illinendo totum crus, & in sole siccando: tradunt constare ex Gypso & sale. Et balneum Sancti Cassiani, cuius luto simili modo vtuntur: quod constat ex sulphure & alumine.

CAP. XV.

Explicatis ijs quæ proprie terræ vocantur, reliqua humore solubilia explicemus, vt sales, alumina, & alia similia. Differunt hæc a terris, quia a calido & sicco magis passa sunt: ideo retinent ignis vestigium: præterea ob rarefactionem, & attenuationem humore soluuntur magis quam terræ. Sapores autem euidentes habent, nec insipida sunt, vt pleræque terræ: Sic enim generari sapores tradit Arit. 2. Meteo. Cap. 3. vbi inquit. Exusta enim terra secundum magis, & minus omnimodas accipit formas saporum, & colores: quod experientia docet. Ex omnibus enim cineribus, & corporibus combustis per aquæ abluionem extrahitur substantia sapida, quæ consistit in quodam vestigio ignis, quod Empyreuma vocatur. Hæc vero substantia concrefcit in salem, aut aliquod genus simile, euaporante aqua, in qua soluta fuit: reliquum autem cineris corpus ablutum, terra est insipida. Idem putandum est contingere in exhalatione: cum enim substantia fit terrea accedens ad naturam ignis, si ab aqua apprehendatur aut in pluuia, aut in visceribus terræ: pars quidem eius ignita salsas reddit aquas, reliquum autem vertitur in terram. Duplex autem est generationis

rationis modus horum corporum, ut terrarum. Nam aut ex ipsa exhalatione refrigerata gignuntur, seu soluta in aqua sit, ut sal marinus, & lacustis: seu terræ agglutinata, ut sal fossilis. Nitrum naturale, alumen, & chalcanti genera naturalia. Aut ex combustionem corporum, ut fex vini combusta, quæ respondent terris ex putredine mistorum ortis, & ex diuersorum lapidum solutione. Sic enim diuersa corpora combusta diuersa genera salium pariunt. Appellamus autem hæc omnia communi nomine sales, ut plerique uocant: cum tamen sal proprie dicatur, quo utimur ad con-
diendum: de quo primo loco dicamus.

CAP. XVI.

Salis tria genera facit Dioscorides: fossile, Marinum, & Lacustrem. Fossilis, qui & efficacior traditur cum in multis locis fodiatur, præfertur tamen Ammoniacus, quasi Harenarius, quia inter harenas foderetur in Africa, Cyrenaico tractu: fissilis secundum longitudinem, rectis scissuris: sapore quidem ingratus, ut inquit Plinius, sed medicinae utilis. Communiter autem in hoc genere Dioscorides laudat candidum, minime calculorum, perspicuum, densum, æquali compage. Fodi autem & in Cappadocia traditur lapidum specularium modo: & in India montem esse Oromenum appellatum salis natiui, in quo lapidinarum modo ceditur renascens: maiusque esse Regum uectigal ex eo, quam ex auro atque Margaritis. In Arabia quoque opido ex massis salis muros, & domos construunt, aqua cimenti uice conglutinanre. In Hispania quoque cedi glebis pene translucentibus, cui iam pridem a medicis plerisque palma dabatur. Sed & hodie in Germania pluribus in locis foditur. In Italia quoque reperitur. Nam in Calabria salis fodinae sunt crystallum imitantis, & ob id falgemma uulgo appellatur, cuius apud medicos usus est pro Ammoniaco, adeo ut eo inuento non quærat Ammoniacus. Fossilis
igitur

igitur hoc modo habet. Marinus autem non nisi artificio paratur ex aqua maris in salinas transfusa non sine aqua dulci, sed imbre maxime iuuante, & sole multo. Nam non aliter inarescit. In Africa circa Vticam hoc modo accruos salis construunt ad collum speciem. Qui uerò Sole, Luna-que indurueri, nullo humore liquefcunt: uixque etiam ferro ceduntur. Hæc Plinius. Salis marini eligit Dioscorides candidum, æquale, & densum. Probatissimus erat in Cypro, præsertim Salamini, & Megaris, in Sicilia, & Africa. Hodie habemus in Italia communissimum sed turbidum coloris cinerei, micis crassioribus. Vbi calor Solis non sufficit, igne perficitur. Purgatur tamen, ut candidior fiat, solutione & congelatione. Vritur quoque donec non exiliat, ut docet Dioscorides de omni sale. Lacustis uidetur e sale fossili ortum duxisse aquis præterfluentibus soluto. Traduntur enim fontes falsi, & flumina in multis locis, ut apud Caspias portas falsi flumina appellata, quia eorum summa densantur in salem reliquo amne ueluti sub glacie fluente: & apud Bactros amnis, Ochus, & Oxus deferunt ex appositis montibus falsi ramenta. Fontes quoque calidi Pegasei salem ferunt. Meminit & Aristoteles in Chao-
nia fontens esse, cuius aqua postquam decocta fuerit, & frigefacta, euaporato humido cum calido, in salem vertitur non crassum & compactum, sed laxum, & subtilem ut nix, qui alio sale imbecilior est, largiusque iniectus delectat. Non absimilem hodie habemus in Aetruria agro Volaterrino: putei enim sunt falsi, qui coctione salem candidum, & admodum tenuem reddunt tanta ubertate, ut toti Aetruriæ satisfaciatur, ea lege ut alio non utantur. Sed lacus multi sponte congelantur æstiuis solibus ut Tarentinus, qui totus congelatur, Cocanicus in Sicilia, & alter iusta Gelam secundum extremitates tantum abeunt in salem. In Phrygia, & Cappadocia, & Aspendi usque ad medium lacum. Inter lacustres autem Dioscorides validissimum tradit Phrygium: celebratur quoque Tarentinus omnium suauissimus, atque

candidissimus. Econuerso amarior, qui ex lacu Asphaltite habetur, Sodomiticus vocatur. Differunt quoque colore: nam rubet Memphi: rufus circa oxum: purpureus Centuripis. Circa Gelam Siciliae tanti splendoris, vt imaginem recipiat. In Cappadocia croceus translucidus, & odoratissimus effoditur, ex Plinio. Quo autem candidior est sal eo fragilior: omnis dulcescit pluuia: suauiore tamen rores faciunt: sed copiosum Aquilonis flatus: nam austro non congelatur, sed liquefit. Facilius autem liquantur qui rariores sunt ac tenuiores: vt marinus, & lacustris. Fossilis vt substantia constat magis compacta, sic difficilius soluitur. Onanium vsus multiplex, sed praecipuus ad condimenta: nullum enim fere sine sale iucundum videtur, vt etiam iumentis expetatur: sale enim excitantur ad pastum, vnde largior lactis copia, & caseus gratior prouenit. Hinc ad vitae quoque lepores arque animi voluptates salis vocabulum transijt, vt nulla humanior vita sine sale queat degere: & salaria etiam nunc dicta, quae honoribus & militiae interponuntur. Illud praeterea sali in est eximium, quod corpora conseruat à putredine incorrupta, vt carnes, pisces, & quaecunque humore constant putrescibili, cum enim humori huiusmodi in corpore latenti commistus est, quod ob bibulam eius proprietatem facile contingit, exsiccas contrahit, & vt ipse est, imputrescibile reddit. Bibula quoque est natura terrarum, at non soluitur vt sal, ideo non in profundum penetrat. Quamuis autem sal à putredine defendat, non tamen conuenit in febribus putridis, non solum quia calidus, sed etiam quia exsiccando indurat viscera: quod experimento compertum est ijs, qui aquas salvas bibunt, vt Hippocrates testatur in libro de aere, aquis, & locis. Facultates aurem in medicina habet calfaciendi, & exsiccandi, abstergerendi, & astringendi. Sed quo durior, & compactior est, eo minus calidus, ac magis astringens vt fossilis. Laxior autem calidior est ac tenuior, ideo magis abstergit, & minus contrahit: maxime autem salustus huiusmodi est.

Sunt

Sunt & genera salis factitij apud antiquos, ardentibus lignis in aquam falsam infusis: quod in Gallia, & Germania, & quadam Hispaniæ parte fieri solitum scribit Plinius: ad id Quercus optima, & quæ per se cinere sincero vim salis reddat: alibi Corylus laudatur, ita infuso liquore salso. Carbo etiam in salem vertitur. Quicunque ligno conficitur sal niger est. Scribit & Atistoteles 2. Meteo. cap. 3. in umbricis locum quendam esse ferentem calamos, & iuncos: quorum cinerem in aqua decoquunt, hac autem refrigerata salis copiam fieri. Hodie alia factitij habentur genera, ut sal Armeniacus, sal nitrum, sal alcali, & alia quædam, quæ nos inter nitra commodius reponenda censemus.

CAP. XVII.

AD salem reducuntur spuma salis, muria, & flos salis. De spuma, inquit Dioscorides: ramentum est spumosi maris in exilibus petris inuentum, cui vis eadem quæ salis: appellat autem Græce Halosachnem, quasi exiguum maris stillam. Plinius inter genera salis, inquit, aliud genus ex aqua maris sponte gignitur, spuma in extemis littoribus, & scopulis relictæ, quæ rore densatur, & est acrior. Hanc videre licet veluti crustam candidam lapillis, & littoribus inhærentem: lanosa facie agglomeratam, sed duram, & ferme lapidosam, simili consistentia, qualis in lapidibus spongiæ reperitur. Eandem inter Alcyonia quinto loco Dioscorides tradit, quam Halosachnem similiter vocat. Ex hoc genere videtur esse Parætonium apud Plinium ex Aegypti loco appellatum inter candida pigmenta. Est, inquit spuma maris condensata cum limo, ideo Conchæ minutæ reperiuntur in eo, & candidis coloribus pinguiusculum. Discedit autem hæc substantia a natura salis, quia non soluitur: lapidosior enim est, quam sal fossilis, videtur enim veluti excrementum salis derelictum in scopulis, a quo abscessit tantum id quod solui potuit. Sed Galenus 11. Simpl. 2.

forte non hanc substantiam intellexit, cum de Halosachne inquit: spumosa est salis efflorescentia multo tenuioris substantiæ quam sal ipse, quare & extenuare, & digerere multo plus ipso potest: verum quod reliquum est substantiæ contrahere vt sal nequit. Cum enim efflorescentiam salis dicat, innuit florem salis a Plinio vocatum, de quo inquit: salinarum synceritas summam fecit suam differentiam: quædam enim fauilla salis, quæ leuissima in eo est & candidissima, Flos salis appellatur: non fit nisi Aquilonaribus. Est autem huiusmodi id quod in salinis ex muria optime purgata, & syncera concrefcit in salem tenuissimum & candidissimum: quod ex quocunque sale soluto, & defecato parari potest. Efflorescit etiam sponte non solum in salinis ad similitudinem lanuginis canescentis, sed & in vasis in quibus sal continetur. At hoc genus in scopulis maris, aut litoribus nunquam reperitur. Igitur Halosachne modo salis, modo maris spumam significat. Hals enim apud Græcos pro utroque accipitur. Quamuis autem flos salis eius efflorescentiam significet, accipitur tamen etiam pro alia substantia admodum diuersa: de qua Dioscorides inquit: defluit flumine Nilo, lactibus autem quibusdam innatat: eligitur crocei coloris, odore grauiusculo, ceu Gari: aliquando ingrator, gustu mordaci, & subpingui. Improbatur qui rubricam habet & grummos: sincerus autem solo oleo soluitur, adulteratus etiam aqua: acris & feruentis naturæ vt sal: Galenus medicamentum liquidum esse testatur, tenuius quam sal vltus, acris qualitatis, & admodum digerentis facultatis. Plinius eadem ferme habet, inquit. Et flos quidem salis in totum diuersa res, humidiorisque naturæ & crocei coloris, aut rufi, veluti rubigo salis, odore quoque ingrato, ceu Gari, dissentiens a sale non modo a spuma. In Aegypto inuenitur, videturque Nilo deferri, & fontibus tamen quibusdam innatat. Optimum ex eo, quod olei quandam pinguitudinem reddit. Est enim in sale pinguitudo quod miremur. Adulteratur autem & tingitur

LIBER PRIMVS. 45

gitur Rubrica, aut plerunque testa trita: qui fucus aqua deprehenditur diluente facitium colorem, cum verus ille non nisi oleo resoluitur: & vnguentarij propter colorem eo maxime vtantur. Canicia in vasis summa est, media verò pars humidior: & quę sequuntur. Quamuis autem hodie hoc genus non adferatur ad nos: reperitur tamen in quibusdam fontibus balneorum innatans huiusmodi substantia, colore vario, nunc croceo, nunc ruffo, nunc viridi, odore graui, & gustu mordaci. Pinguedo igitur, leuitas, & odor ostendunt materiam exhalationis vstibilis, non vstæ vt salis, ex sulphure, aut bitumine, aut exhalatione quacunque.

CAP. XVIII.

MVria idem quod falsugo seu falsilago appellatur in salinis tota liquida, marina aqua salior, vt Plinius inquit de qua Dioscorides inter sales: nihil enim aliud est quam sal liquefactus: ideo effectus salis præbet, abstergitque Dissentericis infunditur ad vlcera depascentia. Eius species, est Garum, liquamen scilicet piscium aut carniū, quæ sale macerantur vt Dioscorides tradit inter pisces. Soluitur enim saleorum humore, eademque præstat: mitigatur tamen eius acrimonia ab humiditate piscium, aut carniū. Sed apud Plinium & Galenum non quoruncunque piscium salitorum liquamen Garum dicitur: sed genus quoddam exquisiti liquoris intestinis piscium, cæterisque quæ abijcienda essent, sale maceratis, vt sit illa putrescentium sanies. Hoc olim conficiebatur ex pisce, quem Græci Garon vocabant: sed postea ex Scombro laudatissimum fieri cæpit, adeo vt Mauritania, & Bætica aliæque finitimæ regiones Scombro ex Oceano intrantes caperent Gari conficiendi gratia, ad nihil aliud vtilis. Creuerunque genera in infinitum: vt quoddam conficeretur ad colorem muli veteris, adeoque dilutam suauitatem, vt bibi posset. Gari verò sex imperfecta nec colata Alex appellatur, quod eius vitium est. Cæpit
tamen

tamen & priuatim alex ex inutili pisciculo, minimoque confici, apuam nostri, aphyem Græci vocant, quoniam is pisciculus e pluua nascitur, tandem peruenit ad Ostreas, Vrticas, Cammaros, Mullorumque iocinora: innumerisque generibus ad saporem gulæ capit sal rabescere, Hæc Plinius. Reperitur passim apud Galenum Gari mentio inter condimenta: multi enim cibi ex oleo, & Gari parari solebant. Sed hodie disperijt eius vsus, ideo nec amplius conficitur. Alecis autem quædam genera habentur, vnum ex pisciculo, quod Romæ alicæ vocatur, alibi acciuga, aliud genus ex Thunni iecinore, quod vulgo Cauiale appellatur. Sed hæc præter nostrum institutum. Muria omnis fassamentorū si coquatur absumpto humore concrescit in salem.

CAP. XIX.

Nitrum non multum a sale distat, tenuior tantum substantia, & mollior, ac leuior. Nascitur ex aquis nitrosis, efflorescit quoque e terra: non exilit in igne vt sal, sed bullas attollit vt alumen. Præterea maiorem acrimoniam nitro inesse eo argumento colligunt: quod cito nitriarix calciamenta consumunt, & in ijs nulla herba viuit, nec animal. Eius historiam Plinius ex Theophrasto, admodum diligenter tradit. Quædam sponte nasci, quædam fieri. Nasci apud Medos exiguum canescentibus siccitate conualibus, quod vocant Halmiraga, quasi terræ falsuginem: minus etiam in Thracia iuxta Philippos sordidum terra, quod Agrion idest syluestre vocant. Apud nos in plerisque locis terræ sunt falsuginosæ: parietes quoque falsuginem expuunt tenuem, candidam, instar lanuginis, quamuis exiguam, acrem, quæ in igne accenditur: continet enim flatuosam, & vstibilem exhalationem, cuius accensione imperus gignitur: vt in sale crepitus exultans. Hinc excogitata est pulueris compositio, quæ ictu oculi ignem concipit, & pilas ingentis ponderis lapideas aut ferreas ex bellicis machinis
 quas

quas bombardas vocant, eiacularur imitatione quadam fulminis. Quoniam vero exigua est huiusmodi falsugo sponte efflorescens: arte ex terris falsuginosis, quas deprahendunt lingua, extrahunt in aqua abluentes, hæc enim post coctionem densatur in id genus nitri, quod salnitrum vocant: nam & Plinius quandoque ipsum nitrum salnitrum appellat. Sponte quoque nasci traditur in Asia in speluncis mollibus distillans: deinde collectum siccari Sole: optimum Lydiæ: cuius probatio, vt sit minime ponderosum, & maxime friabile colore penè purpureo: afferri in pastillis: Aegyptium in vasis picatis ne liqueat. Aphronitrum hoc genus vocari, quasi spumam nitri. Dioscorides Aphronitrum, inquit optimum censerit leuissimum, glebosum, friabile, colore pene purpureo aut spumofum, & mordax, quale ex Philadelpia Lidia defertur: Secundum esse Aegyptium: gigni quoque in Magnesia Caria. Ex aquarum autem concretione sponte nascebatur apud antiquos in Macedonia, quod vocant chalasticum, candidum, purumque proximum sali: lacum esse nitrosum exiliente e medio dulci fonticulo: ibi fieri nitrum circa Canis ortum nouenis diebus, totidemque cessare, ac rursus innatare, & deinde cessare. Quo apparet soli naturam esse, quæ gignat: quoniam compertum est, nec Soles proficere quicquam, eum cesset, nec imbres. Imbribus falsus nitrum fieri, Aquilonijs deterius, quia validius commouent limum. Videtur Dioscoridis hoc genus intellexisse, quod inquit ex Bunis afferri optimum colore roseo aut candido spongiæ modo fistulosum. Sed hæc nequaquam adferuntur ad nos, neque comperta sunt oriri. Non desunt tamen aquæ nitrosæ, sed sine viribus densandi. Prædicta igitur genera nascuntur. Conficiebatur autem in Aegypto multo abundantius sed deterius: nam fuscum, lapidosumque erat. Eodem pene modo fiebat vt sal, nisi quod salinis mare infundebatur: nitrarijs autem nilum: quo recedente madent succo nitri quadraginta diebus continuis: statinque vt densari est cæptum rapitur, ne resoluator in nitrarijs

erarijs. Sic quoque olei natura interuenit ad scabiem animalium utilis. Ipsum autem conditum in aceruis durat. Circa Memphim lapidescit, adeo ut ex ijs faciant vasa, ideo deterius, alicubi ruffum a colore terræ. Arabes tradunt quoddam genus fossile lapidosum, quem salem petrosum vocant, recentiores salem petrae. Albertus Magnus testatur in Gofelaria Teutoniae se nitrum abundanter inuenisse, quem tamen incolæ salem esse putabant. Pluuia enim cadens super montem vena eris refertum, cum ad centum passus in fodina peruenerit, congelatur, inquit in nitrum, qui ab incolis putatur esse salgemma. Ex hoc genere videtur esse lapis, ex quo fit borax vulgo appellatus, de quo inferius. In nitro optimum, quod tenuissimum, & ideo spuma melior. Hunc antiqui negabant fieri, nisi cum ros decidisset prægnantibus nitrarijs nondum parturientibus: itaque non fieri incitatis, etiam si caderet. Alij operimento rum fermento gigni existimauere. Hoc genus spumæ Galenus spumam litri seu nitri vocat, alia ab Aphronitro nomine composito. Medicamentum inquit, exsiccatorium esse aspectu triticeæ farinæ: alba enim est, non ut Asiæ petrae flos cinerea: eiusdem facultatis cum nitro, sed essentia tenuioris. Aphronitrum autem farinæ speciem non habet, neque solutum est, sed congelatum & coactum, quo vtuntur quotidie, qui in balneo sordes auferunt, ea detergendi facultate, ut non modo sordes extergeat, sed etiam pruritus sanet, nempe digerendis quæ ipsum excitant saniebus. At deuorandum non est nisi grauis vrgeat necessitas, quippe quod inimicum stomacho, nam plus nitro incidit. Ad fungos tamen suffocantes rusticus quidam utebatur, & semper profuisse probatum est. Nos autem in talibus nitro vsto simul, & non vsto, & multo etiam magis eius spuma uti consueuimus. Hæc Galenus. At hodie inuentis alijs generibus nitri, non amplius ex aqua nili conficitur, quod sciatur. Habemus enim Almiragem, de qua diximus, tenuissimam substantiam spumæ nitri respondentem: & salni-

trum,

trum, quod ex terra eius succi grauida extrahitur: nitro respondens quod ex aquis colligitur. Nili enim aquæ in alluuiionibus abluentes loca a sole exusta similem saltuginem ferunt, quæ in nitrum vertitur: continere autem pinguem substantiam vstibilem vt nostrum salnitrum, ostendit oleum, quod ex nitratijs habebatur. teste Plinio: vt hinc conijcere liceat exhalationem vstibilem tenuem in nitro contineri, quæ ipsum tenuius, & amariius sale reddit. Hinc sal Sodomiticus ex bitumine amarius nascitur, & Babiloniæ prima densatio in bitumen liquidum cogitur, oleo simile, quo & in lucernis vtuntur: hoc detracto subest sal, vt Plinius testatur. Eiusdem generis est flos salis, de quo diximus: oleosam enim naturam habet ex nitro. Non igitur absurdum fuerit salnitrum pro nitro antiquorum assumere, & Halmiragem pro spuma nitri. In confectura autem salis nitri, quod prælongis ac tenuibus veluti crystallis condensatur, subest sal quidam candidus farinae specie, quo vtuntur pro sale, sed parcius, quia acrior sentitur. Antiqui etiam nitris quibusdam pro sale utebantur, vt Chalastrico in pane: ad Raphanos Aegypto, teneriores enim facit.

CAP. XX.

AD nitra reduci possunt multa genera factitia ex crematis, aut lapidibus, aut plantis, alijsq. corporibus: quibus varij artifices vtuntur. Antiqui ex Quercu cremata conficiebant, sed ob exiguitatem ab opere destiterunt. Hodie ex calce parant lixiuium, quo incrassato cum oleo, nitri vice vtuntur ad sordes abstergendas non solum ex corpore in balneis, sed & ad lintea dealbanda, & maculas ex pannis delendas: saponem vulgo vocant. Adulterabatur & in Aegypto calce ipsum nitrum: depræhendebatur gustu: syncerum enim facile soluitur: adulteratum, pungit: calce aspersum reddit odorem vehementem. Fit calx vstro lapide calcario, quod marmor fusaneum vocatur:

G Fit

Fit & ex testis conchiliorum : Dioscorides ex Buccinis marinis, & ex calculis littoralibus, medicamentum acerrimum vrens ad crustas inducendas efficacissimum, quandiu recens fuerit, & aquam non tetigerit : quæ calx viua appellatur : sed cito hebetescit, in aqua autem in qua soluitur, ignem deponit : lixiuium id capitellum vocant, primum acerrimum, secundarium mitius, quam aquam medianam vocant : reliqua inualida, vnde varia saponum genera conficiuntur, additis quoque cineribus. Fax vini vsta, quod vulgo Tartarum vocatur, nitrum quoddam est factitium vrentis & abstergentis facultatis : eo mulieres vtuntur ad ruffandum capillum, & fullones ad præparandas varias colorum infectiones. Antiqui utebantur nitro quodam sordido ad inficiendas purpuras, tincturasq. omnes, vt Plinius testatur. Nobilius fit ex crusta, quæ circa dolia concrefcit ex vino, saporis acidus : hæc enim cremata facillime soluitur etiam in aere humido. in liquorem accerrimum, quod oleum Tartari vocatur : cuius gutta diluta ex aqua efficacissime abstergit faciem, & maculas delet. Borax vulgo appellatur quasi Baurach, quod apud Mauros nitrum significat : factitium quoddam genus nitri translucidum micis grandini similibus, quo aurifices vtuntur ad scobem auri glutinandam, vt chrysocolia apud antiquos, adiuuat enim fusionem. Conficitur Venetijs ex cremato lapide quodam candido, & fissili, quem boracem crudum vocant. Serapio Boracem Tincar appellat : esse inquit speciem salis sapore nitri cum quadam amaritudine : Repetiri fossilem in littoribus maris, & factitium, quod teste Rasi inter genera nitri continetur, sigillo imprimi solitum : alij ex impuberis vrina factitari tradiderunt commodum ad aurum glutinandum, quæ in re Chrysocollam antiquorum significat. Quamuis autem Arabes lapidosi nitri mentionem faciant, non tamen is borax videtur, quem crudum vocari diximus : hic enim non soluitur, neque saporem vllum præ se fert sed vstione, & præparatione mordenrem saporem acquirit. At nitrum quamquam lapidosum, quale circa mem-

phim

phim faxeis tumulis addensatum scribit Plinius: saporem tamen falsum & amarum possidet. Serapioni sal petrosus, & apud chimicos sal petræ vocatur. Galenus 4. Simpl. 11. etiam inter aphronitra quædam esse testatur duræ, & crassæ essentiæ: quæque nec facile liquari in aqua possint: sed hæc improbari. Sal Armeniacus, & Armoniacus, vt vulgo appellatur, ob nominis vicinitatem Ammoniacus creditur, de quo inter sales fossiles diximus. Est sal acutissimus, vel potius nitrum, quo chimistæ vtuntur ad sublimationem argenti viui, & solutiones metallorum. Fit ex quinque partibus vrinæ humanæ, & parte vna salis communis, & parte dimidia fuliginis lignorum, his simul coctis vsque ad consumptionem humiditatis, reliquum sublimatur in salem Armoniacum, hunc iterum in sudore dissoluunt & congelant & a sale communi sublimant, & est optime præparatus, vt Chimistæ docent. Adfertur ex Germania candidus translucens figura placentæ nigredine quadam obductus, acerrimi saporis. Sunt qui in Armenia fieri testantur ex vrina Chame-lorum vnde Armeniacus vocatur. Arabes genus quoddam nitri optimum ex armenia quondam afferri solitum tradunt. Posteriores salem Armoniacum interpretati sunt apud Serapionem quod Huxander seu Nusader vocat: salem candidum purpureum, rubrumue, qui extrahitur elapidibus maxime duris, & translucidis: gustu salso & summe mordaci ad quartum gradum caliditatis accedens, vi attenuandi, exterendi, euocandi ex alto remedium ad columellam laxatam, & anginas. Qui vitra conficiunt, suum quoque genus habent nitri, sine quo harena non glutinatur in vitrum. Vtebantur quondam nitro Aegypto, quod ingentibus glebis lapidosis transuehebatur: vt colligere licet ex prima vitri inuentione, quam tradit Plinius. Mercatores enim in littore quodam harenoso cum non adesent lapides ad construendum focum, glebas nitri cortinis subdidisse feruntur: his igne liquatis, & harenæ permistis fluxisse translucens nobilis liquoris riuos, quæ prima fuit vitri origo.

Sed nostris temporibus ad id alio genere nitri vtuntur, quod ex frutice quodam falsuginoso cremato conficitur, fodam vocant: Furicem existimant esse Vsnem, & Cali apud Arabes vocatum, vnde sal Alkali ab ipsis vocatur. Affertur ex Hispania ingentibus glebis cinereis aut nigricantibus præduris. Quod autem in confectioe vitri separatur liquidum, frigore congelatum lapidosumq. colore candido, sapore perquam acri, sal vitri appellatur, quo vtuntur pro sapone ad pannos purgandos, & ad faciem mundandam. Nitra igitur tum naturalia tum factitia explicata sunt.

CAP. XXI.

A Lumen Græce Stypteria ob vehementiam saporis astringentis appellata est: eiusque plura genera apud antiquos recensentur, omnia natiua, ex aqua limoque, vt Plinius inquit, veluti ex sudantis terræ natura. Nam hyeme corruatum æstiuis solibus maturatur. Quod fuerit ex eo præcox, candidum fit; hoc liquidum vocatur, vtilissimum lanis inficiendis claro colore. Eius probatio, vt sit lymphidum lacteumq. sine offensis fricantium, cum quodam caloris igniculo. Dioscorides inquit: æquale vndiquaq. succosum sine lapidibus, spirans igneum quid. Vidimus hoc veluti lutum candidum, quod vetustate in glebas candidas transit, quas si fregeris, partim in capillamenta concreuisse conspicietur, partim in grummos. Quamuis autem liquidum appetetur non tamen fluidum est, sumi enim pilulis conformatum testatur Plinius contra lienis vitia, & ad pellendum pruritum, & sanguinem per vrinam. Alterum genus concretum est varia figura: vnum in capillamenta quædam canescentia dehiscit, quod Schiston Græci idest scissile vocant. Hoc Dioscorides tanquam optimum primo loco describit, intelligitur veluti flos glebosi aluminis; probatur recens, candidissimum, gustu perquam astringens, graue olens, calculorum expers, nec glebulose, aut assulose compactum;

sed

sed sigillatim in capillamenta quædam canescentia dehi-
scens, quale est quod trichites id est capillare vocatur, in
Aegypto natum. Adulteratur lapide simili, idest Amian-
to, sed gustu facile discernitur. Hodie adulteratum pro le-
gitimo publice venditur: alumen plumæ vocant, alij florem
petræ: sed non soluitur in aqua, neque gustu astringit. Le-
gitimum vidi prope loca ardentia & sulphurea quasi cinis sit
sulphuris combusti, glebis candidis valde astringentibus,
nunc mollibus, quod liquidum alumen est, nunc concretis
in filamenta, quod schiston dicitur, nunc grummosis, aut
spongiosa facie veluti bullis extuberantibus, quod rotun-
dum vocatur: omnia in iisdem locis, quod & Dioscorides
testatur: in Aegypto enim omne genus, & in iisdem metal-
lis inueniri. De Rotundo inquit: assumendum quod suapte
natura rotundum est, non manu confectum, bullis turgens
instar Pompholygis, albo propius, atque validius astringens,
præterea non nihil palloris cum quadam pinguedine præse-
ferens, sine harenis, friabile, quale in Melo insula, & Ae-
gypto reperitur. Plinius Strongilem idest rotundum iner-
tioris facultatis: duas eius esse species: Fungosum atque
omnium ore dilui facile, quod in totum damnatur. Melius
pumicosum, & foraminum fistulis, spongiæ simile, rotun-
dumq. natura, candido propius, nec inficiens nigritia: Qua
in re considerandum magnam affinitatem esse inter genera
aluminum, & chalcanti: nam præter similitudinem sapo-
ris, etiam vis inficiendi colore nigro tribuitur aluminibus,
vt Chalcanto & melanteriæ. De liquido enim testatur Pli-
nius, sincerum nigrescere mistura succi mali Punici: de con-
creto inquit: pallidæ & scabræ naturæ galla infici: Hæc ea-
dem videntur in Chalcanto, nam aut galla, aut mali pu-
nici corticibus atrum colorem efficit. De schisto præterea
inquit: hoc quoque fit ex lapide, ex quo & id chalcitim vo-
cant, vt sit sudor eius lapidis in spumam coagulati. Hinc
aluminum diuisio in candidum, & nigrum exigua coloris
differentia: magni vsus, quoniam inficiendis claro colore
lanis

lanis candidum, liquidumq. vtilissimum est. contraq. fuscis, aut obscuris nigrum: & aurum nigro purgatur. Hæc Plinius. Hodie in coſectura chalcanthi ſpumofa quædam ſubſtantia efflorefcit extra vaſa, quæ concreſcit ſpongioſa facie colore pallido, cuperoſam vocant. Reperitur & albicans plumoſa intus ſubſtantia. Reſudant quoque ſponte omnia genera in Ilua, vbi chalcitis reperitur & melanteria, & tandem vbi lapis ærarius continetur, quem chalcitim Plinius vocat: cuius exemplo non inepte hodie cuperoſam vocant, non ſolum chalcitim, & congenera eius, ſed etiam alumina ipſa natiua; Efflorefcunt enim magna ex parte ex lapide ærario cui multa eſt vis ſulphurea: quæ cremata ſaporem acerbum, & acrem reddit. Galenus addit aſtragalotem, id eſt talarem, quaſi anguloſa conſtet figura inſtar Tali, non rotunda: & placitem quaſi cruſtoſum: & Plinthitem laterculi effigie. Omnibus ineſſe vim aſtriugendi vehementiſſimam, ideo craſſarum partium: tenuiori tamen quodammodo ſubſtantia conſtare ſchiſtum, deinde Rotundum, & Aſtragalotem: admodum craſſa liquidum, Placitem, & Plinthitem. Dioſcorides vim calefaciendi tribuit, ſtringendi & expurgandi: quod non mirum: nam cum aſtriſtione acredinem poſſidet mordentem quam ob uſtionem acquiſiuit. Hodie pro aluminibus naturalibus ceſſit in uſum factitium, quod vulgo alumen Rocchæ appellatur, & Chemicis glaciale, quia inſtar glaciei coagulatum eſt. Conſcitur ex cremato lapide quodam in agro Romano prope Tolfam. Cæditur inibi lapis prædurus candicans, qui mollior eſt, ſubrubens qui durior. Vnde aluminis duo genera, candidum ſubrubensq. oriuntur. Uſus hic lapis fornacibus, pluribus diebus irrigatur, donec in lutum tabeſcat: qui inieſtus feruenti aquæ ſubſtantiam aluminofam deponit, quæ a ſæcibus defæcata concreſcit in ligneis receptaculis ad ſimilitudinem cryſtalli anguloſum nucis craſſitudine pellucidum: candidum ſericis, & lanis tingendis claro colore expetitur: Ruſſum acrius eſt. Hoc quoque medici vtuntur ad vlcera putrida, gingiuas & vbicumq.

vbicumq. astrictione vehemēti opus est: Vrunt quoq. donec bullas non attollat, sic enim pumicosum redditur, cuius puluis exerit supercrescentem in vlceribus carnem, & ad cicatricem ducit. Cuperosa autem quidam ytuntur etiam intrinsecus ad venena, & pestem: præcipue candida, quod alumen liquidum esse diximus: hoc enim propinari interius ex Plinio habemus. Multa alia hodie recensent inter alumina: vt alumen plumæ, quod amiantum esse diximus, alumen scaliolum, qui lapis est specularis inter genera Gypsi: alumen Catinum quod vulgo Sodam vocant inter nitra factitia: alumen fæcis, quæ fæx vini est combusta inter nitra factitia: alumen Zuccharinum, quod ad mulierum dealbationes componitur ex alumine Rocchæ, ouorum albumine, & aqua rosacea. Alumen Iamenum Arabes intelligunt Scissile Dioscoridis.

CAP. XXII.

C Halcanthrum a Græcis appellatum quasi æris efflorescentia: a Latinis Atramentum Sutorium vocatur, quia eo coria tinguntur: aliud ab Atramento scriptorio seu librario, quod ex fuligine pictoria conficitur: & ab Atramento Metallico, quæ Melanteria dicitur. Dioscorides tradit humorem esse concretum aut sponte, aut arte: vnde quoddam natium, quoddam factitium habetur: non vt quidam interpretantur quoddam molle, quoddam concretum. Sponte quidem concretum in Cypro oriri, quod vel guttatim humore in cuniculis distillante in stirias cōcrescit, vnde stillatitium vocatur, quod optimum est: vel in speluncis corriuatum transfunditur in scrobes, in quibus concrefcit, quod Pecton idest concretitium vocatur. Tertium factitium est in Hispania, quod Ephthon idest percoctum dicitur, omnium inualidissimum. Nam aqua materiam diluentes decoquunt, dein in piscinis transfusum sinunt; donec concrefcant, quod certis diebus sit racematim digesta materia.

tia in complura corpuscula tesseris similia. Optimum creditur cæruleum, graue, densum, translucidum: cuiusmodi est stillatitium. Proximum concretitium. Percoctum ad infectus, & denigrationes aptius est cæteris, sed in medicina inualidius. Plinius in Hispania puteos esse & stagna habentia id genus aquæ: decoqui eam admista dulci pari mensura, & in piscinas ligneas fundi. Dependere immobilibus super has transtris restes lapillis extentas quibus adhærescens limus vitreis acinis imaginem quandam vuæ reddit. Exemplum ita ficcari diebus triginta. Colorem esse cæruleum per quam spectabili nitore, vitrumq. esse credi. Diluendo fieri atramentum tingendis corijs. Hinc hodiè vitreolum vulgo appellatur ob vitri similitudinem. De nativo autem idem Plinius inquit. Fit & pluribus modis genere eo in scrobe cauato, quarum e lateribus distillantes hyberno gelu stirias, stalagmias vocant, nec est purius aliud. Sed ex eo candidum colorem sentientem violam leucoion appellant. Fit & salis modo flagrantissimo sole admissas dulces aquas cogente. Ideo duplici quidam differentia. Fossile, & factitium appellant. Hoc pallidius, & quantum colore, tantum bonitate deterius. Hæc Plinius. Hodie Cyprium raro adfertur, cum suppetant in magna copia quæ in Italia conficiuntur, & ad tingendum efficaciora. Præ cæteris autem laudatur, quod Bagnareæ conficitur in agro Romano, vnde Vitreolum Romanum appellatur: colore viridi. Postea cæpit Massæ confici Romano longe pulchrius, & efficacius, quod Cyprium colore imitatur, ex viridi, & cæruleo mistum. Ex Germania quoque habetur coloris cærulei elegantissimi vt Cyprium, sed ad infectum infirmissimum. Ratio conficiendi in Italia est. Effodiunt lapidem, quendam mollem, vel potius terræ cuiusdam glebas cinerei coloris intermixtis maculis viridibus, ac ruffis: sapore acerbissimo: odore viroso fossoribus noxio, ideo non cuniculis, sed in aperto solo fodiant. Aceruos exponunt solibus, & imbribus per sex menses, & amplius, sæpius versantes, vt maturetur

retur Chalcanti materia. Totidem alijs sub tecto feruant. Tandem aqua soluunt, defæcant, & in vasis plumbeis coquant: sola enim plumbi materia nequaquam corroditur ab eius acrimonia. Inijciunt, & ferri, & Aeris ramenta, vt soluta faciliorem coagulationem præstent. Coagulantur autem refrigerata, & transfusa ligneis alueis, vt alumen Rochæ. Dum vero in aceruis maturatur, efflorescit in cute substantia quædam spongiosa varij coloris, quam cuperosam vocant: efflorescit & extra vasa lignea, in quibus Chalcantum coagulatur; tenuior eius substantia. In Ilua terræ sunt variæ Chalcantum, & alumen continentes, quædam subnigræ, quædam flauæ, quædam subruffæ: aliæ candidæ, omnes sapore acerbo & acri. Similis substantia putanda est, quam Galenus se vidisse testatur, in Metallis Cypri, ternas scilicet Zonas in specu, quarum infima erat Sory: altera Chalcitis: Media Misy. Aquam vero pluuiam totius collis terram illam abluere: quæ collecta in profundo specus lacum viridem constituebat, cuius aqua asportata in piscinas paucis diebus concrefcebat in Chalcantum. Ex ea autem terra sponte quidem fiebat Sory, Misy, & Chalcitis, & per fornaces Aes, Cadmia, Pompholix, Spodium, & Diphri-ges. Hæc Galenus. Sunt hodie qui Cremato Pyrite, Chalcantum extrahunt quod ferrum tingit colore æris. Ipse vidi ad lapidem ærarium sponte agglutinatum Chalcantum, crysalli modo candidum sentientem violas, & æruginem. Vnde arguitur chalcanti materiam ex Aere ortum duxisse, quod & color viridis ostendit, in quem Aes putrescens conuertitur. Viridis enim est aqua in Cypri fodinis licet reddat cæruleum Chalcantum. Viride est Chalcantum Italicum: sed omnia vetustate immutantur extrinsecus aut in pallidum colorem, aut flauum, aut subruffum: quam conuersionem Galenus in chalcitim fuisse asserit ex Cyprio chalcantio. Vsum quoque chalcantum rubedinem acquirit rubricæ similem. Miratur Galenus quo pacto in hoc medicamento vehementissimæ astrictioni ad-

mista sit caliditas non mediocris . De hoc diximus in medicamentorum facultatibus . Omnium maxime humiditas carnes condire & seruare potest incorruptas , nimirum caliditate humiditatem absumens , atque astrictione substantiam contrahens , atque constipans . Constringit , desiccatur , & contrahit in sese totius carnis substantiam . Dioscorides crustam inducere ait . Exhibet quoque intrinsecus drachmæ pōdere ad latos vermes enecandos , & aduersus venena fungorum . Hodie per distillationem extrahunt liquorem acerrimum , quod oleum vitrioli appellant , cuius tactu abscessus disrumpuntur : eiusdem gutta vna aut altera ex aqua hausta morbos pestilentes corrigit . Vstum calchanthum mitius redditur , imponitur præcipue ad sanguinem sistendum .

C A P . X X I I I .

Chalcitis ab Aere cognominata , apud Dioscoridem præfertur similis Aeri , friabilis , syncera , nec inueterata , inter cursantibus ob longis venis , splendentibusque . Differentias præterea habere ex eo colligitur , quod idem Dioscorides de eius vitione asserit . Quandam humidiores esse , quæ dum vritur , bullas excitat , & tandem inarescit . Alias sicciore , quarum modus vrendi est , donec floridum colorem contraxerint , nempe rubricæ in profundum , aut luteo colore palleant . Sed apud Galenum 1. de Antid. c. 15. ex modo vitionis colores variantur . Nam cum in olla absque operculo super carbones ardentes ponitur , liquefcit , & leuissima spumosaque eius pars innatat . Si igitur statim ab igne eximatur non perflatis carbonibus colorem non mutat alioqui emergeret luteus , flauusue color , eo autem modo seruatur chalcitis pristino colore , quam partem in Theriaca assumendam esse vult , scilicet viridem , aut cineream , qualis accepta est : dummodo in spumam fuerit elata , quæ modica erit : hæc enim Theriacam reddit nigram , quod expecti solet . Inueteratam autem chalcitim transire in Misy , idem testatur 9. Simpl. extimis scilicet partibus in flauum conuer-

conuersis. Ex quibus interpretari licet similitudinem Aeris apud Dioscoridem intelligendam esse, ob colorem viridem non rubentem, rubedinem enim ex perfecta vltione acquirit. Quamuis autem Aes nitidum colore rubenti constet, neglectum tamen ob Aeruginem contrahit viriditatem. Erit igitur chalcitis optima quod calcanthum viride diximus, sed natiuum. Nam Vitriolum Romanum factitium est: non tamen a conditionibus natiui distat: nam vetustate flauescit exterius, in igne attollitur in spumam, & tandem rubricæ colorem assumit: tingit præterea colore nigro antequam perfecte vratur. Sed apud Plinium chalcitis est lapis Aërius, ex quo eradi inquit, æruginem scoleciæ: & ipsum æs coqui. Cædi non e subdialibus petris, vt Cadmiam, sed ex obbrutis: continere tria genera æris, Misyos, & Soryos. Ex quibus patet alium esse lapidem chalcitim apud Plinium, a chalciti Dioscoridis. Cum vero inquit. Chalcitis friat se statim mollis naturâ vt videatur lanugo concreta: consentit cum Dioscoridis chalciti: non enim lapis est, sed succus concretus: cum inustione, quæ humidior est, attollatur in spumam, & lique scat, vt Galenus inquit. Idem enim contingit in alumine, & nitro. Cum præterea Plinius inquit: habet autem æris venas ob longas, probatur mellei coloris, gracili venarum discursu, friabilis, nec lapidosa, significat glebas chalcitis complexas æris venas, quæ mellei coloris sunt, & splendentes, vt Dioscorides tradit: cum syncera chalcitis viridis sit, aut cinerea, vt Galenus testatur. Addit Plinius, recenrem vtiliorem esse, quoniam inueterata Sory fiat: Galenus Misy: quia vetustate siccior euadit, & lapidescit: vt contingere diximus nitro. Huiusmodi autem sunt Sory, & Misy. Suspiciatus est Galenus Sory longo tempore mutationem in chalcitim posse accipere. Est apud me chalcitis lapis ex Germania durus, & ponderosus cui efflorescit exterius quid cinerei coloris, interius autem subliuidum colorem præ se fert: in meditullio subrubens, & maculosus est: sapore acerbo & mordente. Videtur hic Sory con-

tinere, quod subliuido colore spectatur. Vitriolum igitur viride, & candicans ad generas chalcitis reducimus ex Galeno. Facultates habet mistas astringentem & acrem, sed vincit acris, quæ adeo vehemens est, vt carnem vrât, & crustam efficiat. Sed vîta mitior euadit, nam minus mordicat, non tamen minus deficcat. Ex chalcite addita Cadmia in aceto sub sole ardente caniculæ quadraginta diebus fiebat medicamentum Psoricum appellatum apud Dioscoridem & Plinium, sed apud Galenum addito litargyro, quod minus chalcite mordicat.

CAP. XXIII.

Misy apud Dioscoridem chalciti affine est, & viribus, & vîsione. Laudatur Cyprium auro simile, durum, quod friando auri colorem imitatur, & stellæ modo splendet. Aegyptium autem in cæteris efficacius, sed ad ocularia medicamenta præstat Cyprium, Galenus 9. Simpl. testatur vidisse in Cypro Zonam Misyos longissimam in specu supra chalcitim: non constare magnis glebis, vt chalcitis, sed diuidi in parua frustula ægrius quoque liquefcere quam chalcitis, quia ficius: efflorescere super chalcitim vetustate, vt Aerugo super æs. Plinius ex chalcite lapide fieri asserit concretum natura discretumque, & optimum in Cypriorum officinis, cuius notæ sunt: friati aureæ scintillæ, & cum teratur harenosa natura siue terra chalciti similis: Hoc autem miscere, qui aurum purgant. Hodie vulgo non cognoscitur: reperitur tamen in fodinis chalcanthi: habemus ex Ilua glebas friabiles aurei coloris punctis ad solem scintillantibus, seipore valde acri & acerbo: Alterum genus ex Germania colore intus ex luteo vergente ad viridem, vt videatur chalcitim æmulari: Aliud quod per vetustatem ex vitriolo Romano transiit in Misy scintillis caret, & dilutiori colore spectatur. Vires habet similes chalciti, ac tenuiorum est partium vt Galenus tradit.

CAP. XXV.

Melanteria non multum discedit a Misy: nam lutei coloris est, vt sulphur, at scintillis caret. Inquit Dioscorides. Quædam in faucibus cuniculorum, quibus æs eruitur, salis modo concrevit: alia in summa facie supradictorum locorum coit, quæ terra est. Reperitur & fossilis in Cilicia & alijs quibusdam locis. Præstat quæ sulphuris colorem trahit, læuis, pura, æquabilis: & quæ contactu aquæ statim nigrescit. Vim crausticam obtinet eandem, quam Misy. Galenus omnia propemodum astringentia tenuitate exuperat. Hodie hanc habemus efflorescentem super acervos terræ, ex qua vitriolum extrahitur, inter cuperosas. Substantia est fragilis, crustosa, sublutea, aut varia ad cinereum, vergens, quæ facile in aqua liquecit, nigredinem autem non gignit madefacta, nisi ferueat. Hinc Melanteria quasi atramentum appellatum est.

CAP. XXVI.

Sory existimatum est Melanteriæ species, vt Dioscorides tradit, neque enim absimile est: sed differt, quia Sory virus graue olet, nauseosumque est. Præfertur Aegyptium, quodque frianti nigrius apparet, in multa foramina dehiscens, sub pingue, astringens, & olfactu, ac deuoratione, magnum virus olet, & stomachum subuertit. Quod autem friatum scintillas vt Misy non emittit, alterius generis esse & inualidum censendum est. Vim & vitionem supradictis similem habet. Hæc Dioscorides, Galenus 9. Simpl. inquit eiusdem generis esse, & facultatis cum chalciti, & Misy: & oriri in eisdem locis: æternas enim zonas simul iunctas vidisse in metallis Cypri, quarum infima erat Soryos, suprema Misyos: media chalciteos. Esse autem Sory crassissimum nec liquecere, quia lapidosius sit & vehementius compactum:

Plinius

DE METALLICIS

Plinius spongiosum esse tradit, trituque pinguius nigrescens, & cætera ut Dioscorides. Hodie habemus inter cuperosas, quæ spongiosa est, prædura colore luteo punctis scintillantibus: aliam colore cinereo, quæ nequaquam scintillat, ad alumen rotundum accedens. Reperiuntur ubi conficitur chalcanthum: discernuntur a cæteris odore viroso. Prædicta autem omnia corpora humore liquabilia sunt quamuis alia magis, alia minus: facilius, vel difficilius.

C A P. XXVII.

Sequuntur ea, quæ oleo soluuntur, ut sulphur bitumen, & congenera his: eadem ex pingui exhalatione constare dictum est, ideo exhalabilia sunt & etiam inflammabilia, Quædam eorum liquida sunt in genere Bituminis, retinent enim humiditatem aeream ut oleum: Quædam sicca, ut sulphur, sed a calido mollescunt instar cæræ, & picis. Cum enim eorum humiditas non sit aquea non dicuntur proprie liquari, ut metalla, & glacies, sed mollificari tantum 4. Meteor. cap. 9. Indurantur enim a frigido. Nam ut vapor refrigeratus in aquam aut corpus Metallicum constat: sic exhalatio quædiu aeream humiditatem seu pinguedinem vstibilem habet, refrigerata in succum pinguem oleosum aut durum vertitur: Combusta autem ex toto pinguedine concrevit in terram aut sales, aut lapides illiquabiles, quorum nulla exhalabilia sunt, nec inflammabilia. Quædam tamen ambigua sunt, continent enim exhalationem secundum partem combustam, non ex toto: ut salnitrum, terra Ampelitis, & inter lapides Pyrites, Gagates, & alij, & inter Metalla Aes, flammam enim reddit sulphuream.

C A P. XXVIII.

Sulphur Græcis Thion, forte quia res diuina iudicatur: nã in religione suffiri solitum ad domos expiandas potens

potentissima res in natura. Fulmina enim & fulgura sulphur olent. Terræmotus, euerfionesq. atq. incendia subterranea ex eo potissimum fiunt. Hinc ars tormenta illa bellica exco- gitauit, quibus resistere nulla vis potest. Pulueris enim com- positio, quæ momento ignem vehementissimum concipit, quo globi ferrei, aut plumbei imitatione fulminis impellun- tur, ex sulphure constant. Duo autem genera sulphuris po- nit Dioscorides. Viuum, quod Græci Apyron vocant idest ignem non expertum, non enim eo eget ad superflua sepa- randa, cum purum nascatur, solidum, glebosum, quo solo medici vtuntur. Effoditur hoc translucetque & viret, vt Plinius inquit. Sed forte legendum, nitet, ex Dioscoride: de hoc enim inquit optimum Apyron, & colore nitens, translucidum, syncerumq. Hodie huiusmodi raro visitur: vidi electro simile pallidius, & ad viride inclinans. Quod frequentius est in genere viui, cinerei coloris est, aut nigri- cantis minime translucidum. Effoditur glebis, vtuntur eo fullones. Hoc videtur Plinius intellexisse, cum inquit: Al- terum genus appellant Glebam fullonum tantum offi- cinis familiare. Quod autem ignem expertum est Pepy- romenon Græci vocant, quia igne perficitur, oleo in- coctum, vt Plinius refert. Probatur apud Dioscoridem, quod viret, & præpingue spectatur. Hodie dnas eius habemus differentias colore, & figura: Quod pallidius est & fi- gura panis congelatum, virgineum vocant, quia eo vtuntur Virgines suffitu ad capillos ruffandos: lanis candorem, & mollitiem affert. Plinius Egulam appellat hoc genus. Quod autem viret magis tereti figura, quia in fistulas harundineas transfusum concrefcit ea figura, quarto generi Plinius ascri- bit ad Ellychnia conficienda maxime vsurpatum, proinde quidam Cauton vocant, vt Hermolaus tradit. Conficitur in pluribus Italiae locis: in Senensi, Volaterrano, Puteola- no, alijsque. Effoditur impurum terræ, aut lapidi commi- stum: quoddam pumicosum, tenuibus scintillis emicans ad solem: aliud densius intermistis partibus luteis, aliquando
translu-

translucidis, vt pote purioribus; quale Apyron describitur. Quoddam cinerei coloris. Separatur autem sulphureus liquor ab aliena substantia fictilibus urnisignem in fundo tantum sentientibus: sic enim sublimatur purior eius substantia, quæ cum ascenderit ad superiorem vasis regionem, per rostrum descendit in aliud vas recipiens olei modo liquata: inde egressum habens in locum frigidum coit varia figura. De sulphure multa Chimistæ prædicant: esse metallorum principium tanquam semen masculi ad argentum viuum coagulandum: secundum varias conditiones. Nam ad auri & argenti generationem requiri sulphur incombustibile album vel rubeum, quod enim combustibile est, omnia denigrare, & in igne absumi. At id genus sulphuris, quod non comburitur, & fusionem præstat metallicam ipsis solis notum est inter eorum arcana. Tentarunt multi varijs præparationibus sulphur in eam naturam conuertere, sed omnes delusi sunt, aut enim pinguedo illa combustibilis non deleta est: aut ea deleta inueniunt aluminis quoddam genus aut chalcanthi ortum esse, quibus alia fusio est, quam metallica. Sublimatum cum argento viuo in pigmentum rubicundissimum vertitur, quod Cinabrium vocant pictoribus vtile. Eadem per decoctionem in cæruleum elegans conuerti compertum est, cum Aere autem in Violaceum. Per se eius flamma si vitrea concha superposita recipiatur, in liquorem acerrimum vertitur, quod oleum sulphuris vocant, ijsdem viribus cum oleo chalcanthi. Sulphur in medicinis vim habet calfaciendi, attrahendi: venenatorum ictibus impositum ex aceto venenum trahit. Præterea abstergit, vnde scabiem sanat cum refina illitum. Propinatur quoque ad purulentos: suffitu grauedines tollit, & lethargicos excitat. At eius nidor comitiales irritat.

CAP. XXIX.

Auri pigmentum ab aureo colore dictum a Græcis Arsenicum vocatur: sed hodie hoc nomine intelligimus ipsum auripigmentum toties cum sale sublimatum donec candidum reddatur, inter venena erodentia, & putrefacientia validissimū: ex eo quoddam in præparatione perspicuum redditur in similitudinem crystalli, unde Arsenicum crystallinū vocatur chimistarum inuentum. Cum enim eius fumus Aes inficiat colore argenti: sperauerunt varijs præparationibus adhibitis firmam transmutationem efficere, difficilior enim comburitur, quam sulphur. Duo autem auripigmenti genera tradit Dioscorides: vnum coloris aurei crustosum, squamis inuicem hærentibus, non permittis cum aliena materia, quod optimum est, quale in Misya Hellesponti nascitur: Alterū glebosum (*βωλῶδες*, non *καλαῶδες*, idest glandis effigie, vt quidam legunt) & ad Sandarachæ colorem accedens, quod ex Ponto & Cappadocia affertur deterius altero. Plinius tria genera facit. Quod optimum coloris etiam in auro excellentius. Quod vero pallidius, aut sandarache similius est deterius existimatur. Est & tertium genus, quo miscetur aureus color Sandarachæ. Vtraque hæc squamosa: illud vero siccum purumque gracili venarum dissecu fissile. Hodie tam primum, quam tertium genus pictoribus notissima sunt, vulgo appellant orpimentum; At secundum genus, quod nequaquam ex squamis aureis compactum est, sed glebosum & pallidius, vulgo appellatur Risagallum, quo aurifices vtuntur. Glebæ sunt candidæ, & subrubentes zonis cinereis discurrentibus, graues. Traduntur ex impuro auri pigmento igne separari, inter venena putrefacientia. Torrerit inquit Dioscorides, donec mutet colorem, scilicet flammeum, & rubeum assumat, qualis in Sandaracha est. Vim habet astrictoriam, & erodentem, crustas molitur cum vehementi cruciatu. Galenus in vsu esse ad Pilos auferendos.

CAP. XXX.

Plinius de metallis lib. 34. c. 17.

Sandaracha ex Dioscoride reperitur in eisdem Metallis, ubi auri pigmentum, scilicet in aurarijs, & argentarijs vt Plinius testatur. Probatur ruffa, & saturatior, friabilis, & pura: ad cinnabarim colore accedens, odore sulphuris: cuius eadem vis & vstio vt in auri pigmento. Hodie raro reperitur sola, sed plerumque admista cum auripigmento squamoso, quale tertium genus positum est a Plinio. Substantia enim rubens & florida, Sandarachæ intermista est cum aureo colore auri pigmenti: alia vero est Sandaracha factitia, apud Plinium excrussa cocta, quæ Sandyx a Dioscoride vocatur, de qua alibi dicitur. Aliud quoque est apud Arabes Sandarax, scilicet gummi Iuniperi, quam vernicem vulgo appellant: Dioscorides Sandaracham tanquam mitiorem auri pigmento exhibet intus ad purulentos, & fumum eiusdem laudat haustum ad veterem tussim. Auicenna in cura Icteri propinat Arsenicum. Nicolaus Alexandrinus in Athanasia maiori recipit auri pigmentum. An venena castigata multa, Alexiteria redduntur, vt Viperinæ carnes in Theriaca? quidam gestant sacculum ex auripigmento, vel Arsenico supra cordis regionem in peste, ad arcendam vim tabificam a corde: extrahit enim virus & prauos vapores absumit.

CAP. XXXI.

Bitumen Græce Asphaltos, vnde Asphaltites lacus in Iudea cognominatus, quia Bitumen fert & inter trifolia Asphaltite, quia Bitumen redolet: substantia est igni familiarissima vt sulphur, tenuior, & leuior. Ideo naturæ videntium minus aduersa, virent enim plantæ quædam, vt Fraxinus iuxta fontem igneum Bituminis teste Plinio: fundunt

dunt etiam arbores quædam Bitumen vt apud nos Betulla, & Populus: & in India quæ camphoram reddunt. At sulphuris halitus omnibus viuentibus perniciosus est, maxime autem auripigmenti. Peculiare in Bitumine, accendi aqua, extingui tantum terra, vt Plinius tradit de Maltha: etiam oleo, vt testatur Dioscorides in Thracio lapide: ferunt quoque extingui sulphure, visco, aceto. Quod non paruam admirationem affert. Ardent enim continue multa loca, vt mons Aethna in Sicilia, mons Chimera in Phaselide, & in Italia complura loca, quæ imbribus flammam emittunt maiorem: & quod magis mirandum in Licia montes Ephestij igne ta-
 cti flagrant, adeo vt lapides quoque riuorum & harenæ in
 ipsis aquis ardeant, aliturq. ignis ille pluuijs. Fontes quoque ignei visi sunt: nam in agro Mutinensi fons est Bituminis liquidus aquæ supernatantis, qui statis quibusdam temporibus exit igneus: Mirum igitur ignem hunc cum aqua
 gaudere, cum cæteri omnes ab aqua extinguantur: Adhuc magis mirandum, quæ reliquos ignes nutriunt, hunc extinguere, vt oleum, sulphur, palea, fimum, vt docet experientia. An quod audivissime ignem rapit, ab aqua irritatur magis, quam vincatur? patet id in oleo, quod in Sartagine
 adeo feruet, vt combustioni proximum sit. Si enim aquam instilles accenditur: quod si ardenti oleo aut pici, aquam superfundas flammam augebis: antiperistasis enim facit, vt in calce. At si addantur quæ familiaria sunt, siue combustibilia, vt oleum sulphur, paleæ: siue incombustibilia, vt terra, fimum, facile coniunguntur: siccitate enim conueniunt cum igne & sua frigiditate extinguunt, priusquam ab igne illo accendantur: quod enim tenuius est citius commutatur. Bituminum genera complura: nam alibi limus, vt in Iudææ lacu: alibi terra, vt in Syria circa Sidonem, quæ terra Ampelitis dicta est: quoddam liquidum veluti oleum, aliud molle aliud durum, aliud etiam in lapidem addensatum est. Sed quæ in lapidem transierunt, inter lapides explicabuntur, vt de Ampeliti inter terras. Reliqua genera

tum liquida tum sicca hic perquiremus. Liquidum igitur, quod olei instar fuit, traditur in Agragantino Siciliae fontibus innatare, quo ad lucernarum lumina vice olei vtuntur, unde oleum Siculum quidam appellant, vt testatur Dioscorides: ad scabiem iumentorum laudat Plinius. Simile in Italia habemus in agro Mutinensi, quod petroleum vocatur quoniam e petris stillat, odore validissimo, colore ruffo, aut candicante. Hæc uetustate & coctione incrassantur. In Germanico mari tradunt & Ruffum, & fuluum, & mellei coloris inueniri. Inter liquida reponit Dioscorides Naphtham: esse enim Babiloni Bituminis liquamen colore candidum, inueniri & nigrum, cui uis adeo ignium rapax, ut ex spatio protinus flamma in illud transfiliat, ob id procul abesse ab omni usu testatur Plinius. Possidonius existimauit Naphtham candidam sulphur esse liquidum ignium rapacissimam: nigram uero liquidum bitumen olei uice. Qui autem ueluti limus est in Iudeæ lacu supernatans, Bitumen Iudaicum uocatur, quod cæteris ante ponit Dioscorides: seligit autem quod purpuræ modo splendet, ponderosumque, est ac ualidum odorem uibrat: nigrum autem & sordidum uitiosum esse: adulterari Pice. Gigni etiam in Babilone, Zacintho, & Sidone, quod pice adulteratum est, leuius esse tradit Plinius. Aliud genus in Apollonio Epiri, quod Pissasphaltum uocatur, quia redolet picem Bitumini mistam: deuolui fluminis impetu ex montibus Ceraunijs & in litore cogi in glebas testatur Dioscorides. Sed omnia hæc Pissasphaltum appellari tradit Plinius ex argumento Picis & Bituminis. Galenus omnia nomine Bituminis vocat: esse ex ijs, quæ in aqua Marina proueniunt, & in alia quapiam quæ non est marinæ dissimilis, vt in Apollonio Epiri, & per alia id genus loca multa aquis sponre nascentibus innatare ceu spumam: & molle quidem asse, dum innatat, postea uero resiccatum Pice sicca durius effici. In Comagene urbe famosata stagnum esse tradit Plinius emittens limum (Maltham vocant) flagrantem: cum quid attingit solidi adhære: præ-

re: præterea tadium sequi fugientes: sic defendisse muros oppugnante Lucullo: flagrabat enim miles armis suis. Est autem proprie Maltha cementi genus tenacissimum, & duriciem lapidis antecedens, quod fieri solebat ex calce recenti vino extincta, mox tusa cum adipe suillo, & ficu, duplici linamento, ut quod malthatur, oleo perungatur ante. Bitumen autem id, quod hæret, & lapidescit, cementi vice usurpatum est, quo muri Babylonis constructi traduntur, unde maltha appellata est. Bitumen, quod in lacu Iudæ nascitur, adeo sequax & lentum traditur, ut auelli nequeat, præter quam filo, quod menstruum mulieris infecerit. Foditur alicubi Bitumen addensatum, quam picem fossilem vocat Theopompus: fodi, & in Pannonia ceram fossilem. Hodie Venetijs venditur Bitumen pro Iudaico, pici adeo simile, ut vix discerni queat, nigerrimi coloris, sed splendidi, pice durius, maiori igne egens ad sui mollicationem: & odore validius: Suspicio est Pissasphaltum esse: affertur enim magna copia ex Valona, quæ Apollonia Epiri censeatur. Utuntur cum pice ad naues picandas. Afferri etiam aiunt, ex Dalmatia. In Germania coquunt Bitumen liquidum donec spissetur & siccum fiat, quo Bituminis Iudaici loco utuntur. Vires Iudaici & consimilium exsiccandi, & calfaciendi in secundo ordine, ut Galenus tradit. Glutinat vulnera recentia, & sanguinolenta, cuius gratia Emplastrum barbarum ex eo conficitur. Exhibetur & intra ad dolores laterum & cox endicis, ad grummos sanguinis dissoluendos, & ad alia multa, apud Dioscoridem. Pissasphaltum autem mistas habet facultates Picis, & Bituminis, ut Dioscorides testatur. Plinius Pissasphaltum arte mistum prædicat remedium ad scabiem pecorum, aut si foetus mammas læserit. Petrolei autem caliditas vehementior est, & tenuium partium: Dioscorides laudat Naphtham ad dissoluendas oculorum suffusiones, & abstergendas eorundem albugines. Arabes pollere testantur ad flatus dissoluendos, præcipue vesicæ, & morbos frigidos membrorum, propinari parâ præcipue

tipue eius quod candidum est ad tussim antiquam, Asthma, vesicæ flatus, & dolores frigidos articulorum: datur scrupulus vnus vsque ad duos, sed ne partes exurant, dilui ex aqua, aut iufrulo debet. Nigrum Ascarides interficit, cum lana impositum. Quæ de Naphtha scribuntur, nostro Petroleo conueniunt.

CAP. XXXII.

MUmia apud Arabes & pro Pissasphalto accipitur, & pro mistura, qua condiri cadauera solebant, ne in sepulchris putrescerent. Constabat autem communior ex pice, & Bitumine, vnde Pissasphalthos dicta est. Nobilior autem ex Mirrha & Aloe atque alijs aromatis. Huiusmodi igitur misturæ cum sanie cadaueris tempore exsiccatae in medicinis assumptæ ab Arabibus, Mumiam vocantibus. Reperitur hic liquor concretus iuxta ossa modo niger odore Bituminis, modo subflauus pro ingredientium mistura. Effodiunt integra cadauera harenis condita in Africa, & linteis inuoluta: quorum caro ob vim misturæ concreta est. Laudant in potu & extrinsecus ad varias corporis affectiones frigidas, ad dolorem capitis antiquum, paralytim vertiginem, Epileptiam, singultum, Cardiacam, tussim, sed præcipua dos in sanguine sistendo, & consolidandis membris contractis. Ideo datur præcipitatis ex alto; quæ facultas in Bitumine est. Ex substantia autem cadaueris affinitatem contraxit, cum partibus corporis humani. Sunt qui pro Bitumine Iudaico accipiant non ab re, illis enim maior copia est Bituminis, quam picis, vt cum pice adulterare, dispendium sit. At in eum vsum non caro cadaueris, sed quod in cavitatibus concretum est, conuenit.

CAP. XXXIII.

EXtant & genera Bituminis odorata, vt Canfora, Ambra. Si enim Canfora res Metallica est, vt quidam putant, profecto cum Bitumine conuenit, præcipue cum Naphtha: est enim ignium rapacissima, at non liquida, sed gummi modo coagulata colore candido, adeo exhalabilis, vt facile ac sponte in halitum dispereat, nisi diligenter loco frigido asseruetur. Affertur ex India Orientali. Arabes tradunt esse lachrimam arboris Indiæ. Idem confirmant, qui hodie ex Lusitania ad illa loca nauigarunt. Nuper de ea, scriptis mandauit Garzias ab Horto pro Regis Indiæ medicus: testatur hic uidisse arboris tabulas Camforam resudantes. Idcirco de ea nos inter lachrimas arborum diximus. Sed quoniam duplex Camforæ genus traditur, vnum præciosius, quam Camforam de Burneo vocant ex loco Indiæ, minutis granulis, aut bolis drachmam non excedentibus: Alterum de Chinna vilius, orbiculis, seu panibus coactum pondere quatuor vnciarum aut amplius, quod genus solum affertur ad nos. Camfora chinensis forte ex aliquo Bitumine extracta est artificio sublimationis, vt ferunt Arabes, artificum enim indicat figura orbiculorum, sed ex qua materia conficiant, incertum est. Burnensis autem omni artificio caret, & comperta est ex arboribus resudare: nec absumitur in exhalationem spontanam vt Chinensis. Solere etiam adulterari admiscendo paucam Burnensem, cum multa Chinensi vt eius augeantur præcia: longe igitur differt Burnensis a Chinensi. Nec iniuria forte Auerroes inquit, Camforæ genus esse, quod nascitur in maris fontibus, aquis innatans, quæ Ambra dicitur ex genere succini.

CAP. XXXIII.

AMbra vulgo nomen commune est ad omne succinum. Priuatim autem apud Arabes medicamentum est odoratissimum,

ratissimum, a recentioribus Græcis Ambar, a Latinis Ambarum vocatur, vulgo Ambracane & Ambragrischia: Hermodolus Barbarus primus Succinum Orientale vocauit, scaturiens, ex multis locis Bituminis, & sulphuris modo veteribus incompertum. Forte autem non erraret, qui diceret apud Plinium esse Aromatitem inter gemmas odoratas, quæ Myrrham colore & odore imitatur in Arabia & Aegypto circa Pisas inuenta, vbique lapidosa reginis frequentata: & Myrrhites gemmæ minimæ facie, colore Myrrhæ, odore vnguenti, & attrita etiam Nardi: Et Myrsinites, quæ colorem habet Melleum, odorem vero Myrti. Antacates, quæ cum vritur, Myrrham redolet: Baptes mollis odore excellit: Zanthenes a Democrito scripta Electri colore, quæ trita vino Palmeo, & Croco lentescit ceræ modo, odore magnæ suauitatis: oritur in Media. Omnia hæc & alia ex genere Succini odorati esse videntur. Ambarum scribit Serapio, oriri in mari instar fungorum, quod postea vnà cum lapillis, quibus adhæret, expellitur ad littus. At Auicenna, & Pselus ex fontibus in mari effluere testantur. Lusitani ferunt in toto maritimo tractu Aethyopiæ reperiri etiam ingenti magnitudine fluitans: transferri ad littora ventis quibusdam flantibus in magna copia: existimari ab ignaris Picem, aut Bitumen, sed varij coloris pro natuta terrarum: complecti lapillos, conchilia, & alia huiusmodi. Esse præterea pisces scribunt ex genere Cetaceo, Azelas appellant, Ambari auidos, quod postquam deuorauerint, stupidos reddi: ex quorum ventre ambarum extrahi: quod adhuc fabulosum ne sit an verum, incompertum est. Eius tres notantur differentiæ, Selachiticum ex Zeilam insula Indiæ, rufum & pingue, quod cæteris præfertur. Alterum ex Sechra loco maritimo Arabiæ Felicis, sub albidum colore oui Struthiocameli, quale vt plurimum est, quod fertur ad nos: varium enim est maculis nigricantibus. Tertium omnium deterrimum, quod nigricat, quale aiunt esse, quod pisces deuorauerunt. Huius quoque duplex faciunt discrimen: vnum in ventre reperiri,

riri, deterius: alterum iuxta spinam dorſi, magis probatum quia ſyncerum. Adulterari tradunt quodam genere factitio, quod conſtat ex ligno Aloes, Styrace, ladano, reſolutis, & addito Moſco: aut alia ratione, & Benzoo, cera alba, ligno Fraxini putrefacto, muſco arborum addito Moſco aut Zibetto. Sed fraus deprehenditur, quia facile molleſcit aqua, aut manibus ceræ modo lentelcit. Optimum vero cenſetur, quod a ſordibus eſt maxime repurgatum, quodq. plurimum ad candorem accedit, cinerei ſcilicet coloris, aut quod ex venis nunc cinereis, nunc candicantibus conſtat, leue, quodque acu perforatum multum oleacei liquoris reſudat. Nigrum improbat: præterea candidiſſimum, quoniam Gyppo adulteratum eſſe exiſtimatur. Auicenna calidum ſtatuit in ſecundo ordine, ſiccum in primo. Conſerre cerebro, cordi, ſenſus vegetiores reddere, vtile ſenibus, & natura frigidiſſimis, dari ad Syncopem, ſuffiri ad Epilepticos, & ſuffocationes vteri. Sed de ijs, quæ ſulphuri, ac Bitumini affinia ſunt, hæc ſatis. Nam reliqua genera Succini, & Gagatis ad lapides magis pertinent. De lapidibus autem illiquabilibus, quæ ſola relinquuntur inter foſſilia, deinceps dicamus.

FINIS LIBRI PRIMI.



DE METALLICIS

LIBER SECVNDVS.

ANDREA CAESALPINO

AUCTORE.



C A P. I.



VM lapides duritie distent a cæteris fossilibus, sunt enim fossilia plurima, aut pulueres colorati, aut lapides, ex tali cōsistentia geniti, vt inquit Aristoteles: durities autem per coagulationem habeatur, necesse est lapidum generationem coagulatione fieri. Cum autem coagulentur, & aquea, & communia aquæ, & terræ: atque alia quidem educatione humidi, alia vero eiusdem condensatione. Illiquabilium omnium materiam magis siccam esse Aristoteles, & Theophrastus tradiderunt. Sed Albertus Magnus excipit lapides perspicuos, vt crystallum, Berillum, Adamantem, Carbunculum & huiusmodi. Vult enim eorum materiam aqueam esse, non tamen simplicem sed admistam terreo tenui, a quo vehementer passa est, densataque. Signum autem ostendens aqueam esse materiam, inquit, perspicuitas est, terræ enim opacitas tribuitur. Aristotelis quoque authoritas citatur de
crystallo

crystallo loquentis, fieri ex aqua remoto vniuersaliter calido. Addit & in montibus Pyreneis aquam pluuiam ex virtute loci densari in lapidem. Ex his igitur concludit non vnā esse omnium lapidum materiam, sed eorum quidem qui opaci sunt terram esse humore quodam viscoso glutinatam, nam alius humor per coctionem euaporans terram relinqueret inconglutinatam. Eorum vero qui perspicui sunt, aquam a sicco vehementer passam: nam alioqui non constarent in lapidis duritiem. Albertum secuti sunt plerique. Quidam tamen ex recentioribus addit succum lapidescentem tamquam tertiam materiam, ex qua Corallium fit, & alij multi lapides, non perspicui. Quemadmodum autem materiam lapidum isti authores diuersam censuerunt, sic & agentia diuersa. Qui enim ex luto fiunt, per assationem a calido & sicco tantum coagulari putarunt, vt lateres. Qui autem materia constant aquea a frigore vehemente, vt Crystallum: Quæ sententia videtur a Plinio fluxisse: scribit enim Crystallum: gelu vehementiore concretum esse: non enim alibi reperiri inquit, quam vbi maximæ hybernæ niues rigent. Glaciemque esse certum est vnde & nomen Græci dedere. Qui succum lapidescentem introducit, hunc quoque a frigore coagulari tradit, sed simul alia quoque coagulare, vt idem agentis & materiæ vicem præster. Impugnat præterea Aristotelem negans siccam exhalationem ignitam materiam esse lapidum, quia partes non cohærent, aut imbecilliter absque humoris beneficio. Deinde plurimi lapides in aere gignerentur, vbi huiusmodi exhalatio incendiatur in Cometas, & stellas cadentes, quod repugnat sensui. In incendijs autem subterraneis cineres potius euomi, aut solos pumices inter lapides, vt patet in Puteolano. Hæc sunt præcipua quibus Aristotelis sententiam refellit. Sed vt veritas summi Philosophi patefiat, animaduertere oportet: Aquam & terram materiam esse omnium mistorū, sed agente caliditate quæ misionem perficit, & frigiditate, quæ mistum condensat. Caliditas enim necessaria est admisionem,

quia aqua & terra non vnum fierent, nisi vtraque elementa a calore extenuarentur in naturam aeris & ignis: sic enim humidum cum sicco vnum fiunt, nec seiungi possunt, nisi magna vi. Alioqui ex humido & sicco compositio tantum fieret non mistio, vt lutum ex aqua & terra quæ facile seiunguntur, aqua in vapores euanescente, & terra in glebam friabilem transeunte. Frigiditas autem non misionem facit, sed condensat tantum non solum quæ permissionem in vnum conuenerunt, vt pultem, & lateres, sed & heterogenea, vt lutum. Pro varia autem proportionem humidi, & licci fit, vt in coagulatione, & liquefactione vario modo se habeant. Quæ enim aquea sunt, non coagulantur, nisi ab excessu frigoris, liquantur autem modico tempore vt glacies. Quæ vero terrea sunt, non coagulantur a frigore, nisi prius ab igne mollescant vt later. Emollescunt autem ab igne non omnia, sed quæ humiditatem aliquam habent insitam, cuius beneficio aliquando excessu ignis liquantur, vt fluant, vt lapis molaris, Pyrimachus, & Testæ, vt tradit Arist. 4. Meteo. cap. 6. Later igitur crudus tanquam gleba est terræ, cuius partes non hærent pertinaciter, sed facile in puluerem dissoluuntur. In igne autem valido partes emollitæ uniuntur, hæc enim est natura humidi inuicem glutinari: abscedente autem igne, eadem relinquuntur indurata: quæ coagulatio est ab vtroque facta igne scilicet, & frigore. Hæc autem non liquantur nisi excessu ignis, coagulantur autem vel modico frigore, sufficit enim, si ignis paulum remittatur: opposito modo quam Glacies. In quibus aurem nulla humiditas remanet insita, a solo igne omnem humiditatem aduentitiam absumente coagulantur, vt sales: idcirco ab aqua tantum soluuntur, humore qui perditus fuit, restituto: quod nequeunt efficere, in quibus insita est humiditas coagulata a frigore: vel quia pori per quos ignis exiit, angustiores sunt, quam vt aqua ingredi possit: vt inquit Aristoteles: vel quia inexistens humiditas coagulata respuit alienam humiditatem: quam etsi attrahat vt later, non tamen

ab

ab ea remollitur, quia inexistens humiditas coagulata non liquatur ab humido, sed ab igne. Quæ igitur hoc pacto coagulata fuere, merito insolubilia ponuntur ab Aristotele, cum nec humore soluantur, vt sales, nec ab igne, vt Metalla. Pater quoque in his dominari terram: hæc enim prohibet quominus ab igne liquentur: nam neq. ab excessu ignis quidam liquarentur, nisi aliqua humiditas insita in ipsis esset. Pro faciliiori autem, & difficiliiori liquatione, quæ ab igne fit, mensura colligitur aquæ, & terræ. Vt inter Metalla Ferram maxime terrestre est, quia ad liquationem eget excessu ignis. Plumbum, & stannum maxime humida, quia facillime liquantur. Si igitur Gemmæ perspicuæ neque ab humido liquantur, neque ab igne, nisi forte ab excessu, vt patet experientia, non sunt aqueæ naturæ, vt Albertus putauit; sed terreæ dominantis. Earum quoque coagulationem, non solum a frigore factâ esse dicendum est, sed etiam a calido humorem & terram attenuante, & commiscente, ac superfluam humiditatem absumente. Hoc enim modo differt aquæ, & luti coagulatio in glaciem ab insolubilium coagulatione. Glacies enim fit educto solum calido vniuerso. Sales educto vniuerso humido. Insolubilia autem partim educto humido superfluo, partim calido, ideo ab vtrisque coagulata fuere. Relinquitur vt obiecta soluamus.

CAP. II.

Perspiciuitas si propria esset humidorum corporum, vt quidam putant non inesset quibusdam salibus, qui ab omnibus conceduntur terræ esse: nec lapidi speculari, quod in igne non liquatur, sed in Gypsum conuertitur, quod est maxime terreum: At omnia elementa, cum alba sint, vt in libro de coloribus habetur, perspicua esse necesse est vt in Peripateticis quæstionibus explicauimus. Quod autem scribit aliquando Aristoteles, crystallum fieri ex aqua remoto vniuersaliter calido, de glacie intelligit, non de Gemma, quam-

quamuis & hæc ob similitudinem Cryſtallus dicatur. Et ſi Plinio concedatur lapidem hunc hyberno gelu concreſcere, non tamen ex hoc ſequitur glaciem eſſe: Nam & a frigore humidum quoque educi poteſt cum calido, vnde remanet ſiccum ſubſtantiam lapideam conſtituens. Quod autem aqua pluuiæ in montibus Pyreneis virtute loci condenſetur in lapidem, idem accidit, quod calci. Poſtquam enim aqua calcem ſoluerit, quod ſolutum eſt iterum coit in lapidem, abſcedente aqua. Videtur autem aqua in lapidem denſari cum guttæ in ædificijs cadentes in ſtirias concreſcant: cum enim calcis ſubſtantia ſoluta in aqua fuerit, fluit vt aqua, non tamen concreſcit aqua, ſed terreum quod latet in aqua cum ſeparatur ab ea. Idem patet in puluere puteolano, hic enim ſi decingat in mare, lapideſcit, idem facit ſi aſpergatur aqua maris: falſedo enim iuuat ad eius concretionem. At Gyplum quacunque aqua afluſa concreſcit in duritiem lapideam. Cæterum ſine aqua non coirent in vnum. Quod enim ſiccum eſt, non glutinatur, ſed particulæ ſeparatim manent in proprijs terminis. Poſtquam vero partes humore ſuperueniente glutinatæ inuicem fuerint, non egent humore aliquo vt conſtent: imo ſæpe humor impedimento eſt, niſi enim ſiccentur non conſtant. Hic ſuccus lapideſcens a quibuſdam vocatus eſt, tanquam noua materia ad lapidum generationem. Eſt autem terrena ſubſtantia ab igne valde attenuata, ideo ſoluitur in aqua, vt ſales, & calx: vnde ſuccus ille conficitur. Nam & ſalis montes imbribus, & ſolibus in lapideam ſubſtantiam dureſcunt: ſimiliter & nitrum, vt loco proprio explicatum eſt. Nec mirum ſi huiuſmodi ſuccus lapideſcens aliena corpora, quæ illum biberint, in lapidem conuertat, vt enim ſale condita, aut ſaccharo, in omnem partem ſucco permeante, concreſcunt in eorum naturam, ſic lapideſcente ſucco cætera lapideſcunt, quæ in eo maduerint. Non igitur alia materia ponenda eſt lapidum illiquabiliū, quam terrea ſubſtantia prædominans. Cum autem terra in ſui natura nequaquam lapideſcat, neque ſola, neque humo-

humori coniuncta ob causas dictas, idcirco necesse est prius in naturam exhalationis conuerti ab igne aut a sole, seu in altum sublata exhalatione, seu inclusa intra terram, vt patet in corporibus combustis: retinetur enim Empyreuma in cineribus & calce, quæ est portio exhalationis ignitæ. Quod igitur supra terram sublimatum in aeris regionem ascenderit, efficit impressiones, quæ in primo libro Meteorologicorum explicantur, vt flammæ, aut impetum ventorum, donec exhalatio diffusa in immensum aut dispereat conuersa in ambientem aerem, aut decidat in tenuem puluisculum, qui ab aqua pluuiæ solutus in fine æstatis aquas reddit subfalsas. Non possunt autem lapides in hoc loco fieri, quia exhalatio non cogitur in angustum: nisi forte aliquando in densa nube id contingat, vt quidam referunt ex ea lapides cecidisse. Quod autem inclusum intra terram fuerit, ob loci angustiam, compingi in substantiam lapideam potest, aut in reliqua corpora fossilia. Hinc patet quam leues sint dubitationes a duersus Aristotelem allatæ: non fieri ex exhalatione ignita lapides, quia sicca non cohærent sine humore: non decidunt lapides ex aere: in incendijs subterraneis non videmus egredi nisi puluerem, & Pumices. Patet enim ex dictis, quæ ratione humidum & siccum vnum fiant, & quomodo inuicem glutinentur partes siccæ, & cur in aere non coeant in vnum. In incendijs autem subterraneis comburuntur corpora, vt in cinerem redigantur aut in Pumices, quæ ignis excrementa sunt: absumpta omni substantia combustibili. Quod autem dicit Aristoteles exhalationem ignitâ fossilia omnia parere, significat non combustam sed ab igne præparatam. Nam sulphur & Bitumen inter fossilia reponuntur: exhalatione tamen constant non combusti.

CAP. III.

DVplex autem est modus generationis lapidum, vnus per ignem fusionis, vt cum ex terra in fornacibus lapidis fit:

pis fit: nisi enim aliqua ex parte funderentur aut molli-
 rentur partes, non cohærent in substantiam lapideam: eo-
 dem modo gignitur vitrum ex harenis, & scorix metallo-
 rum. Sed horum quæ facile ab igne liquantur, repenuntur
 inter corpora humidiora vt etiam Metalla: reliqua inter sic-
 ca & illiquabilia. Alter modus est per solutionem terræ ad-
 ustæ in aqua, vt patet in calce soluta: hæc enim siccata lapi-
 descit. Similiter exhalatio quæcunque soluta in aqua par-
 tim quidem in sales transit, partim in lapides. Quæ autem
 præ pinguedine non soluitur in aqua, concrescit in sulphur,
 Bitumen, & reliqua eius generis. In corporibus quoq. ani-
 malium, vt in renibus & vesica hoc modo lapides gignuntur.
 Ex vrina enim continente humorum adustionem se cernitur
 crassities, quæ in lapidem transit vt patet in matulis post re-
 frigerationem vrinæ: depositum enim sedimentum secreto
 humore obdurescit in crustam: sic & intra corpus vt pluri-
 mum secundum crustas lapides coagmentantur, noua mate-
 ria priori lapidi adhærente, quod & in multis intra terram
 genitis, fieri videmus. Ob puritatem autem materiæ, &
 impuritatem, crassitiem, & tenuitatem lapides oriuntur no-
 biliores, & ignobiliores, perspicui opaci, duriores, & mol-
 liores, alijsque differentijs. Quo enim exhalatio magis at-
 tenuata fuerit, & purior: lapis gignitur densior, & durior,
 & magis perspicuus, vt adamas, & Gemmæ præstantiores.
 Quo autem crassior fuerit materia, & impurior, eo viliores
 lapides gignuntur: minus enim densari possunt, quæ crassa
 sunt, ideoque minus cohærent partes inuicem: ob impuri-
 tatem autem non similis fit omnium partium concretio, sed
 quædam molliores, quædam duriores, quædam spongiosæ,
 & raræ consurgunt. Appræhenduntur quoque aliena cor-
 pora in lapidum concretione, quæ simul lapidescentia inæ-
 qualitatem faciunt: nunc harenæ, nunc varij generis lapil-
 li: nunc terra; nunc animalium, aut plantarum partes. Re-
 perta enim sunt conchilia in cæsura lapidum. Præterea no-
 quiliores ignem perpeti magna ex parte visi sunt, ignobiliores
 autem

autem nequaquam. Nam aut dissiliunt in igne, aut in calcem abeunt, absumpto videlicet humore, qui glutinauit: quod mistionis imperfectionem arguit. Sunt tamen inter viliores, qui in igne perennes sunt, vt Amiantus, & in genere saxi arenarij, quod mortuum vocant, ex quibus fornaces extruuntur. Exiuit enim ex ijs id quod ab igne absumi potest: quod autem relinquitur, terra est per se inalterabilis. Quatuor autem genera summa lapidum traduntur vulgo nota. Marmora, saxa, Gemmæ, lapides. Distant magnitudine, & paruitate, duritie, & mollitie. Ingenti mole oriuntur, marmora, & saxa: nam aliquando montes integri ijs constant: & maris scopuli. Videtur enim terra postquam aqua maris diu maduerit, siccata lapidescere. Fontes quoque Thermarum colles lapideos constituunt, vt multis in locis videre licet: Gemmæ non nisi in parua mole reperiuntur, sic & qui proprie lapides vocantur. Distant autem duritie, ac nitore gemmæ a reliquis lapidibus: oriri solent in saxorum aut marmorum fibris, aqua præterlabente eius succi grauida. Scinduntur autem montes lapidei solibus incocti: in scissuris autem tanquam in venis aquæ præterlabentes, & exhalationes subterraneæ varia corpora gignunt, lapillos, Metalla, Terras: succos concretos. Vt autem Gemmæ a cæteris lapidibus nobilitate, nitore, ac duritie differunt, sic marmora a saxis.

CAP. IIII.

Saxorum genera partim ex consistentia distincta sunt, vt Tophus, & Silex: mollis enim est Tophus: Silex prædurus. Partim ex usu vt quadratum, quod in ædificijs quadrari potest ad postes & limina. Crustosum quod finditur in crustas vtilis stratis, ac tectis. Saxum calcarium quod excoquitur in calcem pro cemento. Focale, quod attritu scintillas ignis emittit, forte Pyrimachus apud Aristotelem dictus, quia yterentur in Bello ad ignem parandum, alius a Pyrite.

Cotes alij dicti sunt, qui ad acuendam gladiatorum aciem expetuntur. Saxum Harenarium, quod asperum est, veluti ex harenis compactum, ideo leuiorem non suscipit: vtile ædificijs, quia calcem bibit. Limosum quod attritu in limum soluitur: quas differentias notant qui aquarum fontes scrutantur. Agricola quoque saxorum quædam genera expetunt vt quæ eruta solibus, & pluuijs, & glacie dissoluuntur. Contra ædificijs commoda, quæ peremnia sunt. Fornacibus, quæ vim ignis tolerare possunt. Sed nostrum non est sigillatim ea persequi, quæ varijs artificibus in vsu sunt. Solum præcipua genera perquirere satis est, præsertim quæ in Medicina aliquem vsu præstant. Tophi igitur appellantur apud Græcos Pori, quia porosi sunt: alioqui vt plurimum similes marmori Pario candore & duritie apud Theophrastum, sed leuitas inest Pumicis. Ideo commodissimi ad replendas parietum collabentium scissuras, cum præ sua leuitate non premant, & glutinent facile extrema. Reperiuntur & nigri, & rubentes, & colore terreo. Cum caduntur e subterraneis, sæpe molles sunt, vt præcidi ligni modo possint, & serra facile secari, auctore Vitruuio: postea durantur in aere. Huiusmodi foditur in Vrbe veteri. Artifices enim qui parietes construunt, ad præsecanda quæ extuberant, securi vtuntur, non malleo, neque scalpello. Est, & genus Tophi, quod in speluncis coagulatur in stirias ex aquis cadentibus, relinquuntur enim inania, quibus aqua contingebatur, vnde a similitudine cum spongijs, spongiones vulgo appellantur. Ad Tophos referuntur, & qui in articulo- rum Turnoribus indurantur: atque alijs abscessibus pure in lapidem concreto: & qui in renibus ac vesica oriuntur Tophi a medicis dicti sunt. Tandem apud Plinium Tophus dicitur scaber natura, & friabilis.

CAP. V.

Silex autem vocatur durissimum genus saxi adeo vt percussu vibret ignis scintillas: & in hoc superat marmora, sed

sed ad scalpendum ineptus quia dissilit vulneratus ferro. Aedificijs quoque minus probatur, quia calcem non bibit, vnde sequitur murorum scissio. Color vt plurimum fuscus vt Albertus testatur. Plinius nigros & rubentes, & nonnunquam albos reperiri tradit, vt circa lacum Volsiniensem. Ex hoc Silice fuisse putandæ sunt Molæ volsinæ repertæ: nam & hodie inter molas ad farinam parandam, quasdam focales vocant, quæ tenuius atterunt: Alias spongiæ, quæ ob leuitatem furfur crassum relinquunt, vt syncerior farina excerni possit. De lapide molari scribit Aristoteles 4. Meteo. cap. 6. fieri ab igne terra combusta: liquari etiam molas, vt fluant: cum autem id quod fluit, coagulatum fuerit, nigrum fieri, sed simile calci: idest leue, spongiosum enim redditur. Huiusmodi in incendijs ex monte Aethna fluere testantur. Liquatur & filex, quem Aristoteles Pyrimachum vocat: vt eiusdem naturæ videatur lapis molaris, ex quo molæ focales fiunt. Has videtur intellexisse Galenus 2. ad Gla. 4. cum ad Scirrosos affectus dissoluendos lapide molari vtitur, vbi Pyrites haberi non possit. Lapis niger ab Hippocrate vocatur in insula Nyfiro plurimus. Fiunt etiam molæ ex lapide calcario spongioso, vnde calx optimam ob quandam pinguitudinem, vt Plinius testatur: apud eundem Silex nusquam vtilior, quam in Italia gignitur: lapisque non saxum est. In quibusdam vero prouincijs omnino non inuenitur. Sunt quidam in eo genere molliores, qui & cote leuigantur, vt procul intuentibus Ophitæ videri possint. Neque est alius firmior, quando & lapidis: natura vt lignum similiter imbres, solesq. aut hyemes non patitur. In Stratonienfi sunt quibus ne ignis quidem noceat. Idem & in monumenta sculpi contra vetustatem incorrupti permanent: ex eisque formæ fiunt, in quibus Aera funduntur. Est & viridis lapis vehementer igni resistens, sed nusquam copiosus, & vbi inuenitur lapis est, non saxum. Ex reliquis pallidus in cemento raro utilis. Globosus contra iniurias fortis, sed ad structuram infidelis, nisi deuinctus multa suffrenatione sit. Nec certior

fluuiatilis semper veluti madens. Græci e lapide duro ac silice æquo construunt, veluti lateritios parietes, Isodomos vocant genus structuræ. Hæc ex Plinio. Existimant quidam confundi apud veteres Silicem cum marmore, & cæteris lapidibus: cum apud Varronem legatur silicem Lunensem ferræ secari quod est genus marmoris: & apud Catonem ex silice calcem fieri sed improbatam: vt silicis appellatio transeat ad saxum calcarium. At id nequaquam verum, nam ex saxo calcario vtilis fit calx tum ad structuram, tum ad tectoria: ad vtrunque damnatur e silice. Si igitur aliquod genus silicis cremetur in calcem, degenerat a natura silicis, & eius calx a cæteris. Silicem præterea tanquam globum duriores inter marmora reperiri, non est absurdum: secantur autem ferræ non denticulata, sed ex aqua, & harena silices durissimi, qui scalpellum respuunt.

CAP. VI.

Quadratum apud Albertum Quadrum vocatur, quod scalpello cæditur qualibet figura ad postes, limina, arcus, columnas instar marmoris, sed nitorem non recipit: nam tactu aspero, & harenoso constat, ideo inter saxa harenaria: e lapide quadrato constructum fuisse Labyrinthum sub vrbe Clusio tradit Marcus Varro. Color alijs cinereus, alijs ad cæruleum vergit, qui præfertur: serenam hanc petram vocant, illam mortuam. Plerisque insunt micæ argenteæ. In Petra sancta Aetruriæ mons est, cuius saxa argenteo nitore splendent, in igne inuicta, fragilia tamen ob id inepta operi quadrato, vt alia multa, quæ aut in crustas sponte finduntur, aut cauernosa sunt. Ex fissilibus quadrari potest quod Pisis Abainum vocant: foditur in Liguria: finditur hoc in latissimas, & prætenues laminas ad tecta, mensas, Abacos, Perpoliri hoc potest vt nitore recipiat colore nigro, cum foditur molle est, vt facillime præcidi quacunq. figura possit: sed in aere obduratur, redditurq. scalpello infidèle.

CAP.

LIBER SECVNDVS. 11

C A P. VII.

SAxum vnde calx excoquitur, calcarium dici potest: Dioscorides marmor Fusaneum vocat, quasi vile, & vbiq̃ue obuium. Extat album marmorī simile, aliud fuscum, & durius. Ex albo calx melior quam e duro, & structuræ utilior: Quæ ex fistuloso tectorijs, vt Plinius tradit. Candidior calx ex albo, nigrior ex altero: candidissima ex fistuloso, qualis e lapide Tiburtino; ex quo Romæ constructum est templum Diui Petri in Vaticano: eligitur ex eo calx ad dealbandos parietes Treuertinum vocant, quasi Tiburtinum. Fit quoque calx e littoralibus calculis, sed e vario lapide, improbatur: ideo utilior ex effosso. Fieri etiam e testis Buccinorum marinarum tradit Dioscorides breuiori opera: hodie ex relictis testis ostrearum quæ alicubi in mediterraneis magna copia reperiuntur, calcē faciunt candidissimam. Nulla res cū arserit, retinet tam vehemens ignis vestigium, vt vtraq; & crustas molitur, quam calx: sed progressu temporis amittit vires expirante occulto igne. Calx viua, quæ non extinta est, Asbestos Græce dicitur. Cum vero extinta fuerit, protinus ipsa quoque crustas molitur, sed post diem vnum aut alterum minus id facit, donec progressu temporis nullam crustam efficiat, sed calfaciat tantum, & carnem liquet. Quod si ter lauetur, sine morſu vllō valenter exſiccatur, vnde ad cicatriceſ obducendas hodie in vſu eſt vnguentum de calce. Quidam calce recenti aceto extincta, & ter lota, mox oleo roſaceo ad linimenti formam redacta vtuntur ad combuſta: non enim permittit bullas eleuari, & abſque vllō cicatricis veſtigio ſanat.

C A P. VIII.

Cognata res calci Gypſum eſt, nam ſimiliter fit ex lapidibus quibuſdam vſtis, ſed longe breuiori vſione
præfici-

perficitur: idcirco non vrit, sed emplasticum est astringit & obstruit: ad sanguinis eruptiones impositum conuenit: citissime enim postquam madefactum est, coit in lapidem; ideo potum stangulat. Quod vero vitionem non est expertum, percussorium est ex oxycrato impositum. Vstum minus emplasticum est, at valentius exsiccatur, & tenuiorum est partium, vt Galenos testatur. Lapis qui coquitur, non dissimilis esse debet alabastris, vt Plinius tradit: aut marmoreo. In Syria durissimos ad id eligunt, coquantq. fimo bubulo vt celerius vrantur. Sed omnium optimum e lapide speculari. Foditur & e terra, vt in Cypro summa tellure, & Tympheticum est, quo vt authores Theophrastus pro Cimolia infectores vestium utebantur. Hodie fodiuntur Gypsi lapides in Italia multis locis diuersorum colorum, qui tamen in igne omnes in candorem vertuntur. Sed lapis Alabastris similis foditur in agro Volaterrano pulcherrimus aspectu. Ex eoq. conficiunt ad Tornum vascula, & varias imagines; Alabastrum vocant. Candidum enim est, ac maculosum, leuoremque suscipit cum splendore: videreturque inter nobilia marmora esse, si duricies adesset: ex eius rasura, ac cæteris fragmentis modico igne conficiunt Gypsum. Lapis autem specularis crystalli modo translucidus est, & scissilis in tenuissimas crustas: olim in Hispania tantum, sed postea in Cypro, Cappadocia, Sicilia, Africa, & in agro Bononiensi Italiae inuentus: alicubi niger. Hunc lapidem nostri inter alumina recensent, vocantq. alumen Scaliolum, quasi scissile, cum tamen sapor aluminis nullus adsit. In igne facile in puluerem candidissimum vertitur, quo mulieres vtuntur ad faciem dealbandam, & contrahendam cutem instar aluminis. Putant quidam Selenitem esse inter gemmas, de quo loco proprio dicemus. Nam specularis tener est, & in Gypsum facile excoquitur. Reperitur saepe implexus saxo marmoreo, aliquando laterculis distinctus, aliquando sexangula figura instar Crystalli vt videatur quoddam eius rudimentum.

CAP. XIX.

Non inutile fuerit & lapides recensere, ex quibus cotes fiunt: nam medici aliquando ijs vtuntur. Aliæ aquaræ dicuntur, quia ad aciem acuendam egent aqua: vt Naxia: & Armenia: aliæ oleares, vt Creticæ, & Laconicæ. Quædam aqua & oleo indigent, vt Ciliciæ: quædam hominis salua sed mollissimæ, vt Flamminitanæ ex Hispania citeriore. Dioscorides de Naxia tantum agit, cuius ramentum ferro attritum Alopecias pilis explet: mammas prohibet intumescere: lienem extenuat cum aceto potum, & comitialibus prodest. Hodie in Italia habemus alia genera cotium tum aquaticarum tum olearium. Hæ nigrae sunt, & perpolitæ, à barbitonsoribus quæsitæ ad cultri aciem leuigandam. Illæ nempe aquaticæ ex lapide constant harenoso, sed molli, & æquali, colore cinereo: ex ijs rotas versatiles constituunt, vt ex earum motu circulari aqua cadente ferrum atteratur: aliæ & præcipuè oleares oblonga figura, & plana constant, vt placidiori motu lenigerentur potius quam atteratur ferri acies. Alia præterea sunt genera cotium ad aurum, & argentum explorandum attritione eorum super lapidem de quibus inter marmora dicendum est.

CAP. XX.

EX omni genere lapidum comminutorum gignuntur harenae aquis deuoluentibus atterentibusque. Nam Petræ in sua sede aut ficcatae, aut concussæ in terremotu, aut euerfione quacunq; scinduntur: Saxa autem discissa, aquarum vi torrentibus deuoluuntur, ac primum attritis angulis rotunda fiunt, deinde paulatim abrafa in harenam, sabulum, & Glaream conuertuntur. Dicitur autem harena, cum in partes minutissimas comminuta fuerint: Cuius tria genera Plinio: Fossitia, fluuiatilis, & ex littore maris. Differunt

ferunt etiam ex quo lapide fiant. Aliquæ enim molliores, pinguioresque sunt vt ex Saxo Calcario, Gypſo, & reliquis mollioribus: aliquæ asperæ aridæque, vt ex marmore, Silice, Saxo harenario, & ceteris durioribus, Reperitur & harena carbunculosa, quæ nigri coloris est. Quædam fusibiles sunt, quibus ad vitri confectionem vtuntur, candidæ, ex Silice, & alijs eiusdem naturæ lapidibus: asperioribus, tenuioribusque vtuntur ad marmora secanda, & ad Gemmas poliendas. Medici vtuntur marittima & candida, quam Dioscorides littoralem vocat, ad siccandam Hydropem, toti corpori aggerata excepto capite. Sabulum crassitie ab harena differt: vocant autem Sabulum masculum, quod durum est, foeminam verò mollem. Glarea calculis adhuc crassioribus constat, petuntur ad purgandas aquas percolatione in Cisternis.

CAPITULUM XLI.

MArmora dicuntur, quæcunque duritie insigni præcidi possunt, & nitorem assumere in statuas, columnas, & reliqua opera magna. Contingunt autem hæc, ob materiæ puritatem, æqualiter, & exacte concretam. Durities enim insignis optimam concretionem sequitur, nitor autem æqualitatem materiæ. Perfectionem quoque coctionis in eorum generatione ostendit colorum viuacitas cuiuscunque generis: non enim conflunt colores synceri nisi coctione. Quos enim artifex efficere nequit commistione, solus calor efficit coctione. Exhalatio igitur sicca ignita pulueres coloratos efficit: ex iisdem verò pulueribus solutis lapides simili colore præditos, vt Cinnabari 3. Meteo. ultimo. Colorum autem varietas, quæ in eodem marmore sæpe reperitur, exhalationis varietatem ostendit, aut quæ simul ascenderit, & concreuerit, aut quæ posterius aduenit, fragmenta prioris lapidis ferruminet: quomodo ophitis genera coagmenti videntur: veluti punctis distincta.

Quemad-

Quemadmodum enim glareæ, & harenæ diuersi generis admista calce ferruminantur in lapidem vnum, sic plerunq. varia marmorum fragmenta noua exhalatione adueniente veluti calce in vnum continuum lapidem coeunt maculis diuersis: quod in marmoribus magis contingit quam in faxis ob exhalationis tenuitatem ad intima permeantem, & equaliter congelatam. Si vero lapillos alterius generis ac molliores apprehenderit, lapis redditur veluti scabiosus, vt multa eorum sunt, quæ vulgo Granita vocantur. Pleraq. autem vetustate adeo indurantur, vt scalpi nequeant: nam instar Silicis diffiliunt: quod vetustæ columnæ Porphiritis ostendunt. Qui enim tentarunt ex ijs noua opera præcidere difficultate victi destiterunt. Quod omnibus lapidibus commune est. Cum enim initio molles sint, & subterraneis eruti, & aeri expositi assidue siccantur, vt tandem in terram dissoluantur, quod quibusdam cito fit, quibusdam in longissimis æuis. Marmorum genera, & colores vt inquit Plinius, non facile est enumerare in tanta multitudine, cum locus vnusquisque suum habeat. Nos tamen breuiter ex numero colorum colligemus.

CAP. XII.

NOtissimum est candidum, quale traditur Parium in Paro insula effosum. Pario etiam candidius est Lunense, quod hodie Carrariense vocatur ex Oppido Aetruriæ in agro Lunensi: at nitore vincitur a Pario, vt videre est Pisis in templo diui Ioannis Baptistæ, ex eo enim constitutum est Pulpitum varijs figuris insculptum nitore eximio. Candoris eximij scribitur Lygdinum ex Arabia aduehi solitum, sed postea in Tauro repertum magnitudine qua lances, & crateras non excedat. Coralicor candor inest Ebori proximus, & similitudo quædam. Candidus sed varius est Alabastrites, qui & onyx cognominatus est ob similitudinem Gemmæ, cuius color vnguem humanum refert. Dictus est autem alabastrites a loco Aegypti circa Thebas, vbi nascitur. Sed circa Dama-

M scum

scū Syriæ candidior est: probatissimus in Carmania. Probat-
 tur mellei coloris in vertice maculosi, & nō translucidi: dam-
 natur color corneus, aut candidus, & quod inest simile vi-
 tro. Excauabatur Alabastrites ad vasa vnguentaria, quo-
 niam incorruptum vnguentū conseruare dicitur. Alabastrum
 pro vase vnguentario accipitur apud Hermolaum nō solum
 ex Alabastrite lapide sed & ex vitro. Idemque etiam exustus
 emplastris conuenit: sunt hodie qui crudum cerato impo-
 nant refrigeratorio, appellant vnguentum de Alabaastro, ad
 capitis dolores. Dioscorides, & Galenus cremato vtuntur.
 Pice aut resina exceptus duritias discutit. Stomachi dolores
 cum cerato leuat, gingiuas comprimit: quidam eum biben-
 dum dant stomachicis. Ostendunt ex Alabastrite duas in-
 gentes columnas Romæ in templo sanctæ Agnetis atq. alijs
 locis maculosas. Alij Alabastrum esse genus limpidi mar-
 moris & albi, quod visui est peruium: sed hi Onychem signi-
 fican, quod vulgo Calcedonium vocamus inter Gemmas
 numerandum, vt loco proprio dicetur. Nam apud antiquos
 Alabastrites etiam Onyx dicebatur, vt apud Dioscoridem,
 & Galenum reperitur: forte propter similitudinem cum
 Gemma ab vngue cognominata. Plinius Onychem inter
 marimora alium esse inquit ab Onychē inter Gemmas. Qui
 inter marimora in Arabiæ montibus primo inuentus est, pō-
 stea in Germania, ex eo fiebant vasa potoria, & pedes lecto-
 rum, & Sellæ, & Amphoræ, & vrcei: inuentæ sunt & colum-
 næ, quæ pro miraculo positæ sunt. Si igitur hic Alabastrites
 est: maius erit miraculum ingentes columnas reperiri. Quod
 præterea vri Alabastritem in Medicamentis tradunt anti-
 qui, significatur non esse Calcedonium: hoc enim in igne
 non crematur, cum ex ijs sit, qui attritu scintillas edunt, &
 funduntur. Quod in Volaterrano foditur Alabastri nomine,
 facillime quidem vritur, nec ingenti mole reperitur, mate-
 ria pulcherrima candida, & varia, & aliqua ex parte trans-
 lucida, vt Onyx: fragilitate tamen recedit a natura mar-
 morum ideo repositum est inter genera Gypsi: Hoc igitur pro
 Alaba-

Alabastrite lapide vti non fuerit absurdum: Candida igitur marmora hæc sunt.

CAP. XIII.

Luidum est Numidicum sed eximio splendore vt videre licet Pisis in templo Episcopali: Nam ex eo statua Herculis, quam Pisani ex Numidia transtulerunt, vice columnæ posita est sub marmoreo suggesto. De Numidico Plinius inquit Marcus Lepidus Consul Primus omuium limina ex Numidico marmore in domo posuit magna reprehensione, hoc primum inuecti Numidici marmoris inueniri vestigium non in columnis tantum, crustisue, sed in massa, & vilissimo liminum vsu. Sunt qui Numidicum tradunt colore flauo, ex quo multæ columnæ visuntur Romæ. Nigra vero traduntur Alabandicum terræ suæ nomine, quanquam & Miletî nascens ad purpuram magis declinante aspectu: liquatur igni, ac funditur ad vsum vitri. Tænarium ex monte eiusdem nominis, & luculleum atrum. Obsidianus quoque lapis, quem primo inuenit Obsidius nigerrimi coloris, aliquando, & translucidi crassiore visu, atque in speculis parietum pro imagine vmbra reddente: vnde quatuor Obsidiani Elephantî in templo concordia positi. Hodie foditur Serauitiæ & Carrariæ, in Aetruria quoddam adeo atrum, vt cum perpolitum est speculi modo synceras imagines reflectat. Huiusmodi visitur Pisis ad postes templi Episcopalis. Extant & distincta venis candidis, & aureis, hoc foditur Serauitiæ. Duæ Columnæ atrî coloris intercurrentibus raris venis albis nuper posita sunt in Campo sancto Pisano ad monumentum, quod Gregorius XIII. Pont. Max. fratri posuit. Vocant hoc genus marmoris Paragone, quia eo instar Basanitîs lapidis vtuntur ad examinandum aurum, & argentum. Quondam ad hunc vsum fiebant coricula ex lapide Lydio, nec inueniebantur nisi in flumine Tmolo Lydia, postea vero passim: Chrysitem vocabant ab auro explorando: Medici Ba-

sanitem : hic lapis nihil ex se remittit, sed rapit signum ex auro, & argento, & Aere, si ad eum fricentur, vnde examen fit. Hodie nigro genere marmoris vtuntur, & alio subuiri-di, quod vocant Verdellum. Ferrei vero coloris marmor durissimum Basaltes appellatur in Aethyopia, quo vtuntur pro incude. Ex Hispania affertur lapis niger durissimus, cuius puluere vtuntur ad vulnera glutinanda, appellant lapidem de Buga.

CAP. XIII.

EX albo, & nigro maculis frequentibus constant genera Ophitis, dicta a similitudine macularum serpentum. Eius multa esse genera tradit Dioscorides, quæ tamen ad tres differentias reducit. Vnum ponderosum, & nigrum; alterum cinereo colore punctis distinctum: tertium lineis quibusdam candidis. Plinius ad duas reducit, candidum quod molle est, & nigricans durum: Ex Ophite albo vasa, etiam Cados faciunt. Meminit tamen postea cinerei, quem Tephriam appellat a colore cineris, præcipue laudatum a quibusdam contra serpentes: licet omnes alligati ad serpentium ictus profint teste Dioscoride & ad capitis dolores. Qui lineas habent candicantes Phreneticis, & Lethargicis auxiliari putantur. Ex Ophite nigro hodie visitur parua columna inter alias, quæ sustinent suggestum in templo Diui Io. Baptistæ Pisis: vulgo vocant Viperam Aegypti, constat punctis nigris in liuido corpore. Quatuor aliæ in eodem loco eiusdem magnitudinis ex Ophite cinereo, vocant Granitum Syriæ: Insunt puncta nigra in corpore candicante, vnde color cinereus. Quod lineis constat candidis in nigro, foditur Serauiriæ cum alijs multis mistis: Inter quæ reponenda videntur Augustum, & Tiberium in principatu eorum imperatorum in Aegypto reperta: differunt ab Ophite maculis diuerso modo dispositis. Augustum vndatim crispum in vertices: Tiberium sparsim conuoluta canicie. Neq. ex Ophi-

te columnæ nisi parvæ admodum reperiuntur. Ex Seraui-
tienti conficiunt paruos globos vt manibus contrectentur in
febre ardente. Hoc modo Ophitem Lethargicis & Phrene-
ticis opitulari putandum est, marmoris frigiditate capiti, &
præcordijs communicata, arcere pestilentiam in qua appa-
rent exanthemata, & serpentium virus. Galenus Ophitem
propinat cum vino ad lapidem frangendum: habere enim
vim abstergendi & confringendi vt vitrum. Albis & nigris
explicatis reliquos colores persequamur.

CAP. XV.

V Iride est Lacedemonium præciosissimi generis & cun-
ctis hilarius. Hoc hodie vulgo Serpentinum vocant
ex Alberto, qui secundam speciem Ophitis viridem tradit
maculis candidis. Insunt enim in viriditate maculæ parvæ
& frequentes clariores similitudine Ophitis. Huius non re-
periuntur nisi parua fragmenta, ex quibus pavimentum ex-
ornatum est Pisis in templo Episcopali, & parietes opere Mu-
saico: alibi quoque incrustationes ex eo habentur. Hoc alij
Laconium vocant. Alterum genus est varia macularum
compositione: cuiusmodi sunt duæ crustæ quadratæ amplitu-
dine cubitali ad monumentum Gregorianum in campo San-
cto Pisano: hilari viriditate splendentes, & duæ columnæ ad
facellum sancti Rainerij in templo. Ex hoc genere est Thy-
ites, cuius mentionem facit Dioscorides: in Aethyopia gi-
gni colore subviridi similitudine Iaspidis cum tamen dilui-
tut succum lacteum reddit: vehementer mordet, tenebras
quæ pupillis obuersantur, expurgat. Galenus inquit: va-
lentem habere facultatem exterendi cicatrices oculorum
recentes, & vnguem, si non inueteratus fuerit auferre. Her-
molaus lapidem mortariorum intelligi apud Plinium: quo-
niam Thya mortarium significat, vnde Thyites, & ab Hip-
pocrate Acone, idest cotis, quia cotes ex eo fierent. An hu-
iusmodi fuerint Cotes virides, quibus vtuntur ad aurum
exami-

examinandum, quod Verdellum appellari diximus. Reporiuntur & in fluminibus quibusdam huiusmodi lapides virides, qui succum lacteum remittunt. Virtutem autem extendendi oculorum cicatrices, ex participatione viridis æris haberi putandum est, vnde & color viridis.

CAP. XVI.

R Vbet Porphirites in Aegypto, quod vulgo Porfidum vocatur: cuius duæ extant columnæ præ cæteris eximiae magnitudinis ante fores Sancti Io. Baptistæ Florentiæ. Ex eo candidis interuenientibus punctis, Leucostictos vocatur. Foditur quoddam genus Serauitiæ & in monte Pisano, non punctis, sed maculis vario modo agglomeratis, vt videre licet Pisis eius crustas in Aede sancti Ioannis. Id quod minus maculosum est, vocant Porfidum Liguriæ: alterum magis varium ex monte Pisano. Porphirite Aegyptio præ cæteris vtuntur pictores ad leuiganda pigmenta, & medici ad fragmenta Gemmarum cote atterenda, durissimus enim lapis est vt attritione nihil ex se remittat. Ad Porphiritem reducendus est & qui colore constat violaceo, cuiusmodi est in Campo Sancto Pisano ad monumentum Gregorianum. Foditur & Serauitiæ, vt videre licet in Sacello Incoronatæ Templi Episcopalis, sed vbique albo interstinctus. Subrubit Syenites circa Syenem Thebaidis, vel vt alij legunt apud Plinium Stigmities, nam punctis nigris interstinctum est: vulgo Granitum rubrum, antea Pyrrhopœcilon vocabant, quasi fuluo colore variatum. Trabes ex eo fecere Reges quodam certamine, Obeliscos vocantes Solis numini sacros. Radiorum eius argumentum in effigie est. Quidam extant adhuc Romæ characteribus Aegyptijs inscripti, in quorum numero est maximus ille Obeliscus e circo Maximo erutus, & ad Aedem Lateranensem erectus, & alter in Vaticano, qui maxima cū admiratione ex latere templi Sancti Petri translatus est in Plateam Sixto V. regnante: cum longe mirabilius fuerit

fuerit tantam molē mari Romam deuectam esse: de ijs diligentissime agit Michaelēs Mercatus. Rubet & Thebaicus aureis guttis distinctus, ex quo Coticulæ fiebant ad colliria terenda, vulgo Broccatellum vocant, ob similitudinem telæ ex auro, & serico contextæ, quod Broccatum vocatur. Ex hoc lapide extant Pisis parvæ columnæ sustinentes suggestum in templo Episcopali & in altero S. Ioannis. Sanguinæ etiam maculæ reperiuntur in candido Lunensi, vt Florentiæ videre licet in templo sanctæ Reparatæ.

CAP. XVII.

Flauo colore marmora fodiuntur Seravetiæ specie mellis, aut Terebynthinæ, vt videre est Pisis in sacellis Templi Episcopalis. Huius coloris apud antiquos reperio Alabastritem præ cæteris laudatum. Translucet Phengites lapis apud Plinium lapidum Specularium modo, unde appellatio. Repertum esse in Cappadocia duritie marmoris, candidum, & translucidum, etiam quâ parte fulvæ inciderant venæ. Hoc constructam esse ædem Fortunæ, in qua etiam foribus opertis interdum claritas diurna erat. Extat Romæ in æde S. Mariæ in Porticu Phengite columna dimidiata colore flavo, quæ parietis rimam obstruens externam lucem auri fulgore intromittit: Sed multa sunt marmora quæ secata in tenues crustas translucent. Carulei coloris lapides non inter marmora recensentur, sed inter Gemmas, ideo in eum locum differantur. Selegerunt autem Medici quædam genera marmorum ad mortaria, & cotes, partim quæ nihil remitterent, vt Basanites, hodie Porphiritem seligunt: partim quæ succum vtilem redderent, vt Thyites ad medicamenta ocularia. Ex eodem autem lapide, & quod substernitur excavatum mortarium parant, & cotem qua atteruntur colliria, & pigmenta, & margaritæ, ac gemmarum fragmenta, vt in leuiorem redigantur. Non enim in his convenit Aeneum mortarium neque ferreus pistillus, quibus ad

res molliores atterendas vtuntur. De saxis igitur & marmoribus hæc satis.

CAP. XVIII.

Gemmae intelliguntur lapides insigniter duri, qui aut ob perspicuitatem aut splendorem, visui grati sunt, ideo anulos aureos exornant & monilia. In præcio autem habentur, tum ob substantiæ nobilitatem, tum quia raræ & parvæ inveniuntur. Perspicuæ aliæ sola claritate oblectant, vt crySTALLUS, ADAMAS, Aliæ colorum quoque pulchritudine, vt Smaragdus, Carbunculus. Opacæ solo splendore, & colorum pulchritudine. Gignuntur intra alios lapides, aut veluti nodi, & tuberculi, aut scissuris eorum adherentes tanquam verrucæ, ideo non ampla mole. Reperiuntur ut plurimum in fluminibus Indiæ atque Aethyopiæ inter harenas a montibus deuolutæ: quasi calore torridæ regionis egeant ad sui concretionem. Incipiamus autem a perspicuis, quæ omnium colorum reperiuntur excepto nigro.

CAP. XIX.

CrySTALLUS ideo dictus, quia videatur glacies: putatusque est vere glacies ex vehementi frigore in lapidem uersus, quam sententiam superius reprobauimus, magis autem nunc patebit. Loca enim ubi nascuntur CrySTALLI, ADAMAS, & his affines non in Septentrione sunt, sed in India, Arabia, & calidioribus regionibus. Sudines negat nisi ad meridiem spectantibus locis nasci, quod certum est. Ostendit autem & figura, quæ in omnibus sexangula est. Nam glacies figuram conseruat, uel continentis corporis, uel rotundam, aut fortuitam, qualis est in gutta; cum in grandinem congelatur. At angulosa facie congelari uidemus alumen Rocchæ, calcanthum, salnitrum, Saccarum candum cum post coctionem separatur humor a crassitudine terrestri. Idem ergo accidere

cidere crystallis putandum est. Sed illud admiratione dignum videatur, cur sexangula figura perpetuo oriatur, nunquam aliter. Ab vna enim veluti radice multi egrediuntur sexilateri in cuspidem desinentes: flectuntur autem latera prope mucronem angulis rectilineis adeo exactis vt ab artifice imitari vix possint. Corporibus vero inanimatis figuram certam ascribere non videtur rationi consentaneum: ad virtutem enim organicam pertinet certam figuram efficere, ideo solis animatis inest, anima alicuius gratia agente: Patet autem figuram determinatam organici esse non similis, quia quælibet pars pyramidis non est pyramis: similia igitur corpora per se non habent determinatam figuram: Quoniam vero omne corpus figuratum esse oportet, particula humidorum cum per se fuerint, rotundæ fiunt, vt aquæ guttulæ, aut a continente figurantur: siccæ autem, quæ contigerit discindi, talem figuram seruant. Quæ igitur in discissione ordinatam habent diuisionem, ordinatam etiam figuram retinere necesse est, quæ variam, variari etiam figuram. Diuisio autem solidorum corporum aliquando fit ordinata, vt quæ in crustas soluuntur, ex quibus coaugmentata sunt. Aliquando in varias fortuito vt cum frangitur malleo lapis. Potest vero & diuisio fieri in coagulatione, dum humida adhuc sunt corpora. Si enim in coagulatione partes in diuersa tendant, diuisionem fieri necesse est, & pro diuisione figuras determinatas: perinde ac in exsiccatione soli palustris, scinditur enim in multas rimas vnde figuræ diuersæ contingunt. Simile quid contingere putandum est in crystalli coagulatione. Succus enim lapidescens cum totum spacium impleat loci in quo est, in coagulatione discedentibus in diuersa partibus terrenis, & ad latera saxi continentis attractis, agglutinatisque figuram quoque faciet in concretis lapillis, quæ apta nata sit spacium replere. Si igitur non vniformiter, sed vario modo diuisiones contingant, etiam varietate figurarum implebitur spacium: Si autem vniformiter quod ob puritatem & æqualitatem succi con-

N tingit,

tingit, necesse est vnum genus figuræ oriri in omnibus, quæ apta nata sit spacium implere. Tres autem sunt huiusmodi apud Arist. 3. cæl. 66. Triangularis, Quadrangularis, & Hexagona. Non fit Triangularis quia medium non habet, ad quod tanquam ad centrum vndiquaque æqualiter constringantur partes: Nec quadrangula, quia imperfecta, oriens tantum ex duabus lineis se inuicem secantibus ad angulos rectos. Quamuis autem quatuor quadranguli in vnum veluti centrum coeant, relinquuntur tamen quatuor anguli a centro remotissimi. In omni autem coagulatione partes vndique in idem coeunt quæ maxime accedere ad circulum exoptant. Relinquitur igitur, vt sola Hexagona fiat, sola enim perfecta est, quia fit ex triplici diuisione superficiæ ad angulos acutos, sex triangulis in vnum veluti centrum coeuntibus, vt omnes anguli externi maiores sint recto, ideo ad circuli naturam prope accedunt. Inspecere quoq. licet in glacie angulos acutos, cum aquæ superfacies concreuerit: nam lineæ quædam conspiciuntur nunquam ad angulos rectos, sed acutos concurrentes, vt ex huiusmodi positione linearum trianguli videantur incoari, hi autem Hexagonam constituunt triplici diuisione secundum lineas Parallellas. Si autem huiusmodi superficiæ diuisio in profundum tendat, corpora constituet sexilatera, vt patet. Flectuntur autem in Crytallo iuxta cuspidem latera, deficiente materia, quæ cum purior quoque sit, & magis constringitur, & clarior apparet. Crassior enim & turbulentior, & plenior ad radicem concrefcit, ideo plerunq. in ea parte non pellucidi sunt Crytalli. Idem contingit in Adamante, & plerisq. gemmis translucidis. Contingit quoque lapidibus quibusdam ignobilioribus, vt Hæmatiti, Gypso: præterea salibus quibusdam & saccharo cando. Omnia enim hæc similem habent concretionem, sed ob materiæ impuritatem, & perturbationem figuræ minus distinguuntur. Hoc modo se habere putandum est, quem Plinius Pangonium vocat, hic non longior digito, ne crytallus videatur numero plurium angulorum cauetur.

uetur. Et qui a quibusdam scribuntur fluminibus Allera, & Ochra deferri constantes lateribus duodecim, sed fauorum modo foraminulenti, nec pellucidi, & cryſtalli modo in mucronem desinentes. Coeunt enim aliquando plures cryſtalli in vnum lapidem multos mucrones, & latera ostendentem, vt apud nos prope Pisas reperiuntur in quodam torrente qui ex monte Magno fluit, in Verruca enim monte propinquo fodiuntur inter saxa rupibus inuijs, vix autem scalpello auelli possunt a saxis, quibus conglobati hærent. Oritur cryſtallus, vt Plinius testatur, in cauitibus alpium adeo inuijs, vt sæpe homines fune pendentes, eam extrahant, quanuis & alicubi in campis aratro inueniri tradant, fluminibus enim ex montibus deuoluitur. Oriens & hanc mittit, sed Indice nulla præfertur. Nascitur in Asia, item in Cypro, sed laudata in Europæ alpium iugis. Cubitalem alicubi effossam esse tradunt, & in Lusitania perquam mirandi ponderis. Qui Pisis reperiuntur, raro digitalem crassitudinem excedunt, plerunque aceruatis paruis & frequentibus in vnum lapidem cryſtallis. Infestari solent plurimis vitijs, scabro, ferrugine, maculosa nube, occulta aliquando vomica, præduro, fragilique centro, & sale appellato. Est aliquibus ruffa rubigo, alijs capillamentum rimæ simile. Quæ sine vitio puræ lymphidæq. sunt, nec spumei coloris, hunc Cryſtallum montanum vocant, & aquam marinam. Inter cryſtallos esse videtur Iris appellata apud Plinium. Effodi inquit in quadam Insula Rubri maris, cætera sui parte cryſtallum, ideo quidam radicem Cryſtalli esse dixerunt. Sexangulum esse vt cryſtallum constat, vocatur Iris, quia obiectus Solis radijs colores arcus cælestis ei aculatur in proximos parietes vmbrosos, quod ex repercussu fit in anguloso mucrone. Id pulcherrime faciunt exigui cryſtalli qui in Pisano reperiuntur. Gemmarij concinnant ad similitudinem Adamantis, & anulis includunt appellantes Berillum, cum tamen alia sit Berillus, vt suo loco patebit. Aliam Iridem tradit Plinius ceræ similem, præduram, in Perside, quæ cremata, tusaq.

ta, tusaq. ad Ichneumonnm morsus remedio est. Similis est aspectu, sed non eiusdem effectus, quæ vocatur Zeros alba, nigraque macula in transuersum distinguente crystallum. Crystallini calyces expetebantur pro frigido potu, nam caloris impatiens est. Hodie vitri genere lympidissimo imitantur, crystallum vocantes. Fit ex lapidibus crystallinis fufis in vitrum clarissimum. Non autem per se funditur crystallus nisi adiungantur quæ fusionem præstent, vt nitrum & alia quædam. Pila crystallina quidam medici vtuntur aduersis solis radijs apposita ad inurenda corpora. Albertus eius puluerem cum melle assumptum vbertatem lactis facere testatur.

C A P. X X.

A Damas quasi indomitus Græca interpretatione, quia eius duritia inenarrabilis est, simul, & ignium victrix natura, & nunquam incalescens. Ideo in maximo præcio diu non nisi regibus cognitus: Crystallo similis obscurior, vt Gemmarij inquiunt: ac si in aqua lympidissima profundi putei visus incidat. Traditur non nisi in Metallis reperiri, præcipue auri. Plinius sex genera recenset. Indicus non in auro nascens, sed quadam crystalli cognatione: siquidem colore translucido non differt, & laterum sexangulo leuore turbinatus in mucronem: aliquando duabus partibus ac si duo turbines iungantur, magnitudine vero etiam nuclei Auellanæ. At sponte vtrinque turbinatos oriri non puto: sed artificio confingi. Arabicus ei similis, minor tantum, similiter & nascens, cæterum pallore gentis, & in auro non nisi excellentissimo natalis. Vtriq. incudibus depræhenduntur, ita respuentes ictum vt ferrum dissulset: incudesque etiam ipsæ dissiliant. Vnum exijs Cenchron vocant, quod est milij magnitudine. Alterum Macedonicum in Philippico auro repertum, & hic cucumis semini par. Post hos Cyprius vergens in Aereum colorem, sed in medicina effica-

efficacissimum: vltimo Siderites ferrei splendoris, pondere ante cæteros, sed natura dissimilis: nam & ictibus frangitur, & alio Adamante perforari potest, quod & Cyprio euenit: degeneres, nominis tantum authoritatem habent. Puto Cyprium inter Pyritas esse angulosum Adamantis similitudine. Sideritim autem in ferri Metallis simili modo angulosum, sed vtrunque negletum inter Gemmas. Ex hoc genere videtur esse Androdamas argenteo nitore vt Adamas quadrata, & semper tessellis similis magnis: putantq. nomen impositum ab eo quod impetus hominum, & iracundias domet. An Argyrodamas idem sit auctores non explicant. Hodie duo genera Adamantis habent, vnum appellant de Arce noua, præstantiorem: alterum de Arce veteri. Addunt & factitium ex Saphiro femina igne dealbata, nam præ cæteris prædura est. Illud admirandum tradunt de Adamante: naturam ferri, & ignis contemptricem, hircino rumpi sanguine, nec nisi recenti, & calido maceratam. sic quoque multis ictibus egere, & eximias incudes, & malleos exposcere: rumpi in tenues crustas: expeti fragmenta a sculptoribus: ferroq. includi, ijs nullam duriciem non ex facili cauari. Testatur Serapio solui etiam plumbo. Dissidet præterea cum magnete, vt iuxta positus ferrum non patiatur abstrahi, aut si admotus Magnes apprehenderit, rapiat, atque auferat. Venena irrita facit, lymphationes abigit, metusque vanos expellit a mēte. Hęc omnia gestatione efficere posse putatur.

C A P. XXI.

INter candidas, & translucentes numerantur, quæ a stella nomen habuerunt: vt Asteria, quæ principatum habet proprietate naturæ, quod inclusam lucem pupillæ modo continet ac transfundit in inclinatione velut intus ambulantem. Eadem opposita soli radios reflectit, vnde nomen. Difficilis ad Cælandum: Indicæ præfertur in Carmania nata. Astrios crystallo proxima, cui intus a centro stella lucet fulgore

fulgore lunæ plenæ: causa nominis quibusdam, quod astris opposita, fulgorem rapiat ac regerat; in India nascens & in Pallenes littoribus: sed optimam in Carmania: Cerauniam vocari quæ sit deterior: pessimam lucernarum lumini similem: Lychnitem hanc vocat Eustachius. De Ceraunia Plinius inquit, inter candidas fulgorem siderum rapiens: albam esse Zenoremis fatetur, sed habere intus stellam concursantem. Aliæ tamen sunt Cerauniæ nigrae & rubentes, de quibus alibi dicendum. Astroites in Magicis a Zoroastre miris laudibus decantata. At hæc non inter Gemmas, pulcherrime describitur a diligentissimo Michaeli Mercato. Astrobolos oculis piscium similis, radiat candido ut sol. Omnes hos lapides hodie vocant oculum felis, quia pupillæ modo radiant ut felis, modo clarius, modo obscurius: in omnibus enim inspicitur lux veluti stella: aut sol, aut luna ob ambulans in declinatione. Constant autem figura orbiculari. Ab his distat Beli oculus, vulgo Bellochio inter Acates, non enim translucet.

CAP. XXII.

Selenites quasi lunaris a Galeno Aphroselinon quasi lunæ spuma vocatur. Dioscorides sic appellatum scribit, quia noctu inuenitur plenus Luna crescente. Nascitur in Arabia candidus translucidus, ponderis exigui: huius scobem comitialibus dant in potu: eum gestant mulieres ad vitanda pericula. Videtur & arboribus applicatus frugiferas reddere. Apud Plinium Selenites ex candido translucet melleo fulgore imaginem Lunæ continens, redditq. eam in dies singulos crescentis minuentisq. numero: nasciq. putatur in Arabia. Ex varia hac historia merito hæsitatum fuit in hoc lapide. Nam ex Plinij historia videtur conuenire cum Astriq: cui sententiæ astipulatur Eustathius, qui Selenitē vocat Asterium & Lychnitim. Recetiores putant intelligi lapidem specularem, de quo diximus inter Gypsi genera, quia speculi

euli modo imaginem lunæ reddat. Melius Albertus ex quorundam sententia tradit nasci in quodam genere Testaceo in India, frequentius inueniri in Perside, & in Arabia. Cum enim inter Gemmas ponatur tum apud Dioscoridem, tum apud Plinium. Quid si dicamus: Selenitem esse Margaritas, quas vulgo Perlas vocamus? De his enim solis inter gemmas exploratum est plenas reperiri luna crescente, vt Dioscorides tradit, restatur id Garzias Medicus Lusitanus in India: cuius hæc sunt verba. Certum est Margaritas post plenilunium captas cum tempore minui & decrescere, quæ verò ante plenilunium capiuntur, huic vitio haudquaquam sunt obnoxia. Quod autem scribit Dioscorides inueniri noctu, contingit, non quia Lunæ lumen receptum emittat, vt interpretatur Plinius, sed quia conchæ eam ferentes noctu pandunt se vt rore fruantur, quo conceptus fieri putatur, & augmentum Margaritarum. Nam si tempestiuè satientur, grandescere Margaritas, si fulguret, comprimi conchas, ac pro ieiunij modo minui. Si verò tonuerit, pavidas, ac repente compressas efficere, quæ vocant Physmata, speciem inani inflatam sine corpore, vt Plinius inquit. Cæteræ conditiones Selenitis manifestæ sunt: Nam Margaritæ candidæ, pellucidæ, & leues inter cæteras Gemmas. Vires quoque in medicina consentiunt: vt enim Dioscorides Epilepticis propinat, sic Arabes ad roborandum cor exhibent: nam cum temperamentum earum constituatur frigidum & siccum, prauas humiditates exficcare possunt, sanguinem cordis clarificare: conferre cardiacæ, tremor cordis, & Symptomatis melancholicis ex humorum prauitate ortis: ab iisdem autem Epilepsia nascitur. Margaritas ferunt vt Plinius refert, conchæ non multum ab Ostreis differentes, quas indicus maxime Oceanus mittit. In nostro etiam Mari reperiri solitas scribit ex conchis, quas Myas appellant circa Bosporum Thracium, & in Armenia, quæ Pinna vocatur. Testatur Albertus in mari Brittanico inueniri in ostreis, dum enim esaret, decem Margaritas in ore sensisse. E iunioribus meliores

res gignuntur, senectâ flauescunt, & rugis torpescunt. in aqua molles sunt, exemptâ protinus durefcunt. Porro oriri quidam putant in media carne grandinis modo: alij vbique adeo vt visâ sint etiam in extremis marginibus veluti è concha exeuntes. Scribit Americus Vesputius, se in vna ostreola centum & triginta Margaritas reperisse, monetque imperfectas esse, nisi maturæ sint, & sponte decident ex ostreis, Paulus Venetus testatur in Zipangri Indiæ Orientalis reperiri Margaritas rotundas & crassas rubei coloris, quæ albas præcio & viribus longe præcellant. Pondus Semuncix repertum fuisse scribit Plinius: paucæ vero singulos scrupulos excessere. Garzias oriri maximas ad Promontorium Comarim, quæ pendebant centena grana tritici, quarum præcium aurei mille, & quingenti, multo maiores se vidisse ex Insula Burneo quamuis minoris elegantix, quæ pendebant centum sexaginta grana tritici. Laudantur candidæ, magnæ, læuës, Graues. In his autem adeo discrepant, vt raro duæ reperiantur similes: vnde Vniones Romanis dicti: quâquam sunt, qui non omnes Margaritas Vniones appellent, sed tantum magnas. Constant multiplici cute, adeo vt callum corporis videatur, & à peritis purgari possint. Indici specularium lapidum squamas assimilant candore & perspicuitate, qui præferuntur. Sunt qui Margaritas liquore dissoluunt, vt ex pluribus paruis vnam magnam constituent. Dissolui clarum est succis acidis: fertur enim Cleopatra aceto dissoluisse ingentem Vnionem, quem appensum auriculæ gestabat, & Antonio propinasse, vt Magnificetia vinceret. Commendant quoque ad Margaritas tabefaciendas succum limonum, omphacium accerbissimum, & succum cucuminis agrestis. Sed an refarciantur in lapidem perspicuum, qui pristinam venustatem retineat, incertum est. Cum eæ quæ crassiores sunt perforari soleant ad mulierum ornamenta, medici seligunt non perforatas, nam vsu, & gestatione vires amittunt. Ex ijs conficitur Diamargariton ad prædictos morbos.

CAP. XXIII.

MEmphites & apud Dioscoridem numeratur inter Gemmas, & a Plinio traditur Gemmantis naturæ: reperiri in Aegypto circa Memphim calculorum magnitudine, pinguem, versicolorem, vt Dioscorides inquit. Hodie pingui aspectu est Gemma, quæ in Germania a Lardo nomen accepit, a quibusdam Huia appellata. Albedo inest lardo similis, quæ materiam distinguit modo nigram modo cineream. Vidi calculum nucis magnitudine, ex Alexandria Aegypti allatum, cui ex vna parte albedo sublucens inerat, specie lardi, sub eo pallesbat magis translucidus veluti lardum vetus distinguente linea: ab altera parte desinebat in Onychem non translucidum. Huic insignem facultatem tribuit Dioscorides: nam illitus, vt Plinius addit, ex aceto stuporem infert sine periculo, vt quæ vrenda sunt, aut secanda, non sentiant cruciatum.

CAP. XXIIII.

Virentis autem coloris præciosissimus est Smaragdus, quo nullus iucundior est: eius enim viriditas fulgens omnia virentia superat: implet oculos vt nunquam fatiet, atque interim oculorum aciem recreat, si quando ob diurnam aliorum inspectionem debilitata aut obscurior reddita fuerit. Ideo Gemmarij libenter hunc scalpunt, quia oculorum refectione dulci lassitudinem mulcent. Eius præterea viriditas non minuitur ex longinquo, nec sole, nec vmbra, nec lucernis: visum enim semper admittit ob translucidam facilitatem pro sui crassitudine quod vel in aquis ipsi translucidis minus fit. Ob hanc coloris nobilitatem vetitum fuit insculpi: quanquam Scythicorum Aegyptiorumq. tantæ duricies est vt nequeant vulnerari. Eius genera vltra duodecim a Plinio recensentur, sed Scyticis summa autoritas,

O nullis

nullis enim maior austeritas, nec minus vitij: & quantum Smaragdi a cæteris Gemmis distant, tantum Scythici a cæteris Smaragdis. Bactriani multo minores Scythicis reperiuntur in commissuris saxorum. Tertium locum Aegyptij habent, qui eruuntur in collibus, & cauitibus, quorum dos non in colore liquido nec diluto, verum ex humido pinguique imitante translucidum mare, pariterque translucet, & nitet: Reliqua genera in ærarijs metallis inueniuntur, vt Cyprij varie glauci magisque ac minus in eodem Smaragdo: alijs partibus tenorem illum Scythicæ austeritatis non semper custodientes. Quibusdam intercurrit vmbra, surdusque fit color, & hinc genera distinguuntur. Nam sunt alij obscuri, quos vocant cæcos, alij densi nec e liquido translucidi, quidam varia nubecula improbat. Aethyopici acriter virides, sed non facile puri aut concolores. Perfici non translucidi, sed iucundi tenoris visum implent, quem non admittant ij, qui felium Pantherarumq. oculis similes sunt: In sole hebetantur, vmbri refulgent, & longius quam cæteri nitent. Attici in Argentarijs metallis reperti minus pingues, & longinquo speciosiores: ex his quidam senescunt paulatim viriditate euanida, & sole læduntur. Medici plurimum viriditatis habent, interdum, & ex Sapphiro, & rerum diuersarum imagines complexi. Charchedonij fragiles, colore incerti, & virentium in caudis pauonum, columbarumque collo plumis similes ad inclinationem magis, aut minus lucidi, Smaragdites hic vocabatur. Smaragdus, quem Choram vocant in Arabia, ædificiorum ornamentis includebatur. Recensentur & Laconici Medicis similes, & ficuli. Item quæ Tanos vocatur e Persis veniens gemma ingrate viridis, atque intus sordida: & Chalcosmaragdos, e Cypro turbida æreis venis. Videtur hæc accedere ad Chrysocollam, nam in Cypro vtuntur ad glutinandum aurum, authore Theophrasto. Traditur & ingenti magnitudine, vnde statuæ, & Obelisci erecti sint, quem Plinius Pseudosmaragdum putat. In Cypro inuentum dimidia parte Smaragdum,

ragdum, & dimidia Iaspidem : Adulteratur hodie Smaragdus lapidibus chrystallinis tritis, & cum duplo pondere Sandycis, quod Minium vulgo vocant, in fornace vitraria fusus : lapis enim fit adeo similis Smaragdo, vt etiam peritos fallat. Sed in his præcipuum vitium est Plumbago, hoc est, quia in sole Plumbei videntur. Serapio ad tria genera reducit : Smaragdum, Smaragdeum, & Pseudo Smaragdum. Vt interpretes vertunt. Smaragdum intelligit, qui acriter & impense viridis est, & translucidus : cognoscitur, vt Albertus testatur, quia aerem circumstantem inficit colore viridi. Smaragdeum, qui illum imitatur, sed obscurior est. Pseudosmaragdum, qui non similiter translucet. Smaragdum, & Smaragdeum vtrunq. in metallis Auri inneniri. Porro laudat Smaragdum ad venena lethalia, & ictus venenatos in potu pondere octo granorum Hordei, liberat enim a morte si cito sumatur, ante quam venenum impressionem fecerit : confert, & leprosis : gestatus quoq. præseruat, ab Epilepsia. Albertus Venerem prohibere testatur, & compertum aliquando frangi si gestetur in coitu. Recipitur hodie a medicis inter fragmenta Gemmarum : sed cauere oportet ne adulteretur Pseudosmaragdo : quod depræhenditur igne, flammam enim edit vt Chrisocola ob æris participationem.

C A P. XXV.

PRasius à succo porri dictus, vulgo Prasina ponitur à Plinio inter viridantia vilioris turbæ : eiusque tria genera facit : primum quod syncerum est : alterum sanguineis punctis abhorret : Tertium distinctum virgulis tribus candidis. Albertus inquit. Esse veluti Matricem Smaragdi, quia frequenter in eo reperitur inclusus : eique vires tribuit medias inter Smaragdum & Iaspidem : innuens quem Plinius in Cypro tradit media parte Iaspidem, media Smaragdum. Vt dubitandum videatur an Prasius inter non translucidas sit, quemadmodum Iaspis viridis. Quæ tamen hodie Prasina

vocatur translucet, quanquam modice. Chrisoprasius Prasio nobilior porri succum, & ipsa refert, sed paulum declinans a Topatio in aurum. Amplitudo ea est, vt Cymbia etiam ex ea fiant: India eas gignit: hæc apud Plinium. Albertus tribuit Auri guttas. Aliam præterea tradit quæ luceat in tenebris, euanescat in lumine, vocat Crisopatium, innues genus Smaragdi, quam Plinius similem oculis felium Pantheramque scribit: nam hi in sole hebetantur, in umbris refulgent.

CAP. XXVI.

INter virentes Plinius recenset Topatium Callaidem, Niliion & Beryllum. De Topatio inquit: placuisse suo virenti genere, & cum reperta est omnibus prælatam. Inuentam in Arabiæ Insula in Rubro mari, vnde nomen, postea & circa Thebaidis Alabastrum. Duo eius genera, Prasoides, & Chrysopteros similis Chrysoprasio. Eius enim tota similitudo ad succum porri dirigitur: amplissima Gemmarum: statua ex ea facta: sola nobilium limam sentit, cæteræ saxo, & cote poliuntur: hæc & vsu atteritur. Quæ conditiones Smaragdo magis: quam vulgari Topatio conueniunt: Describitur hæc ab Alberto: auri similitudinem habet duæ eius species: vna in omnibus est auro similis, quæ & præciosior est. Altera ad croceum magis vergit, & hæc vtilior est. Compertum enim esse feruorem aque bullientis sistere, vt sine noxa manu contrectari possit statim ea iniecta: ardorem etiam ventris extinguere: obiectum reddere vt speculum concuum: soli obiectam radios emittere, vt videatur ignem euomere. Callais viride pallens traditur extuberans oculi figura leuiter adhærens petris, vt videatur non agnata, sed apposita in rupibus inuijs, & gelidis Caucaſi Montis, & in Carmania: tali sectura formantur, aliàs fragiles: Optimus color Smaragdi. Includæ decorantur auro, Aurumque nulla magis decent. Quæ sunt earum pulchriores, oleo, vnguento,

guento, & mero colorem deperdunt. Viliores constantius representant. Nec est mutabilior alia, aut mendacior vitri. At quænam sit ex ijs quæ hodie habentur incertum est: nisi intelligatur inter eas, quæ non translucent, quam vulgo Turchinam vocamus, nam hæc non nisi oculi extuberantis figura cernitur: viride pallens pro colore aeris accipi potest: vt Plinius solet: nam in Paderote inquit: coeunt in translucidam CrySTALLUM viridis suo modo aer: alijs tamen placet Turchinam inter Iaspidis genera ponendam, quam Plinius Boream vocat, vt suo loco dicitur. Quod si viride pallens viriditatem Smaragdi vergentem ad pallidum significet, ambiget hæc Gemma inter Smaragdum, & Topatium. Nilios in littoribus Nili reperta, quamuis & in India gignatur, & Attica: fulgoris si ante habeas, brevis, & cum intueare, fallacis: est color fumidæ Topatij aut aliquando melleæ. Sed prædictæ cum non admodum translucentæ sint, ponuntur a Plinio inter virentes non translucentas, Berylli verò clarius quidem translucent, at fulgorem non habent, nisi earum color surdus percussu angulorum excitetur. Idcirco sexangula figura artificum ingenijs poliri soliti sunt, placetque magis eorum longitudo, vt ex umbilicis aureis pendent. Aut perforati gestentur: quod non solum in virentibus faciunt, sed & in alijs multis. Ideo eandem multis naturam aut certe similem habere, Berilli videntur: In India originem habentes, raro alibi reperti. Probatissimi qui viriditatem puri maris imitantur: proximi qui vocantur Chrysoberylli, & sunt paulo pallidiores, sed in aureum colorem exeunte fulgore, Vicinum genus huic est pallidius, vocaturq. Chrysoprasus. Quarto loco Hyacinthizontes, colorem scilicet Hyacinthi imitantes. Quinto Aeroides: post hos Cerini, Oleagini, & tandem CrySTALLIS similes. Hæc Plinius. Albertus describit coloris pallidi, lucidi, & vt aqua perspicui: cum vero voluitur videtur aqua innatare. Hodie gemmas ex Crytallo angulosas Beryllos vocant: & lingua Aetrusca Brillare est scintillare, quod ob varium percussum facie-

facierum contingit in motione.

CAP. XXVII.

Chrysolithos Aethyopia mittit aureo colore translucens. Præferuntur ijs indicæ, & si varie non sint, Bærianæ: deterrimæ Arabicæ, quoniã turbidæ sunt & variæ, & fulgoris interpollati nubilo macularum, quæ etiam lympidis contingere veluti scobe sua refertæ. Optimæ sunt, quæ in collatione aurum albicare quadam argenti specie cogunt. Quidam Chryselestri appellantur, in colorem electri declinantes. Visam Chrysolithon duodecim pondo. Leucochrysa dicuntur interueniente candida vena. Sunt & Capniæ: sunt & vitreis similes, veluti croco refulgentes: depræhenduntur a vitreis tactu frigidiori linguæ: nam visu depræhendi nequeunt. Melichrysi veluti per aurum syncero Melle translucens, quas India mittit, quamquam ad iniuriam fragiles. Hæc apud Plinium. Ex his colligere licet omnes aureas Gemmas Chrysolithos vocari inter quas tenet principatum Topatius vulgaris: dein quæ Chrysopatium vulgo appellatur inclinans ad Electri colorem, Hyacinthus vulgaris, qui perspicuitate vitrea ad Crocum tendit: & aliæ similes.

CAP. XXVIII.

Electrum latine succinum dicitur, quia videatur succus concretus splendore Solis, qui Elector vocatus est vt Plinius refert, ex antiquorum Poetarum auctoritate, vnde appellatio Electri: quamuis hoc nomen significet quoq. aurum, cui quinta pars Argenti mista est, quod cum naturale fuerit venena depræhendit. Calyces enim ex Electro arcus cælestibus similes cum igneo stridore ostendunt. Pterigophoron quoque ipsum succinum appellatum est, quia pennas & leuia quæque trahit. Arabes Carabem vocant, vulgo Ambram flauam. Variæ eius traduntur historiæ circa originem, quas

LIBER SECVNDVS. III

quasreprobat Plinius certitudinem nactus ex equite Romano, qui eius gratia missus fuit in Germaniam, Oriri Succinum in Insulis Oceani Septentrionalis, ex medulla arboris Pinei generis, vt Gummi ex Cerasis: erumpere ex ijs arboribus humoris abundantiam, qui frigore aut tempore Autumnali densatus rapitur vndis maris æstuantis in littora Germaniæ, vbi multa copia colligitur, indeq. Pannoniam & Venetias asportari, & circa mare Adriaticum. Esse autem ex Pineâ arbore illud argumentum affert, quod eo attrito odor pineus sentitur, & accensum flagrat tedæ modo. Densari autem cum prius liquidum esset indicio est, quod sæpe intus translucencia apparent, vt formicæ, culices, lacertæ, & huiusmodi alia, quæ adhæsisse oportet cum liquidum esset & simul concreuisse. Alij quoque ante ipsum arboris lachrymam dixerunt: vt Dioscorides ex Populo iuxta Heridanum, vnde fabula de Phaetontis sororibus in Populum conuersis, & earum lachrymas in Electrum. Alij ex Cedro: alij ex alijs arboribus, quas Electridas vocant. Non desuere qui vrinam Lyncis esse putarunt condensatam in lapidem, vnde Lyncurium dictum est, e maribus Fuluum, & igneum, e foeminijs languidius, & candidum. De Lyncurio Plinius inquit. Lyncum humor glaciatur, arescitq. in gemmas Carbunculis, similes, & igneo colore fulgentes Lyncurion vocatas: atque ob id Succino a plerisque ita generari prodito, nouere hoc, sciuntq. Lynces, & inuidentes vrinam terra operiunt, eoq. celerius solidatur illa. Dioscorides affirmat Lyncurij nomine Electrum intelligi, non vrinam Lyncis esse. Circumfertur autem hodie aliud Lyncurion quem lapidem Lyncis vocant, de quo alibi dicendum est. Alia porro extat Electri sententia, non esse arborum succum, neq. animalium, sed rem fossilem, ex genere Bituminis, effodi vt Theophrastus est auctor, in Liguria: & Philemon in Scythia duobus locis: alij tradunt iuxta mare Atlanticum esse lacum Cephisida, qui Sole excalfactus e limo dat Electrum, fluitans: & Cratim amnem in Sicione & lacu effluentem eodem

dem modo Succinum ferre: vnde sudor terræ pinguis a Sole excitatus existimatus est, qui densatus & vndis Oceani raptus feratur ad littora Germanorum. In eadem sententia, Albertus fuisse videtur, & Euax Maurus: qui Succinum in genere Gagatis reponunt: combustibilis enim est, vt cætera corpora Bituminosa, at vero non est absurdum succum huiusmodi a quibusdam arboribus trahi, vnde emanare Electrum visum est, vt de canfora, & manna patet. Lapidescere autem huiusmodi succum aut sponte, aut virtute aquæ marinæ non est absurdum. Forte & vrina Lyncis instar succi lapidescentis alicubi faciat ad eius concretionem. Genera eius multa, Candidum, flauum, colorem ceræ imitans, aut auri, quale describit Dioscorides: hoc Falernum cognominatur quia imitatur vini Falerni perspicuitatem: aliud ignei coloris magis est: aliud mellis decocti, aliud cinereum. Omnia fricata trahunt Paleas, folia, pennas, & huiusmodi corpora leuia. Flagrant quoque & odorem spirant, qui Indis gravior est Thure. Candidum suauius est, ad Canforam accedens, quod & leuissimum est, & hodie in maiori præcio. Antiquis contra Falernis maior erat auctoritas ob coloris gratiam. Nam ceteris magis translucent molli fulgore, & ignea quædam imago in ipsis non ignis placet. Habita sunt in delitijs adeo vt parua hominis imago præcia superaret hominum viuientium & vigentium, vt Plinius testatur. Ex his hodie fiunt monilia, quæ collo circumdantur mulierum, vt quondam frequentissimus fuit vsus Transpadanis mulieribus, non solum decoris gratia, sed & medicinæ: quia creditur resistere morbis fancium & gutturis, quibus illæ obnoxie sunt ob aquarum vitium. Ex succino candido fiunt taxilli ad ludum quemadmodum apud nos ex Eborè. Laudatur in medicinis ad fluxiones sistendas tum sanguinis, tum alui, & ventriculi, & humorum a capite defluentium: corroborat ventriculum, & cor. Extant Troisci de Carabe ad ea omnia in communi vsu. Hodie quidam oleum per sublimationem eliciunt cuius guttæ duæ ex aqua Plantaginis potæ spu-

tæ sputum sanguinis celerrime sistunt antequam putrescat. Suffitum emendat aerem pestilentem. Ad Succini genera pertinere putandum est, gemmas bene olentes, vt Myrrhithes colore Myrrhæ, odore vnguenti. Et attrita etiam nardi, Myrsinites colore Melleo, odore Myrthi: Antachates, quæ cum vritur, Myrrham redolet, Aromatites, quæ eandem colore, & odore imitatur. Zanthenes Electri colore, quæ trita vino Palmeo, & Croco, lentescit ceræ modo, odoræ magnæ suauitatis. Baptes mollis odore, excellit. Libanochros Thuris similitudinem ostendit, sed mellis dulcedinem. Antizois splendet argenti modo, trium digitorum, crassitudine, lentis figura, odore suauis, Liparis suffita omnes bestias euocat. De Succino hæc satis.

CAP. XXIX.

Rubentes ob splendorem & colorem igneum ardentes vocantur, inter quas principatum tenent Carbunculi a similitudine ignium appellati, cum ipsi non sentiant ignes, ob id a quibusdam Apyroti vocati. Recentiores Pyropos vocant, & Carbones, quia putantur in tenebris Carbonis igniti modo lucere. Nam testatur Albertus optimum carbunculum id præstare: post ipsum qui affusa tantum aqua lym-pida in vase nigro emicat in tenebris: quod si nullo modo luceat, improbari. Hodie tamen id famosum est magis quam compertum. Dissuadet præterea ratio. Nam quæ in tenebris lucent, si ponantur in lumine, alio colore spectantur: at carbunculi igneum colorem vibrant in lumine. Genera eorum nationibus distinguuntur a Plinio & in vno quoque genere masculi appellantur acriores, foemina languidius resurgentes. In masculis quoque alios obseruant liquidioris flammæ, alios nigriores, & quosdam lucidius ac magis cæteris in Sole flagrant. Optimos Ametystizontas, quorum extremus igniculus in Ametysti violam exeat. Proximos illis quos Syrtitas vocant pinnato fulgore radiantes. Calli-

P. stratus

stratus fulgorem carbunculi debere candidum esse posuit extremo visū nubilantem, etsi ira attollatur, exardescentem: ob id a plerisque hunc carbunculum candidum vocari. Indici traduntur minus clari, ac plerunque sordidi, ac semper fulgoris retorridi: qui ex his languidius, & liuidius lucēt, Lithizontas vocari: minus seltarij vnus mensura cauari: candidiorer esse & inclinatione hebetari. Charchedonij multo minores Indicis, nigrioris aspectus, sed igne vel Sole, & inclinatione acrius quam ceteros excitari: vmbra tecto purpureos videri, sub cælo flammeos, contra radios Solis scintillare, ceras liquefacere. In Carchedonijs masculis stellas intus ardere, foeminas vniuersum fulgorem fundere extra se, Aethyopici pingues lucemque non emittentes, sed conuolutio igne flagrant. Alabandici ceteris nigriores & scabri. In Thracia coloris eiusdem ignem minime sentientes: in Orchomeno Arcadiæ inueniri, & in Chio, illos nigriores, quibus & specula fieri. Esse & Troezenios varios interuenientibus maculis albis: item Corinthios ex pallidiore candidos. Hæc apud Plinium. Hodie Gemmarij alijs nominibus distinxerunt, sex genera facientes. Primum Spinellas vocant, quarum rubedo dilutior est sed maxime splendens, non reperiuntur nisi exiguæ: forte carbunculi candidi antiquis appellati. Secundum genus Rubinos vocatos continet intensiori rubedine ac splendidissimi: reperiuntur hi maioris molis. Tertio loco Balasci recensentur dilutiores Spinellis, ac minus radiantes. Quarto Granati dicti a granis mali Punici, nigrioris aspectus, nec radiant nisi in clariori lumine. Inter hos quidam cum rubore violæ colorem sentiunt, quos violaceos vocant, ceteris præstantiores, videntur hi Amethystizontes vocati: Quinto loco Alamandini ponuntur quasi corrupta voce Alabandici, Granatis nigriores. Vltimo Alamandini varij coloris interstinguentibus maculis albis, vt Troezenij apud Plinium. Omnium colores Gemmarij characteribus distinguunt, quibus præcia æstimant. Ex his medici solum recipiunt Granatos inter fragmenta præciosa. Vi-

res enim ascribunt lætificandi cor, & pellendi tristitiam. Albertus carbunculum testatur vires habere cæterorū omnium lapidum, sed præcipue expellendi venenum.

C A P. X X X.

INter Ardentes est & Anthracitis appellata, carbonibus similis, igneus enim inest color vt superioribus. Reperiuntur quædam præcinctæ candida vena: Peculiare quidem his, quod factati in ignem velut intermortui extinguuntur, contra aquis perfusæ exardescunt. Fodiuntur in Thesprotia, tradunt & in Liguria nasci. Cognata his est Sandastros in India & in Arabia ad meridiem versa. Commendatio summa, quod velut in translucido stellantes intus fulgent aureæ guttæ, semper in corpore, nunquam in cute: ferè stellas Hiadas, & numero, & positione imitantes, vnde in religione habita, & in ceremonijs apud Caldeos. Mares austeriores, quoniam vigore quodam apposita corpora tingunt. Indicæ etiam hebetare visus dicuntur. Blandior fœminis flamma alliciens magis quam accendens. Arabicas fumidæ Chrysolitho similes dicunt. Negant aliqui Sandastros poliri propter teneritatem. Ex genere Ardentium traditur Lychnites appellata a lucernarum accensarum præcipua gratia, circa Orthosiam & tota Caria: sed probatissima in Indis, quam quidam remissiores Carbunculum esse dixerunt. Lychniti similis est sed secunda bonitate Ionis appellata a prælatis floribus: quædam radiat purpura, altera Cocco. Calfactæ a Sole aut digitorum attritu, paleas, & Chartarum fila ad se rapiunt, quod & Charchedonius facere dicitur, quanquam multo vilior prædictis. Nascitur apud Nasamonas in montibus, vt incolæ putant, imbre diuino: inueniuntur ad percussum Lunæ maxime plenæ. Potoria vasa ex hoc lapide & e Lychnite factitata traduntur. Omnia hæc genera scalpturæ contumaciter resistunt, partemq. ceræ in signo tenent. Hæc apud Plinium habentur: an vero hodie noscantur,

tur; incertum est: forte & aliquæ eodem sunt cum prædictis.

CAP. XXXI.

S Arda gemma vulgaris; nec enim alia apud antiquos fuit
 vlu frequentior, præcipue ad sigilla, nihil enim ceræ in
 signo tenet. Primum Sardibus reperta, sed laudatissima cir-
 ca Babylonem hærens in saxi corde. In India trium gene-
 rum: Rubrum, & quod Demium vocant a pinguedine: ter-
 tium quod argenteis bracteis sublinitur. Indicæ prælucent:
 crassiores sunt Arabicæ. Inueniuntur & circa Leucada Epi-
 ri, & circa Aegyptum, quæ bractea aurea sublinuntur. Ma-
 res excitatius fulgent, feminae pinguiore sunt, & crassius
 nitent. Damnantur ex his melleæ & validius testaceæ. Hæc
 Plinius. Hodie Corneolus vocatur, vel potius carneolus di-
 cendus est, ex colore carnis, vt Albertus vult: habet enim
 rubedinem remissam veluti lotura carnis. Serapio inquit
 multas eius esse species, melior autem est ille, qui magis ver-
 git ad rubedinem: quidam similis in colore suo aquæ, quæ
 distillat a carnibus salitis, in quo sunt lineæ albæ. Gestatus
 stringit fluxum sanguinis vndecunque exit, præcipue Men-
 struorum: ex eius puluere dentifricium fit ad dentes deal-
 bandos. Albertus hunc eundem Sardium vocat, Sardibus
 scilicet repertum: habet inquit ruborem spissum cum sub-
 stantia perula: accendit animum ad gaudium, & acuit in-
 genia, resistit malignitati Onychis. Aliam præterea idem
 tradit Sardam, quæ potius Sagda dicenda est apud Plinium
 colore virenti, cuius proprietas est tabulis ligni adhærere,
 vt Magnes ferro, adeo vt e nauibus auelli nequeat, nisi pars
 ligni abscindatur. Alius præterea est Sardonix, de quo infe-
 rius dicemus. Sardam etiam aliam Serapio tradit, quam sua
 lingua vocat Hager albuzedi, lapidem rubentem languidius
 quam Hyacinthus ac liuidius: Hyacinthi enim rubedo gra-
 tior est nullam admittens obscuritatem. Affertur hic ex
 Oriente dum rudis est recens effossus, obscurus videtur, per-
 politus

politus autem nitet: oculos tactu eius roborat. Fricatus ad capitis capillos trahit paleas, vt Magnes Ferrum. Ex quibus videtur significare Electrū: eodem enim colore constat quod ex eo fulsum, & igneum est, vt Hyacinthus vulgaris. Cum autem Sarda inter fragmenta præciosa a recentioribus medicis reperiatur dubitatio est, an Corneolus eo nomine intelligatur, quæ Sarda antiquorum videtur: an Serapionis Sarda. Præualuit autem consuetudo, vt Corneolus accipiat, quia malignitati Onychis resistit, quod Albertus suo Sardio tribuit. Confusionem autem peperit nomen multitudinis, quasi alius esse putaretur ab Alberto Corneolus, & Sardius.

CAP. XXXII.

Purpureo colore seu Violaceo constat Amethystus, rationis nominis, quia cum ad colorē vini inclinaret, priusquam degustet, in violam desinit: ob id gestantem putant tutum reddere ab ebrietate. Fulgor inest purpuræ non ex toto igneus, sed in vini colorem deficiens: perlucet omnes Violaceo colore. Inter eos quidam absolutum purpuræ colorem habent, vt Indici, quem tamen leniter blandum fundunt, nec vibrant in oculos vt carbunculi. Alij ad Hyacinthi colorem recedunt. Tertio generi hic idem color inest, sed dilutior. Quartum colorem vini habet. Vltimum Crytallo accedit albicante Purpura, quod minime probatur. Optimus censetur, cui inest in purpura refulgens quidam roseus nitor, velut ex carbunculo, leniter tamen, qualis in primo genere reperitur. Huiusmodi quidam Pæderotas appellant, alij Antherotas, & Veneris gemmam, quia specie, & colore maxime placet. Nota est hodie hæc gemma, & Amethysti nomen adhuc seruat: sed ad Medicinæ vsum non venit.

CAP. XXXIII.

HYacinthus quoq. Violaceus est, quemadmodum & flos eius nominis sed multum distat ab Ametysto. Nam emicans in Ametysto fulgor Violaceus, dilutus est in Hyacintho, gratus primo aspectu, sed evanescit antequam satiet: adeoque non implet oculos, ut pene non attingat marcescens celerius nominis sui flore. Ex Aethyopia habetur: Hæc Plinius. A quo non videtur recedere Albertus duas faciens Hyacinthorum differentias, vnum aquaticum, alterum Sapphirinum. Aquatico flauus & albescens inest color, in quo genere quidam est rubeus aquefescens. Sapphirinus flauus est, & maxime perspicuus. Vtrique autem colorem tribuit Sapphiri, cum de Aquatico dicat ex quorundam sententia cæruleum esse. Omnes durissimi, ut scalpi vix patiantur, quod profecto Sapphiro contingit. Ex quibus colligere possumus Hyacinthi colorem ad cæruleum quidem accedere, sed ex aliqua rubei aut flau mixtione eum fieri, quem vulgo dicimus a Pauone Pauonatum: a Latinis autem Violaceus, & Purpureus vocatur: vnde & Hyacinthinus color dictus est quia in flore Hyacinthi reperitur. Dicitur tamen & celi color Hyacinthinus, ut Solinus scribit, nam cæruleus non multum recedit a Violaceo. At Serapio longe aliter describere videtur. Tres enim Hyacinthi differentias tradit, vnum rubeum, alterum flauum: Tertium coloris Ametysti, & Antimonij. Laudat autem magis rubeum, quia in igne rubescit absque læsione: minus resistit, qui flauus est: minime omnium tertius. Extollit Hyacinthum gestatum: nam tutum hominem reddit a peste, & fulmine. Sed quoniam addit sigillum ex eo idem præstare indicat ex Magicis vanitatibus vires has diuulgatas esse. Hodie pro Hyacintho Gemmarij Serapionem imitantes accipiunt Gemmam translucidam, ex rubro ad croceum seu aureum inclinantem, quæ inter Chrysolithi genera reponenda videtur. Recipitur autem a
recen-

recentioribus inter fragmenta præciosa quæ in electuario de Gemmis recipiuntur. Antiquorum autem Hyacinthus inter Amerysti, & Sapphiri genera ponitur.

CAP. XXXIII.

Cerulei coloris translucet sola Sapphirus apud nos quam vulgo Zaffirum vocamus. Plinius hanc non Sapphirum sed Cyanum vocat. Nam Sapphiri apud ipsum nusquam perlucide. De Cyano autem inquit, gratiam inesse colore cæruleo: optimam Scythicam, dein Cypriam, postremo Aegyptiam. Adulterari maxime tinctura, quod in gloria regis Aegypti ascribitur, qui primus eam tinxit, diuiditur in mares feminasque: inest aliquando & aureus pulvis, nō qualis in Sapphirinis: Sapphirus enim & aureis punctis collucet, ex quibus patet Sapphirum apud eum esse, quem hodie lapidem Lazuli vocamus, de quo inter Opacas dicendum. Mares hodie intelligunt, quibus Cæruleus color inest magis saturatus: feminas autem dilutiores: aureus pulvisculus raro apparet. Albertus cælo sereno similem esse tradit, meliorem esse non admodum pellucidum, optimum qui habet nubes obscuras ad rubedinem declinantes: inueniri etiam probum, qui albidas habet nubeculas cuius substantia vt nubes fusca aliquantum translucida. Idem testatur eius tactu carbunculos extinguere: & veneris ardorem, sudores cohibere: dolores sedare frontis & linguæ, si imponatur ex aqua refrigeratus: eodem abstergi sordes ex oculis vtiliter, vt quidam sæpius in anulo gestans facere solebat. Dioscorides Sapphiri puluerem in potu laudat ad ictus Scorpionum ad exulcerationes internas: inhibere excrescentias in oculis, vuasq. & pustulas, & ruptas membranas cogere: Recentiores recipiunt inter fragmenta præciosa.

CAP. XXXV.

SVnt & inter perspicuas, quæ motione varios colores ostendunt, vulgo Scambia colore & Girasole vt apud antiquos Paderos & Opalus. In Paderote inquit Plinius coeunt in translucidam crySTALLUM viridis suo modo aer simulq. purpura, & quidam vini aureus nitor semper extremus in visu, sed purpura coronatus: nec Gemmarum vlla est liquidior, capiti iucunda, suavis & oculis laudatissima in Indis. Opalus ob eandem rationem etiam Paderotes appellata est, in maximo præcio soli Smaragdo cædens: India sola eum ligignit. Inest carbunculi tenuior ignis: inest Ametysti fulgens purpura: inest Smaragdi virens mare, & cuncta pariter incredibili mistura lucentia. Alij sunt mo fulgoris argumento colores pigmentorum æquauere: alij sulphuris ardentem flammam, aut etiam ignis olei accensi. Magnitudo nucem Auellanam equat: qualis visa fuit Romæ fextertijs viginti millibus æstimata. Opali genus est Sangenon: hæc mollius nitet, raro non scabra color ex aere & purpura constat: viriditas Smaragdi deest: melior est cuius fulgor vini colore fuscatur, quam qui diluitur aqua. Gemmæ perspicuæ tot modis variantur.

CAP. XXXVI.

INter opacas colore cædido Onyx habetur ab vngue dicta ob similitudinem vnguis humani. Transiit in gemmam etiam a lapide ex Carmania, quem Alabastritem diximus inter marmora, qua enim in parte fulget Gemma est: Gemma enim non solū nitet sed etiam fulget. Præterea in Alabastrite trāslucere vitium est, & quod incst simile vitro & color corneus, aut candidus. In Onyche gemma candor laudatur, varietas colorum, igneus, niger, corneus cingentibus candidis venis oculi modo interuenientibus: translucere autem traditur

traditur Onyx in Sardoniche. Onyx Arabica nigra inuenitur candidis zonis: multisq. modis colores in ea componuntur; veram autem Onychem dici inquit Plinius quæ plurimas; variasque cum lacteis zonis habet venas omnium in transitu colore inenarrabili, & in vnum redeunte cōcentum suauitate grata. Hodie candidum Onychem Calcedonium vocant, siue omnino opacus sit, siue aliquantisper translucet. De quo Albertus inquit pallidum esse, & fuscum quadantenus obscurum: valere contra fantasticas illusiones ex melancholia ortas. Ex India Occidentali afferuntur quidam modice translucidi, ex albo pallescētes, quidam lacteis zonis distincti, quos prædicant appensos valere ad lactis vbertatem. Nigrum autem vulgo Sardonium vocant: Plinius Morion Indicam, & Pramnion, quæ nigerrimo colore translucet: ex eodem genere Obsidianus lapis nigerrimi coloris, aliquando & translucidi crassiore visu: Gemmas multi ex eo faciunt, habetur ex Aethyopia, traditur in Hispania nasci ad Ocœanum. Afferuntur hodie ex Hispania calculi nigri splendentes Zonis candicantibus intersecti, cuius puluerem collyrij modo attritum propinant in vino ad calculum. Forte inter vitra obsidiana: omne enim vitrum calculum comminuit, vt Galenus tradidit. De nigro Onyche Albertus inquit, inueniri quidem nigri coloris, sed melius esse illud genus, quod nigredinem habet albis venis distinctum, afferri ex India & Arabia, quod consentit cum Plinio. Traditur hic gestatus similitudine nigredinis excitare tristitiam & timores, & in somnia tumultuosa: commouere enim atram bilem: augere in pueris saliuam ad os: corrigi eius noxam a Sarda admixta. Ex India Occidentali lapis quidam niger affertur, qui scalpura sulcis quibusdam intersectus, carni fricatus affigitur ad vteri dolores. Alia est gemma Samotracia apud Plinium, ex insula eiusdem nominis nigra ac sine pondere ligno similis. Hæc hodie ambra nigra vocatur, copiosa in Compostella: ex ea conficiunt imagines sancti Iacobi Compostellani, quas peregrini ferunt re-

ligionis gratia: globulos etiam formant ad Coronas præcarias: constant ex materia Bituminosa, exhalant enim, & flammam concipiunt. At qui in genere Onychis continentur, & duriores sunt, & incombustibiles, ignem autem attritu facillime edunt. Ex his qui candidis Zonis interpollantur vulgo Niccolos vocant, quasi Onyculos: Albertus Onychinos: compræhendens ea voce etiam Sardonychem: inquit enim in nostris Onychinis multos colores inueniri, albos nigros, & rubicundos, qui tamen omnes fricati similitudinem exprimunt vnguis humani. Scalpūt gémarij has vario modo. Si enim crusta alba alteri nigrae superposita sit, aut secundum alios colores, vt rubens, albæ aut nigrae, aut e conuerso, scalpunt in superiori imaginem, vt inferior veluti stratum sit, has vulgo Cameos vocant. Ex hoc genere Sardonyx apud antiquos appellata est, nam ex eo nomine apparet intelligi Onychis candorem in Sardā, hoc est veluti carnibus vngue hominis imposito, & vtroque translucido, vt Plinius inquit tales autem Indicæ traduntur, quæ non translucent cæcas appellant. Arabica nullo Sardarum vestigio sunt, ceperuntque pluribus coloribus hæc gemmæ intelligi, radice nigra, aut cæruleum imitante & vnguem. In India reperiuntur torrentibus detectæ tantæ magnitudinis, vt inde capulos facerent. Placere initio apud nos, quoniam solæ prope gemmarum scalpæ ceram non auferrent. Arabicae excellent candore circuli prælucido atque non gracili, præterea substrato nigerrimi coloris, & hoc in Indicis cereū, aut corneum, inuenitur etiam circuli albi, quædam in ijs cælestis arcus anhelatio est, superficies vero locustarum maris crustis rubentior est. Iam melleæ & sæculentæ improbantur, et si Zona alba fundat se, non colligat. Simili modo si ex alio colore in se admittat aliquid enormiter. Armeniæ quoque improbandæ pallida Zona. Hæc de Sardoniche Plinius. Hos omnes hodie Niccolos vocant, cum solum perpoliti sunt: ex sculptos autem, vt substratum alterius coloris sit, Cameos.

CAP. XXXVII.

A Chates ab his distare videtur sola eorundem colorum compositione: non enim Zonis aut circulis, aut crustis compositus est, sed lineis aut maculis vario modo varias rerum imagines præferentibus. Nam quæ in India reperiuntur, reddunt species fluminum, nemorum, & iumentorum: etiam effeda, & stacula, & equorum ornamenta. Repertæ primum in Sicilia iuxta flumen eiusdem nominis, postea plurimis locis excedens amplitudine numerosa, varietatibus diuersis mutantibus cognomina eius. Vocatur enim Phasacates, Cerachates, Sardachates, Hæmachates, Leucachates, Dendrachates, velut arbuscula insignis: Antachates cum vritur, myrrham redolens. Corallachates guttis aureis Sapphiri modo distincta: qualis copiosissima in Oreta, sacra appellata. Putant eam contra Araneorum & Scorpionum ictus prodesse. Medici coticulæ inde faciunt, nam spectasse prodest oculis, sitimque sedant in os additæ. Phrygiæ vires non habent. Thebis Aegyptijs repertæ carent rubentibus venis, & albis. Sunt etiam qui maxime probent vitream perspicuitatem in his. Fertur admirabilis Achates Pyrrhi Regis, in qua spectabantur nouem musæ, & Appollo Citharam tenens, non arte, sed sponte naturæ ita discurrentibus maculis, vt Musis quoque singulis redderentur insignia. Notissimæ sunt hodie hæ gemmæ, vulgo Agatas vocant. Extant Pisis duæ crustæ ex hoc lapide, ouatæ, amplitudine ferme cubitali ad monumentum Gregorianum in Campo Sancto.

CAP. XXXVIII.

V Iridi colore Iaspis vocatur, Smaragdo similis vt Indica, quæ præ cæteris laudatur ad Amuleta vt Plinius tradit. Transijt tamen nomen ad alios colores, & misturas.

Q 2 Nam

Nam alia Cryſtallo, & pituitæ ſimilis traditur a Dioſcoride: quæ Onychipuncta, & Iaſponyx à Plinio vocatur, quia Onychem complexa eſt: vel ſpecie nubis vel niuis, rutilis punctis ſtellata, & ſali Megarico ſimilis. Alia aeris colore: Plinius Boream vocat imitantem cœlum Autumnale matutinum: vulgo hanc Turchinam vocant. Alia fumo infecta, quæ Capnitris ob id vocatur vel Capnias, vt Plinius appellat. Alia venis albis & nitentibus interſtinctâ, cui nomen Aſyriæ, apud Plinium Grammatias vocatur, quæ pluribus Polygrammos, e Petra habetur. Alia Terebinthinæ ſimilis colore, vnde Terebinthiſuſa dicitur: alia tandem Calaidem æmulatur, ſcilicet viride pallens. Omnes pro Amuletis geſtantur, & ad partus accelerandos apud Dioſcoridem, Plinius Iaſpidem etiam roſeam eſſe tradit, aliam purpuream, aliam Cæruleam: eſſe & ſimilem Sardæ, imitatam & violas: apud Cyprios Glaucam pinguemque. Hodie ex India Occidentali multæ afferuntur, inter quas quædam colore hepatis prædicatur ad eiſdem affectus. Galenus Iaſpidem viridem (huius enim tantum meminit) teſtatur experimento compertum eſſe, ventriculi os adiuuare adhæſu propria natura: licet nonnulli hanc vim ineſſe ex imagine Draconis inſculpta tradiderint: nam expertum eſſe & cum imagine, & abſq. ſculptura idem præſtare. Ex India Occidentali afferuntur lapides virentes maculis albis, quas ſuſpendunt ad dolores colicos, & renales, vt particulam doloris tangant. Albertus Iaſpidem multorum colorum eſſe meliorem tamen, inquit, eſſe viridem perſpicuum habentem venas rubeas. Hunc laudat geſtatum ad ſanguinis fluxum, & menſtrua compeſcenda. Hodie ad ſiſtendum ſanguinem quoddam genus Iaſpidis accipiunt, colore ſanguineo, aut roſeo: Galenus meminit cuiusdam lapidis, qui tacto vulnere ſanguinem emanantem compeſcit: quod totius ſubſtantiæ proprietate fieri tradit. 9. Simpl: 6. & Hieracitem, & Indicum ſanguinem ex hæmorrhoidibus ſiſtere. Deſcribitur autē Hieracites apud Plinium in hunc modū: Alternat tota miluinis nigricâs plumis.

CAP. XXXIX.

Heliotropium gēma apud Plinium nascitur in Aethyopia, Africa, Cypro, porracei coloris, sanguineis venis distincta: Causa nominis, quoniam deiecta in vas aquæ, fulgorem solis accedentem percussu sanguineo mutat, maxime Aethyopica, eademq. extra aquam speculi modo solem accipit, depræhenditque defectus subeuntem lunam ostendens. Eadem videtur quæ inter genera Prasij recensetur porracei coloris sanguineis punctis abhorrens. Afferuntur ex India Occidentali efficacissimi ad sanguinem sistendum. Molochites non translucet spissius virens a colore Maluæ nomine accepto, reddendis laudata signis, & infantium custodia quadam iannato contra pericula eorum medicamine. Hermolaus putat Morochthum esse apud Dioscoridem: At is non inter gemmas. Omnes hæ hodie nomine Iaspidis intelliguntur.

CAP. XL.

Colore cæruleo hodie lapis Lazuli vocatur: Plinius Saphirum vocat aureis punctis, collucentem. Cæruleæ enim vt Cyani, raroque cum purpura. Optimæ apud Medos nusquam tamen pellucidæ. Præterea inutiles sculpturæ interuenientibus crystallinis centris. Quæ vero sunt ex ijs cyanei coloris, mares existimantur. Saturatior enim est Cyaneus color quam Cæruleus. Nos tamen hodie nomine Saphiri pellucas accipimus, quas Cyanos Plinius vocat. Sed apud Dioscoridem, & Galenum Cyanos pigmentum est, quod Plinius Cæruleum vocat, de quo alibi dicitur. Hinc error apud quosdam, qui lapidem Lazuli cum cæruleo confundunt. Mesues hunc lapidem stellatum vocat, de quo inquit: est de genere marmorum habens maculas ex auro, & est alius albus, & dicitur Marcassita: Alius viridis clarus cælestis,

lestis, & vocatur lapis Lazuli, & quandoque vterque simul reperitur. Melior est, cuius color viridior in colore Lazuli, & habet maculas aureas: & mixtus cum Pyrite non est bonus, & non maculatus est prauus, similiter levis. Verbum autem: viridis, clarus, caelestis, non accipiendum est, vt duo colores significantur, vt in lapide Armeno, sed viriditas significat intensiorem coloris caelestis. Similiter cum dicit: melior est cuius color viridior in colore Lazuli, idest saturatior. Sic apud Plinium videtur accipi, cum de Pederote, gemma inquit, inest viridis suo modo aer, idest caeruleus saturatus. Temperamentum porro huius lapidis statuit Meues calidum, & siccum in tertio ordine, nam acredinem habet cum aliqua astringente. Adurit, vlcerat, putrefacit, abstergit, & incidit: Aufert etiam pilos non lotus: si autem lotus fuerit, palpebrarum pilos gignit. Præparatus vt decet, purgat humores melancholicos, & adustos: non lotus prouocat per vomitum, & per alium humores crassos & melancholicos: confert ægritudinibus cæbri, & cordis. Epilepsiæ, Maniæ & Melancholiæ, tremori cordis & syncopi: lætitiā gignit, purgat Thoracem & pulmonem: confert Asthmati, lieni: conseruat in iuuentute: suppositus educit menstrua: eius Dosis est a Drachma vna vsq. ad duas, & semis, ex quibus colligere licet hunc lapidem cum caeruleo multum conuenire: quemadmodum Smaragdum cum Chrysocolle: metallica enim naturam participant, præcipue æris, vnde vires aliqua ex parte maleficæ. Ex India Occidentali afferuntur lapides caerulei obscuro sine maculis, quos figura cordis efformatos laudant ad cordis affectus gestatione.

CAP. XL I.

AD Gemmas non pellucidas reduci possunt genera corallij, rubrum, candidum, & nigrum, quod Antipathes dicitur. Egimus autem de ijs inter plantas. Antipathi similis est Ebenus fossilis, siue radix sit, lignumue Ebeni in lapidem

pidem concreti: siue omnino lapis per se genitus ligno similis. Differt à Corallio nigro: hoc enim non nisi in mari nascitur: Ebenus foditur. Scribit enim Pausanias Ebenum radicem tantum esse in terra conditam, quæ nec folia nec fructus ullos ferat, ideo non omnibus facilem inuentu, sed peritis tantum. Et Theophrastus tradit Ebenum fossilem inueniri inclusum alijs lapidibus tamquam foetum in ventre. Si igitur hæc vera sunt, nec radix nec arbor dicenda est in lapidem conuersa, sed lapis. Ebena similis in fibris Saxorum genitus: Nec tamen absurdum etiam Ebena lignum intra terram diu conditum, lapidescere, quod & alijs generibus lignorum contigisse compertum est. Abietes enim in Elbogano simul cum corticibus lapideis inuentæ sunt, in quarum scissuris Pyrites Aureus concreuit: & Querna trabes lapidea in Hildesheimio. Lapidescunt & ossa animalium, teste ostrearum, ac reliqua conchila, & animalia integra: nam succus lapidescens, quæcumque ipsum biberint, in lapidem conuertit. Eadem ratio videtur in Ebore fossili apud Theophrastum, candido & nigro. Nam aut ipsum met Ebur intra terram lapidescit, aut lapides similes illi gignuntur vt corallium album, & apud Plinium gemma Arabica Ebori simillima, & hoc videretur, nisi abnueret duritia, quamque putant contra dolores neruorum prodesse habentibus. Reperiuntur, & in animalibus viuentibus lapides gemmantis naturæ, vt margaritæ in quodam genere ostrearum, de quibus egimus. Sinodontides in cerebro piscis Sinodontis, quem hodie denticem vocamus. Lapis est candidus, figura oblonga, altera parte gibba: laudatur ad dolores colicos. In eo genere sunt Cinædiæ. In India Occidentali ex pisce magno quem Tiburonem vocant similes lapides extrahuntur, pondere duarum librarum cuius puluerem propinant ad dolores colicos & renales, expellit enim calculos. Draconites seu Dracontias è cerebro draconum haberi traditur apud Plinium sed nisi viuentibus abscissum, nunquam gemmascere inuidia animalis mori se sentientis.

tientis. Ideo mos est dormientibus caput amputare: esse candore translucido, nec postea poliri, aut artem admittere. Albertus testatur se hunc vidisse colore nigro, figura pyramidis abscissæ, non pellucidum in circuitu colore pallido, in quo pulcherrimus serpens est descriptus: inuentum in Sueuia in capite serpentis magni. Apud me hic lapis est effigie corniculi abscissa cuspide, colore partim nigro, partim flauescente splendido, non pellucido, ad cuius basim linea nigra circumdat specie serpentis. Qui mihi tradidit affirmabat linguam esse serpentis cuiusdam magni in Germania: ac ictum inferre lethalem. Sed si gestetur (suspenditur enim ex umbilico argenteo aut aureo) aduersari venenis ictu illatis: abscinditur autem cuspis, ne aculeo offendant. Imponunt & poculis aduersus venena. Ex hoc genere serpentis forte fuerit Cerastes binis in capite corniculis, vt quidam referunt, sæpe quadrigeminis vt Plinius scribit, nam linguæ serpentum bifurcatæ sunt: quæ si duræ fuerint, aculei modo feriunt. Etiam in capitæ Ruberæ quem Bufonem vocant, lapidem reperiri tradunt. Albertus & Euax, lapidem Nusæ vocant, subalbidum, vel nigrum, in quo aliquando Rana rubeta reperitur depicta, hic prædicatur efficax ad venena deprehendenda, nam veneno præsentem colorem mutare aiunt. Alestoria apud Plinium Gemma in ventriculis Gallinaceorum inuenitur Chrystallina specie, magnitudine fabæ, qua Milonem vsum fuisse tradunt in certaminibus, inuictum enim reddere gestantem volunt, De hac multa alia promittunt Albertus & Euax: Optimam haberi ex Gallis decrepitis. Gemmatis naturæ videntur, & Umbilici marini, lapilli enim sunt rotundi ac depressi fabæ domesticæ amplitudine, altera facie leuiter excauati instar acetabuli similitudine umbilici humani admodum læues ac perpolitati colore candido, maculis flauis: altera parte plani, minus nitentes, lineis nigricantibus ad imaginem cochleæ circumductis. Materies ossea & candida significat ex animalibus haberi. Reperiri eos tradunt in littoribus maris cohærentes simul multos

multos vt Dentales, afferri ex Venetijs. Recipiuntur a Nicolao Alexandrino in vnguento Citrino ad faciei maculas delendas: frigidi enim & ficci sunt cum facultate abstergendi ob asperitatem. Theodorus Gazza vmbilicos vertit, qui apud Aristotelem Cochliæ dicuntur. Figura autem & turbinis designatio ostendit esse ex genere Cochlearum, quarum testa non extra est, sed intus condita, aut in genere terrestri sunt, quos vulgo limaces, & Lumacones vocant iusta puteos degentes. Meminit & Cicero lib. 2. de Oratore inquiring: socerum suum Lælium & Scipionem cum ruri degere Conchas & vmbilicos ad Caietam, & Lucrinum legere consueuisse. Sed Rondelletius pro vmbilicis pingit Cochleas quasdam, quarum testa exterius alterum meatum ostendit instar vmbilici, vnde vmbilicatas vocat. Dentales autem seu Dentali in eodem vnguento recipiuntur, quorum mentio reperitur tantum apud recentiores afferentes ossa quædam esse candida instar dentis canini longiora, perforata, & intus inania, reperiri in cauernis lapidum in profundis maris. Eandem facultatem habere quam vmbilici. Venduntur hodie exiguæ quædam Cochleæ candidæ, & læues, rimula per longitudinem tendente, leuiter denticulata, vt quæ concha Veneris apud Rondelletium pingitur: mulieres vtuntur ad faciem abstergendam. Antali præterea adiunguntur a recentioribus, & in eodem vnguento ijs affines longiores dentalis, superficie non læui, sed virgulata, & tota alba, oriri tradunt in iisdem locis & easdem habere facultates. Ostenduntur inter parua conchilia, quæ turbinis modo lineis intortis in longitudinem mucronatam tendunt, frequentes in nostris littoribus, includunt autem vt plurimum cancellos. Sed de Gemmis hæc satis.

CAP. XLII.

Qui communi nomine lapides vocantur discedunt a Gemmis, quia aut læuorem splendentem non admittunt,

tunt, aut duriciem illam insignem non possident. Nascuntur autem in eisdem locis: nam quidam ex animalibus aut plantis habentur: quidam in fibris saxorum, aut metallis reperiuntur. Dicamus autem primo de ijs qui ex plantis, & animalibus ortum ducunt Syringites, Calamites, & Phycites apud Plinium, & Theophrastum, videntur frutices corallij modo in lapidem conuersi. Syringites enim stipulae internodio similis perpetua fistula cauatur. Calamites a calamo dictus: ferunq. simul plures inueniri. Phycites Algæ similis, idest fuco marino, qui futex est corallio similis: Hi plerunq. in cortice tantum lapidescunt, vnde surculi fistulosi redduntur: quidam etiam gemmantis naturæ in genere corallij candidi: ideo Plinius inter gemmas recenset: Nam Syringites, & calamites a candido corallio eo tantum differunt, quod fistulosi sunt: verum enim corallium candidum solidum est, & ramosum, vt Rubrum. Phycites autem omne genus corallij dici potest cum impositum est: obducitur enim lanugine quadam instar Phuci marini, quam corallinam vocant. Ex Germania afferuntur veluti radicle aut surculi lapidei cinerei coloris, intus spongiosi, fragiles, quos celebrant ad ossa fracta. Quæ rosa marina vulgo appellatur frutex est lapideus, figura spongiæ, vnde spongites apud Plinium dici potest, inter gemmas spongiæ similis: de hac egimus inter plantas.

CAP. XLIII.

IN spongijs reperitur lapis, qui lapis spongiæ vocatur, candidus, & friabilis, quem Dioscorides laudat ad vesicæ lapidem frangendum in vino potum. Galenus tamen id negat: solum valere ad renum calculos frangendos, vt qui ex Cappadocia conuehuuntur: soluuntur ij in succum lacteum facultate extenuandi absque insigni caliditate: lapis Cappadox a quibusdam vocatur. Plinius inquit a quibusdam Cysteolithos vocari, quoniam vesicæ medentur in vino poti: Nam calculos rumpnat. Similis concretio reperitur circa frutices maris,

maris, & aliquando in palustribus falsis iuxta harundines, & alias herbas: Spumam maris vocant, quia videatur ex spuma crassescere congelari. Recentiores spumam maris vocant omne genus Alcyonij, de quibus egimus inter plantas: cum tamen id nomen soli quinto generi tribuat Dioscorides, Halosachne enim idest spuma maris patrio nomine in Propontide appellatur: figura fungi, sine odore, asperum parte interna, & quodammodo pumicosum, foris leue, acre: valet ad dentifricia, & pilos euellendos. Ab hoc non valde distat Adarces seu Adarcha, vt Dioscorides tradit. Est enim tanquam concreta falsilago in palustribus Cappadociæ, per siccitatem emergens circa harundines, & herbas colore floris Asij lapidis, specie Alcyonij mollioris, & cani, vt videri possit Alcyonium lacustre. Galenus Adarcion etiam vocari scribit, & Adarcon, acerrimum & calidissimum medicamentum foris tantum vtile alijs commistum, quæ eius vim frangant. Euocat ex alto, aufert lepras, & lentigines & alia cutis viria. Plinius Adarcha inquit, latine dicta, Calamochnus Græce, quasi calami Lanugo, nascitur circa harundines tenues e spuma aquæ dulcis & marinæ, vbi se miscent: vim habet causticam: Alibi idem Plinius Adarcham in Italia nascentem tradit palustrem, in cortice tantum sub ipsa coma nascentem. Huiusmodi vidimus fruticulum quendam auium pennis similem, quam Pennam marinam vocant, cuius cauliculo sub coma lanugo adhæret mollis, instar serici: quam in parte inferna tegit crusta lapidea acris. Calamochnus igitur lanugo est prædicta: Crusta autem Adarcha. Quæ autem solidiori constat substantia lapillis agglutinata aut per se, candidior est, & mitior: hanc diximus Parætonium appellari apud Plinium, de quo superius dictum est.

CAP. XLIIII.

L Apis Iudaicus in Iudea reperitur glandis effigie sulcis veluti lineis secundum longitudinem discurrentibus,
 R 2 quasi

quasi de industria excauatis, colore candido, fragmentis
splendentibus. Dioscorides inquit, lapis in Iudæa nascitur
glandis effigie candidus, scita ad modum configuratione li-
neis æqualiter inter se distantibus quasi de industria detor-
natis: solutus nullam qualitatem manifestam gustui repræ-
sentat. Potest ciceris magnitudine tritus ad cotem vt colli-
rium, cum tribus cyatis aquæ calidæ potus difficultati vrinæ
auxiliari, & calculos in vesica comminuere. Galerus non
vesicæ calculis prodesse, sed ijs, qui in renibus sunt, effica-
cem esse. In libro de Renum affectum dignotione, & cura-
tione, qui Galeno ascribitur, traditur, potenter lapidem
diuidere, esse masculum, & foeminam: masculum ad lapidem
renum facere: Foeminam ad eum qui in vesica. At quomo-
do mas a foemina discernatur, non explicat. Extant quidam
crassiores, breuiioresque, quidam tenuiores, & ob longiores
nuclei oliuæ magnitudine, & sine sulcis: apud Plinium Tec-
lithos vocatur, quasi lapidem liquefaciens, inter gemmas,
sed non inest ei gemmæ honor: oleæ nucleo similis videtur,
lingentium calculos frangit, pellitque. Sed vnde eius origo,
& tam pulchra configuratio, res est contemplatione digna.
Profecto, & alij multi lapides varijs figuris reperiuntur a na-
tura conficti, vt quos in Hildesheimio inueniri testantur
Tympani modo certis lineis ornatos, Trochitas vocant:
quosdam figura lilij: alios Sagittæ Belemnitas vocant, in
quorum genere est, & qui in fulmine creditur decidere Ce-
rauniam vocant effigie vomeris linea alba in ambitu circun-
dante leuiter denticulata: & Glossopetra apud Plinium lin-
guæ humanæ similis e cælo creditur cadere deficiente luna.
Cum igitur eadem figura in multis reperiatur, non casu, sed
aliqua ratione configurationem huiusmodi factam esse pu-
tandum est: Quæ enim casu fiunt, non in multis, nec fre-
quenter, sed in paucis eadem, & raro contingunt: vt imagi-
nes quædam in marmoribus, & gemmis maculosis. Ratio
autem quædam ex fine habetur, vt in figuris organicarum
partium, quæ alicuius gratia ab anima fiunt, aut ab arte:
alia

alia ex necessitate, vt in coagulatione Cryſtalli ſexangula-
 figura, de qua egimus: aut quæ ex loco continenti inſequi-
 tur, vt contingit ijs, quæ in cauernulis ſaxorum coagulan-
 tur. At vero ſinis cuius gratia rationem in ijs quæ carent a-
 nima ponere non poſſumus, quanquam ſunt qui putent ob
 influxus cæleſtes figuras animalium, & plantarum introduci
 etiam in inanimatis: vnde Oſtreas & multa Conchilia, &
 alia animalia lapidea reperiri. At facultatem organicam,
 quæ animæ propria eſt, non offendemus, ſi dicamus: huius-
 modi corpora non pauca, ſed multa imo innumerabilia ean-
 dem prorsus configurationem cum viuentibus habentia, vi-
 uentia extitiſſe, ſed poſtea aut ſponte, aut ob aliquem ſuccum
 lapideſcentem concreuiſſe in lapideam ſubſtantiam. Præci-
 pue id patiuntur oſtearum, & cæterorum ſimilium teſtæ, &
 oſſa animalium, & ligna quædam intra terram diu condita:
 cum enim minus putreſcant interim lapideſcunt ob terream
 ſubſtantiam. Repertæ autem ſunt veluti Oſtearum medullæ
 figura craſſioris Amygdalæ aut mali Perſici, materia ad figu-
 ram continentis concreta. His ſimilem ortum habere pu-
 tandum eſt lapidem Iudaicum: eſſe ſcilicet veluti medullam
 concretam alicuius Conchilij, aut arboris fructum, materia
 lapideſcente in eum locum corriuata. Sic videtur Belemnites,
 Gloſſopetra, & ea quæ in fulmine putatur decidere, ex
 Pinna, aut aliquo eius generis Conchilio ortum ducere. Ne-
 que mirandum in mediterraneis, & montibus altiffimis re-
 periri animalia maritima in lapides conuerſa, non enim ab-
 ſurdum eſt, vbique mare extitiſſe, imo neceſſarium vt tradit
 Ariſtoteles. Alia porro videtur in Trochite, Entrocho, &
 Pentacrino, vt recentiores vocant, figuræ ratio: & in ijs, qui
 ſerpentes conuolutos in tenuem caudam ſenſim deſinentes,
 aut vermiculos terreſtres imitantur, reperti in agro Senenſi
 locis ſterilibus, & Cretoliſis, colore candido, ſubſtantia Gy-
 pſea: qui ſi frangantur, intus globuli inanes veluti ampullæ
 ſpectantur affidue tenuiores prope caudam. Feruente enim
 materia, vt ſæpe videmus in balneis ſulphureis, Bullæ attol-
 lantur:

Intur: dum vero spiritus vario modo conuoluitur, is materiam sequacem eodem modo ducit, quæ postea concrescens, eandem figuram retinet, ut patet in aluminis combustionem. Quemadmodum autem serpentes prædicti, & vermiculi ex spherulis inanibus ordine quodam compositis coagmentati sunt, sic Entrochi, & cæteri huiusmodi veluti, ex vertebis inuicem commissis ob eandem causam compositi spectantur.

CAP. XLV.

L Apis Lyncis apud Euacem, fit ex vrina Lyncis, qui, vulgo lupus Ceruarius vocatur: hæc mixta in montibus coagulatur in lapidem, qui in domo seruatus gignit optimos fungos supra se toto anno: valet contra dolorem stomachi, Ictericam, & fluxus ventris. Dioscorides vanum putauit, ex vrina Lyncis Lyncurium appellatum fieri, sed Electrum esse. Alij lapidem diuersum ab Electro, gemmam igneo colore carbunculo similem, atque frigidam, quæ & scalpatur, sed e feminis præsertim cicuribus candidam, & languidam existere: nec frondes & acus modo rapere, sed æris quoque ferrique bracteolas, ut Diocles, & Theophrastus referunt. Idem Theophrastus lyncurio tribuit fungos ferre. Hodie Neapoli notissimus est lapis, qui domi asseruatus si irrigetur, fungos fert toto anno: de quo Hermolaus inquit: Oritur fungus, & e saxo idest lapide Lyncurio siue Lyncæo vulgari voce dicto admirabili natura: præciditur hic in esum, & alius subnascitur anno toto: pediculi pars relicta duratur in silicem, atque ita semper crescit lapis restibili fecunditate: nec credidimus, antequam domi natos ita manducaremus. Forte Dioscorides huc significauit: cum de Populo inquit: Corticem Populi albæ, & nigræ particulatim cæsum, & sulcis stercoreatis mandatū, omni tempore anni fungos ediles proferre, ut referunt. Quid autem mirum, eos cortices alicubi aut ob loci naturam aut propter irrigationem certam, & stercorationem, aut ex vrina Lyncis concrescere in lapides huiusmodi,

huiusmodi, & populi lachrymam in Electrum? Inest enim & in vrina humana vis quædam lapidifica, vt patet in matulis, quæ crustam lapidosam contrahunt. Nec igitur Electrum, nec lapides qui ferunt fungos, ex humore illo constare dicendum est, hoc enim iure visum est incredibile, sed succum lapidescentem qui latet in vrina, ad eorum concretionem facere. Circunferuntur lapides sub nigri maculis albicantibus, aut cinerei, fungosi, fibrosi, specie quadam ligni, friabiles. Sed a plerisque exploduntur, putantibus Lyncurium seu lapidem Lyncis inter Electri genera perquirendum esse. Ideo in Germania pro Lyncurio assument lapidem Electro similem inter Belemnitas a quibusdam vocatas ob sagittæ figuram. Alij ostendunt quoddam genus Electri colore mellis, non translucidum. At lapis Lyncis fungos ferens longe distat ab Electro: nec puto repudiandos esse lapides, qui quasi per manus hucusq. ab antiquis traditi sunt hoc nomine. Recipitur lapis Lyncis a Nicolao Alexandrino in compositionibus facientibus ad calculum, & vitia renum, ac vesicæ, quod & Populi albæ cortex facit teste Dioscorides.

CAP. XLVI.

SVnt & lapides in viuientibus animalibus geniti, vt in renibus, & vesica, & alijs partibus, sed præter naturâ: non enim contingunt nisi morbofis, ex vrinæ quidem sedimento in renibus aut vesicæ condensato: aliquando ex crassitie fellis in eius vesica, qui crocei sunt, aut subuirides. At nulli ex his ad medicinæ vsum assumpti sunt. Bezaar secundum naturam videtur in animalibus eum ferentibus nasci, nam in plerisque eius generis reperiri traduntur. Ferunt enim Lusitani qui Indiam incolunt, capras esse siluestres magnitudine & figura Ceruis similes: cornibus Hirci. In eorum ventriculo reperiri lapides, quos Arabes extollunt aduersus venena: animal in Persia, & Corasone Pazan vocant, idest Hircum: lapidem vero Pazar, Indi Bazar: Arabes Bezaar.

Quoniam

Quoniam verò hic lapis vnice super omnia Alexipharmaca pollere visus est, ideo omnia Antidota, quæ à tota substantia venenis aduersantur, Bezaartica vocant, quasi Alexipharmaca. Concrescit hic lapis, vt referunt, in eorum ventriculo prope meatum, vnde pabulum iuminatum in alterum ventriculum transmittitur: initio iuxta paleam quandam tenuissimam, ex pabulo ruminato congestam, succo ambiente in crustam friabilem transeunte, superficie admodum læui & splendida colore herbaceo nigricante, aut pallescente, aut cinereo: figura in plerisque oblonga glandis effigie: interdum alia, atque alia forma. Superuenit in processu temporis alius, atque alius succus, vnde lapidis coagumentatio fit per crustas instar cepæ. Maximi non excedunt oui Gallinacæ amplitudinem: plerique vt oua columbarum & exiliores reperiuntur. Quò maiores eo valentiores existimantur, ideo in maiori precio habentur. Perfici reliquos bonitate antecellunt. Reperti postea sunt & in India Occidentali magna copia in simili animali, sed caret cornibus, degit in locis frigidis in montibus Perù. Differunt quoque lapides eius: nam crustæ non eiusdem coloris sunt intus, & extra, vt Orientalium: sed extra quidem vt plurimum nigrae sunt, aut fulvae, aut cinereæ minus splendide, inest aliquando veluti aureus puluisculus splendens: intus autem omnes subcandidæ sunt, veluti ex fibris compositæ: idcirco minus adulterari possunt quam Orientales. Depræhenduntur adulterati, nā calfacti mollescunt, si ferro candente perforentur: synceri nequaquam. Præterea adulterati, si frangantur, non habent in meditullio cavitatem, neque paleam, sed aliquid aliud. Quidam fabulati sunt lachrymam esse ceruorum in angulis oculorum congelatam, postquam afflatu serpentium molestati, in piscinas refrigerationis gratia se dimiserint: tunc enim lachrymam huiusmodi erumpere, quæ lapidescat in angulis: forte quia hic lapis aliquando lachrymam præ se fert tereti figura, nullo intus cauo instar guttæ congelatæ. Serapio tradit multos habere colores:

res: nam inquit quidam lutei sunt, quidam cinerei, alij sub-
 uirides, alij candicantes. Probatissimi omnium lutei, de-
 inde cinerei, qui ex Coralceni adferuntur: oriuntur in Sy-
 ria: India, & Oriente. Multi alij lapides illi similes sunt,
 qui non eandem habent naturam, neque accedunt ad eius
 efficaciam. At Bazaar lapis est valde lubricus, lenis, & tactu
 mollis, mediocriter calidus. Ex autoritate Rasis, inquit
 lapis est citrinus, mollis, non habens saporem: aut vergit
 ad citrinitatem, & albedinem cum quodam colore vini, le-
 nis, & splendens sicut lumen. Aduersatur secundum totam
 substantiam omnibus venenis tum calidis tum frigidis, seu
 intus assumptis, seu ictu venenosorum animalium illatis:
 tam haustus, quam gestatus, & impositus super plagas.
 Assumptus pondere duodecim granorum hordei, aut plagæ
 illitus liberat a morte & expellit venenum per sudorem:
 confert quoque anulo inclusus, si ore exsugatur: vlcera pu-
 rulenta ex veneno pulvis eius inspersus purgat. Rasis te-
 statur, bis vidisse efficaciam huius lapidis aduersus venenum
 Napelli, quod est toxicum validissimum, quam nec in The-
 riaca, nec in alio vlllo antidoto vidit. Lusitani eius vsum
 transtulerunt ad multos alios morbos edocti ab Indis. Nam
 pondere trium granorum hordei cum aqua florum Citri aut
 Iamfæ, quæ ex floribus Aurantiæ habetur, aduersus omne
 venenum exhibent: cum aqua verò Acetosæ ad febres pesti-
 lentes: ad animi deliquium, quod per intervalla repetit, ad
 stomachi vexationes, vteri molestias, vertigines, Epilepsi-
 am, & tandem in omnibus morbis melancholicis, veluti in
 scabie ferina, lepra prurigne, Quartana cum aqua Buglos-
 sæ sæpius propinant ieiunio ventriculo post vniuersales pur-
 gationes. Ad præseruationem ab ijsdem morbis solent
 quinque diebus post purgationem hunc lapidem sumere:
 quidam pondere decem granorum pro singulis vicibus exhi-
 bent cum aqua rosacea: alij audent vsque ad triginta propi-
 nare: non timentes noxam ex medicamento, cui nulla sit
 insignis qualitas. Sed cum omnia metallica, & quæcunque

S venenis

venenis aduersantur, aliqua ex parte inimica sint naturæ humanæ, non tutum est in magna quantitate vti vt Gale-
 nus testatur. 5. Simpl. cap. 18. Inquit enim: Quæ deleterijs
 aduersantur, si largius sumpta fuerint, grauiter animantis
 corpus oblædunt. Quamobrem ea moderatione quantita-
 tis omnes id genus facultates exhibere oportet, vt neque
 copia nimia corpus offendant, neque exiguitate sua à dele-
 terijs vincantur. Hæc Galenus. Ideo melius qui circa Or-
 muz degunt, non nisi in exigua quantitate exhibent, qui
 vsus hodie in nostris regionibus inualuit. Nam pondus tri-
 um granorum exhibent, & quotidie per plures menses in
 morbis diuturnis: cum vino vbi non adsit febris, aut cum a-
 qua ex prædictis, vbi ea adsit. At vrgente qualitate vene-
 nosa satius est ampliori pondere vti, idque rarius: vt vnica
 vice, aut altera vincatur venenum, tardare enim & mollius
 agere, periculosum est. Repertum porrò experientia est, si
 lapis verus est, & syncerus, dentes eorum nigrescere, qui
 hauserint, ideo cauent, cum deuorant, ne medicamentum
 dentes attingat, cocleari intra fauces demisso. Hoc signum
 est vim aliquam deleteriæ continere vt solent Alexiphar-
 maca. Quoniam vero Bezaar Occidentalis minoris effica-
 ciæ compertus est, augent eius dosim vsque ad sex grana.
 Cum igitur magna sit differentia inter optimum, qui ex
 Persia habetur, & cæteros, qui in alijs regionibus inueni-
 untur, solebant experimento optimum depræhendere, sine
 quo emptor reeufabat. Id hoc modo fiebat: filum toxico
 illinebant, qui apud eos est succus radicum Ellebori albi, de-
 inde acu filum traiciebant per canis pedem, aut aliam ani-
 malis partem relicto filo in vulnere: cum verò vrgerent gra-
 uia symptomata, lapidem propinabant ex aqua: nam si le-
 gittimus esset, auxilium ex eo remedio animal sentiebat:
 sin minus, adulterinum censebant. Sed hodie mercatores
 examen id recusant: quasi pauci effectis promissis respon-
 deant. Alium lapidem prædicant in India Orientali, quem
 Malacensem vocant, quia in Malaca inuenitur in felle Hi-
 stricis,

stricis, colore purpuræ dilutioris, gustu amaro, tangenti lævis, & lubricus vt Sapo. Hunc Malacenses præferunt lapidi Bezaar aduersus venena eodem modo exhibentes ex aqua, quæ amara redditur: sed hic rarius inuenitur.

C A P. XLVII.

A Etites, vulgo Aquilina, quia reperitur in nidis Aquilæ, vt Plinius testatur, simili ratione videtur compositus, vt Bezaar, habet enim in meditullio cavitatem in qua aliud corpus continetur: sed fossilis est nõ vt ille gignitur in animali. Continet autem in aluo alium lapidem, qui dum quatitur, sonat, vt Dioscorides tradit, quasi prægnans alium in vtero gerat: vnde grauidis conferre existimatus est: nam sinistro brachio alligatus custodire partus creditur: in tempore autem parturiendi inde ablatum & foeminibus applicatum faciles partus reddere, vt legitur apud Dioscoridem: multa que alia promittit vana, quæ non solum Medicinæ, sed & naturæ limites egrediantur. Plinius tradit binos inueniri, marem, & foeminam: nec sine ijs parere Aquilas, & ideo binos tantum. Foeminam putant in Africa nascentem pusillum, & mollem, intra se ac veluti in aluo habentem Argillam suauem, candidam. Marem autem in Arabia durum similem Gallæ, aut subrutilum, in aluo habentem durum rapidem. Tertius in Cypro inuenitur colore similis Africano, amplior, & dilatatus: nam cæteris globosa est facies: habet in aluo harenam iucundam, & lapillos, ipse tam mollis, vt etiam digitis fricetur. Quarti generis Taphiusius appellatur nascens iuxta Leueadem in Taphiusa, inuenitur in fluminibus candidus & rotundus, huic est in aluo lapis, qui Callimus vocatur, nec quicquã tenerius. Alius præterea Aetites ponitur inter Gêmas dictus a colore Aquilæ cauda candicante. Item Enhydros semper rotunditatis absolutæ, in candore levis, sed ad motum fluitat intus in ea veluti in ouis liquor. Aetitem in Italia habemus colore ful-

uo intus magis nigricante figura varia, & magnitudine: eius crusta prædura, densa, grauis, nunc aspera, nunc læuis: in aluo nunc continet lapidem eiusdem substantiæ, nunc argillam pallidam, molissimā, bolo Armeno similem: nunc vtrunque. Reperiuntur & glebæ instar panis, plures Aetitas in se continentes: Qnædam solidæ intra crustam ferrugineam, & asperam farctos lapides multos continet, & cretam molissimam: aliquando eadem crusta intersectos, nullo inani spatio. Inter hos contineri lapidem Ostracitem puto. Nam glebæ solidæ sunt, lapidem continentes scissilem in plures lapides intercedente crusta, non in laminas, vt quidam interpretantur apud Dioscoridem. Inquit enim Ostracites testæ similitudinē habet, crustosus, & scissilis: mulieres vtuntur pro Pumice ad pilos auferendos: Potus in vino drachmæ pondere, menses sistit: a purgatione sumptus prohibet conceptionem: Mammarū inflammationibus imponitur, & ad nomas. Alius porro est apud Plinium Ostracites siue Ostracias inter gēmas, cui ostrea nomen & similitudinem dedere, vnus adeo durus, vt eius ramentis aliæ gemmæ sculphantur, alter Achatæ similis. Alius præterea est Ostraciti congener, de quo inter Hamatitas dicetur. Oriuntur hi omnes in collibus sabulosis, & argillofis prope Leuanem, qua tenditur Aretium. In eisdem locis reperitur & lapis Geodes, candidus figura oblonga vtrinque acuminata specie stercoreis canini, videtur ex argilla parum addensata constare, si frangatur, plenus reperitur ex eadem substantia per crustas aggregata, friabili, instar Bezaar: Hunc forte quidam acceperunt pro Bezaar fossili in Aegypto: Plinius Aetitem fœminam non absimilem tradidit in Africa nascentem. Geodes hic non ab re dici potest, quia argilla quædam videtur lapidosa. Ei Dioscorides tribuit vim astringendi, siccandi: caligines oculorum discutiendi: illiniri ex aqua ad testium, & mammarum inflammationes. Ex hoc genere videtur esse lapis Samius, de quo egimus in terra Samia: nam simili modo nascitur in argilla candida, & creditur vt Aetites partus accelerare, & conceptus custodire.

CAP. XLVIII.

Lapis Arabicus apud Dioscoridem maculoso Ebori similis: is tritus, & illitus hæmorrhoidas siccatur, eius cinis dentifricio optimus. Effoditur hic in Montacutenſi Aeturiæ, & alijs multis locis crustosus, sed veluti ex fibris compactus, ut aliquando videatur Amiantus, sed solidus & fragilis: colore candido, splendore Eboris punctis nigris intercedentibus, aliquando subviridis, aliquando cinereus sine splendore, instar ossis combusti: Appellant vulgo hæc ossa Liocorni seu Alicorni medicamentum celebre aduersus venena, & ad vermes necandos, & ad febres pestilentes, ex aqua potum: at seligunt, Ebori simillimum, & quod linguæ admotum hæret, ut Bolus. Aliud tamen est cornu vnicorni animalis, cui easdem vires, & longe efficaciores tribuunt. Plinius inter gemmas Arabicam tradit Ebori simillimam, nisi abnueret duritia, utilem habenti ad dolores neruorum: Ossa autem e terra nasci, inueniri que lapides osseos idem testatur ex Theophrasto. Fodiuntur hodie prope oppidum S. Ioannis in valle Arni ossa lapidea ingentis staturæ, unde putant fuisse ex Elephantibus ab Anibale ductis in Italiam. Extat humeri caput aut coxendicis magnitudine, quam utraque vlna amplecti vix possit: Apud me sunt fragmenta crurum intus spongiosa exterius solida, colore marmoris Porphiritis, nigriora, sonora ut marmor.

CAP. XLIX.

Amiantus apud Dioscoridem lapis in Cypro nascitur alumini schisto similis: Ex eo ut pote flexili, inquit, vela texti spectaculi gratia, quæ ignibus iniecta inflammantur quidem, sed splendidiora exeunt, non deusta. Eodem adulterari inquit alumen scissile, at gustu non astringit. Plinius alumini quidem similem esse tradit, at nihil igni deperdere.

Alibi

Alibi linum viuum appellat, quod ignibus non absumitur: visas esse mappas ex eo in focis conuiuiorum ardentes, fordibus exustis splendere magis igni, quam possent aquis. Rēgū inde funebres tunicas, quibus combusta cadauēra a reliquo cinere separentur. Nāsci in desertis Indiā, adustis-
que Sole, vbi non cadunt imbres. Rarum inuentu, difficile textu propter breuitatem: cum inuentum est, æquare præcia Margaritarum. Ruffus de cætero color splendet igni, vocatur a Græcis Asbestinum, ex argumento naturæ, idest incombustibile. Paulus Venetus in suo Itinerario hunc lapidem appellat Salamandram, quia viuit in igne. Idem testatur effodi in Asiæ prouincia quadam, & esse fila non dissimilia lanæ, quæ Sole ficcata teruntur in mortario æneo, deinde lauantur, & a terra purgantur, postea nentur, & demum texuntur. Pannos autem sordidos non aqua sed igne ad candorem pristinum restitunt. Oritur, & in Italia, sed adeo breue ac fragile, vt neri non possit: tantum eclichnia ex eo parari possunt in lucernis perpetua: vocant alumen plumæ, quia attritione soluitur in tenuia filamenta, instar plumæ canescentia: vnde pro alumine scissili vsurpatum est. Nec desunt, quibus etiam sapor quidam aluminosus inest. Ipse lapis ligni modo fibrosus est, & mollis colore candido, aut subuiridi. Quod autem ex eo per attritionem efflorescit in plumas, florem petraē vocant, quia forte putaretur esse Asiæ petraē flos: nam cuti applicatus vehementer mordet, & vredinem gignit veluti ab vrtica tactis: quod videtur non ab acrimoniā fieri, sed ob asperitatem tenuibus aculeis carni infixis, mulieres vtuntur ad smegmata.

C A P. L.

PVmex veluti spuma est in lapidem concreta, ideo leuissimus, & solus aquæ supernatat. a Græcis Cifferis dicitur, quasi erosus. Cis enim vermiculum significat qui triticum erodit. Dicuntur & Pumices saxa erosa annis, vt Plinius

nus notat, qualia sunt quæ in ædificijs Musea vocant dependentia ad imagiæ specus arte reddendam: vnde Musaica opera hodie dicuntur in templis, ex varijs lapillis imagines diuersas exprimentibus composita. De Pumice scribit Vitruuius quendam fieri exusto alio lapide circa Aethnam, & in collibus Mysiæ, qui Catacecaumenos idest deustus dicitur: Spongiam, & Pumicem Pompeianum vocari. Huiusmodi & Lipareum esse Theophrastus testatur, alioqui antequam vratur, nigrum, leuem, atque farctum. Et Pumicem Siculum ponderosum esse & nigrum. An spongiæ intelligantur in genere molarum, de quibus egimus in Silice? Alius vero est pumex poliendis libris accommodatus, & mulieribus ad cutem exterendam, & dentifricia: candidus, leuissimusque, de quo Dioscorides inquit, probari valde leuem, spongiosum, scissilem, nec arenosum, teri facilem, & candidum. Videtur enim ex capillis canescentibus coagmentatus, vt Amiantus, & alumen scissile. Reperitur in littoribus maris vndis detrusus, copiosus in tractu maris Tyrrheni, quamuis remotus ab Aethna monte. Laudatissimi præterea traduntur oriri in Melo Scyro, & Insulis Aeolijs. Pumicem intellexit Plinius, cum inquit, lapidem e Scyro insula integrum fluctuare, comminutum autem mergi. Veteres e spuma maris aliquando coalescere, itemq. ex harena littorali testantur, vt in Insula Cyclade, Nisiro, ut Hermolaus tradit. Galenus ambiguus est, an inter lapides, an inter terras, vel marina reponendus sit: illud certum esse recipi inter Sarcotica medicamenta, & dentifricia tum vsum, tum non vsum. Splendorem corporibus conciliare non tantum facultate extergendi, sed & asperitate. Theophrastus author est potiores in certamine bibendi præsumere Pumicis farinam, sed nisi immenso potu impleantur, periclitari: tanquam vini restringendi feruorem vim habeat, vt mustra feruere desinant Pumice addito.

CAP. LI.

Asfius seu Afius lapis in affo Troadis nascens Sarcophagus cognominatur idest carnem exedens: fissili vena scinditur: corpora defunctorum in eo condita absumi constat quadraginta diebus exceptis dentibus. Eius generis & in Lycia & in Oriente saxa sunt, quæ viventibus quoque ad alligata erodunt corpora. Afius est gustu falsus, podagras lenit pedibus in vase ex eo excavato inditis. Eiusdem vero lapidis flos appellatur in farinam redigendam mollis ad quædam perinde efficax. Hæc apud Plinium. Dioscorides Asium inquit, seligendum colore pumicis, leuem, fungosum, friabilem, habentem venas luteas ad imum actas. Eius flos falsugo subflaua est summo lapidi insidens, tenuis, nunc alba, nunc instar pumicis ad luteum vergens, linguam aliquantum mordens. Vim vterque habet astrictoriam, & modice erodentem: longe validior est flos. Galenus lapidem esse inquit, non durum vt petræ, sed laxum, friabilem, consistentia, & colore quasi Tophi. Innutritur ei quiddam farinæ tenuissimæ adsimile, qualis in pristinorum parietibus adhærere visitur, quod petræ Asiæ florem vocant. Est vero subtilium partium, vt sine morfu carnes nimis molles, & fluidas cliquet. Petra uero, in qua nascitur similem sed infirmiore vim habet: falsedinem quandam in gustu flos participat. Hæc Galenus. Hodie lapis hic non est uulgo notus: reperitur tamen in llua, & alibi, ubi alumen fossile, & Chalcanti uena foditur, colore candido instar Sacchari uenis, uel maculis luteis, gustu substringente, & linguam modice mordente. Reperitur & sine maculis luteis pumici similis fungosus, in superficie concretio quædam est similis sali, sed lapidosa, sapore ferme insipido. Tertius durior uenis se inter secantibus in profundum: hic exterius in tenuem farinam candidam soluitur modice mordentem, qui eius flos est: non emanat autem flos luteus, nisi ex habente maculas luteas,

cuius

cuius sapor etiam est efficacior. Videtur autem hic lapis valmine & nitro participare.

CAP. LII.

Phrygius dictus, quia Phryges eo utebantur ad tingendas vestes, quamuis inter lapides reponatur, glebam, tamen pumicosam esse Plinius testatur, nascitur in Cappadocia, vt Dioscorides tradit. Optimus pallescens modice grauis, non solida corporis compage, intercedentibus albis venis vt in Cadmia. Vritur vino optimo perfusus, viuus carbonibus perflatis, donec mutato colore rufescat, ter opere repetito. Vim habet astringendi, expurgandi, & crustas inducendi. Lauatur vt Cadmia: vsus eius est tum crudi tum combusti, hæc apud Dioscoridem. Galenus inter alias facultates, vtilem reperit oculis, siccum medicamentum, adhibendo ad vlcera, & scabritias. Quamuis hic minime vulgo cognoscatur, existimo tamen haberi in Italia & vbicunq. efficitur Chalcanthum. Cum enim ad tingendas vestes eo vterentur antiqui, putandum est Chalcanthi vim habere. Glebæ igitur quæ fodiuntur, ex quibus Chalcanthum extrahitur lapis Phrygius vocabatur: Sunt enim quædam pallescentes, quædam cinereæ, maculis aut venis aliquando candicantibus, aliquando subuirëtibus, gustu astringente & mordaci. Ex eodem genere videtur esse Ageratus apud Galenum, quo coriarij utebantur, mistæ facultatis, digerentis scilicet, & astringentis, quamuis gustu non euidentem astrictionem, aut acrimoniam habere videatur. Euidenter iuuat Collumellas Phlegmone grauatas, mitiorem igitur vim habet, quam Phrygius. Ageratus ad nitorem calceis præbendum prædicatur, vt notat Hermolaus.

C A P. L I I I.

Q Vi autem Bituminosam naturam participant comburuntur in igne, & odorem Bitumini similem edunt. Huiusmodi est Gagates à flumine Lyciæ dictus vt Dioscorides tradit. Eius plura esse genera idem innuit, inquiens: præferendi in genere Gagatarum, qui celeriter accenduntur, & odorem Bituminis reddunt. Lapis hic plerumque niger est & squalidus, crustosus, per quam levis. Plinius inquit, niger est, planus, pumicosus, non multum à ligno differens, levis, fragilis, odore si teratur grauis. Fictilia ex eo inscripta non delentur: Cum vritur odorem sulphureum reddit; mirumque accenditur aqua, oleo restingitur. Galenus testatur vidisse in Syria Cēle in colle, qui à mari mortuo circumdatur, vbi, & Bitumen est, lapides esse crustaceos nigros, odore Bituminis, qui in ignem additi exilem flammam edunt. Apud nos prope oppidum Sancti Iohannis in colle, qui Villa Magna dicitur, pars quædam est, quæ ex hoc lapide constat: Crustosus est colore fuluo, aut cinereo veluti lignum vetustate marcescens: quo incolæ pro ligno vtuntur ad ignes: cum vritur niger fit, vt lignum semiuustum: & tandem in carbones transit. Eruuntur autem, vbi collis flagrat, carbones ardentes. Incolæ tentarunt initio ignem casu accensum extinguere fluuio propinquo ad eum locum deriuato, sed magis ac magis flagrabat, quod & imbribus contingit hucusque. Distant hi carbones à terra Ampeliti, nam duri sunt & lapidosi. Vtuntur in Germania vice carbonum ad fundenda metalla, quem vsum Ampelitis præstare nequit. Præterea de Ampelite Theophrastus Hermolao teste, in Cilicia coqui tradit, atque ita lentescere, viteque obungere. At carbones fossiles nō soluuntur. In Olanda Belgicæ peninsula lutum prouenit nigrum in palustribus, cuius glebas aggeribus compositas durescere tradunt in lapides, quibus vtuntur ad ignes parandos, & ex eisdem carbones efficiunt

efficiunt. Ex quibus colligere licet, plures esse Gagatis species, quasdam ligni effigie, quasdam carbonum: quibus adnumerare liceat Thracium ab inuentore appellatum, qui & Thracius dicitur: nascitur vt Dioscorides inquit, in quodam flumine Scythiæ, cui Ponto nomen est, uis ei Gagatæ: traditur aqua accendi, & oleo restingui, quod Bitumini accidit. Eadem apud Nicandrum leguntur, eiusque nidore fugare serpentes: quæ omnia Gagati insunt. Euax hunc lapidem nigrum esse tradit. Differt autem hic à Gemma Thracia, quæ trium generum à Plinio traditur: viridis, Pallidior, tertia sanguineis guttis: Et à Samothracia, quam diximus Ambram nigram vocari inter Gemmas. Gagatis vires emolliendi, & discutiendi. Galenus utebatur ad genus tumores flatuosos diuturnos, & ægre curabiles: miscebat & Barbaro Eraplastro, quod exsiccantius effectum est, adeo vt & sinus contraheret, ne dum cruenta vulnera glutinaret. Mesues ex Gagatæ oleum per ignem extrahit, quod laudat ad Epilepticos, Dæmoniacos, Paralytim, conuulsionem, Tetanum: præstare magnum auxilium præfocationi vteri, iuuare ad conceptum. Simile oleum extrahunt ex ambra nigra: & ex Electro: Bituminosa enim est eorum natura.

C A P. LIIII.

PYrites autem ad Metallicam naturam accedit: nam specie Auri, aut Argenti, aut potius Aurichalci spectatur, sed substantia lapidea. Ab igne autem, quem continet, nomen habuit, quoniam plurimus illi sit ignis, vt Plinius interpretatur. Attritu enim alterius corporis duri multas edit scintillas, vtpote quia multa exit sulphurea exhalatio ab ictu decussa, & inflammata. Translata est tamen vox Pyritidis ad corallium teste Plinio ob igneum colorem. Sed alius inquit etiam num est Pyrites similitudine Aeris: de quo Dioscorides inquit: lapis vnde æs foditur:

Eligi debet Aeris similitudine facile scintillas edens. Alij interpretatur verbū: ἀρ & χαλκός μεταλλεύεται: a quo æs conflatur. At repugnat experientiæ conflare a Pyrite æs: quicunq. enim ignis scintillas edit, sterilis reperitur. At vena æris seu terra fit, seu lapis, ignem attritu non edit, ideo Pyrites non est dicendus. Ex eodem præterea Dioscoride & Galeno in Cadmia patet, alium esse Pyritem, & Aeris venam, quæ in fornacibus excoquitur in Aes: testatur enim Cadmiam ab utroq. haberi in fornacibus. Recentiores quoq. fatentur a Pyrite quanuis colore vniuscuiusq. metalli reperiatur, nullum tamen metallum distillare, sed in igne euanescere in fumum relicto corpore quodam nigro, & inutili. Melius sententia Dioscoridis accipienda est, vt Pyrites lapis sit, qui in metallis Aeris reperitur: cui astipulatur Plinius cum inquit: In Cypro eum reperiri volunt, & in metallis quæ sunt circa Acarnaniam: vnum argenteo colore, alterum aureo: Auicenna etiam Aereo & Ferreo. Tandem recentiores putant vnumquodq. metallum suum Pyritem habere, Marcassitam vocant vulgo: adeo vt quidam innumeras ponant eius species, quia vnum vel plura metalla contineat, vel sterilis sit. Quamuis autem multi lapides reperiuntur, qui colore Metalla imitentur, non tamen Pyritæ dicendi sunt, nisi vibrent percussu ignis scintillas. At Serapionis interpretes ex Dioscoride non bene hoc transtulit, dicens quando ponitur in igne, salient ex eo scintillæ facile: quasi eiectus in ignem frangatur & saliat, vt quidam exponunt. Ideo apud eos non est necesse Pyritem ictu ignem vibrare. Dicendum est igitur, si nomen habuit ab igne, qui ex eo eliditur, non esse Pyritem, cui huiusmodi ignis non inest: eumque apud Galenum & Dioscoridem vnum tantū esse scilicet Aeri similem. Sic enim Plinius accipit alterū genus a Corallio distinctum. Quod autem idem Plinius subiungit vnum argenteo colore, alterum aureo, de eodem profertur, qui est similis Aeri. Nam Pyrites Aurichalcum potius imitatur quā Aes simplex: eius autem color nunc flauior est & auro similis, nunc albidior
ad ar-

ad argenti speciem accedens. At colore omnino candido; quale est argentum nullus adhuc Pyrites a nobis visus est, nisi quis in genere Stanni id quod fragile est Pyritem esse contendat: nam quidam Marcaffitam argenteam vocant: aut Talchum, aut lapidem argenteum quem diximus in Petra Sancta oriri. Colore autem ferri, vt Auicenna testatur, reperiuntur lapides, qui scintillas edunt, sed hi in metallis ferri oriuntur, & ferrum ab ijsdem excoquitur. Alterius igitur generis sunt a Pyrite Dioscoridis. Alia genera Dioscorides innuit, cum inquit: Seligendum esse æri similem quasi reperiantur alij, quos respuit. Frequentissimus epud nos est Pyrites non solum vbi æs reperitur, & Charcanthum: sed & in metallis ferri: adhæret enim quandoque ei vena ferri in Ilua. Vbi reperitur indicium esse aiunt subesse metallum: plerunq. veluti Zonæ quædam eius in montibus discurrunt: Cohærent lapilli angulosi vt in crystallo nõ in cuspidem definentes, sed magis tessellis similes: Ob similitudinem autem Adamantis Androdamas inter gemmas a Plinio dicitur. Argenti nitorem habet, vt Adamas quadrata, & semper tessellis similis magnis. Et Amphitanes in Indiæ parte, in qua formicæ eruunt aurum, nascitur auro similis quadrata, virtutē magnetis prædita, nisi quod aurum quoq. trahit. Hæc Plinius. Quidam autem minutis granis constant, quidam grandioribus: minuti subesse magis metallum significant: color Aurichalci splendens, aut aureus: in his aliquando intercedit quid similitudine Opali colores inclinatione mutans in Smaragdi viriditatem, & Amethysti purpuram, quod granis minutionibus magis contingit. Chimistæ sublimant colligentes fumosam eius substantiam, quæ æri admista, albedinem præstat specie argenti. Et Dioscorides inter Cadmias numerat eam, quæ ex fuligine Pyritidis colligitur. Medici carbonibus vrunt melle madefactum donec ruffescat, & friabilis reddatur: vtuntur tam crudo, quam vsto ad caliginem oculorum expurgandam: vnde Arabes lapidem luminis vocant, Duritias concoquit, & concoctas discutit. Gaënus testatur

testatur validam habere facultatē digerēdi in halitum : nam sæpenumero eo medicamento pus & consistentia grummosa in spatijs intermedijs musculorum nata per halitum digesta est : Sed præter Pyritem , qui similitudinem æris præ se fert , aliqui genus vnum faciunt , inquit Plinius , plurimum habens ignis , quos viuos appellamus , & ponderosissimi sunt : Hi exploratoribus castrorum maxime necessarij , qui clauo , vel altero lapide percussi , scintillas edunt , quæ exceptæ sulphuratis aut fungis aridis vel folijs , dicto celerius ignem trahunt . Quanquam hodie nostri milites ad ignem in puluere Sclopetorum excitandum vtantur Calcedonio , aut Marcasita circum acta rota quadam ferrea . Extat tamen lapis testaceus subniger Cadmiæ similis , alijs lapillis testæ modo adnatus , in superficie veluti bullis extuberantibus : Reperitur hic præcipue in fodinis Chalcanti , ponderosissimus , atque admodum durus : attritu Calybis copiosissimas edite scintillas , & odorē sulphuris reddit : in igne flammam emittit sulphuream . Galenus Cadmiam lapidosam vocat , quam in Cypro se reperisse testatur in mōtibz & riuis multo præstantiorem omni Cadmia . Similis huic lapis describitur a Dioscoride in fodinis repertus , & pro Cadmia a quibusdam receptus ob similitudinem , qualis apud Cumas inuenitur . Sed hos testatur nullam habere vim : leuiorez esse Cadmia , nullum saporem alienum mendentibus exhibere : dentes duricie offendere : in igne profilire , & fumum igni similem proferre , post ignitionem colorem mutare , & multo leuiorez fieri : forte hi fuerint , qui in agro Senensi : Reperiuntur paruo quodam loco in Greta quā spectat turrim Montalceti : crustulæ quædam sunt lapideæ rotundæ veluti clauorum capita , aut nummi punctis quibusdam extuberantibus impressi colore cinereo nigricante . Oriri videntur ex fumis subterraneis in superficie terræ congelatis , ideo terram amplexantur , qualis Cadmia Ostracitis a Dioscoride traditur : ut altera , quem Pyritem uiuum diximus , lapillis adhæret . Ideo Cadmia fossilis non ex obbrutis habetur , sed e subdialibus
petris

petris cæditur, vt Plinius testatur. Plinius inter gemmas alium Pyritem tradit: nigra quidem hæc, sed attritu digitos adurit: At mirum videatur solo digitorum attritu id præstare. Albertus simili effectu tradit Pyritem seu Peridonium vocatum fulgore ignis, qui si manu arctius stringatur, adurit, ideo leuiter tangendum esse, quod ipse experimento verum esse fatetur. Eius generis alium esse Chrysolitho similem, sed viridiorē. Hi forte ex ijs fuerint, quorum caliditas excitari possit a calore manus, vt faciunt medicamenta Septica, inter quæ est auripigmentum, & Sandaracha: hæc quidem fulgore ignis constat: auripigmentum autem Chrysolitho simile: quorum substantiam eos lapides participare putandum est, vt Pyrites sulphuris. Sed de Pyrite hæc satis.

CAP. LV.

MAgnes supra omnes lapides admirabilis non solum quia ferrum ad se rapit, sed etiam quia lineam meridianam commoustrat, adeo vt sine illo erronea sit omnis nauigatio. Nomen habuit ab inuentore, vt Nicander testatur. Nam pastor cum armenta pasceret, inuenisse fertur clauis crepidarum, & baculi cuspide hærentibus in Ida monte. Appellatur & Hercules, & Sideritis a ferro: cui affinis videtur & effectu attractionis, quæ inter similia fit, & visu. Ferrum enim rude videtur sine splendore metallico. Differunt colore & efficacia: marem vocant, qui efficacius trahit: Fæminam imbecilliorē. Qui in Macedonia & Magnesia reperiuntur, rufi, nigrique sunt. Bæotius rufi coloris plus habet, quam nigri. Qui in Troade inuenitur, niger est, & fœminei sexus, ideoque sine viribus. Deterrimus in magnesia, Asiæ, candidus, neque attrahens ferrum, similisq. Pumici. Compertum est meliores esse quanto sunt magis cærulei. Aethyopicis laus summa datur, pondusq. argento rependitur. Hi Magnetem quoque alium ad se trahunt. In eadem Aethyopia alius mons non procul gignit lapidem Theamedem,

dem, qui ferrum omne abigit, respuitque. Hæc apud Plinium. De Theamede quid sentiam explicatur in Quæstionibus Peripateticis: nempe quodcunque fragmentum Magnetis oppositam faciem habere Theamedis: Magnetem non, solum ferrum trahere, sed & Magnetem: Ferrum quoque absque Magnetis infectione & ferrum aliud trahere & Magnetem. Et quo modo acus Magnete infecta meridianam certius commostrarat, quam ratio Mathematica. Dioscorides Magnetem præfert, qui ferrum facile trahit, colore ad cæruleum vergente, densus, nec admodum grauis. Habemus ex Ilua exterius sub rufum, intus infracturis nigricantem, & parum tendentem ad cæruleum, densum, atque admodum efficacem in attractione: qui dum percutitur, inhorrescit, lanugine quadam oborta, quæ transmigrat ad ferrum, si admoueat. Vulgo vocatur Calamita. Reperitur in eadem Insula lapis quidam candidus lineis nigris inscriptus, quam Calamitam albam vocant. At hic non trahit ferrum: sed creditur carnem trahere, quia linguæ ad motus adhæret, ut alijs quibusdam contingit. Multa quoque promittunt de Magnete. At Medici cremato Magnete utuntur pro Hæmatite. Dioscorides crudum inquit, habere vim purgandi humores crassos, si ex aqua multa detur pondere trium obolorum. Plinius scribit asperiora reddi vulnera, si Magnes telum infecerit. Remedio aiunt Magnetis puluerem inspersum: addi etiam solitum ad confectionem vitri, quoniam in se liquorem vitri quoque ut ferrum trahere creditur. Hoc genus hodie vulgo vocatur Manganese, ab Alberto Magnesia: lapis est niger Magneti similis, quo utuntur vitrearij: Si enim modicum eius vitro admisceatur, illud purgat ab alienis coloribus, & clarius reddit: si verò amplius, tingit colore purpureo. Affertur ex Germania: Foditur quoque in Italia in montibus Viterbij, & alibi. Meminit Plinius & Pseudomagnetis: inquit enim, in Catabria nascitur non illæ magnes verus caute continua sed sparsa, nescio an vitro fundendo perinde utilis, nondum enim expertus est quisquam: ferri utique inficit aciem, ut magnes.

imāgnes. Alius est lapis vitrum tingens colore cæruleo, & si plusculum addatur, inficit nigredine: Zafferam vocant: hic ex cinereo tendit ad purpureum, ponderosus, & friabilis: per se solus non funditur, sed cum viro fluit aquæ modo.

CAP. LV I.

Hæmatites a sanguine appellationem habet, tum quia succum sanguineum reddit ad Cotem: tum quia utilis est ad sanguinis fluxum. Dioscorides præfert friabilem, & saturato colore, aut nigrum: sed per se durum, & æqualem nulla forde admista, aut septo intermedio. Adulterari enim solet gleba rotunda, & densa lapidis schisti (quales sunt, quæ eius radices vocantur) torrefacta in fictili inter cineres, donec ad cotem colorem Hæmaticæ reddat. Sed deprehenditur dolus, primum quidem intersectionibus, nam hic in laminas rectas frangitur: Hæmatites autem non eo modo: deinde colore, hic enim floridum reddit, Hæmatites autem saturatiorem Cinnabari similem. Reperitur autem Hæmatites etiam in Rubrica Sinopide. Fit & e Magnete lapide cremato, donec sufficiat. Natiuus autem in Aegypto foditur. Vritur vt Phrygius irrigato vino. Sic enim Græcus codex Aldinus habet: sic & Serapio legit: At interpretes ex Plinio vertunt: Vritur vt Phrygius, sed non extinguitur vino. Modus vstionis, vt modice leuis fiat, & bullis quibusdam intumescat. Plinius ex Sotaco vetustissimo auctore Hæmatitarum quinque genera tradit. Primum Aethyopicum proueniens: vbi magnes in Aethyopia sanguinei coloris, sanguinemque reddens, si teratur, & crocum: in attrahendo ferrum non eadem natura: hic medicamentis oculorum utilissimus, & ijs quæ Panchresta appellantur: item ambustis. Alterum Androdamanta vocari, colore nigro, pondere ac duritia insignem, & inde nomen traxisse, præcipueq. in Africa repertum, trahere autem in se argentum, æs, ferrum. Experimentum eius esse in cote ex lapide Basanite: reddere

V enim

enim succum sanguineum, & esse ad loci noris vitia præcipui
remedij. Tertium genus Arabici facit, simili duritia, vix
reddentis succum ad eotem aquariam, aliquando Croco si-
milem. Quarti generis Elatitem vocari quandiu crudus sit:
coctum vero Miltitem, vtilem ambustis ad omnia vtiliorem
Rubrica. Quinti generis Schistos hamorrhoidas reprimat,
qui diuersus est ab altero Schisto, de quo inferius. Hodie
vtuntur Hamatite lapide durissimo in cotículas formato ar-
tífices ad auri, vel argenti bracteas ferro sublinendas, & per-
poliendas: Color coticularum est instar ferri perpoliti, ni-
grior: tingit tamen colore sanguineo si alteri coti duriori af-
fricetur. Nascuntur in Ilua in Metallis ferri: meliores affe-
rantur ex Compostella: constant figura angulosa vt Pyrites,
splendidi colore ferri nigricantis: coherent racematim nunc
magnitudine nucis, nunc exiliores, nunc veluti squamæ pi-
scium compositæ: sæpius in cauernulis rubricam continent.
Excoquunt autem hunc lapidem in ferrum cum reliqua ma-
teria, in qua nascitur. Reperi in his aliquam vim Magne-
tis trahendi ferrum, licet obscuram. Possumus igitur asse-
re, inter hos esse Androdamanta nigrum, vt inter Pyritas
argenteum, vtrumq. figura quadrata: & Hamatitem Schis-
tum, qui scilicet squamis constat, sed non scinditur in squa-
mas. Alterum genus in eisdem metallis reperitur globosum
colore partim Rubricæ, partim ferri nigrantis. Hic friabilis
ob inæqualitatem, durus tamen. Huiusmodi videtur descri-
bi a Dioscoride, saturato colore aut nigro, friabilis, per se
durus, adulterari solitus gleba radicum Schisti. Nam cate-
ri solidiores adulterari nequeunt, neque colore sanguineo
spectantur, sed ferri perpositi. In hoc genere quidam repe-
riuntur colore profundiori, simul & puluisculum croceum
fundentes, quales describuntur a Plinio in Aethyopia nati.
Ad hoc genus reduci posse reor lapidem ferrugineū grauem
obductum Rubrica, & supra rubricam creta pallida, vltimo
tegitur crusta simili Aetiti tenuiore, & fragiliore, quæ & se-
pti modo peruat ad intima. Lapis hic ad eotem cro-
ceum,

LIBER SECVNDVS.

ceum, & sanguineum succum parit. Reperitur Aretij, ubi
 fons est Acidulæ: congener Ostraciti, de quo superius in Ae-
 tite dictum est. Vim habet astringentem, & aliquantum
 excafactoriam & extenuantem, vt Dioscorides tradit: ideo
 exterit oculorum cicatrices, & scabritias cum melle. Facit
 & ad lippitndines, & oculos fractos, & cruore suffusos cum
 lacte muliebri. Bibitur ad difficultatem vrinæ, & fluxus mu-
 liebres, & ijs qui sanguinem reiecerunt. At Galenus non
 excafactoriam vim inesse, sed refrigeratorem: inquit enim:
 Lapis Hematites tantum frigiditatis habet, quantum astri-
 ctionis. Alexander Trallianus extollit hunc lapidem optime
 contritum ad cotem, ad sanguinis reiectiones, & vlcera pul-
 monis purulenta: exsiccât enim & glutinat cū efficacia absq.
 calefactione: exhibet autem pondere scrupulorum quatuor
 in potu frequenti.

CAPITVLVLI.

SMyris ab abstergente facultate dictus, vulgo Smeriglio:
 durissimus quidam Hematites videtur esse: nam ad co-
 tem aquariam aliquem succum sanguineum reddit, vt vi-
 deatur apud Plinium tertium genus Hematitidis, quod Ara-
 bicum vocat simili duritie, vt secundum, vix reddens succum
 ad cotem aquariam, aliquando croco similem. Lapis est fer-
 rugineus ad nigredinem vergens, adeo durus, vt eo Gem-
 marij vtantur ad Gemmas scalpendas, & arma expolienda.
 Oritur in Metallis ferri. Dioscorides inquit: lapidem esse,
 quo Gemmarij scalptores poliendis Gemmis vtuntur: utilis
 ad erodendum, & vrendum: & ad gingiuas humentes, &
 dentifricia.

CAPITVLVLI.

SChistus idest sci filis apud Dioscoridem in Iberia Hispa-
 niæ nascitur, optimus existimatur, qui colore ad croceum

vergit, facileque friatur, ac scinditur sua natura: similis autem est soli Ammoniaci ratione compositionis, & coherentiæ laminarum. Eius glebæ densæ, & rotundæ: Schisti radices vocantur, quibus etiam Hamatites adulterari solebat, sed franguntur in rectas laminas, quod Hamatiti non inest. Plinius addit Schistum peculiariter splendens, & Soraco Anthracitum vocari: nasci in Africa nigrum: vitæ reddere aqualijs cotibus ab ea parte, quæ fuerit ab radice, nigri coloris, ab altera parte croci: ipsum utilem esse oculorum medicamentis: valere autem ad eadem, quæ Hamatites, sed imbecillius, testatur Dioscorides: Hodie Schistus incognitus est vulgo, quamvis quidam ostendant varios lapides: Reperitur tamen verus Romæ in Vaticano effossus e fundamentis. Glebæ sunt colore nigro, quæ laminas complectuntur admodum tenues inuicem hærentes, ut in lapide speculari: sed colore ex nigro ad croceum inclinante, splendentes, & perspicuæ: per quas si Sol inspidiatur, videtur croceus: inspicere autem potest sine noxa. Idem in saxo nigro & durissimo reperitur in Montacuto prope Anglarium. Nam eius montis cacumen ex hoc lapide constat.

C A P. L I X.

T Alcus vulgo appellatur in Italia lapis ex tenuissimis laminis veluti bracteis argenteis constans, unde & hic scissilis dici potest. Distat autem a Schisto non solum colore, sed & quia non in rectas laminas scinditur, flexibiles enim sunt & vario modo complicatæ. Eius glebæ ponderosæ, & subvirides, licet bracteæ separatæ sint argenteæ: in igne perennis est, neque enim funditur, neque comburitur, neque colorem amittit: ideo & Ellichnia ex eo complicato faciunt perpetua, ut ex Amianto. Chymistæ tamen artificio solvunt in liquorem, quod oleum Talci vocant, sperantes argenteum splendorem ari tribuere. Nam pulvis eius Aeri mistus ipsum dealbat: & fictilibus nitorem argenteum tribuit. For-

te hic

te hic fuerit Argyrodamas apud antiquos vocatus, quasi argentum indomitum cum in igne perseveret inuictus. Et Argylolithosa Chimicis vocatus diuersus a Lithargyro, quantum Hermolaus hoc nomen tribuit Seleniti: nam Chimici Lunæ tribuunt argentum. Diogenianus Magnetem vocat non eum qui trahit ferrum, sed hunc tam argento similem, ut decipiat. In multis præterea saxis, harenis, & terris, eius micæ splendent stellæ modo, unde nomen barbarum desumptum videtur: hæc apud Mauros Talc Stellam significat, quo nomine stellam Samiam intelligere putantur. Auicenna tamen eo nomine manifeste non terram, sed lapidem, de quo loquimur, aut Schistum intelligit. Inquit enim periculosum esse si assumatur interius, quia eius laminæ hærent infixæ ventriculo, faucibus, & gulæ. Ideo eget magna industria ut solvatur, & percoletur, & propinetur cum aqua gummi. Sed vltum efficacius esse ac tenuius: ipsum vero non adurit ignis nisi cum artificio. Frigidum est in primo, siccum in secundo ordine: astringens, retinet sanguinem: prohibet abscessus mamillarum & testiculorum, & quæ post aures, & in partibus laxis fiunt. Datur cum aqua Plantaginis ad sputum sanguinis, & fluxum menstruorum, & Hæmorrhoidarum: infunditur dissentericis: quæ facultates conueniunt Schisto paulo ante explicato. Lapis quidam argenteus crustosus & fragilis in colle Petræ Sanctæ, quem ignis non absumit, forte apud Plinium est Galaicos Argyrodamanti similis, paulo sordidior. Multi præterea lapides veluti armatura ab his vestiuntur, quidam aureo colore, ut Hammochrysos inter gemmas, cui videtur aurum in esse harenis mistum. & quædam harenæ apud nos, aurei coloris, quas scriptores aspergunt chartis præscriptis. Ex Schisto aut Pyrite hunc colorem haberi putandum est: ut argenteum ex Talco.

CAP. LX.

G Alactites a Lacte nomen habet quia lacteum succum emittit, cum alioqui cinereus sit, & dulcis ut Dioscorides

rides tradit conditur aqua tritus in Plumbea pixide ob vim glutinis, quæ in eo continetur. Ex quibus colligimus cum Plumbo affinitatem habere: nam & Cerussa candida est, & dulcis: Laudatur ad oculorum fluxiones, & vlcera. Galenus in caliditate, & frigiditate ponit temperatum ob dulcedinem. Plinius meminit inter Gemmas. Galactites inquit, ex vno colore lactis est: eandem dicunt Leucogeam, & Leucographiam, & Synephitem lactis succo, & sapore notabilem. In educatione nutricibus lactis fecunditatem: infantium quoque alligata collo saliuam facere dicitur, in ore autem liquefcere: eandem memoriam adimere. Mittit eam & Achelous amnis. Sunt qui Smaragdū albis lineis circumligatum Galactitem vocent. Hæc Plinius. Ex eodem genere est Melitites, & Morochthus. Melitites quidem a melle appellatus est, quia melleam habet dulcedinem. Est inquit Dioscorides in omnibus Galactiti similis, sed succum dulciorem parit, & valet ad eadem. Plinius inquit: Melitites lapis succum remittit dulcem mellitumque. tusus, & ceræ mistus eruptionibus pituitæ, maculisque corporis medetur, & vuluarum dolores impositus velleri. Galenus huic caliditatis nonnihil adiunxit, ideo colligere possumus aliquam vim abstergendi habere. De Morochtho Dioscorides inquit: aliqui Galaxiam a Lacte scilicet appellant aut Leucographida, quia scilicet eo lineæ albæ ducuntur: in quem vsū hodie Mathematici assumunt. In Aegypto nascitur, quò vt pote molli, & facile liquefcente vtuntur ad lintea dealbanda. Vim haber obstruendi corporis spiracula, ideo confert ijs, qui sanguinem expuunt, Cæliacis, & vesicæ doloribus ex aqua potus: & fluxionibus vuluæ impositus velleri: mollibus oculorum collyrijs miscetur: explet caua, & lachrymas sistit: cum cera ducit ad cicatricem vlcera in teneris partibus. Galenus inquit: hunc minime omnium qualitates participare, nec astringentem, nec morsum, nec absterfionem præferre. Quocirca hoc ipsum dumtaxat huic lapidi inesse, quod deficeret: hunc quidam Moroxum, nonnulli Graphida nuncupant: quia

quia vsum calami scriptorij præstat. Plinius Meroctem vocat inter gemmas, porraceam, quæ lacte sudat. Hodie omnes hos lapides habemus in Aetruria, pictoribus & Mathematicis cognitos ad lineas ducendas. Reperiuntur in fluminibus deuoluti ex Apenino in Lunensi regione. Quidam cinerei, quidam nigri: alij subuirides, alij mellei coloris; omnes tactu adeo lubrico, vt peruncti videantur saponis modo: omnes succum lacteum reddunt ac dulcem, facileq. soluantur. Qui igitur cinereo colore constat, aut nigro, Galactites fuerit: qui flauescit mellis similitudinem etiam in colore præferens, merito dici possit Melirites. Subuiridis autem Morochthus. Niter autem gemmæ instar Morochthus magis quam ceteri.

C. A. P. LXI.

Minium Græcis Ammion appellatur, quia ex harena quadam rubente in metallis argenti fieret, vt tradit Plinius: in Hispania reperiri, sed durum, & harenosum. Optimum supra Ephesum: harenam esse Cocci colore: hanc teri, dein lauare farinam, & quod subsidet, iterum lauare. Quod postea desijt, quia magni operis erat. Celeberrimum ex Sisaponensi regione in Betica, quod non licebat inibi perficere, & excoqui: sed Romam perferebatur vena signata, ibique lauabatur. Harena hæc sine argento excoquitur. Adulterari autem multis modis: esse enim alterum genus, quod secundarium vocatur, in omnibus fere argentarijs, & Plumbarijs Metallis, quod sit exusto lapide venis permisto, qui non rubescat nisi in fornacibus, exustusque tunditur in farinam multum infra naturales illas harenas. Hæc apud Plinium. Dioscorides non videtur hoc distinguere quod secundarium dicitur, ab altero. Nam vbi Minium a Cinnabari distinguit, tradit Minium fieri in Hispania ex lapide quodam permisto argenteæ harenæ, qui non dignoscatur, nisi in fornacibus: inibi enim permisceri in florentissimum & flagran-

grantissimum colorem : Vbi autem de argento viuo agit, inquit, fieri ex Minio, quod male a quibuldam Cinnabaris dicitur. Lapidem hunc, qui continet argentum viuum tanquam vomicam, etiam in argētum excoqui testatur Plinius: compertum est rubicundum esse, licet guttæ argenti viui in eo appareant sparsæ. Ex his colligere licet, Minium quoddam ex harena rubra continente argentum, fieri: hæc aliquando Carbunculum imitatur, vnde Victruius Minij glebam Anthracem a Græcis appellari scribit: aliud ex lapide continente argentum viuum, vt Dioscorides testatur: Tertium ex harena propria, in qua nullum metallum, vt Sifaponense. His addi potest quartum, Minium scilicet secundarium, quod ex sterili lapide fit, nec rubente nisi in fornacibus. Qui Minium in officinis poliunt, faciem laxis vesicis illigant, ne in respirando perniciosam puluerem trahant: & tamen vt per illas spectent: Idem efficiunt & fossiores in Metallis, vt testatur Dioscorides: nam strangulantes halitum emittit. Fuit autem inter pigmenta magnæ autoritatis. Aristoteles 3. Meteo. in fine: id vocat Cinnabari: esse lapidem inter eos, quorum consistentia est puluis coloratus: sic & Galenus vocat. Sed alia est Cinnabaris apud Dioscoridem, de qua egimus in Plantis. Plinius inquit vocem esse Indicam significantem sanguinem Draconis. Ipsum Cinnabari hodie vocat Cinabrium, sed fossile non amplius in vsu, inuento alio genere, quod fit ex sulphure, & argento viuo simul vstis. Hoc vtuntur pictores, & quidam medici in suffumigijs ad morbum Gallicum: & Ceratis excipiunt ad vlcera maligna: habet enim vim causticam, & erodentem. Minij autem nomen in Sandycem Dioscoridis transtulerunt, de qua inferius dicetur.

C A P. L X I I.

O Chra a Græcis dicta, quia luteo colore constat, pictoribus in vsu pro auripigmento, vt Theophrastus refert.
Diosco-

Dioscorides eligendam esse leuissimam & omnino luteam, saturatam, non lapidosam, friabilem, & natione Atticam: vri, & lauari vt Cadmiam. Vim habere astringendi, erodendi, dissipare collectiones, & tubercula: reprimere excre-
 scentia in carne: caua explere cum cerato, & articulorum, topophos comminuere: Quæ facultates ostendunt multum, continere de substantia metallica ignea: ideo extrinsecus tantum adhibetur. Plinius inter pigmenta vocat Sil, qui proprie limus est in metallis argenti & auri, teritur tamen, difficillime, forte ob lentorem Plumbeum, vnde nasci videtur. Optimum quod Atticum vocatur: proximum Marmorosum: tertium genus est Pressum, quod alij Scyricum vocant. Videtur autem aliud intelligere Sil, & Ochram: De Ochra enim inquit, ex Iuba, nasci in Insula maris Rubri, sed inde non adueni ad nos. Fieri autem ex Rubrica vsta ollis nouis luto circumlitis: vt factitium in locum natiui cesserit. At de Sile alias regiones recenset, ex quibus habebatur pigmentum pictoribus necessarium ad lumina & umbras: quod hodie arte paratur ex plumbo vsto vulgoque Giallolinum, vocant. Quod autem Rubrica vsta luteum colorem acquirit, non consentit cū eo, quod scribit Dioscorides: Ochram per vstionem transire in Rubricam. Habetur hodie Ochra proprio nomine appellata pictoribus notissima, quæ multis in locis foditur: videtur ex Plumbi fumo, qui luteus est, ortum duxisse: ideo in metallis Plumbi reperitur. Quidam inter terras reponunt, sed lapidosior est: ideo inter metallicos lapides reposuimus.

CAP. LXIII.

Chrysocolia inter pigmenta recensetur colore virentis: limus autem potius est quam lapis: humor per venam auri defluens crassescente limo rigoribus hybernis vsque in duriciem Pumicis. Laudatior in Aerarijs metallis, proxima in argentarijs: inuenitur & in Plumbarijs vilior etiam auraria.

ria. Fieri etiam traditur cura in omnibus ijs metallis multum infra naturalem illam: immixtis in venam aquis leuiter hyeme tota vsque in Iunium mensem, dein siccatis in æstate, vt plane intelligatur nil aliud Chrysocolle, quam vena putris. Natiua duritie maxime distat, luteam vocant. Et tamen ille quoque tingitur herba quam Luteam appellant. Hæc Plinius. At quæ sit herba lutea incompertum est, quæ etiam tusa Cæruleum tingi scribit, quod pro Chrysocolle venditur vilissimo genere, & fallacissimo. Videtur autem Plinius ex vulgata opinione loqui, cum dicat. Luteam putant a Lutea herba dictam. Verisimilius enim est præparatione floridum colorem acquirere qualis est herbe segetis lætæ virentis, in quo summa est eius commendatio: qui color Græcis *χλωρός* dicitur: & a quibusdam vertitur luteus, vt auis *χλωρίς* lutea Latinis appellatur. Dicitur autem Chrysocolle quasi auri glutinum, non quia hæc in eum vsum veniret, sed quia imitaretur aurificum Chrysocolleam, quæ ex Cypria Aerugine, & pueri impuberis vrina addito Nitro temperabatur, Santernam Latini vocant. Huius loco hodie quodam genere nitri vtuntur ad aurum glutinandum, quem Boracem vocant. De nativa Chrysocolle Dioscorides inquit, laudatissimam esse in Armenia colore porri quam similimo: Secundo loco Macedonicam: deinde Cypriam, quo in genere præfertur pura, damnatur quæ terram aut calculos collegerit. Sæpius tunditur, lauatur, percolaturque & siccatur, donec syncera spectetur. Vim habet valenter digerendi, & siccandi, carnem liquat absq. insigni morfu: Cicatrices exterit: excrescentem carnem coercet, astringit, & purgat: Intus assumptæ vomitiones concitat, & enecare potest. Easdem facultates habet aurificum Chrysocolle, sed tenuior est quam metallica: magis desiccet & minus mordicat, commodissima vlceribus contumacibus apud Galenū. Hodie etsi in metallis præcipue æris Chrysocolle inueniatur, qualis descripta est: non tamen assumitur in vsum quempiam. Nā pictores pigmenta viridia alia ratione parant.

CAP. LXIII.

Lapis Armenus pigmentum facit, quod Armenium vocatur. Armenia eum mittit: est Chrysocollæ modo infectus: optimumque est Armenium quod maxime viride est communicato colore cum cæruleo. Inuenta per Hispanias harena est similem curam recipiens: Distat a cæruleo candore modico, qui teneriorem hunc efficit colorem. Hæc apud Plinium. Dioscorides inquit. Armenium præfertur leuē colore cæruleo per quam æquabile & syncerum, friabile. Eadem præstat, quæ Chrysocolla, sed inefficacius. Amplius vim habet ad pilos in palpebris alendos. Galenus Armenia-cum inquit, vim habet abstergentem cum leuicula acrimonia, & leuissima astringitione: ideo ocularibus miscetur facultatibus, & per se ad pollinis lauorem redactō vtimur sicco ad pilorum in palpebris incrementum. Sed præter has facultates Alexander Trallianus primus laudauit lapidem Armenum optime lotum ad purgandos humores crassos, & melancholicos feliciter quam per Elleborum album: a quo cum accepissent Arabes, experti sunt efficaciorē quoque esse lapide Lazuli. Oportet autem eum præparare diutius terendo, & lauando. Quod si non præparetur, mouet simul per inferiora, & superiora cum labore: at lotus per inferiora tantum & sine noxa. Confugiunt autem ad hoc medicamentum, vbi alia non prosint. Extant & pillulæ de lapide Armeno apud Mesuem. Sed vtrum hunc lapidem legitimum habeamus a multis dubitatur. Nam controuersia ortæ sunt ex varia descriptione. Dioscorides enim colorem cæruleum ei tradit, similiter Auicenna. Plinius viridem esse prædicat, vt Chrysocolla, sed admisto cæruleo. Mesues inquit, melior est habens colorem medium inter viridem, & obscurum terreum & Indum, & habet macularum distinctiones virides, & nigras, & qui non est lapidosus, sed facilis dissolutu in puluerem: & qui est tactu lenis carens asperitate. At in lapide,

qui hodie appellatur Verdazur vulgo, quasi viridis & cæruleus, sedantur controuersæ. Nam etsi Dioscorides præferat eum, qui est colore cæruleo, innuit tamen viridem esse, cum eundem coniungat cum Chrysocolle etiam viribus: unde non mirum, esse vomitorium medicamentum ut Chrysocolle nisi optime lauetur. Color vero Indus, quem Mesues illi tradit, cæruleum significat: Indicum enim inter pigmenta est, quod diluendo misturam purpuræ cæruleiq. mirabilem reddit, ut Plinius inquit. Habetur hic lapis multa copia ex Germania, ex quo pictores pigmentum Armenium conficiunt, appellantes Verdazurum. Lapilli sunt varij maculis alijs viridibus, alijs cæruleis, alijs nigricantibus: in quibusdam vincunt cæuleæ, quales præferre videtur Dioscorides: in quibusdam virides pictoribus magis expetiti, ut innuere videtur Plinius, optimum Armenium prædicans, quod maxime viride est. Constat igitur hic lapis ex Chrysocolle & cæruleo, utrisque vim purgandi habentibus: sed Chrysocolle periculosior est, ut pote quæ ex ære ortum ducat, & ad Aeruginem accedat. Sic & Smaragdi pulvis vomitorius est: ab eodem enim principio ortum ducere videtur. Alia vero est terra Armenia, seu Bolus Armenus, licet & hic lapis a quibusdam dicatur.

CAP. LXV.

C Aeruleum harena est ut Plinius inquit, in auri, & argenti metallis. Huius genera tria antiquitus. Aegyptium quod maxime laudatur. Scythicum, quod facile diluitur, cumq. teritur, in quatuor colores mutatur, candidiorem, nigriorem, crassiorem, tenuioremque. Præfertur huic etiamnum Cyprium: Accessit his Puteolanum, & Hispaniense, harena ibi confici cæpta. Tingitur omne, & sua coquitur herba: bibitq. succum: reliqua confectura eadem quæ Chrysocolle. At quæ herba sit, quæ tingitur non explicatur: ut hoc quoque fabulosum putetur, quemadmodum in Chrysocolle. Quod ex eo arguitur, quia adulterari scribit incocta
viola

viola arida; & succo expresso in cretam Eretriam, sed depræ-
hendi syncerum igne, vt flagret: ignis enim quemcumq. suc-
cum herbaceum absumit, metallicum nequaquam. Ex cæ-
ruleo præterea fit quod Lomentum vocatur: perficitur id la-
uando terendoque, & hoc est cæruleo candidius. De eodem
inquit Dioscorides. Cyanos oritur in Aerarijs metallis in
Cypro: copiosior ex harena littorali iuxta quosdam spectus
maris excavatos, qui magis probatur. Eligi debet valde sa-
turatus. Vritur vt Chalcitis, lauatur vt Cadmia. Vim ha-
bet reprimentem, & modice erodentem, crustas gignit, &
exulcerat. Galenus quoq. medicamentum asserit acri facul-
tate tum detrahendi tum digerendi potentiore quam Cin-
nabari. Inest quoque ei nonnulla astrictio. Hodie hoc habemus
inter pigmenta nobilia: appellant azurum vltra mari-
num, quod forte Aegyptium significat cæteris prælatum.
Alterum ex Germania habetur vilius, quod Scythico vide-
tur respondere. Differt autem Cæruleum a lapide Lazuli in-
ter gemmas quamuis eandem naturam participare videan-
tur, vt Smaragdus, & Chrysocolia. Gemma enim non adeo
copiosa est, vt specus eius harena pleni reperiuntur, vt in Cy-
pro: præterea durities renuit, vt pigmenta ex ea fiant: quam-
uis sint qui testentur ex lapide Lazuli fieri cæruleum vltra-
marinum optimum, quod non est absurdum. Apud Serapio-
nis interpretes lapis Lazuli vocatur, qui apud antiquos est
lapis Armenus: forte ob cæruleum colorem, qui ei admixtus
est. Vnde significatur hanc vocem Lazuli, quod apud barba-
ros cæruleum significat; omnibus accommodari, quæ eum
colorem participant, seu gemmæ sint, seu harena. Omnes vni
purgandi habent, vt de Armeno patuit & de lapide Lazuli
apud Mesuem: Sed de lapidibus hæc satis.

FINIS LIBRI SECVNDI.



DE METALLICIS

LIBER TERTIVS.

ANDREA CAESALPINO

AUCTORE.



IAM ad Metalla accedamus, & ea quæ ex Metallis separantur. Prius autem eorum generationem explicemus. Vulgata est Chimistarum sententia: Metalla omnia ex sulphure tanquam semine maris, & ex argento viuo tanquam menstruo coagulari. Pro differentia autem istorum principiorum diuersa oriri metalla, partim quidem ex argenti viui puritate, & impuritate, partim vero ex sulphure coagulante: quoddam enim ponunt incombustibile album, vel rubeum, vnde argentum vel aurum fieri asserunt, quæ igni resistunt: quoddam combustibile vnde fiant cetera metalla imperfecta. Inter eos autem quidam videntes tantum sulphuris, quam argenti viui esse proprias fodinas: in Metalis autem neutrum reperiri, nisi forte raro: dixerunt vtraque principia in terream quandam substantiam conuersti, quæ sublimata, & aquis lambentibus purgata, calore subterra-

subterraneo in Metallum transeat. Non absimilis est sententia, quam Democrito ascribunt, calcem & lixiuium, seu cinerem infusum, vt alij dicunt; materiam esse Metallorum. Has sententias ex arte Chimistarum prolatas esse testatur Albertus. Alio tamen modo naturam Metalla parere, quam imitari in omnibus ars nequeat. Ex propria igitur sententia idem asserit Metallorum materiam vt omnium liquabilium aquam esse, at non simplicem, facile enim in igne metalla euanescerent: sed vinctuosam seu viscosam, non tamen cremabilem, vt sulphuris, puram non seculentam admistam terreo tenui optima permissione, vt tangenti non adhæreat. Hanc materiam inquit coctione, non assatione perfici, & in metallum conuertri. Non desunt, qui hanc quoque impugnent, quia pinguedo nulla reperiatur incombustibilis. Idcirco aliam rationem excogitarunt. Aqueam quidem esse Metallorum materiam, paucio terreo admistam, vnde perspicuitas auferatur: humorem hunc a frigore congelari, & in metallum verti. Sed admodum frigida est ratio. Quid enim non aqua, & terra constat mistorum, quæ hic sunt? Præterea quæ ratione lapidum perspicuorum generatio distabit apud eos? ponunt enim aquam esse a frigore congelatam. At vero neque lapides opaci & fusibiles distabunt a metallis: Amplius nullus humor aqueus frigore densatus ductilis est, sed fragilis, vt glacies. At Metalla ductilia sunt & pressilia. Melius igitur Albertus humorem pinguem posuit, non frigore, sed calore addensatum: sic enim multos succos videmus post eorum incrassationem pressiles esse, vt lac plantarum succi. Sed tamen a Peripatetica disciplina & ipse recedit, neq. solus ipse, sed quicunq. humorem materiam ponunt seu a calido, seu a frigido condensatum. Quod videntur etiam intellexisse, qui calcem & lixiuium, seu cinerem infusum dixerunt. Si enim humor aliquis esset qui incrassetur in fodinis metallorum, veniret aliquando in conspectum non adhuc densatus, aut non integre: nullibi tamen hoc apparet. Præterea possemus per ampliores decoctiones corpora molliora, vt Plumbum;

& Stan

& Stannum indurare, quod non contingit: nam in igne aut totum euanescit in fumum, aut relinquitur quiddam, quod metallum non est, vt Scoria; siquid autem remanet in forma Plumbi, aut Stanni, eandem mollietatem & fusionis modum habet, vt prius. In eandem difficultatem inciderunt, qui conati sunt argentum viuum coagulare per decoctionem: non enim ad id peruenire potuerunt, vt contingere videmus in cera resinis liquidis, & succis. Relinquitur vnus modus ab Aristotele positus 3. Meteo. cap. vlt. quem aut non animaduertenter posteriores, aut non bene intellectum audacius reprobauerunt quidam. Verba Aristotelis in hunc modum habent. Facit autem hæc omnia exhalatio vaporosa inclusa, & maxime in lapidibus propter siccitatem in vnum coarctata, & coagulata, veluti ros aut pruina, cum segregata fuerit: hic autem antequam segregetur, generantur hæc. Quo loco per siccitatem exhalationem siccam intellexit, quæ est coagulationis causa in Metallum. Vult igitur Aristoteles quemadmodum fossilia omnia ab exhalatione fumosa fiunt, vt superius explicatum est: sic metalla omnia ex vaporosa ortum ducere: humiditas enim præualeat, cum fossilia sint aut ductilia. Modum autem generationis hunc esse: vt vapor subterraneus inclusus præsertim in lapidibus, propter siccitatem id est siccam exhalationem, quæ sursum ducebat, coarctetur in vnum, & coaguletur veluti ros, & pruina, in minimas scilicet guttas: quod profecto sine frigiditate non fit: sed hæc differentia est quod in roris, & pruina generatione, separatur dicta siccitas, quæ sursum ducebat: at in metallorum ortu, segregatio illa non fit, simul enim comprehenditur sicca exhalatio. Nam antequam vapor qui erat potentia aqua, verteretur in aquam actu, coagulata exhalatione vertitur in metallum: quod fieri nequaquam potuisset, si iam transisset in aquam: ex aqua enim tum simplici tum aliquid passi, vt humores, non fit metallum, vt superius patuit. Fit autem id sub terra, & in lapidibus magis, quia exhalatio fumosa minus separatur in loco angusto. Apprehensus igitur

huius-

huiusmodi spiritus, & coagulatus simul retinet vaporem sibi
 vniformiter coniunctū, eūq; indurat, antequam in aquam
 vertatur. Ideo non adharet tangenti, neque madefacit: ae-
 rea enim humiditas non bibitur a terra, vt aquea, neq; ma-
 defacit. At in locis patentibus euanescente spiritu vapores
 derelicti a calido, in aquam vertuntur. Hinc fit, vt omnia
 metalla præter aurum comburantur: habent enim siccam
 exhalationem, adeo vt quædam flammā edant sulphuream,
 vt Aes: aurum autem solum non comburitur: post ipsum ar-
 gentum: Quoniam sicca exhalatio quædam incombustibilis
 est, vt ea, ex qua sales gignuntur. Hæc Chimici intellexisse vi-
 dentur, cum scribunt: argentum viuū idest vaporem coa-
 gulari odore sulphuris idest a modica quantitate exhalatio-
 nis siccae, quam duplicem statuerunt, appellantes vnum sul-
 phur comburens, alterum incombustibile: Vbi igitur mini-
 ma eius portio apprehensa fuerit, eaque combustibilis, ar-
 gentum viuū fit, quod liquidum est, & facillime euolat in
 igne, nihil enim habet quod resistat, ne iterum exhalet. Vbi
 vero maior eius portio apprehenditur, vt soliditatem præ-
 stet, sed maiori ex parte sit combustibilis, metalla fiunt mol-
 lia, vt Plumbi genera: pinguedo enim exhalationis facilem
 præstat fusionem. Quæ autem exhalationem sortita sunt ma-
 gis incombustibilem, hæc difficilius funduntur, vt corpora
 dura. Aes, ferrum, aurum, argentum. Incombustibilis enim
 exhalatio non patitur sui rarefactionem. In ferro igitur ma-
 xima est huiusmodi portio, quæ & crassissima est: ideo inter
 illiquabilia aliquando ponitur ab ipso Aristotele. Si autem
 ferro addatur sulphur, facile funditur, vt patet experientia.
 In Aere plus inest exhalationis combustibilis, ideo flammam
 edit, & facilius funditur quam ferrum. In auro & argento
 exhalatio in minima quantitate est, eaque aut omnino in-
 combustibilis, vt in auro, aut paulo minus, vt in argento.
 Hæc enim ob paucitatem non difficilem reddit fusionem: quia
 vero incombustibilis est, in igne plus resistunt quam cætera
 Metalla, ne euolent. In combustionem autem Metallorum,

Y si quid

DE METALLICIS

si quid relinquitur, incombuſtibile eſt, vt ſcoria: appellata, quæ fuſionem patiuntur vt vitrum; vaporola enim exhalatio ſiccitati optime admiſta fuſionem præſtat, ſiccitas autem frangibile reddit corpus. Ideo Scorias fuſibiles ſunt, non ductiles. Quod autem roris, aut pruina modo fiat exhalationis condenſatio in metallum, illud indicio eſt. Quia in fodinis metalla non reperiuntur coagulata in molem ingentem, ſed aut ſparſim minutis granis intra terram, aut in tenuiſſimas bracteas compoſita, quod in vena ferri maxime ſpectatur ſimilitudine lapidis Schiſti. Nam ob materiæ exiguitatem, celeremq. coagulationem, glutinari nequeunt in maſſam inſignem, vt contingit aquæ pluuiæ, ſed aut corpuscula admodum minuta conſiſtunt glebam conſtituentia magis & minus lapidoſam: aut in latitudinem quandam vniſormiter diſtenſa coagulantur ſecundum tennes cruſtas coagmentata, quia altera materia adueniens hæſere quidem poteſt cruſtæ coagulata, glutinari autem illi nequit: hoc pacto laminofum corpus fieri neceſſe eſt. Pilorum autem inſtar fibroſum in metallis minus reperitur, ſed magis in foſſilibus, vt aluminis ſchiſti, & Amianto lapidi contingit: cuius panem enim hæc ex radice quadam vt ſitus effloreſcens. Quod aliquando in argêto, & auro vidimus, cum artificio per argentum, vitrum ſublimantur, aſcendit enim ex maſſa capillorum modo ſubſtancia vaſculis adhærens. At generatio metallorum non ex ſublimatione metallorum fit, ſed ex exhalatione prædictæ abiuncta a corpore, vnde naſcitur in profundis terræ. Quod vero ſcribunt maſſam aliquando inſignem auri aut argenti, aut aliorum metallorum in fodinis repertam eſſe, id fit ob materiæ abundantiam, quæ tota ſimul coagulata molem huiusmodi conſtituerit, ſed id raro contingit. Raro etiam purum metallum in fodinis reperitur frangibile enim eſt, non ductile ob lapidoſæ ſubſtantiæ admiſſionem, quæ in igne fundente ſeparatur in Scoriam ſpurgato interim metallo ab alienis ſubſtantijs admiſtis. Vnde quis merito dubitare poſſit, vtrum a natura an arte metallum gignatur: eget

enim

enim artificio, ut etiam vitri confectio. Sed ars separat tantum quæ a natura condita sunt: efficere autem nequit metallicam substantiam: quod forte idem contingit in vitro, extrahitur enim liquor huiusmodi ex lapidibus illum continentibus. Purum tamen aliquando metallum repertum esse in fodinis testantur. Quid enim prohibet, separationem terreæ substantiæ quam facit ars, sponte aliquando fieri a natura? De generatione igitur metallorum in communi hæc dicta sint.

Divisio autem eorum summa est in liquabilia & ductilia. Liquabilia ut Plumbum, Aes, aurum, & cætera; ferro excepto: hoc enim illiquabile ponitur, licet excessu ignis liquetur cuius causam ætuli mus: sed ductile est, unde reponitur inter metalla, cum alioqui illiquabilia ponantur inter sicciora 4. Meteo. cap. 6. Quod igitur liquabile tantum est, non ductile inter metalla stannum reperitur: Ductilia autem non fuisse, solum ferrum. Ductilia simul & fusilia; cætera metalla. Omnia autem humidiori materia constare necesse est. Non enim in igne funditur nisi humidum a frigore congelatum: nec malleo ducitur nisi molle, hoc autem ad humidum pertinet. Sed merito quis dubicabit, propter quid non omne liquabile etiam ductile sit, & e converso cum utraq. affectio ab humiditate fiat? Dicendum est liquabilia esse, quæ potentia humida sunt, sed actu sicca, ut glacies. At ductilia sunt quæ actu aliqua ex parte sunt humida, non omnino humida, aut sicca. Nam neque aqua ductilis est, neque lapis, sed utraque frangibilia sunt. Vitrum igitur & glacies liquabilia quidem, quia humiditatem habent a frigore congelatam: at non ductilia, quia actu omnino sicca sunt. Argentum autem vitum fragile est ut aqua, ideo & metalla, quibus iungitur reddit fragilia. Idem efficit Stannum: nam si Aeri admisceatur, aut argento, fractionem af-

fert. Ductilia autem sunt cetera metalla; quia in coagulatione non extoto reddita sunt sicca; sed mollities quædam magis & minus relicta est. Ideo ferrum quod durius est eo minus ductile; ut patet, quando in Calybem conuertitur per iteratas fusiones, si præsertim in succis, quibusdam astringentibus extinguatur: fragile enim redditur, neque ductile fit, nisi igne mollescat. Quomodo autem sub hac diuisione contineantur omnia corpora metallica, tam venæ metallorum, quam quæ ab ipsis egrediuntur ut Scorix, & quæ similem naturam habent, ut vitrum, superius explicatum est. Omnia enim hæc dominantem habent vaporosam exhalationem, ideo inter ductilia sunt aut fusilia. Metallorum autem species quidam septem ponunt secundum numerum Planetarum, a quibus exortus principia ducti creduntur: Vnde Chimici nominibus Planetarum singula appellant, ascribentes Saturno Plumbum: Ioui Stannum: Marti Ferrum: Soli aurum: Lunæ argentum: Veneri Aes: Mercurio argentum viuum: Imitati Platonicos, ut Ficinus testatur in Critia: sed quibusdam mutatis. Nam Ioui Electrum tradunt: Marti Aes & ferrum: Mercurio Stannum: eximunt autem argentum viuum e numero metallorum. Alij sex tantum esse Metalla: duo perfecta aurum & argentum, quatuor imperfecta, quorum duo dura sunt, ferrum & Aes: duo mollia Plumbum & Stannum. Argentum viuum non adhuc metallum esse sed in quodcumque mutari posse, si congeletur. At hoc opus, hic labor est. Ponitur enim ab Aristotele incoagulabile. Quod si hoc verti nequeat in metalla, quorum putatur esse materia, multo minus ipsa metalla inuicem transmutari possunt, nisi vertantur in materiam vtriusque communem. Oportet igitur tam metalla, quam argentum viuum resolvere in vaporosam exhalationem, ex qua facta sunt & fumosam vniuscuiusque, ut iterum perficiantur. At id impossibile esse ipsimet Chimistæ fatentur. Quod enim natura calore cælesti sublimando perficit in visceribus terræ, non potest artifex calore ignis in vasis exiguis imitari. Ideo quidam

ex ijs aliam rationem excogitarunt, vt ex Metallis iam natura conditis elicerent id quod perfectum est in ipsis. Putant autem in omnibus contineri aurum, & argentum, sed latere ob impuritatem admistam in metallis imperfectis. Vt igitur hanc eliciant, & de commisto separent, medicamentum componunt, quod proiectum super illa in fusione, id præstet. Quoniam vero attractio non fit nisi inter similia, ideo innuunt obscuris tamen verbis, vt solent, medicamentum id fieri ex auro ad extrahendum aurū, & ex argento ad argentum. At vero experti ea in sua crassitie minus penetrare in profundum eorum quibus commiscetur, varia adhibēt artificia ad attenuandum, partim coquentes cum argento viuo, cuius natura est peruadere in profundum Metallorum, partim cum aquis acutis ex salibus & aluminibus, variisque ingenijs lapidem constituere profitentur rubrum aut album, subilem vt cera, ingressuum in metalla, & tandem purgatiuum ab omni impuritate id quod inest in ipsis auri, aut argenti, colorem addendo, & pondus & cæteras condiciones perfectorum. Verum etsi reperiantur aliquando in fodinis metalla mista cuiuscunque generis, non tamen post eorum separationem quæ artificio fit in fornacibus, remanere semper alterius mistionem verisimile est. Hoc enim esset secundum Anaxagoræ opinionem putare in vnoquoque cætera inesse, & nullum dari simplex corpus separatum. Inanis igitur est eorum labor, qui tentant extrahere aurum, & argentum ex ijs corporibus, in quibus non est. Delusi autem sunt a varijs eorum pigmentis, quibus aliqua ex patte veluti palliantes imperfectorum metallorum fordes, putant se extraxisse ab ijs aurum & argentum. Sed cum in eorum profundo materia adsit combustibilis, & impura nequaquam tolerare possunt quodcunque examen, aut igne factum, aut per succos acutos erodentes eorum substantiam. Sed nostrum non est eorum ineptias redarguere. Ideo institutum persequamur. Illud contemplatione dignum est, omnia metalla quanuis ex vaporosa exhalatione consent, pondere tamen vincere

omnia corpora, tam lapides quam terram ipsam omnium grauissimam. Nam fusis metallis omnia alia supernatant, vt aquæ oleum aut lignum. Quod argento viuo maxime contingit: nam illi etiam omnia reliqua metalla supernatant excepto auro. Auget admirationem eius natura aerea, ponitur enim ab Aristotele inter eâ, quæ plus aeris habent, 4. Meteo. cap. 8. nam facillime euolat in fumum, quod significat, id maxime ex exhalatione constare: ideo Chimistæ inter spiritus connumerant. An corpora tenuia & humida in vnum & angustum magis compingi possunt, quam crassa & sicca? sicca enim non inuicem glutinantur in vnum: crassa vero difficilius penetrant in angustum. Quando autem multa materia grauis in vnum compingitur, grauius redditur, quam vbi pauca: tanta enim est grauitas, quanta est materia, vt tanta est albedo, quanta est superficies. At metallorum materia cum vaporosa sit, vtrunq. possidet, tenuis enim est & humida. Patet autem experimento. Nam aurum grauissimum omnium, simul & tenuissimarum partium: duci enim potest in bracteas adeo tenues, vt euolent in auram. Nec mirum vaporem vt pote æreum leuem esse, grauitatem autem acquirere in metallorum generatione ampliore quam aqua: nam ab exhalatione sicca alteratus conditiones terræ acquirit, grauiorq. fit ipsa terra, quia humiditatem actu retinet, qua ductibilitas oritur, & tenuissimarum est partium. Talis est humiditas metallica omnium grauissima, non adhærens tangenti, nec madesaciens vt aqua: nulli alij similis: non enim aqua est neque ex aqua, sed erat potentia aqua antequam metallum fieret. Ideo bene a Medicis omnia Metallica terræ species appellantur, etiam ipsum argentum viuum: & omnia vim exsiccandi habent. Sed iam singula explicemus exorientes a perfectioribus: vltimo quæ ab illis egrediuntur, perquiremus.

CAP. III.

Aurum cæteris metallis prælatum non ob colorem flammæ, quia clarius in argento videtur, & longius fulget: nec pondere, aut facilitate materiæ, quia in utroque vincitur a Plumbo, ut Plinius putat. At contrarium apparet, si utraque projiciantur in argentum vivum: Plumbum enim supernatat, aurum solum mergitur, gravissimum igitur omnium. Sed perfectionis signum est quia solum inter metalla in igne nihil deperdit, durante materia etiam in incendijs, rogisque. Quinimo quo sæpius arsit, proficit ad bonitatem. Præterea quia usu minimum ejus atteritur, cum alijs metallis lineæ producantur, & manus sordescant decidua materia. Hinc anuli aurei, cum primum e ferro instituti fuissent a Prometeo, tantum in signum vinculi, sed postea successerunt aurei in signum bellicæ virtutis apud Romanos, aut etiam dignitatis gratia publice dabantur ijs, qui legati ituri essent ad exterarum nationes. Nullum præterea aliud latius dilatatur, aut numerosius dividitur: una enim uncia in septuagenas, & quinquagenas, pluresque bracteas quaternum utroque digitorum spargitur apud Plinium: sed hodie drachma quinquagenas sex digitorum facit apud Aromatarios. Ideo legendum puto apud Plinium: Septingentas, & quinquagenas. Apud Pictores autem triplo numerosiores, & tandem tenuissimas ejus bracteas argento substrato eoque dilatant, ut color tantum non substantia videatur remanere, quibus inaurant æs, ferrum, ligna, marmora. Ducitur quoque eadem ratione in filum tenuissimum, quod stamini circumductum, & per se sine stamine, textitur. Accedit substantiæ incorruptibilitas: solum enim nullam contrahit rubiginem, nec squalorem, adeo ut contra salis & aceti succos rerum domitores constans perduret. Id autem contingit tantum in auro purissimo, Nam impurum floret quidem, sed cæruleum hæmorrhoidissimum. Una tantum res est, quæ veneni mo-

do

do ipsum corrumpere videtur: hoc est argentum viuum: nam quamprimum illud tetigerit, permeat intus, frangit, & tandem in puluerem conuertit, nulla auri specie apparente. Sed in igne resurgit pulchrius quam prius. Hæc igitur indicia sunt nobilitatis substantiæ, ut merito præciosissimum habeatur. Eius autem vena, unde excoquitur, varia est: nam vel in fluminum harenis reperitur, quod genus perfectius est, cursu ipso & tritu perpolitum, in quorum numero Padus est Italiæ: in montibus enim abradi eius micæ tenuissimas vnâ cum lapillis creditur: aut exhalationes subterraneæ in ipso cursu aquarum purgatæ, lapillisque hærentes in aurum conuertuntur. Aliud genus effoditur puteis aliquando summa tellure inuentum, inhæret autem glareæ marmoreæ in Hispania: at in Oriente Sapphiro, quem lapidem Lazuli vocari diximus: & Thebaico, alijsque gemmis. Tertia ratio est excauatis montibus cuniculis per magna spatia actis ad lucernarum lumina. Vena enim propria in fibris saxorum continetur præcipue vbi Silex fuerit, duriores enim lapides ammat. Testatur Albertus eandem auri fibram visam per Sili-cem transeuntem, degenerasse in argentum cum ad aliud genus lapidis mollioris rariorisque peruenisset. Ex quo colligit magnam vim loco inesse ad generanda Metalla, cum ex eadem materia diuersa corpora ob id fiant. An tenuior exhalatio, quæ in aurum conuertitur, exhalat facilius, & euanesceat in lapide rariori? crassior autem cæteris metallis propria non penetrat in lapides densiores? Quauis autem excoqui uenam oporteat, ut perfectum aurum eliciatur, reperiri tamen tradunt in metallis perfectum, quod igne non egeat. Factum quoque aliquando aurum ex auripigmento in Syria pictoribus effosso, sed tam parua quantitate, ut maius esset dispendium. Auro omni argentum inesse testantur uario pondere, alibi dena, alibi nona, alibi octaua parte. Cui quinta pars est, Elcctrum appellatum est, cui maxima authoritas apud antiquos, & quia clarius splendet quam argentum ad lucernarum lumina: & quia natiuum uenena de-

præhen-

LIBER TERTIUS. 111

prehendit: nam in calcybus discurrent arcus caelestibus similes cum igneo stridore. Quod vero aurum purum est, & ab omni argento separatum, Obryzum appellatur, quod igne deprehenditur, si rubeat colore quo ignis. Cum enim ignitur & funditur, rubedinem fulgentem, ignis modo acquirit. Difficillime quoque accenditur. Est & alterum sine igne purum, quod Apyron appellatur, quale Arabicum esse traditur: cætera argentosa Græcis leuca appellata. In medicinis vsurpantur auri bractæ, quæ folia appellantur, ad cordis palpitationes cæterasque eius imbecillitates præsertim ab atrabile ortas: nam arabes vim laxificandi illi tribuunt. Sua enim frigidityte repellit a corde præuas fluxiones: Siccitate autem ac substantia incorruptibili tuetur, ne putrescat. Chimici promittunt eius solutionem, ut poculentum fiat, cui vires tribuunt aduersus omnem morbum: reficere omnes corporis imbecillitates, & in iuuentute conservare: cum tamen aurum ostensum sit a nullo solui, præterquam ab argento viuo, quod venenum est. Quauis autem ponatur in aquis acutis, quas aurifices parant ad separandum aurum ab argento: non tamen in liquorem soluitur: tantum diuiditur in partes insensibiles, quæ iterum siccatis aquis glutinari possunt in pristinum corpus. Tanto igitur minus soluetur ab alijs aquis quæ vim erodendi non habent. At eius pulvisculus ab omni aliena substantia ablutus, utpote tenuissimus, ex quocunque liquore assumi potest, quo modo potabilis redditur. Qui vero putant aurum elixando qualitatem auream iusculis communicare, inanem operam moluntur. At extinctione eius forte aliqua virtus imprimi possit in liquoribus, sed ea potius ex igne erit, quam ex auro. Cauterium tradunt ex auro ignito factum, non excitare bullas, & vlcus citius ad cicatricem perducere. Plinius experimentum quoddam probabile affert: lubet aurum torrefieri cum salis grummo triplici pondere, & rursus cum duabus salis portionibus, & vna lapidis Schistæ: ita enim virus tradit rebus vna crematis in fictili vase ipsum purum, & incorruptum, utitur autem

© All Rights Reserved

Argenti paulo infirmior est natura, nam in igne aliquid deperdit, licet modicum; & a Sulphure comburitur, si illi fuso admisceatur. Et super vapores acutorum expuit suam rubiginem, difficulter tamen, quæ cerulei coloris est hæmenni, pictoribus charior ceruleo ultramarino dicto. Lineas autem ducit ex se nigras, ideo manus inficit. Dilatatur maleo in amplam latitudinem, sed minus quam aurum, quia durius est & crassius. Eodem quoque leuius est, & Plumbum nam fufum illis supernatat olei modo, quibus rationibus discedit ab auri perfectione, sed ceteris longè præstat. Nam splendore & candore omnia vincit. Dilatatur, & textitur ut aurum, aliaque opera ex eo similiter fiunt. Vena, vnde excoquitur, non nisi in puteis reperitur nulla sui spe, ut Plinius scribit, nullis enim scintillis lucet, ut aurum. Nam terra, est alia ruffa, alia cineracea, sed hoc in Hispania. Alibi enim lucentibus scintillis reperitur, ut in Germania tradunt, & in Aetruria vidimus Serauitiæ. Laudant autem fossiores eam, cui minutissimæ sunt scintillæ. Item quæ in lapide candido & Plumboso reperitur, aut quæ soluta est in superficie terræ, sed hæc minus splendet, quam reliquæ. Non laudant in lapide duriori, aut ubi Pyrithes aureus mistus est, sterili enim reperitur. Vbi Pyrithes candidior, rarior, & minor, maiorem spem præbet. Albertus Magnus optimum argentum nasci tradit molle sub terra, ut spissæ pulvis, quod tamen aeri expositum siccat, & congelatur, funditurque in optimum argentum, sed huic admistum est argentum viuum. Minium quoque, cuius vomica est argentum viuum, excoqui in argenteo testatur Plinius. Reperitur & carbunculo similis: quod genus Minij Viétruius Anthracem vocat. Tradunt

dunt in Germania repertas esse in fodinis argēti massas, quę ope ignis non indigeant: quarum vna gloriatur Dux Saxonię, ea forma genita vt pro mensa eius vsus sit. Quemadmodum autem cum auro vt plurimum coniunctum est argētum, sic cum argento Aes, & Plumbum, aut argentum viuum. Non potest autem excoqui argentum, nisi cum Plumbo aut vena Plumbi: nam eius auxilio purgatur. Odor ex argenti fodinis omnibus animalibus noxius est, præsertim canibus vt testatur Plinius. Arabes etiam argentum assument in medicamenta. Laudant enim eius scobem ad cordis palpirationem, facultate scilicet refrigerandi, & siccandi.

C. A. P. V.

AEs imitatur colore quidem aurum, si enim eius rubedo modice diluatur, aurichalcum fit auro simillimum. Substantia autem tractabili, & fusionis tarditate argentum, expectat enim ignitionem antequam fundatur. Differt autem ab vtrisque, quia ignium examen non tolerat, sed comburitur vniuersum, vnde significatur multum continere exhalationis combustibilis, nam præ cæteris odorem & flammam sulphuream reddit. Præterea madefactum facillime contrahit suam rubiginem, quę Aerugo dicitur colore viridi, quod imperfectam mitionem significat exhalationis adustę cum vaporosa: humore enim non soluitur, nisi quod vstionem passum est. Eo Chimistę facile adulterant aurum, & argentum. Tingitur enim argento viuo, aut arsenico, aut Talco in speciem argenti, præcipue addita aliqua portione argenti; Cadmia autem in speciem auri, quod aurichalcum vocant, vulgo ottone. Tradit Plinius etiam natura fieri aurichalcum, quod ob præcipuam bonitatem admirationem obtinuit, sed postea desijt. Effoditur æs multis locis, sed non eadem bonitate. Quondam primatum obtinuit Cyprium, quod Palladius Coprinum æs appellat, vnde apud barbaros Cuprum assumptum est pro Aere. Postea alia

multa huic prælata sunt partim a dominis metallorum appellata, vt Salustianum, Liuium, Marianum: partim a loco, vt Cordubense, quæ naturalia erant. Alia laudata sunt ex artificio officinarum, vt Corinthium, quod in eius urbis conflagratione repertum est a fortuna mistum, postea ab artificibus imitatum, omnium nobilissimum propter colorem. Quoddam enim argenteum videtur, quoddam aureum, quoddam locinoris imaginem imitatur, vnde Hepatizon appellatum est. Aliàs laudatum fuit Aegineticum, & Deliacum, ex loco vbi erant eius officinæ. Misturæ quoque eius diuersæ repertæ sunt ad diuersos vsus, vnde & Aeris cognomina multa. Nam quoddam Coronarium appellatum est, quia dilatatum in tenuissimas laminas, & felle tinctum speciem auri probet in Coronis histrionum: cuius exemplo hodie appellare possemus id quod vulgo appellatur Oroscrillo, ad ornatum solum in vsu. Aliud Caldarium, quod tantum fusile, sed malleo non extensibile, quoniam frangitur. Aliud Ollarium, quia Ollæ ex eo fierent: Aliud statuarium: aliud Formale, quod ex mistura eum colorem contrahebat, quem Græcicum vocant. Præcipue autem Stannum Aeri admiscunt, vbi opera fusoria fiunt, sic enim facilius decurrit, & facilius recipit signa: quam mitionem hodie appellamus Bronzo, ideo nullum malleo extensibile ob Stanni mitionem, quod fractionem præstat. In præcio hoc fuit quondam ob statuas & signa, & vasa, candelabra, & templorum valuas, ac limina: quorum exempla hodie Florentiæ videri possunt in templo S. Ioannis Baptistæ: & Pis in Aede Episcopali. Similis mistura hodie expetitur ad tormenta bellica, quas Bombardas vocant, & ad Tintinnabula, quas campanas appellant. Quod autem in igne ab omnibus vitijs purgatum est, Regulare appellatur. Aera extensa rubiginem celerius contrahunt, quam neglecta, nisi oleo perungantur: si ruant autem ea optime tradunt in pice liquida, qua forte obduta sunt Emblemata illa Imperatorum, quæ adhuc tot annis condita intra terram, eruuntur illæsa. Excoquitur

autem Aes ex vena propria, quam Galenus aliquando terram, aliquando lapidem appellat, coloris purpurei interstinguentibus lineis viridibus, vt Metallici notarunt. Plinius hunc lapidem Chalcitim vocat, in Cypro, vbi prima fuit Aeris inuentio: ex quo eraditur Aerugo Scolecia, & ipsum Aes coquitur. Alium præterea esse lapidem Aerosum, quem vocant Cadmiam cuius celebritas in Asia & quondam in Campania, tandem in Bergomatum agro extrema parte Italiae: in Germania etiam repertum. De quo inquit: Ipse lapis ex quo fit Aes, Cadmia vocatur fusuris necessarius, medicinae inutilis, qui in fornacibus aliam dat Cadmiam, quam medici quærunt. Distat Chalcitis ab huiusmodi Cadmia, quod illa super terram ex subdialibus petris creditur: Chalcitis ex obbrutis mollis natura, friabilis, vt videatur lanugo concreta, & continet tria genera: Aes, Misy, & Sory. At de huiusmodi lapidibus dictum est superius in Pyrite, & Chalciti. Aes in medicina multiplicem habet vsum, præsertim ad vlcera sananda. Intra noxius est eius vsus: ob id abdicantur ænea vasa tum ad esculenta, tum ad poculenta, nisi illita fuerint Stanño: nam cum facile æruginem fundat, noxas inducit graues: Elephantiasim, Cancrum, dolorem Iocinoris, & lienis: præsertim si vasa acidos succos contineant, aut vina dulcia: coque magis, si moram in illis traxerint, amarescunt enim. Testantur Arabes: si vas æneum superponatur piscibus fixis adhuc calentibus, eos infici, adeo vt instar veneni lethales reddantur. Quod si æra illinantur Stanño, cohibetur æruginis virus. Pro vlceribus autem vritur es diuersimode: vt Dioscorides docet: vel cum sulphure tantum, aut addito alumine, aut per se solum. Optimum æs vsum conficiebatur in Aegypti Memphide, deinde in Cypro: cuius notæ sunt: vt sit rubrum, & attritu colorem Cinnabaris imitetur: nam nigrum plusquam decet exustum est. Hodie in Hispania conficitur, appellant autem Ferretum, sed nigrum est, inficit nigredine, ideo vtuntur ad capillum denigrandum. Habet autem acrimoniam cum astringione

atione coniunctam, sed si lauetur, optimum fit medicamentum ad cicatrices inducendas.

CAP. VI.

Ferrum vilissimum omnium censetur, quanuis vitæ humanæ sit maxime necessarium, quia robustissimum est. Ignobilitas tamen significatur, primum ob fusionis impotentiam, significat enim multum continere exhalationis siccæ atque admodum crassæ & terrestris. Deinde ex colore livido materiæ impuritas significatur: facillime quoque contrahit suam rubiginem, & in pulverem tandem vertitur. In examine tamen ignium diutius perdurat, quam reliqua imperfecta, quia multam habet terram incombustibilem. Purgatum vero accedit maxime ad argenti albedinem, vocaturque Calybs & Stomoma Græcis a Latinis autem acies, vulgo Acciaio. Cuius perficiendi rationem docet Aristoteles 4. Meteo. cap. 6. Ferrum enim igne vehementissimo fundunt, ut fluat sicut reliqua metalla: in quo opere separatur multa Scoria, redditurque ferrum purius, ac durius, quod cum sæpe effecerint, sit Calybs. Sed quia ob vim ignis multum ab eo abscedit, unde corpus minuitur, non curant ultimam eius perfectionem, præsertim cum tandem reddatur inutile operibus, nam sit frangibile: operius autem est commodius, quod minus purgatum est. Durius quoque redditur aquarum ratione, in quibus extinguitur postquam ignitum fuerit: extant autem aliæ alijs præstantiores. In Italia Comum ob huiusmodi aquam est nobilitatum. Ferrum enim ibi aquarum vi optimum paratur: varij quoque succi excogitati & medicamenta, quibus loricas, enses, aliaque instrumenta sæpius extinguunt, ut robustiora fiant aduersus omnes ictus, & durissima quæque scindant, & gemmas insculpant. Albertus ad id laudat succum Raphani adiunctis lumbricis terrestribus. Ferri differentia in mollietate, & ductibilitate, quod syncerum est, magis probatur. Admixtum cum Aero

aut

aut Stanno agrestius redditur, operibus fragilius, & difficili-
 oris fusionis. Vena eius copiosissima est in Italia: ob eam
 nobilitata Ilua Tyrrheni maris insula, incredibili copia etiā
 nostris temporibus eam gignens: nam terra quæ eruitur, dum
 vena effoditur, tota procedente tempore in venam conuer-
 titur. Laudant candidiorem, & quæ Rubricam habeat ad-
 mistam: damnant luteam aut nigram. Quædam minoris scin-
 tillis aut veluti bracteis lapidis scissilis modo composita est,
 glebosa, quæ magis probatur. Alia lapidosa, in qua tan-
 quam in radice angulosi lapilli aliquando visuntur, splendi-
 di, de quibus diximus in Hæmatite. Illud mirum: venam
 sine multo labore fundi, vt ferrum aquæ modo decurrat,
 ipsum autem ferrum nō posse nisi aucta vi ignis. Quod osten-
 dit in igne deperire multum de eius humiditate fusionem
 præstante. Si autem sulphur aut Stibium admisceatur, mini-
 mo labore funditur. Ferri natura est exsiccare astringereque.
 Cādens extinguitur sæpius in aqua aut vino aduersus cælia-
 eam passionem, dissenteriam, choleram, stomachi dissolu-
 tionem, & lienosos apud Dioscoridem: prodest humiditates
 exsiccando & astringendo. Ad hæc præstanda efficacior est
 Calybs. Sunt qui huius scobem in vino generoso infundant,
 quod multis diebus propinant ieiuno ventriculo, vt statim à
 potu deambulent, aduersus magnas Hepatis aut Lienis ob-
 structiones: aut ipsam met scobem cum Diarrhodon aut cum
 Hiera exhibent pondere scrupulorum quinque: sed tutius est
 in minori quantitate sumere, præsertim si præparetur, vt iu-
 bent cum aceto, nam in rubiginem conuertitur, quæ malefi-
 ca est.

CAP. VII.

Plumbum quanuis apud Latinos in duo genera distri-
 buatur, nigrum, & candidum, vt inquit Plinius. Apud
 Græcos tamen Molibdos nigrum significat, quod nos sim-
 pliciter Plumbum vocamus: Cassiteron autem candidum,
 quod vulgo Stannum dicimus: Quanuis hoc nomen Plinio
 aliud

aliud significet. Non conueniunt autem nisi in mollitie & fusionis celeritate: in cæteris valde distant, vt patebit. Nam Plumbum grauitate aurum imitatur, nullumque sonum edit, ideo mutum vocant. Eius albedo admodum liuida est, vnde color Plumbeus dicitur de ijs, quorum virtus emoritur. Peculiare huic, quod derelictum fertilius reuiuiscit, crescit enim imbris: vnde Chimistæ argumentum sumunt, etiam aurum, & argentum augeri posse. Sed illud magis admiratione dignum est, quod vstum in fornace, donec cinis fiat, crescit eius pondus octo aut decem pro singulis centenarijs vt Metallici testantur. An idem lateribus in fornace coctis contingit? nam & hi grauiore post assationem redduntur: cum tamē oppositum debuisset fieri, absumpta multa eorum substantia in igne. Sed in locum deperditæ substantiæ accedit fuligno ignis, quæ adhærens lateribus in poris condensatur: simili modo, & cineribus Plumbi, vnde pondus augetur. Id vero magis in Plumbi vstione fit, quia in furno, quem Reuerberi vocant, reflectitur flamma super cineres, ibique suam fuliginem reponit. Huius signum est, quod si iterum cinis fundatur vertitur quidem in Plumbum, sed admodum diminuta mole, reliquum in recrementum transit. Vstione igitur non augetur Plumbum, sed minuitur. At imbris augetur, vt in testis plumbeis refarcitis experimento compertum est: & Galenus testatur, Plumbea statuarum vincula creuisse, & quædam adeo intumuisse, vt ex lapidibus dependerent instar glaciei: contingere id inquit ob aeream substantiam, quam continet cum aquea. Si enim condatur in ædibus subterraneis aerem turbidum habentibus, situm contrahere. Oportet igitur Plumbum exhalationem siccam, & vstibilem habere multam, quam aeream substantiam Galenus vocat: hæc igitur in locis humidioribus vaporosam exhalationem Plumbo hærentem coagulat, efficitque veluti sordem circa Plumbum, vnde augetur eius substantia. Non contingit autem id cæteris metallis, quoniam aurum quidem & argentum non habent exhalationem vstibilem:

Aes

Aes autem & ferrum plus habent de combusta exhalatione, quæ non amplius exhalat nisi in igne. His adde attractionem quandam fieri a Plumbo vaporosæ quidem substantiæ, quando ea superet in Aere humecto & turbido, fumosæ autem in fornace. Vnde ibi quidem augetur Plumbi substantia, hic autem recrementum. Nam etsi cætera metalla in eodem furno vrantur, vt flammam reflexam recipiant, non tamen ijs adhæret fuligo, vt Plumbo: hoc enim solum retinet, cætera reddunt cum substantia euaporante. Ideo cætera assimilantur calci, quæ lenior redditur ex vstione. Plumbum autem lateri, qui grauior euadit. Plumbi vsti cinis luteum colorem contrahit. ob nigram fuliginem albedini mistam. Stannum vero candidum reddit cinerem. Illo vtuntur pictores ad lumina & flammam repræsentandam appellantes Giallolinum. Hoc figuli ad albedinem fictilibus præstandam. Alia præterea est Plumbi conditio maxime necessaria. Est enim veluti Sapo ad sordes abstergendas auri, & argenti, & gemmarum: nam sine eo nequaquam putgari possunt ab ijs, quæ eorum substantiam inficiunt. Iungitur enim Plumbum facillime cum cæteris metallis fuis, sed cum diutius vim ignis tolerare nequeat, dum abscedit, simul aufert eorum sordes. Efficiunt autem hoc opus in auro & argento, quia hæc in igne perdurant illa sa, dum Plumbum euanesceat. Cætera metalla aut non iunguntur, aut coniuncta, non ex toto recedunt, aut tardius. Qui modus purgandi Cupella appellatur ab aurificibus. Quibus iungitur Plumbum aut vena Plumbi, facilius funduntur: ideo expetuntur ad venas agrestiores: neque argentum excoqui potest sine ijs. Gemmæ sordidiores, & obcæcatæ si incoquatur in Plumbo, splendidiore redduntur: quod ostendit aliquam vim attrahentem in Plumbo contineri. Sunt qui testantur, ex Plumbo aliquam portionem argenti viui sublimari, quia multum cum eo conuenit in substantia euaporabili. Impurissimam autem esse eius substantiam ostendit color liuidus cum modico splendore: & quia plusquam cætera metalla, tractantium manus

inficit nigredine. Facillime quoque rubiginem contrahit, quæ Cerussa vocatur. Plumbi vena nunc per se reperitur, nunc cum argento, mistisq. venis conflatur. In Hispania, & per totas Gallias eruitur laboriosius, sed in Britania summo terræ corio adeo large, vt lex vltro dicatur, ne plus certo modo fiat. Alicubi terra est cineracea scintillis minutis splendentibus. Alicubi lapis splendore Plumbeo ex quadratis veluti tessellis constans inhaerentibus saxo candido aut ruffo. Melior quæ in saxo candido, aut terra minutis granis. Dioscorides ipsam venam harenam vocat Plumbariam in spuma argenti. Recipitur Plumbum inter medicamenta externa ad refrigerandum, & astringendum: sistit fluxiones, & cicatricem inducit: ad quem vsum teritur, & lauatur, vt docet Dioscorides, in mortario Plumbeo & Plumbeo pistillo: facile enim ob mollitiem succum reddit: Galenus varios liquores adiungit simul terens, vt efficaciores reddantur. Aut uritur & lauatur ad eisdem vsus, quod siccantiùs redditur, & acrius. Plumbi laminæ lumbis adalligantur ad refrigerandam venenam: & Ganglijs imponuntur, nam ea dissipant.

C A R. V I I I.

Post Plumbum meminit Dioscorides lapidis Plumbarij, quem Molibdoidem vocat, dictum a Plumbi similitudine, cuius vis respondet recremento Plumbi, & eodem modo lauatur. Hic profecto alius est a vena Plumbi, quam harenam Plumbariam vocat, Græce Molibditim, ex qua fit quædam species Litargyri. Puto autem Molibdoidem esse lapidem quendam in nigro splendentem colore Plumbeo, tactu adeo lubrico, vt perunctus videatur, manusque tangentium inficit colore cinereo, non sine aliquo splendore Plumbeo: vtuntur eo pictores corticulis in cuspidem excisis, ad figuras designandas: appellant autem lapidem Flandriæ, quia ex Belgia affertur. Eundem reperiri tradunt in Germania, vbi Bisemurum vocant, quem assumunt cum stibio,

mistura liquefacta ad formandos Characteres, quibus impressores librorum vtuntur, materia admodum dura ac fragibili. Testantur ex eo quandoque excoqui argenti aliquid, & vbi reperitur, subesse argentum sperant. Aliud genus affertur nigrum vt carbo & crustosum, quem pictores Matitam nigram vocant. Hi lapides si vrantur, in Lithargyrum vertuntur, vt vena Plumbi.

CAP. IX.

Alter est lapis Plumbo similis; quod Strimni Græci vocant; Latini Stibium: vulgo Antimonium: de quo inquit Dioscorides, optimum esse, quod splendidissimum est, atq. emicat, confractu crustosum nihil terræ aut sordidi habens, friabile. Plinius inquit: In argenti Metallis inuenitur, vt proprie dicamus, lapis spumæ candidæ nitentisque, non tamen translucens. Duo eius genera: mas, & foemina: magis probant foeminam: horridior est mas, scabriorque; & minus ponderosus, minusq. radians, & harenosior. Foemina contra nitet, friabilis, fissurisq. non globis dehiscens. Videtur autem Plinius ad marem reducere Molibdoidem, de quo diximus, hic enim non fissuris scinditur, horridiorque est, minusq. radians: cum alioqui Molibdoidis nusquam minerit. Affertur hodie Stibiū ex Germania fusum, & in massas congelatū, quo vtuntur præcipue fusores æris ad campanas construendas, nam sonum adauget: Admiscet & vasis stanneis, & ad specula. Ferro admistum reddit fusibile, unde globos conficiunt, quos Bombardæ eiaculantur: sed metalla, quibus admiscetur, fragilia reddit; præter Plumbum. Reperitur & in Aeturia in agro Senensi pluribus in locis. Vim habet astringendi, meatus occludendi, refrigerandi: cohibet exerescentia in carne, & videri ad cicatricem perducit: aufert sordes oculorum, & sistit sanguinem ex membrana cerebri profluentem: & vt in vniuersum dicatur vis vsto Plumbo similis est: priuatim autem ad ambusta, non

patitur pustulas erumpere. Torretur autem certo modo, & vritur vsque ad ignitionem: nam si amplius, funditur in Plumbum. Hæc apud Dioscoridem: At Plumbum id candore argentum imitatur, sed vitro fragilius est. Ex eo Chimiſtæ faciunt oleum rubicundum, quod prædicant ad tingendum argentum colore auri, & ad vlcera contumacia, exedit enim. Nuper ex eo parant lapillos rubentes aut flauos Hyacintho emulos, diutius vſto donec luteus quidam fumus exierit, & in cinerem conuerſum fuerit: quem addita portione Botacis, aut ſalis Armoniaci conſtant, & fundunt ſuper æris laminam, aut marmor: coit enim in lapillos translucidos Hyacinthinos, quod Antimonium præparatum vocant. Hoc poſtquam ad metallorum tranſmutationem reperiffent inutile, conuerterunt in vſum Medicinæ. Exhibent enim eius in puluerem comminuti grana tria, aut quatuor, aliquando vsque ad octo, & amplius cum ſaccharo roſaceo ad purgandos humores craſſos, & melancholicos, in morbis contumacibus. Ducit per ſuperiora, & inferiora: & hanc purgationem ſæpius repetunt. Sanari teſtantur tremorem cordis: Hypochondriacam paſſionem, Aſthmaticos, Hydropicos, Phthiſicos. Sunt qui in robuſtiſſimo corpore exhibuerint vsque ad grana duodecim: Eicere etiam ſanguinem nigrum concretum felici ſucceſſu.

CAP. X.

STannum a Latinis vocatum deriuato nomine a Stimmi, ſimilem enim habet naturam: ab Homero Caſſiteron vocatur. Non reperitur autem apud Dioscoridem niſi velimus cum Stibio compræhenſum eſſe, quod enim ex eo conſtat, & candore, & fragilitate non differt a Stanno: Plumbum tamen id vocat Dioscorides, & Latini diſtinguentes Plumbum candidum appellant. De quo inquit Plinius. Præcioſiſſimum candidum a Græcis appellatum Caſſiteron, fabuloſeq. narratum in inſulas Atlantici maris peti, vitilibuſq. nauigijs

nauigijs circumfutis corio aduehi. Nunc certum est in Lusitania gigni, & in Gallecia summa tellure harenosa, & coloris nigri. Pondere tantum ea depræhenditur: interueniunt & minuti calculi maxime torrentibus siccatis. Lauant eas harenas metallici, & quod subsidit, coquunt in fornacibus. Inuenitur & in aurarijs metallis, quæ Elutia vocant, aqua immissa eluente calculos nigros paulum candore variatos, quibus eadem grauitas, quæ auro. Et ideo in Calathis, in quibus aurum colligitur, remanent cum eo: Postea caminis separantur, conflatique in album Plumbum resoluuntur, Albi natura plus aridi habet, ideo nulli rei sine mistura vtile est. Nec argentum ex eo plumbatur, quoniam prius liquatur argentum. Hactenus Plinius. Videtur autem significare Stannum non vtile esse ob siccitatem ad argentum: quod non contingit Plumbo, hoc enim sua humiditate velocem reddit fusionem argento. Ideo superius dixit: nec ex albo argentum, cum fiat ex nigro. Ex quibus patet Stannum per se solum ob ariditatem inutile esse, difficile fundi tam ipsum quam eius venam: egere Plumbo mollificante: quod hodie affirmant, qui Stannum ex Anglia aduehunt eius metalli fertilissima. Hinc nomen Stanni misturis datum est. Nam primū mistis venis argenti & plumbi primus liquor qui fluit in fornacibus Stannum appellatur Plinio, frangibile enim est. Hoc illitum æneis vasis, saporem gratiorem facit, & compescit æruginis virus: mirumque pondus non auget, specula quoque ex eo laudatissima. Sed postea adulteratum est stannum addita Aeris candidi tertia portione in Plumbum album. Fit & alio modo, misti albi plumbi, nigrique libris, hoc aliqui argentarium appellant: idem & tertiarium vocāt, in quo duæ nigri portiones sunt, & tertia albi: & hoc fistulæ solidantur. Hodie hoc genus vulgo Saldaturam vocant, ferro enim ignito rapiunt aliquam eius partem, qua illico ad eius tactum liquata illinunt Aera, subiecta pice colophonia, sic enim cohæret, & diuersas partes veluti glutem colligat, & rimas claudit, vnde vulgo deriuatum est verbum:

Sta-

Stagnare. Hoc eodem illinunt ollas Aeneas, ne ærugo efflorescat. Sed si plus addatur Plumbi facile contrahunt cerussæ fæditatem. Improbiores ad Tertiarium additis æquis portionibus albi argentarium vocant, & eo incoquunt quæ volunt. Nam si album incoquatur Acreis operibus, vix discerni ab argento possunt. Simili modo argentarium incoquere cæperunt, equorum maxime ornamentis & alijs multis. Hæc apud Plinium leguntur. Patet igitur Stannum, quod hodie affertur ex Anglia ad vasa conficienda, Plumbi portionem habere, extensibile enim est, & facile funditur. Sed cum flectitur, aut dentibus mordetur stridorem quendam edit, qua disrumpatur particulæ stanni humore Plumbi glutinatæ. Si autem cæteris metallis admisceatur, fragilia reddit, excepto Plumbo & auro purissimo, etiam si in minima quantitate addatur, adeo ut solus odor aliquando sufficiat ad fragilitatem præstandam. Si enim in carino in quo stannum fuerit conflatum, Aes aut argentum fundatur, fractionem patiuntur. Cum Plumbo autem conuenit: nam iungi inter se plumbum nigrum sine albo non potest, ut Plinius inquit, ac ne album quidem sine nigro: Quod hoc modo intelligendum videtur. Ex vtriusque enim mistura corpus fit magis extensibile, quam singula seorsum: nam stannum per se non extenditur. Plumbum autem extenditur quidem, sed non in multam latitudinem, disrumpitur enim: at commistum tenuius dilatari potest absque fractione. Oportet igitur tam plumbum sua humiditate extensionem communicare stanno, quam stannum sua tenuitate plumbum tenuius ducere. Esse autem admodum tenuem stanni substantiam ex eo patet: quod inquit Aristoteles 2. de gen. & cor. tex. 90. Stannum in exigua admodum quantitate Aeri mistum colorat tantum, ut videatur esse passio sine materia, quod profecto non contingeret nisi tenuissimarum partium esset, ut diffundi in Aeris ingentem molem posset, & si autem stannum tenuius sit plumbo, non tamen grauius, quoniam ariditas eius non patitur tantam condensationem, quanta fit

fit in plumbi humiditate. Colligi etiam potest eius ariditas ex sono, quem Aeri communicat admistum: Tinnitus enim non in molli & flexibili corpore fit, sed in duro, & quadantenus rigido, ut vno ictu sæpius aer verberetur. Idem præstat & Stibium, & Molibdoides, nam & ipsa sua rigiditate Aeris flexibilitatem contemperant. Affertur ex Germania quoddam genus argenteo splendore adeo fragile, ut vitrum videatur: compositum ex squamis quadratis ad similitudinem Pyritis: Ideo quidam Marcaffitam argenteam vocant, sed facillimè funditur. Admiscet id Stanno Anglico, ut liquefactum facilius decurrat. Tradunt ex fecibus argenti viui haberi. Stannum difficile rubiginem contrahit, quæ candida est: appellatur album Hispaniæ: hodie Biaca Alexandrina qua mulieres libentius utuntur, quam cerussa ex plumbo. Si vratur, vertitur in cinerem candidum, qui conflari iterum in Stannum vix potest sed in substantiam vitream colore lacteo, quo fictilia illinunt, ut in igne crusta vitrea, & candida obducatur. Vasa e stanno post aurum & argentum cæteris præferuntur; quia rubigine minus sædantur: ideo ex eo Aera illinuntur. In medicinis Serapio vim tribuit siccandi, & refrigerandi: in potu remedio est scorpionis ictui in tenuissimum puluerem tritum. Reperiri in suis fodinis frustulis trium aut quinque drachmarum.

C A P. X I.

Argentum viuum opposito modo discedere videtur a natura metallorum, ac Stannum, & ferrum, nam illa ob siccitatem aut illiquabilia sunt, aut fragilia. Hoc ob humiditatem actu inexistentem neque liquabile dici potest, quia liquidum est: per se enim fluit ut aqua, quod cætera metalla in igne tantum fusa id patiuntur: neq. ductile, frangitur enim in guttulas minimas: ideo & metalla quibus iungitur, fragilia reddit, etiam plumbum & aurum: quod efficere nequit ipsum stannum: nam eius ariditas quæ fractio-

nem

nem affert, ab eorum humiditate temperatur. Quod autem humiditas argenti viui metallica sit, patet: nam cum omnibus commiscetur: auidissimè autem combibitur ab auro, & argento; deinde a plumbo & stanno: difficilius adhæret Aeri, difficillime ferro. Chimistæ Amalgama vocant quodcunque metallum cum argento viuo solutum, quod ad similitudinem pulvis redditur, quale Albertus sponte aliquando reperiri tradit in metallis argenti. Vnde significatur vaporosam exhalationem in argento viuo minimè congelatam, ea facilius penetrare, quæ similem naturam habent dominantem: ob similitudinem enim fit attractio & adhæsiō. Aeri igitur & ferro difficilius commiscetur quia magis terrestria sunt: impuram autem esse eius substantiam, patet, nam albedinem habet liuidam ad plumbeum accedentem: & cum tractatur, nigredinem multam relinquit: Quoniam autem in igne facillime euolat cum tota substantia, significatur exhalationem continere non vltam, sed vstibilem: hæc enim attollit vaporosam: non comburitur autem, quia vniformiter cum aquea humiditate dominante commista est, quæ ab vstione defendit. Ideo aeream esse eius naturam tradit Aristoteles, atque ob id incoagulabilem 4. Meteo. cap. 8. Cum autem huiusmodi sit eius natura, cur pondere vincit alia omnia præter aurum, alibi explicatum est. Plinius duo eius genera facit, vnum appellat argentum viuum, alterum Hydrargyron idest argentum aqueum. De argento viuo inquit. In venis auri & argenti lapis est, cuius vomica liquoris æterni argentum viuum appellatur: venenum rerum omnium: exedit ac perrumpit vasa permanens tabe dira: Omnia ei innatant præter aurum, id vnum ad se trahit, ideo & optimè purgat cæteras eius sordes expuens crebro iactatu in vasis fictilibus: ita vitij abiectis vt & ipsum ab auro discedat, in pelles subactas effunditur, perque eas sudoris vice defluës purum relinquit aurum. Ergo & cum Aera inaurantur, sublitum bracteis pertinacissime retinet, qui vsus & Hydrargyro adulteratur. Et aliàs argentum viuum non largum inuen-

tum

tum est: eius lapis etiam in argentum excoquitur. De Hydrargyro autem inquit inuentum esse ex Minio secundario inuicem argenti viui: fieri autem duobus modis. Aeneis mortarijs pistillisque trito Minio ex aceto: aut patinis fictilibus impositum ferrea concha, calyce coopertum argilla super illita: deinde sub patinis accensum foliis continuo igni: atque ita calycis sudore deterfo, qui sit argenti colore, & aquæ liquore. Idem guttis diuidi facilis & lubrico humore confluere: quod cum venenum esse conueniat, vt Minium, temerarium eius vsum esse vult in Medicina: præterquam ad sanguinem sistendum, illicitum capiti & ventri, dum ne quid prætereat in viscera, & vulnus attingat. Argentum solum eo inaurari, cum & in Aera simili modo duci debeat. Hæc Plinius. Dioscorides sub Hydrargyro Græce appellato vtrunque accipit: non enim differre videntur nisi origine. Inquit enim quoddam fieri ex Minio igne attollente fuliginem, quæ calyci superposito insidens refrigerata vertitur in Hydrargyron. Inueniri etiam in testis guttatim, vbi argentum conflatur. Alios esse qui tradiderint per se in metallis inueniri. Galenus nouit tantum id quod artificio paratur. Hodie ex Germania habetur. Foditur eius vena in monte Hydria prope Goritiam lapis est fragilis ad rubedinem tendens ponderosus instar Plumbi, minutis guttis argenti viui splendens: vnde etiam sponte emanant aliquando eius riuuli dum a fossoribus eruitur. Lapidem appellant Cinnabrium natiuum. Gigni etiam tradunt in lapide subalbido liuescente, aut simili Calci. Extrahunt autem argentum viuum igne super fictilia venam continentia, vt per eorum oscula descendat in subiecta vasa sub humo condita, rimis optime clausis. Aiunt ex fæce quæ remansit fieri lapidem fusibilem, quam Marcassitam argenteam vocant, colore argenti, de quo diximus in stanno. Vidi per se argentum viuum Pisis inter saxa, dum fundamenta vetera excauarentur. Testantur præcipue prouenire in locis vliginosis, vbi nebulæ quædam crassæ ante Solis ortum attolluntur in Ve-

re, sed ob grauitatem non altius: arbores eius loci, & si ui-
 reant, frugiferas tamen non esse: ac tardius germinare: his
 signis artifices loca scrutari, ubi proueniat argentum viuum.
 Hæc significant eius materiam esse admodum vaporosam,
 fumosam vero adeo exigua vt non sufficiat ad eius coagula-
 tionem. Eius euaporatio perniciosa est, adeo vt fossiores quan-
 quam vesicis ori applicitis caueant, breui tamen intereant,
 aut Phthisi, aut Asthmate, aut Palpitatione cordis, aut Pa-
 ralyfi. Dioscorides tribuit argento uiuo enecandi vim,
 nam potu erodit interna suo pondere. Et Galenus idem re-
 censet inter Deleteria toto genere 5. Simpl. 19. quæ sunt
 erodentia, quamuis testetur alibi, nunquam se uidisse eius
 experimentum. Sed hic controuersia apud recentiores asse-
 rentes, non genere deleterium esse, sed sola quantitate: fri-
 gidum enim & humidum statuunt in quarto gradu, & ob id
 putrefacere extinto calore innato. Afferunt experimenta:
 quendam fortuito bibisse argentum viuum in magna copia,
 qui cõgelatus paulo mox interiit, repertum sanguinem con-
 gelatum prope cor. Propinari præterea sine noxa pondere
 scrupuli vnus ægre parturientibus ultimo remedio. Sunt
 qui infantibus exhibeant magnitudine duorum granorum
 Milij ad vermes necandos citra vllam molestiam. Paulus
 Aegineta testatur, combustum & in cinerem redactum a qui-
 busdam miceri cum alijs speciebus, ac propinari Colicis, &
 Mous. Quod autem Dioscorides inquit: suo pondere corro-
 dere interanea, Auicenna minime confirmat. Præparatur
 hodie cum aqua acuta coctum, donec in cinerem redigatur,
 qui siccatus in igne colorem rubicundum contrahit, Præci-
 pitatum vocant: Quod imponitur vlceribus putridis præci-
 pue pudendi ex morbo Gallico: nam exerit & siccatur sine ve-
 hementi morfu. Exhibetur quoque intus ad trahendos hu-
 mores crassos, & Melancholicos vice lapidis Armeni, sed
 præcipue in morbo Gallico: videtur enim argentum viuum
 luem illam delere: mouet per superiora, & inferiora. Sed
 satius est more lapidis Armeni diutius abluere cum aqua
 simplici,

simplici, postea cum rosacea, vltimo puluerem exsiccatum vino irrigare aut succo citoniorum adiecto Gummi Arabico: huius hoc modo præparati exhibent grana quatuor, aut quinq. & vsq. ad duodecim cum Mastiches scrupulo vno, & Sacchari rosacei drachmis duabus post assumptionem ferculi. Alij nobilius faciunt, Aurum soluentes in argento viuo, & simul coquentes in oleo sulphuris, postea per se, donec pulvis croceus fiat, cuius exhibent pondus denarij Veneti cū oleo Amygdalarum dulcium: purgat enim omnes humores sine noxa. Nam aurum corrigit eius nocumenta, vt Dioscorides testatur: exhibens auri scobem tenuissimam ad epotum argentum viuum singulari præsidio. Quod autem per sublimationem præparatur cum sale Armeniaco, ascendente in igne vtriusque Sublimatum & congelata in similitudinem sacchari quod vulgo Sublimatum vocant, venenum est acerrimum exedens: vtuntur tamen eo mulieres temperato cum Cerussa ad faciem dealbandam. Ipsum autem argentum viuum cum salina, aut axungia comminutum vt non appareant eius guttæ, quod extinctum vocant, illitum pediculos, & lendes enecat: scabiem malignam sanat, & vlcera praua, nam vehementer repellit, & siccat. Sed mirum, perundis ex argento viuo cum axungia, brachiorum, & crurum articulis, confluere magnam vim pituitæ ad os, vnde totum corpus expurgetur in morbo Gallico: quo remedio dolores sanantur diuturni, & vlcera exsiccantur: sed aliquando lingua ex confluxu pituitæ adeo intumescit, vt contineri in ore nequeat: & processu temporis vt plurimum incidunt ægrotantes in prauas distillationes, anhelationes, & cordis palpitationes. Sed vt ambiguitates soluantur circa eius temperamentum ortas, animaduertendum est: argentum viuum quandiu in sui natura est, frigidum esse, nec multum differere a Plumbo, repellit enim influentes humores, & illitum capiti & ventri, sistit sanguinem, vt Plinius testatur. Vnde non mirum si austum in magna quantitate calorem innatum extinguat: eius vapor paralyfim & conuulsionem faciat: ner-

uis enim inimicum est frigidum. Si autem in exigua quantitate sumatur, ut a calore animalis duci possit ad actum, iam non frigidum esse, sed vehementer calidum & putrefaciens: tunc enim corrodit interanea adiuuante pondere ut facit Lithargyrus potus. Eadem enim Symptomata parit apud Dioscoridem. Cum tamen Lithargyri temperamentum exterius applicati, Symmetrum ponatur a Galeno: non enim exterius ducitur ad actum ut interius. Ponderus autem eorum adiuuat ad impressionem inferendam. Quanquam facilius elabatur argentum viuum, quia lubricum est, ideo sine noxa aliquando sumitur, quia cito descendit. Differunt autem utraque a Plumbo, quia hoc nec intus nec extra vim corrodingi acquirit: pilæ enim Plumbeæ multis annis intra corpus latitare possunt pondere suo paulatim descendentes absque dolore aut erosione. At Lithargyrus cum substantia constet Plumbea, ob præparationem, & vitionem vim erodendi acquisiuit interius tantum. Argentum autem viuum vel absque præparatione interius erodit: Nam ob substantiæ tenuitatem, & aeream naturam facilius duci potest ad actum. Si autem præparetur, ut fiat præcipitatum, iam & exterius erodit: omnium autem maxime Sublimatum. Circa caliditatem igitur & frigiditatem, hoc pacto iudicandum videtur argentum viuum. Circa passiuas autem qualitates, qui ponunt humidum esse, decepti qualitate sensibili liquida non animaduertunt omnia metallica naturæ humanæ applicata sicca esse, ut superius explicatum est, ex Galeno. Quod autem multam pituitam ducat per os, contingit, quia natura eius euaporabilis caput petens, liquefacit cerebri humiditatem, quæ ad palatum descendit, & aliquando prolabitur ad aluum. Sed hæc amplius quam ex instituto nostro dicta sunt.

C. A. P. XII.

EXplicatis metallis reliqua absoluamus, quæ ab ipsis egrediuntur. Quædam eorum oriuntur in fornacibus, in quibus venæ excoquuntur, aut ipsa metalla perficiuntur. Quædam extra. Extra fiunt rubigines de quibus primo loco dicendum est. Hæ sunt veluti metallorum putredines, & sordes quædam. Patiuntur autem id cum manent in loco humido, aut cum suspenduntur super vapores acutorum, ut ex aceto. Efflorescunt autem quædam magis quædam minus. Solum aurum purissimum nullam sentit rubiginem: impurum vero & argentosum, atque argentum ipsum tardissimo tempore sordent. Est eorum rubigo cærulei coloris, & hamantissimi, quam pictores præferunt cæruleo ultramarino. Putandum est eius vires easdem esse cum cæruleo, quod sponte in fodinis reperitur ex vena eorum emanans. Ex ære autem efflorescit Aeruguo, quod vulgo viride æris appellatur. Apud antiquos plures habet differentias. Quædam enim Rasilis appellatur, quia deraditur ex ipso Aere, aut ex lapide æs continente in Cyprijs metallis, quem Plinius Chalcitim vocat, unde æs coquitur. Hoc genus Ion Xyston Græce dicitur. Alia Aerugo Scolecia idest vermicularis, quia ad similitudinem vermiculorum coacta esset, quæ aut arte quadam ex Aere fiebat, aut ex lapide Aerario, ex quo Aes conflatur, sponte habetur, quam fossilem Scoleciam appellant. Tertium est etiam genus Aeruginis, Sâterna appellata, & Chrysocolla, seu aurificum ærugo, quæ sita quondam ad aurum glutinandum, in cuius locum hodie successit Borax. Quo autem facilius Aes floreret super vapores aceti acerrimi collocabant vas Aeneum, aut laminas ne acetum attingerent, & vas esset optime obstructum. Decimo enim quoque die colligitur ærugo quæ deraditur. Aut easdem laminas in vinaceis acescentibus condunt, aut scobem æris, & eiusdem tenuissimas bractæas aceto perfundunt,

omni-

omnibus enim his modis ærugo nascitur rasilis. At scolecia maiore apparatu perficitur: teritur enim acetum album in mortario pistilloq. æris Cyprij, donec crassescat, additurq. portio aluminis, & salis, aut nitri, teriturq. in sole æstiuo sub cane, donec Aeruginis colorem contrahat, & concreseat in speciem vermiculorum. Quidam addunt duas partes urinæ veteris, & efficaciorum efficiunt, colorisque melioris. Santerna eodem modo perficitur, sed pro aceto urinam im-
puberis terunt addito nitro & Cypria æruginē, vt testatur Plinius. Adulteratur Aerugo rasilis pumice admisto aut marmore, aut atramento futorio: Illa attritu digiti madefacti aut dentium depræhenduntur: atramentum autem futorium igne, rubescit enim: aut papiro galla madefacto, nam contactu atramenti nigrescit: visu quoque malignè viret. Scolecia quoque adulteratur rasilī improba addito gummi & formatis vermiculis, quod in totum damnatur. Omnibus præfertur Scolecia fossilis, secundoloco Rasilis, tertio scolecia arte parata. Santerna æquiparatur Rasilī. Habent facultates Aeris combusti, sed efficaciores: acres enim sunt, digerunt, mordent, liquant carnem non modo tenellam, sed & duram. Cum cerato cicatricem inducunt: tandem, vlceribus putridis, & fistulis maxime accommodantur. Hodie tantum rasilis in vsu est: alia verò genera non amplius parantur: Vritur donec colorem fauillæ acquirat, vt Plinius inquit: vel subcineritia fiat vt Dioscorides.

C A P. X I I I.

Ferrugo idest rubigo ferri ruffa est aut crocea ad fuscum vergens, a Chemicis crocum ferri vocatur, quo & infectores vtuntur ad colorem croceum. Paratur eodem modo, quo Aerugo rasilis: sed præstantior ex Scobe in aceto acerrimo, vt in patinis superemineat acetum quatuor digitis. Nam flos eius ascendit olei modo ad superficiem instar telæ Araneæ, colore croceo, quod per interualla colligitur & sic-
catur.

catur. Facultatem habet siccandi, & astringendi. Ea dicitur Achilles sanasse Telephum: pingitur enim eam decutiens gladio. Sistit profluua foeminarum admota, sed potu praestat ne concipiant, vt testatur Dioscorides. Illinitur praeterea Erisipelatis ex aceto & eruptionibus pustularum, & ad multa alia. Recentiores scribunt propinari pondere scrupulorum quinque cum vino calido aduersus antiquas Hepatis & Lienis obstructions: sed sumptam in multa quantitate vomitum prouocare, & ducere ad necem, cuius remedium inquirunt esse aquam, in qua magnes maduerit, aut eius puluerem ex aqua propinatum: reprimere enim eius vim, & vomitum sistere. Tutius autem esse puto, non scrupulos quinque exhibere, sed scrupuli dimidium, cuius character aliquando decipit, cum idem sit cum numero quinario. Alij non rubiginem assumunt, sed ipsius ferri scobem, quam praeparatione conuertunt in rubiginem, hoc modo. Eligunt puram Calybis scobem absq. vlla admixtione aut Aeris, aut Plumbi, aut vitri, nam haec in potu lethalia sunt: eum irrorant aceto in vase mundo, operculo superposito: nam post dies septem inuenitur colore rubiginis, postea siccant, & terunt. Sunt qui abluant cum aqua & aceto, eam percolantes, & dimittunt sub dio, donec putrescat, deinde iterum abluunt cum aqua dulci, & siccata reponunt: hoc enim pacto aufertur rubigo per ablutiones, & scobes purgata assumitur absque periculo. Datur Ictericis, corpus impingat.

CAP. XIIII.

CErussa, Graece Phimmithion, est rubigo Plumbi colore candido, paratur simili modo vt Aerugo, laminis super vaporem aceti appensis: sed hic materia quae soluitur, defluit in acetum, aut etiam deraditur: inde aceto transfuso & colato, crassamentum siccatur teritur, & cribratur: Quod non exit, iterum teritur, & cribratur, repetiturque donec

donec sufficiat. Differentia eius est. Nam quod primo exit, præstantius est, eligiturq. pro medicamentis oculorum: sequentia pro ratione discedunt a bonitate. Inde aceto acrisubacta diuiduntur in pastillos, qui in Sole æstatis siccantur: ita enim Cerussa candida fit, & efficax. Quod si hyemeparare oporteat, supra furnos, balnea, aut fornaces peragendum est, vt calore perficiatur. Leuissima tantum ex omnibus ad candorem foeminarum adhibetur. Torretur autem vno modo in fictili nouo cõtinuè mouendo, donec cinereum colorem traxerit. Alio modo in patinis ferulacea rude versando, donec colorem Sandarachæ acquirat, quam quidam Sandycem vocant, vt Dioscorides inquit. Apud Plinium vsta casu reperta est incendio Pyræ Cerussa in Orcis cremata, qua Nicias Pictor primus vsus est: optima nunc Asiatice habetur, quæ & purpurea appellatur: Fit & cremato Sile marmoroso, & restincto aceto: sine vsta non sunt umbræ. Eandem paulo inferius videtur Sandaracham adulterinam vocare, quæ fit ex Cerussa non in fornace cocta: color debet esse flammeus. Hæc si torreatur æqua portione rubrica admista Sandycem facit: nec sunt alij colores maioris ponderis. Et inter factitios est & Syricum, quo Minium adulteratur: fit autem Sinopide & Sandyce mistis. Hæc Plinius. At pigmentorum commistiones, & nomina ab antiquis vsurpata non pertinent ad nos. Hodie Sandycem idest Cerussam vstam eousque vt colorem rubentem adquisierit, vulgo Minium vocant, facultate longe diuersum a Minio antiquorum, quod Cinnabrium hodie vocatur vt alibi explicatum est. Cerussæ facultates refrigerandi, & occludendi, ideo a Galeno inter Emplastica numeratur: quæ autem per vstionem transijt in Sandycem, tantum reddita est tenuior, sed nondum exalfaciens: vsurpatur a medicis frequenti vsu ad reprimendas fluxiones ex vlceribus, & partibus contusis illita ex cerato, quod vnguentum album vocant. Ex Sandyce autem paratur ceratum ad cicatricem in parribus mollioribus inducendam, vocant vnguentum de Minio.

Minio. Sed hausta Cerussa, lethalis est: nam occludendo & refrigerando, vias spirituum intercludit, & siccando exasperat. Forte & aliquid calidæ facultatis concipit, vt Lymphargyrus: simili enim substantia constat, & Plinius venenum hoc Lymphargyro comparat: linguam aridam reddit, & alia symptomata: Dioscoride, Nicandro, & Auicenna tradita. Ob has Cerussæ noxas verendæ sunt aquæ per filulas plumbeas transeuntes, aut detentæ in vasis non stanno sed Plumbo maiori ex parte illitis: nam ex ijs Cerussa emanat adeo vt aliquando aquam pernoctantem turbulentam reddat. Quæ etiam ex instrumentis Plumbeis distillantur, aquæ non carent aliqua suspitione, præsertim quæ aëres aut acidæ sunt, quanquam desecari facile possunt ob Cerussæ gravitatem. Stannum quo minus Plumbi habuerit admistum, eo ^{albidius} candidius: ^{quod} diximus id album Hispaniæ vocari, candidius Cerussa Plumbea: Alij Biaccam Alexandrinam vocant malleribus notam, & pictoribus.

CAP. XV.

EX durioribus metallis nempe Aere, ac ferro, tum post ignitionem malleo percutiuntur, aut cum extinguuntur in aqua decidit squama, vt pote pars quædam in superficie exusta, quæ abscedit a corpore. Id non patitur aurum, & argentum ob naturam incombustibilem: nec mollia vt Plumbum & Stannum, nam quod ab ijs abscedit in igne nequaquam arefcit, sed eorum quoddam mollius præ se ferre. At duriora corpora, & magis terrestria non solum in igne sed etiam vetustate exsiccata scabrosa redduntur, ac veluti leprosa, ideo si percutiantur, aut etiam flectantur, reddunt squamam quandam friabilem, & puluerulentam. Hæc in Aere duorum generum est. Vna flos æris appellatur, altera squama. Græcè Lepis: in ferro autem squama tantum. Flos æris apud Dioscoridem sit, cum Aes fustum in

Cc

forna-

fornacibus delabatur in receptacula: ibique aspersa aqua, ob
 repentinam congelationem expuitur ramentum quoddam,
 qui flos appellatur, & a quibusdam Plegma idest immundi-
 na veterum clauorum: Optimus est friabilis, in attritu sul-
 uescens, milij instar numerulus, brevis, grauis modice splen-
 dens, gustu astringente, & qui scobem Aeris non participet,
 quoadulteratur, sed facile deprehenditur, dentibus dilata-
 ta scobe. Plinius Plegma vocat: sit inquit, in A. rarijs offi-
 cinis iam liquato Aere, & percocto, additis etiam num car-
 bonibus, paulatimq. accensis, ac repente vehementiore fla-
 tu expuitur aris palea quaedam solum, quo excipitur, straz-
 um esse debet: facile discernitur a Diphcyge aqua: nam
 supernatat. Squama apud Dioscoridem duorum generum
 est: Quaedam ex Cyprijs metallis habetur, quae melior est,
 dicta Helitis, idest clauaris: altera ex Aere albo, tenuis, &
 infirma quae improbat. Seligitur crassa, & rufa, & quae
 aceto aspersa contrahat Aeruginem. Plinius squamam a
 flore Aeris distinguens inquit: sed & Aeris flos medicinae
 utilis est: sit Aere fuso, & in alias fornaces translato, ubi
 flatu crebriores excutuntur veluti milij squamae, quas vo-
 cant florem: cadunt autem cum panes Aeris aqua refrige-
 rantur, rubentque. Similiter ex eis sit, quam vocant Lepi-
 da, & sic adulteratur flos, vt squama vendat pro eo: Est au-
 tem squama haec decussa vi clauis, per quos panes ael ferru-
 minantur, in Cyprijs maxime: Illius omnia. Differentia
 haec est: quod squama excutitur istibus istem panibus, flos
 cadit sponte. Animaduertendum vero est circa verbum He-
 litis, quod a clauis denominatum est: Clauos Cyprios apud
 Palladium significare. Aes Cyprium, forte quia ex eo clauis
 optima fierent quibus navium compage in colligebant: ferrei
 enim clauis citius rubigine absumuntur in aqua: excuteban-
 tur autem ad ars vltum conuenientem huiusmodi clauis vlti
 aeris, magis quam alius generis aeris. Simili modo flos aeris
 ex veteribus clauis ferrugineatis in panes colligebatur: &
 squama

squama Helitis iisdem panibus malleo percussis : quæ ex quocunque Aere veteri, id est collectaneo, & ex usu coempto, vt Plinius inquit, fieri possunt hoc enim attritu domitum & consuetudine nitoris mansuefactum condimentum est æris noui. Non igitur necesse est florem Aeris, & squamam petere ex fornacibus, in quibus nouum æs conficitur, sed in quibuscunque officinis, in quibus æs collectaneum conflatur, & malleis dilatatur, dummodo Aes admistionem non habeat Plumbi, aut stanni, aut Cadmiæ, quæ rubedinem Aeris aut in albedinem, aut in aureum colorem mutant. Improbatur enim a Dioscoride squama ex Aere albo, significans Helitum ex rubro haberi, siue nouum siue collectaneum sit, quale Cyprium est, & hodie in Germania nascitur, multisque alijs locis. Flos quoque candidus reperitur, quem Dioscorides laudat ad aurium grauitates. Illud præterea notandum Milij similitudinem in flore æris intelligi non de granis, sed squamulis Milij, vt Plinius scribit. Idcirco flos æris a squama tenuitate tantum, & breuitate distinguitur. Squama enim crassior est, & latior. Facultates autem eadem, nam astringunt, extenuant, & erodunt. Sed flos tenuiorum partium est quam æs vstum & squama, vt Galenus testatur. Præterea tam flos quam squama vim purgandi habet: nam Flos pondere quatuor obolorum datus extrahit humorem crassum: sed squama ex aqua mulsa aut in Catapotio aquam trahit; lauatur autem diligenter, vt docet Dioscorides. Hodie hæc omnia a medicis despiciuntur, sola ærugine vtentibus, ideo & multis vtilitatibus priuantur, quas tum flos, tum squama præstant in vlceribus: cum tamen in officinis vtraque habeantur, in quibus vasa ænea conficiuntur: vendunt autem artifices tam florem quam squamam figulis ad viridem colorem fictilibus præstandum: sed animaduertendum, apud ærarios artifices duplex genus squamæ oriri, vnum quod sponte abscedit, cum æs ignitum extinguunt in aqua frigida, alterum cum post-

quam refrigeratum est, istibus dilatant. Contra autem in his accidit, quam quod scribit Dioscorides. Quod enim sponte abscedit in aquam, crassius est & latius: quod autem istibus decutitur, longe tenuius est instar squamularum, milij, quo quidam experientia ducti ulcera pudendi exedentia absque ullo morfu sanant longe feliciter quam præcipitato: omnia vero hæc iterum conflari possunt in æs.

CAP. XVI.

EX ferro & Calybe squama decussa a Dioscoride Stomoma appellari videtur. Inquit enim: Squamæ Stomomatis virtus eadem est, quæ squamæ æris: lauatur simili modo, & reconditur, sed ad mouendam alui deiectionem inefficacior est. Sic quoque Plinius accipit verbum Stomoma, cum inquit. Squamæ est alterum genus subtilius, ex summa scilicet lanugine decussum, quod vocant Stomoma: nec dubium est ab alio metallo haberi, quam sit æs, cum dicat Dioscorides eandem vim habere cum squama æris. Si igitur nullum aliud squamam gignit, quam ferrum, profecto dicendum est hoc genus squamæ ex ferro esse. At Galenus 9. Simpl. verbum Stomoma non pro squama accipit, sed pro Calybe, quæ acies Latinis dicitur, inquit: squama alia est Aeris, medicamen vtilissimum, alia ferri & Stomomatis. Et paulo inferius: maiorem obtinet astrictionem squama ferri, & hac etiam maiorem Stomomatis: quam obrem ad contumacia ulcera meliores sunt, quam squama æris. Ex quibus manifestum est, Stomoma apud ipsum significare aciem. Dioscorides forte squamam ferri appellauit Stomoma, quia præferretur ex Calybe, ex quo mucrones fiunt vt Helitis ex ære clauorum.

CAP. XVII.

IN fornacibus autem, in quibus metalla excoquuntur, primo gignuntur scorix, quæ veluti recrcmenta sunt venæ quæ excoquitur, vulgo Loppas vocant. Plinius inquit: Quæ e Catino iactatur spurcitia in omni metallo, vocatur Scoria. Supernatat hæc metallo olei modo, tenax, & lenta, quando fusa est, frigefacta autem congelatur, fragilibusque redditur vt vitrum. Dum vero aliquid retinet humoris metallici, grauis est. At superato per ignem omni humore, leuis redditur, & liquidior & pura: cuius humiditas ob viscositatem non euaporat, nec comburitur, quia quodcumque combustibile erat, in igne euauit, remansit autem quædam humiditas fusionem præstans. Ideo inseruit artificibus ad venas agrestiores fundendas: admiscet enim tritam, vt cum ea citius fundantur: defendit etiam metallum ab igne ne extenuetur in vapores: innatans enim metallo, fit veluti operculum, quod præ sui densitate nihil transmittit, vt vitrea vasa faciunt. Sunt varij coloris, nullæ tamen translucidæ. Ex Are & ferro plerunque nigra, & sordida, spongiosæque, sed cum in igne magis purgatæ fuerint, quæ ex Aere nascitur, rubedinem acquirit, appellaturque Diphryges: quæ ex ferro, cærulei coloris euadit. Ex Plumbo Lutæ: ex argento varia, Hæ solæ recipiuntur a Medicis. De Scoria æris inquit Dioscorides: lauatur vt æs vstum, & eandem vim habet, sed imbecillior. De Diphryge autem appellato, quia bis coctum fit, tria genera inquit esse. Vnum fossile, quod ex luto quodam fit in Cypro sola, eruto ex specu: hoc in Sole siccari, dein sarmentis vri. Alterum veluti sedimentum & facem æris perfecti, inueniri sublato ære post refrigerationem in fundo fornacis adhærens, astringenti gustu, & sapore æris. Tertium fieri ex Pyrite cremato per multos dies in camino vt calx, donec colorem rubricæ contraxerit,

traxerit, quod reponunt. Præterea quosdam esse, qui tradant ex solo lapide de quo æs perficitur, Diphrygem haberi in hunc modum. Torreri cum in areolis, mox in scobres translatum percoqui, & per oram earum ferruminari ambitu, quo detracto Diphrygem esse, quod superest. Præferatur quod saporem æris reddit, æruginisque, astringens, & vehementer linguam siccans: quod nequaquam inest in Ochra vsta, quæ pro Diphryge venditur. Vim habet astringendi, & purgandi, & extergendi: ideo cohibet excrescentia, & vlcera serpentia, & maligna sanat. Galenus testatur se vidisse Diphrygem proiectum a Metallicis tanquam rem inutilem: in medicina tamen multas vtilitates præstantem: valde enim siccatur, & modice mordet. Plinius eadem ferme habet quæ Dioscorides. De secundo autem genere, quod ipse tertio loco numerat, inquit: fieri in fornacibus æris fæce subsidente: differentia est quidem, quod æs ipsum in catino defluit, Scoria extra fornaces, Flos supernatat, Diphryges remanet. Alius modus subiungitur ex aliorum sententia: In fornacibus globos lapidis, qui coquantur, ferruminari, circa hunc æs feruere, ipsum verò non percoqui nisi translatum in alias fornaces, & esse nodum quandam materiæ. Id quod excocto superfit, Diphryga vocant. Hodie fusores metallorum alio modo vtuntur: Cum enim venam fundunt, ne quid in fornace remaneat illiquatum, admiscunt venam plumbi aut plumbum ipsum & scorias, quæ facilem fusionem præstent: cumque vniuersa materia liquata fuerit, & egressa in catinum, auferunt supernatantem Scoriam, quæ prius refrigerata coit, crustis per vices abscedentibus, donec subsidens metallum appareat: quanuis alij apertant orificium, vt prius exeat metallum quam Scoria. Huius præterea metalli pars superior, quæ æris est prius coagatur, quam inferior, quæ est pars Plumbosa & argentea, aut aurea, si ijs vena participauerit. Auferunt igitur crustam superiorem, quæ prius coagulatur, deinde alteram, atque alteram,

alteram, donec totum aes separatum fuerit ab inferiori metallo. Verumq. genus metalli imperfectum adhuc est, & rude ac frangibile. Ideo secundis fornacibus indigent ut percoquantur, & inuicem separentur alicuius generis. Aes igitur illud rude, si suspicentur continere adhuc aliquid argenti, aut auri. Iterum cum plumbum, aut vena plumbi fundant, separantes crustas ut prius: Plumbum enim abluit, & secum ducit aurum, & argentum. Cum igitur sufficienter ablutum existimant, ut plumbi reliquias extrahant, ignem temperatum adhibent, quo plumbum inexistens fundatur, & descendat: Aes autem nequaquam: sic enim redditur veluti lapis spongiosus, qui in sua fornace fusus, & percoctus, in aes purgatum vertitur. cuius Scoria Diphryges est, purgatior quam quae in primis fornacibus exiit, colore rubro: similis reperitur & in ceteris fusionibus aeris, sed in minori quantitate: hanc officina vendunt sigulis Haminam appellantes, magis ponderosam quam squama & flos. Quamvis autem Scoria Metallo supernatet, & resso tamen prius metallo, remanet Scoria in fundo iubarens ob viscositatem. Nam idem contingere testatur Aristoteles 4. Meteor. cap. 6. ferro fusio, subleuet enim, inquit, in inferiori parte Scoria. De Scoria igitur Aeris, & Diphryge haec sufficiant.

CAP. XVIII.

EX ferro scoria largior habetur, quam ex Aere, retiores enim est, & impurius. Abscedit autem non solum a vena fusae in fornacibus, sed & ab ipsomet ferro, & acie, cum in igne mollescat, quod non accidit Aeri, nisi enim fundatur, scoriam non gignit, eamque si fundatur admodum modicam: sed refrigeratione multam reddit squamam, & florem, magis quam ferrum. At ferrum autem, cum sit acies multam gignit scoriam, ideo metalli diminutio insignis succedit, ut Aristoteles testatur. Purgatior autem est

ex acie, hæc enim ceruleum colorem contrahit, qualem aliquando videmus in mucronibus ex optima acie, prius quam fuerint absterfi. Dioscorides huic vim tribuit eandem, quæ rubigini, sed imbecilliores: opitulari potam ex aceto multo aduersus Acrochordum. Galenus inquit, Scoria omnis admodum resiccet, potissimum ferri. Siquidem ad Lenorem redigens ipsam ex aceto quam acerrimo, posse aquæ de quoquens, ad aures, quæ longo iam tempore pure fluxerunt, et vtoti medicamento maxime exsiccatorio, adeo vt mirantur qui præparantem me vident, & ante rei periculum, fidem non habent, aures tale posse ferre medicamentum. Arabes laudant in potu ad stomachum dissolutum, & ad fluxum vrinæ, & menstruorum. Vnde recipitur in confusione Triphera minoris, & in altera apud Rasiræ de Scoria ferri, quam idem iubet præparari fundendo in aceto per septem dies, postea torreri. Alij per quinque dies nutriunt aceto acerrimo, singulis diebus innouando acerum postea torrefaciunt super laminam æream ignitam, deinde terunt in puluerem tenuissimum. Quod medicamentum longe tutius est, quam rubigo ferri, aut eiusdem scobes præparata, quæ hodie vtuntur dimissa scoria.

CAP. XIX.

EX argento habetur Scoria, tantum dum a vena sua purgatur, nam purgatum si fundatur, nullum emittit recrementum, ideo non est sine scoria Plumbi, cum non excoquatur sine Plumbo: Hæc priuatim Heleysia appellata est, quia eius sibilantia tenax vici modo trahitur, dum fusa est, vitro similis, colore nigricante, sed in fracturis splendorem quandam amicum præ se fert aliquando varijs coloribus ceruleo, ac viridi constat. Dioscorides inquit, vim Molybdæne habere, addi emplastris fuscis ad cicatricem obducendam, astringi enim & extrahit.

CAP.

C A P. XX.

Plumbi Scoria distat a cæteris, quia minime lapidosa est, sed lenta ob mollitiem metalli, non fragilis vt reliquæ ideo contumax frangi traditur a Dioscoride. Inquit enim, optimam esse, quæ Cerussam repræsentat, lenta, fractu contumax, & quæ plumbi nihil habet, ad luteum colorem accedens, & quadam vitri similitudine, idest splendore quodam vitri. Eadem potest, quæ plumbum vstum, sed magis astringit: lauatur autem diuerso modo quam cæteræ Scoriæ. Nam cum facile ob mollitiem, eius substantia soluat in aqua, toties abluitur, donec Scoria absumatur, reddit autem in aqua colorem luteum, finiturque vt desidat eius crassamentum, quod affusa aqua digeritur in pastillos. Non habetur pura, cum excoquitur vena cum cæteris metallis. Gignitur in quolibet fusione Plumbi instar corij nigri, aut cinerei, sed nisi amplius percoquatur, non contrahit colorem luteum splendenter.

C A P. XXI.

AD Scoriam Plumbi reduci posse videtur spuma argenti, Græcè Lithargyros: oritur enim ex Plumbo in fornace diutius percocto, donec conuertatur in substantiam quandam olei modo liquidam, quæ frige facta concrefcit in similitudinem spumæ. Ab argento autem nomen habet, quia oritur dum argētum purgatur in secundis fornacibus, quantum & sine argento fieri possit ex solo Plumbo, aut vena plumbi, vt Dioscorides tradit. Cum enim sine plumbo argentum purgari non possit; dum feruet mistura, plumbum paulatim vi ignis extenuatum leuitatem acquirit argento supernatās, cum prius eidem ob naturalem grauitatem subsideret: Fit igitur veluti Scoria, quæ iactatur ad latera, vnde artifices exitum parant; appellant autem Ghettam vulgò, qua vtuntur figuli cum harena vitri, aut cum cinere stanni ad crustam

D d vitream

vitream fistilibus inducendam. Fusionem enim facilem præstat corporibus. Dioscorides tria genera facit. Quædam, inquit, gignitur ex harena plumbaria in fornacibus, donec perfecte vratur. Altera ex argento, tertia ex Plumbo. Præfertur Attica, secunda Hispaniensis: has sequitur quæ fit Puteolis, Baijs, in Campania, & Sicilia: nam plurima in his locis gignitur e Plumbeis laminis flagrantibus. Quæ flauo colore splendet, Chrystitis appellatur omnium optima: Quæ in Sicilia Argyritis: Quæ ex argento Calabritis. Hæc Dioscorides. Plinius tria genera hoc modo distinguit. Optima, quam Chrystitim vocant, secunda quam argyritim, tertia quam Molybdirim: & plerumque omnes hi colores in eisdem tubulis inueniuntur. Chrystitis ex ipsa vena fit. Argyritis ex argento, Molybdiris Plumbi ipsius fusura, quæ fit Puteolis. Omnis autem fit ex cocta sua materia, ex superiori Catio defluens in inferiorem, ex eo sublata veruculis ferreis, atque in ipsa flamma conuoluitur veruculo, vt sit modici temporis. Est autem, vt ex nomine ipso intelligi potest, feruentis, & futuræ materiæ spuma: Distat a Scoria, quo potest spuma distare a facie. Alterum purgantis se materiæ, alterum purgatæ vitium est. Hæc Plinius. Hodie duo tantum genera faciunt colore distincta: aureum & argenteum: Putant aureum ex aliqua mistione æris fieri, quod ab argento secernitur cum Plumbo. Argenteum, cum solum Plumbum ab argento separatur: Hoc candidius est, ad cinereum vergens, primum veluti ex squamis compactum videtur lucentibus colore flauo: alterum minutioribus scintillis constat colore magis diluto, vtrumque ponderosum, vnde iterum constari Plumbum possit, vt ex Cerussa, & Scoria & Plumbo vsto. Vim habet, vt Dioscorides tradit astringendi, molliendi: explet caua: reprimat excrescentia in carne: ad cicatricem ducit: refrigerat, & occludit. Præparatur autem vstione, & lotionem, qua dealbatur. Galenus inquit. Desiccat veluti omnia alia metallica, lapidea, terrenaque medicamenta: sed omnium moderatissimè, & secundum alias tum quali-

qualitates, tum facultates quodammodo in medio est, neque manifeste excalfaciens, neque refrigerans, modica tamen astringendi, abstergendique facultas ei inest. Quamobrem inferior est & sarcotcis medicamentis, quæ mediocriter extergunt, & contrahentibus atque astringentibus: utilis ad intertrigines femorum. Iure itaque mediij ordinis in metallicis habetur. Proinde ea frequenter utimur ceu materia, miscentes ijs, quæ valentem facultatem obtinent. Hæc Galenus. Illud peculiare huic inter metallica: nam cum olea soluitur, ut non sit opus cera ad Emplastri consistentiam. Intus verò assumpta venenum est, quod aliquando suo pondere intestina exulcerat, ut Dioscorides testatur. Cur verò exterius refrigeret, interius exulceret, explicauimus in argento viuo.

CAP. XXII.

Non absimilis natura videtur esse Molybdanæ, idest Plumbaginis, quæ & Galena appellata est, de qua Dioscorides inquit. Optima est flaua Lithargyro similis modice splendens, cum teritur, ruffa: cocta in oleo Hepatis colorem trahit: vitiosa, quæ colore aerem præ se fert, aut Plumbum. Gignitur ex auro, & argento. Est & fossilis ad Sebastianam & Corycum inuenta, quo in genere probatur, quæ non lapidosa est, nec Scoriam refert: flaua, & scintillans. Vim habet Lithargyri, & Scorix Plumbi. Vritur, & lauatur eodem modo. Galenus multam se conspexisse testatur in via proiectam ab artificibus. Eius temperamentum paulum quid recedit ad frigidum, in cæteris similem vim Lithargyro possidet. Manifeste tamen differre ponitur a Plinio. Inquit enim: quidam duo genera faciunt spumæ argenti, Sterelytida, & Pneumenem appellantes, quasi vnâ solidam, alteram inanem, tertium Molybdenam in Plumbo dicendam: de qua postea inquit. Est & Molybdæna, quam alibi Galenam vocauimus, plumbi, & argenti vena communis. Melior hæc, quanto magis aurei coloris, quantoq.

minus plumbosa, friabilis, & modicè grauis. Cocta cum oleo Iecinoris colorem trahit. Adhæret, & auri, & argenti fornacibus: & hanc metallicam vocant, laudatissima, quæ in Zephyrio fiat. Probantur minime terrenæ, minimeque lapidosæ, & reliqua vt Dioscorides. Alibi de Galena inquit. Excoqui non potest argentum, nisi cum Plumbo nigro, aut cum vena plumbi: Galenam vocant, quæ iuxta argenti venas plerumque reperitur. Eius qui primus fuit in fornacibus liquor Stannum appellatur, qui secundus argentum, qui remansit in fornacibus Galena, quæ portio est tertia addita venæ. Hæc rursus conflata, dat nigrum plumbum deductis partibus duabus. Ex his colligere licet, Molybdæ nam in primis fornacibus oriri ex vena communi. At Lithargyrus non nisi in secundis oritur, vt dictum est. Vnde non mirum, si vnâ cum Scoria proijciatur, vt ex Galeno habemus. Hæc igitur in fornacibus oritur. Fossilis autem ea fuerit, quam Plinius inquit, plerumque iuxta argenti venas reperiri, venam quandam Plumbi aut communem colore simili Lithargyro. Quæ oritur in fornacibus, squamis constat quasi auripigmenti, densa: Fossilis autem minutis granulis, pumicosa.

C A P. XXIII.

EXigit ratio, vt hic de vitro agamus, substantia enim similis est Scorijs metallorum, cum fusionem habeat similem: & cum fufum est, adhæreat, & trahatur instar visci: refrigeratum autem fragile reddatur: opposito modo quam metalla: nam hæc fusa nullis corporibus adhærent nisi sibi ipsis fufis, vt aqua aquæ, nec trahi possunt, sed diuiduntur in guttas: cum autem coagulata fuerint, non franguntur, sed dilatari, & flecti possunt, exceptis quibusdam vt visum est. Testatur autem Plinius, Principe Tiberio excogitatum vitri temperamentum, vt flexibile esset: & totam eius officinam abolitam, ne æris, argenti, auri metallis præcia detra-

detraherentur. Sed eam famam diu crebriorem quam certiore fuisse. Nisi enim restitatur humiditas metallica, impossibile est flecti, at illa nulli iungitur nisi sibi ipsi. Antiquiorem autem fuisse scoriarum inuentionem ad vasa formanda, quam vitri, indicant Obsidiana vitra, quæ non ex alia materia, quam ex scorijs metallorum constare videntur. Appellata verò sunt. Obsidiana ob similitudinem lapidis ab Obsidio inuenti nigerrimi coloris. Testatur enim Plinius antiquiorem materiæ Obsidianæ originem esse, quam vitri: repertam nanq. in Aegypto Obsidianam imaginem Menelai: Reperta quoque sunt fragmenta vasorum nigerrima duritie gemmas imitantia, quod Scoriæ faciunt, præsertim argenti. Varijs quoque coloribus Scoriæ reperiuntur, vnde forte & Murrhina vasa ab Oriente inuecta maximi præcij apud Romanos Imperatores ex hac materia cõstabant. Splendor his sine viribus, nitorque verius quam splendor, sed in præcio varietas colorum subinde circumagentibus se maculis in purpuram candoremque, & tertium ex vtroque ignescentem, veluti per transitum coloris purpuræ rubescente, aut lacte candescente. Sunt qui maxime in his laudent extremitates, & quosdam colorum percussus, quales in cælesti arcu spectantur. His maculæ pingues placent: translucere quicquam aut pallere vitium est. Item sales verrucæq. non eminentes, sed vt in corpore etiam plerunque sessiles. Aliqua & in odore commendatio est. Inueniuntur in pluribus locis maxime Parthici Regni præcipuè tamen in Carmania. Humorem putant sub terra calore densari, amplitudine nusquam paruos excedunt abacos, crassitudine, quanta vasi potorio satis sit. Expetita etiã sunt vasis escarijs. Hæc Plinius de Murrhinis. Dicta autem videntur a Myrrha, quia illam redolerent, vt lapis Myrrhites. Vitri autem origo casu reperta est, vt idem memoriæ mandauit. Cum mercatores nitri naue appulsa, in littore pararent escas in Syriæ Phænice, & pro lapidibus, quorum non erat copia, glebas nitri foco subdidissent ad ignem parandum: ecce liquato nitro,

& cum

& cum harenis commisto visi sunt riui fluxisse translucentes nobilis liquoris, & hanc fuisse tradunt originem vitri. Sed postea, vt est astuta & ingeniosa solertia, non solum nitrum admiscebant, sed & Magnetem lapidem, quia creditur trahere liquorem vitri vt ferrum. Nec solum ex harenis illis, sed etiam ex alijs calculis splendentibus, & Conchis, & harena fossili confici ceptum est. In India autem e Crytallo fracta, ideo nullum comparari Indico. Denique ex omni lapide, qui fundatur saltem ingenti igne, vt sunt Silices, addito nitro, quod humorem liquabilem ex lapidis crassitie extrahit, fit vitrum. Hodie aliud genus vitri conficiunt aptius ad id opus, ex cinere herbæ cuiusdam falsæ, quam Arabes Cali vocant, quod genus nitri Sodam vulgò appellant. Pro Magnete autem addunt Pseudomagnetem, quam Magnetiam vocat Albertus, vulgò autem Manganese. Hic certa mensura additus vitrum clarius reddit, si amplius purpureum. Ex harena & nitro fit massa, quam Plinius Hammonitrum appellat, hodie Fritta dicitur. Hæc in fornace funditur in vitrum. Non quælibet autem harena ad id apta est, sed alba & aspera: aut lapides in genere silicis comminuti. Summa laus vitri est in candore translucente proxima Crytalli similitudine, appellantque hoc genus Crytallum. Tingitur autem vitrum omni colore, nam fit in tincturæ genere Obsidianum, & ad escaria vasa totum rubens atq. non translucens Hæmatinon appellatum: fit album & Murrhinum, aut Hyacinthos Sapphirosq. imitatum, & omnibus alijs coloribus, vt nulla alia sit materia, qua melius adulterentur Gemmæ. Nam si ad lapidem Crytallinum comminutum in farinam pro nitro addatur triplum Sandycis, quod Minium vulgò appellant, funditur in vitrum Smaragdo tam simile, vt etiam peritos decipiat. Summa tamen ratio deprehendendi adulteratas gemmas est tactu linguæ: frigidiores enim synceræ sentiuntur. Vitri vsus præsertim Crytallini ad vasa patoria pepulit argenti & auri metalla: nullus odor nec sapor ex eo communicatur: a nullo vincitur liquore, ni-

re, nihilq. transpirat: ideo alia nulla aptior materia ad liquores continendos. Solum repentino frigore aut calore frangitur, & ictu. Galenus, & Arabes ad medicinæ vsum transtulerunt. Nam Serapio de illo inquit: vnum lapidosum esse, alterum harenarium, Liquari cum Magnete: assumere omnes colores, vnde stulto assimilatur: facile in igne liquari, in ambiente autem citissimè congelari in lapidem. Crystallum præterea esse vitri speciem sed fossilem: vitri temperamentum esse calidum in primo gradu, siccum in secundo: excipi in multis collirijs: tollere porriginem & fursures, lenes capillos & barbam efficere: assumptum cum vino tenui calculos vesicæ valenter confringere: conferre pulmoni & casui capillorum. Galenus vitrum cum Ophite coniungit. Habet, inquit, Ophites vim abstergendi confringendique, ceuetiam vitrum. Hoc enim ex vino albo ac tenui epotum, lapides vesicæ admodum conterit, atque confringit: verum ipsum in lapidibus quispiam forte non numeret. Videtur autem per Ophitem intelligere non genus marmoris, quod apud Dioscoridem habetur, non enim conveniunt facultates: sed Murrhinum a Plinio vocatum, quod paulo ante recensuimus: coloris enim varietate, ac maculis serpentes æmulatur. Nec prohibet Murrhinum quidem effodi, vitrum autem arte parari. Nam incendijs subterraneis eadem fieri possunt, quæ in fornacibus fiunt: Murrhinum autem esse humorem calore densatum sub terra testatur Plinius. Vtrum verò Serapio veram crystallum gemmam vitrum fossile existimaverit, an illi similè vitri modo fusibilem incompertū est. De vitro Auicenna inquit, valentius esse, si aduratur, sic enim exhiberi ad lapidem frangendū, vnde conficitur electuarium de cineribus ad vsum prædictum. Sed modus vrendi per difficilis est, nam in igne nō comburitur liquor huiusmodi. Ideo recentiores modū hunc observarunt faciliorem: Illinunt picce liquida, deinde inter carbones vrunt, donec ignitum appareat, postea exemptum extinguunt in aqua, & abluunt, quod opus septies repetunt: sic enim in cinerem facile cōminuitur.

C A P. XXIIII.

DVm excoquuntur metalla, pars quidem terrestrior & feculenta abijt in scorias, de quibus dictum est, pars vero aerea & exhalabilis sublimatur, quæ si adhæreat parietibus, aut partibus superioribus fornacum, concrefcit instar fuliginis in Cadmiam, Pompholygem, & Spodium, de quibus superest, vt dicamus. Cadmia oritur in primis fornacibus, in quibus venæ excoquuntur Aeris aut argenti. Est autem substantia lapidosa agglomerata secundum crustas, aut racematim. Dioscorides quatuor genera tradit. Optima Cypria Botrytis appellata, quasi racemosa, densa, modice gsavis & in leuitatem declinans, superficie racemosa, colore exterius cinereo, interius, si frangatur, cinerulenta, & Aeruginosa. Proxima habetur foris cærulea, intus candidior intercurfantibus venis Onychite similibus: tales enim sunt, quæ ex veteribus metallis habentur: hæc Onychitis vocatur. Tertia Placodes, idest crustosa dicitur, segmentis quibusdam quasi Zonis cincta, vnde & Zonitis appellata est. Quarta Ostracitis nominatur, macilenta, & magna ex parte nigra, terrestris, superficie testacea, improbatur candida. Duæ priores ad oculorum medicamenta vtilēs, reliquæ ad Emplastra, & pulueres, quæ cicatricibus inducendis insperguntur: ad quæ probatur Cypria: nam quæ ex Macedonia, Thracia, & Hispania deferuntur, damnantur. Oriri hæc genera idem Dioscorides tradit ex Aere in fornacibus candente fuligine egesta flatu, & adhærente lateribus, camerisq. fornacum: ferreis quoque rudibus inhærere, & cum spissius insident, in corpus concrefcere, vnde modo vnum genus, modo duo, modo omnia perfici. Fieri & in argenti fornacibus candidiorem, ac minus ponderosam, sed viribus non comparandam Aerariæ. Parari etiam in Cypro ex Pyrite lapide cremato. Reperiri quoque fossilem: lapidem in fodinis similem Cadmiæ, sed sine viribus. Dignosci leuitate,

nam

nam hic leuior Cadmia, nullo sapore alieno, manducatus dentes offendit, at Cadmia cedit, esum non respuit, in farinam detrita, & aceto subacta, & in Sole siccata coit, quod lapidi non contingit. In igne quoque depræhendi: nam lapis detritus profilit, & fumum igni similem edit: Cadmia verò quieta manet, fuliginemq. luteo colore aut Aereo splendenter expuit vario Zonarum discursu. Item lapis ignitus & refrigeratus colorem mutat, ac leuior multo fit. Cadmia nihil horum patitur, nisi multis diebus cremetur. De hoc lapide diximus in Pyrite. Vritur autem Cadmia, vt præparetur, obruta carbonibus donec lucida fiat, & bullas attollat, vt ferri scoria: mox extinguitur vino Amnæo, quo modo ad Emplastra præparatur: alioqui ex aceto ad Psoras. Repetunt alij vstiones in sicili, donec prorsus in cinerem redigatur sine vlla scabritia, qua vice Spodij vtuntur. Lauatur autem trita in mortario & aqua effusa, donec nihil fordis remaneat, dein siccata cogitur in pastillos. Hæc apud Dioscoridem. Plinius Cadmias fornacum hoc modo distribuit. Quædam tenuissima est in ipso fornacum ore, qua flammæ eructantur, appellata Capnitis, exusta, & nimia leuitate similis fauilla. Interior optima cameris dependens, & ab eo argumêto Botryitis cognominata: ponderosior hæc priore, leuior porro secuturis. Duo eius colores. Deterior cinereus, puniceus melior, friabilis, oculorumque medicamentis vtilissima. Tertia est in lateribus fornacium, quæ propter grauitatem ad cameras peruenire non potuit. Hæc dicitur Placitis, & ipsa ab argumento, crusta verius quam Pumex, intus varia, ad Psoras vtilior, & ad cicatrices trahendas. Fluunt ex ea duo alia genera: Onychitis extra pene Cærulea, intus Onychis maculis similis. Ostracitis tota nigra, & cæterarum sordidissima, vulneribus maxime vtilis. Plinius igitur præter quatuor genera a Dioscoride tradita, addit Capnitim, quæ potius ad Pompholygem redigenda est vt inferius patebit. Galenus Cadmiam vnam fossilem esse tradit, repertam in Cypro lapidosam, omni alia Cad-

mia præstantiorem : duas in fornacibus Botryitim & Placitim , illâ in editioribus domorum partibus collectam : Placitim verò in inferioribus. Ideo Botryitim tenuiorum partium esse, crassiorum vero Placitim. Vtranque vi desiccandi præditam & mediocriter extergendi. Attamen quæ in fornacibus colligitur, igneæ facultatis aliquid habere, meritò itaq. lauantes eam medicamentum efficere mediocriter tum desiccans tum extergens absque mordicatione, vtile ad vlcerâ impletionem carnis exposcentia, & in oculis, & in toto corpore. At cum Galenus non meminerit Onychitis, quæ inter præstantes ponitur a Dioscoride, suspitionem affert, ne hanc per fossilem intellexerit, quam cæteris præstantiorem repertam scribit. Forte & Dioscorides innuit hanc fossilem esse, cum inquit: huiusmodi enim sunt, quæ ex veteribus metallis effodiuntur, idest fodinis antiquis: quod si per vetera metalla, intellexisset æs collectaneum, cum iterum conflatur: non dixisset effodi, sed parari aut effici per sublimationem. Lapidem hodie habemus vel potius terram lapidosam, grauem, colore candido cum pallore quodam: Calaminam, seu lapidem calaminarem vocant, vulgo Giallaminam, quam fusores Aeri admiscunt, vt aurichalcum fiat: funditur enim cum eo, colorat, & pondus adauget, cum per se non fundatur, sed comburitur, & euanescit in fumum, qui noxius est, stuporem inferens, paralytim, & spirandi difficultatem. Oritur in Germania iuxta fodinas Plumbi, & in Italia prope Comum, & alibi. Quamuis incertum est an hic lapis in Cypro oriretur, quia tamen candorem Onychis habet non absurdum fuerit si Onychitis Cadmia censeatur: cæruleus autem color, quem in superficie habere testatur Dioscorides, forte in fornacibus acquiritur, vt duplici ratione ex eadem materia Cadmiam habeamus, fossilem vt pote rudem, & in fornacibus sublimatam. Nam & Plinius lapidem ex quo æs conflatur Cadmiam vocat fusuris necessariam, vnde rursus in fornacibus aliam sui nominis originem recipit. Aliam Cadmiam fossilem habemus testaceam, & nigram,

gram, de qua inter Pyritas diximus vocari a Plinio Pyritem viuum: Sic & Ostracitis inter fossiles fuerit. Vtrum verò Galenus hoc tulerit e Cypro, vt scribit, an lapidem Calaminarem, non est quod perquiramus. Arabes Climian vocant, tradentes & fossilem, & fornacum: Auicenna Botryitim vocat Climiam auri, reliquas argenti. Affertur hodie Cadmia fornacum sub nomine Tutia Alexandrinae similis corticibus arborum, intus lenis sublutea, exterius granulosa instar racemi admodum minutis granulis cinerei coloris, aliquando ad cæruleum vergentis, grauis, & sonora: ex forma autem cognoscitur adhæsisse ferreis hastis: hæc pro Botryite accipitur, alia porro affertur crustosa, aspera, & nigrior, quæ improbatur.

C A P. . . . X X V.

Pompholyx autem & Spodium differunt a Cadmia substantiæ tenuitate, non enim condensantur in solidum corpus, vt Cadmia, sed in tenuem farinam parietibus adhærentem. Oriuntur ex eadem materia non in primis fornacibus, sed vbiæ perficitur, aut vbi Cadmia crematur, aut vtrumque. Differunt inter se Pompholyx, & Spodium, vt tenuior Cadmia a crassiore distabat. Pompholyx enim vtpote constans ex leuiori, ac tenuiori fuligine, circa summas fornacis partes heret, & aliquando agglutinatur primo instar bullarum, vnde nomen accepit, deinde facto incremento ad similitudinem velleris, substantia pingui adeoq. leui vt euolare in auram possit: colore candido, aut ad cæruleum vergente. Spodium autem seu Spodos, dicta quasi Cinerulla, vt pote grauior, circa imas partes, & in ipso pauimento, quod fornaci superstat, colligitur in puluerem colore nigricante. Dioscorides de ijs inquit. Pompholyx specie distat a Spodio: siquidem hoc nigricat, & plerumq. ponderosius est, intermissis paleis, pilisq. quasi purgamentum quoddam. quod a pauimentis & fornacibus artifices Aerarij euerrunt, Pompholyx autem pinguis est, & candida, vsq. adeo leuis vt

in auras euolare possit: cuius duo genera, vnum ad aeris colorem vergens, subpingue: alterum magnopere candidum, summamq. leuitatem nastum. Candida fit Pompholyx, quoties fabri in ære perficiendo detritam Cadmiam cumulatius insperferint: candidissima enim fauilla, quæ effertur ab ea, in Pompholygem transit. Non solum autem ex æris coctione, & artificis industria paratur, sed etiam ex Cadmia per se folliis perflata in furno, & domo ad id opus constructis. Pars enim tenuis, & leuis in summam domum euolat & parietibus, tectis, fornaciq. adhærescit, constituens inter initia veluti bullas aquarum, postea incremento facto, velut glomuscula vellerum. Ponderosius autem in ima loca se recipit, partim fornacibus adhærens, partim in domus pauimento, quod deterius existimatum est altero tenuiori, quia multum terræ collegerit ex aceruata immunditia. Optimum creditur Cyprium, quod accepto aceto halitus æris præstat colore aliquantum piceo, sapore cœni horrido: & si fraudem non est expertum, flagranti carboni impositum aeris colorem contrahit. Antedictis autem notis diligenter attendendum est: siquidem in nonnullis adulteratur glutine taurino, pulmone Ouillo, aut marino, aut grossis crematis, & alijs similibus: quod facile deprehenditur, quia nulla ex prædictis signis apparent. Fit quoq. Spodium ex auro, & argento, & Plumbo. Post Cyprium autem Plumbeum maximè commédatur. Fiunt & Antispodia diuersa, quæ Spodij vice assumuntur ex crematis Myrthi folijs cum floribus & fructibus immaturis, aut ex oleæ germinibus cum floribus: aut Oleastro, malis cotoneis, Gallis, linteolis laceratis, moris immaturis candidis in Sole siccatis, & alijs multis, modum præterea lauandi in communi tradit, & vires, nunc Pompholygem vocans, nunc Spodon, pro eodē accipiens vtrumq. nomen, vt patet legenti. Intentio autem est in lotionē separare, & harenosam substantiam, quæ non soluitur in aqua, sed suo pondore sidit, & pilos, & paleas quæ supernatant, vt tantum limosa substantia assumatur, & pinguis, quam siccata recondunt. Hanc si libeat

libeat torrere, diligenter tritam, & irrigatam aqua, colligi iubet in pastillos, fistilique nouo subiectis leuibus prunis orbiculos continuo versari, donec siccati fuluecant. Vires autem habere astingendi, refrigerandi, explendi, abstergendi, obstruendi, & aliquantum exsiccandi: numerari inter medicamenta, quæ leuiter crustas obducunt. Galenus eundem generandi modum Pompholygis, & Spodij se vidisse testatur in Cypro. Excipi fauillam camera incurua nusquam pertusa, quæ in Pompholygem transibat: at quod reflectens in pauimentum recidebat, Spodon esse, quam vocant: quæ plurima colligi solet, vbi æs in fornacibus vritur: quidam Spodium, neutro genere pronunciant: cui similem facultatem habet Antispodium. At se nunquam vsum esse spodio nec Antispodio, cum Pompholygis copia large suppeteret. Est autem Pompholyx medicamentum prope omnium præstantissimum, quæ citra morsum desiccant, si lota fuerit. Plinius de ijs varias affert sententias: nam primo inquit. Oriri in Aerarijs quæ vocant Pompholygem & Spodion. Differentia, quod Pompholyx lotura paratur, Spodios illota est. Deinde recenset quæ a Dioscoride traduntur. Tandem de Spodio Cypria inquit. Fit liquefcentibus Cadmia, & Aerario lapide: leuissime hæc efflatur, & ocyus, euolatq. e fornacibus, & testis adhærescit, a fuligine distans candore. Quod minus candidum ex ea, immaturæ fornacis argumentum, hoc quidam Pompholygem vocant: quod vero rubicundum ex ijs inuenitur, acriorē vim habet, exulceratque, adeo vt cum lauatur, si oculos attingat excēcet. Est & mellei coloris Spodios, in qua plurimum æris intelligitur. Sed quodcumq. genus lauando fit vtilius. Et alibi inquit: fieri spodium ex plumbo eodem modo, quo ex Cyprio Aere dictum est, lauaturq. simili modo. Arabes Tutiam vocant, quod nomē hodie vulgo retinetur etiam in Cadmia. At Serapio affert quoddam genus fossile. Inquit enim: ex ea quædam est, quæ inuenitur in fodinis, alia verò fit in fornacibus, in quibus æs tingitur luteo colore, & colligitur, & reponitur vt Cadmia. Fossilis tres sunt species: nam quædam est alba

alba, quædam viridis, quædam lutea rubore aspersa. Fodiuntur in India in littoribus maris: & melior omnium est alba, quæ cum aspicitur, videtur sale aspersa: post ipsam est lutea. Sed in viridi est asperitas, & est perforata, quæ defertur ex maritimis Syriæ: alba est tenuior, viridis crassior, quam quæ in fornacibus reperitur. Deinde explicans Tutiam fornacum affert historiam Dioscoridis, & Galeni de Pompholyge, & Spodio. Puto autem ipsum intelligere per fossilem aliquid simile lapidi Calaminari, quæ in genere Cadmiæ posuimus: color enim albus & luteus inest. Confusa verò historia eiusdem est apud Auicennam, cum dicat: Tutiam fumum esse, qui sublimatur, succudum autem quod residet in fundo, nec sublimatur: nisi velit per succudum intelligere Spodium, quod non altius ascendit. Succudum etiam vocat, quod ex ablutione Tutie aggregatur sub aqua. Hodie tam Pompholyx quam Spodium ex Germania habetur cineri simile, & consistentia & colore, Tutiam Germanicam vocant: apud eos Nil vocatur, unde cessit in iocum: nil oculis prodest, sed commodius, & syncerius in officinis Aerarijs haberi potest, in quibus æs funditur. Cinis enim quidam candidus aut aliorum colorum non solum fornaci sed & parietibus adhæret ad similitudinem floris farinæ: nemo tamen colligit, sed inter immunditias verritur. Aliquando optima Pompholyx reperitur agglomentata instar flocci candidi modico cæruleo aspersi sub Crucibuli operculo, in quo aurichalcum fuderint, fumus enim lapidis Calaminaris candidus est. Sed circa verbum Spodium cauere oportet; æquiūcum enim est, apud Arabes vel potius apud Arabum interpretes, significans radices quasdam adustas, vocant Spodium de Canna, de quo diximus in Plantis: medicamentum intus propinandum ad Syncope, Candalgiam, & alia multa, ut scribitur ab Auicenna, & Serapione. At Metallica, de quibus diximus intus assumpta necem afferunt:

REGESTVM.


a b ABCDEFGHIKLMNOPQRSTUVWXYZ
Aa Bb Cc Dd Ee.


Omnia sunt folia.


R O M AE,


Ex Typographia Aloysij Zannetti. M.D. XCVI.

SVPERIORVM PERMISSV.






















SPECIAL

85-B
15789

GETTY CENTER LIBRARY

